

NAZIONALE

B. Prov.

X

440

NAPOLI

BIBLIOTECA

VITT. EM. III

21486

B 69

UL. H. 39

~~1-2-19~~

B. Poir.


X

440

~~137~~

~~2~~

~~15~~





---

N O V A  
S T A T I C E S  
E L E M E N T A,

---







Johannes Altmann inv. & sc.

357  
643252

# ELEMENTA STATICES IN TYRONUM GRATIAM

*tumultuario studio*

CONCINNATA,

AUCTORE

NICOLAO DE MARTINO

*In Illustri Lyceo Neapolitano*

MATHEMATUM PROFESSORE.



NEAPOLI MDCCXXVII.  
Typis, & expensis Felicis Mosca,  
*Superioribus annuentibus.*





PRÆCLARISSIMO VIRO  
NICOLAO CYRILLO

*In Illustri Lyceo Neapolitano*  
PRIMARIO MEDICINÆ PROFESSORI.



*U*lum primum cogitatio  
mibi subiit, edendi in  
commodum, & usum  
studiosæ nostræ Juven-  
tutis Elementa ista  
Statices, statim ad quærendum ex  
more Patronum aliquem, sub cu-  
jus

91  
jus auspiciis tutò possent lacem ad-  
spicere, Animum appuli. In eo an-  
tem inveniendo non adeo laboravi.  
Subinde enim Nomen Tuum, Vir  
Eximie, Academiae, Genti, & Aëvo  
singulari est planè ornamento, ut  
illicò Tui sese mihi obtulerit con-  
templatio, ubi rem istam Animo  
mecum revolvebam. Illud potius  
pertimescendum mihi esset, nè  
vitio mihi verteretur, quòd Tan-  
tum Virum exiguo isto libello, non  
alià forsitan re, quàm argumen-  
ti sui magnitudine, commendando,  
auferim compellere. Neque enim  
adeò hebes à Natura ingenium na-  
ctus sum, ut ipse quoque non  
videam, opusculum istud longè  
infra tuam dignitatem subsistere.  
Namque, sive solidam reputem  
rerum, qua polles, cognitionem,  
non ullis coarctatam terminis, sed  
adeò



adeò latè patentem, ut ea, quæ à munere tuo procul esse videntur, primum in illa locum obtineant; sive præclaras animi tui dotes considerem, quæ tales, tantæque sunt, ut ad eas pro dignitate pertexendas vix primi Oratoris vires sufficerent: non possum candido non pudore suffundi, quod præsens Opusculum Nomini Tuo dicatum in lucem depromam. Et ultrò quidem à tanto conatu destitissem, nisi ad id audendum me impulisset summa humanitas tua, qua factum, ut posthabitis gravioribus curis non dedignatus es Opusculi hujus primas paginas oculis, & animo perlustrare. Neminem etenim latet, quòd sicuti in humanis, quas vocant, litteris eos omnes, qui hoc nostro Cælo suum illis dedere,

*nomen ; longè antecellis ; ita &*  
*humanitate Te ipsam vincas , ac*  
*superes . Et hoc quidem argu-*  
*mento cuique esse potest , eam,*  
*quam profiteris , eruditionem ,*  
*non fictam esse , ac simulatam,*  
*sed veram , ac solidam , dignamque*  
*Viro , qui Christiani Nominis men-*  
*suram gestit implere . Neque enim*  
*ex eorum numero es , qui statim ac*  
*è Vulgi sordibus sunt educti , &*  
*totâ Urbe probatos se esse sentiunt,*  
*non omnium Hominum sustinent ad-*  
*spectum , refugiuntque illos , quos si-*  
*bi ipsis indignos esse mendosè pu-*  
*tant , tristi etiam supercilio eosdem*  
*intuentur ; quin tanta in Te est*  
*comitas , tanta benignitas , ut ne-*  
*mo tam humilis existat , cui ad*  
*consuetudinem , & familiaritatem*  
*tuam facilis accessus , aditusque*  
*non pateat . Argumentum etiam ip-*  
*sius*

*fius Opusculi non leviter me impu-  
lit , ut Tuum ei Nomen inscri-  
berem : nempe quòd Sanioris  
Philosophiæ specimen exhibens ,  
nequeat Tibi gratiæ , & oble-  
tamento non esse . Neminem quip-  
pe Gentium latere arbitror , quan-  
tum Operæ illustrandæ Philosophiæ  
Naturali quotidie conferas , dum  
publicis tuis prælectionibus , non  
modò illam à barbarie vindicare ,  
sed eandem ita quoque cum Ma-  
thesi conjunctam ostendere studes ,  
ut satis sit Te ex Cathedra præle-  
gentem audire , quòd cuique pateat ,  
immane quantum Mathesis Natu-  
ralibus conducatur Disciplinis . Id  
testatur maximus ille ardor , qui  
in illustri nostro Lyceo circa Disci-  
plinas Mathematicas nostris hîsce  
temporibus studiosæ incessit Ju-  
ventuti : Neque enim aliunde na-*

ta cupido illa, quàm quia Naturali  
Philosophiam ex Mathematici  
amicè pendere cunctis in diem osten-  
dis. Sed & nostra res hasce per-  
tractandi ratio, quàm novi Tibi  
non displicere, in causa quoque  
fuit, ut Tui Nominis splendore  
libellum istum, undique tenebris  
circumseptum, auferim illustrare.  
Etsi enim naturæ arcana nullo mo-  
do rimari Nos posse, nisi Mathematicos  
beneficio, & Tibi, & aliis per-  
suadeas; eos tamen, qui causis  
physicis omninò neglectis, ad  
Mathesim toti confugiunt, haud æ-  
quo animo ferendos esse arbitraris,  
ut qui non tam Philosophiam Na-  
turalem tradere, quàm Mathe-  
sim ipsam abstractam, & à re-  
rum natura præcisam excolere vi-  
dentur. Id igitur vitii quum ex  
ipsa Tui sententia studuerim in hoc  
Opuscu-

Opusculo præcavere, facile Auctor  
 ipse mihi fui, laborem hunc meum  
 non adeò fore Tibi displiciturum,  
 nec adeò Te mihi succensurum,  
 quod Nomen Tuum præseferat. Cæ-  
 terùm, si hac in re summoperè à me  
 peccatum existimes, memoria reco-  
 las velim, maximam culpæ partem  
 Te ipsum sustinere, ut qui rerum  
 optimarum æstimator quidem exi-  
 mius, nugis nostris paulò impen-  
 sius faves. Vale.

Tui

Addiſſimus Famulus  
 Nicolaus de Martino.

## EMINENTISSIMO SIGNORE

**F** Elice Mosca , supplicando , espone à V.E. , come desidera dare alle stampe un' Opera Matematica intitolata : *Elementa Statices in Tyronum gratiam conscripta*; composta dal Sig. D. Nicolò di Martino, Pubblico Lettore di Matematica in questa Università di Napoli . La supplica per tanto à commettere la Censura di essa à chi meglio li parerà , e l'averà à grazia , ut Deus.

*Rev. D. Joseph Bonocore Philosophiæ, & Matheseos Praelector in Venerabili Seminario Archiepiscopali, revideat, & referat. Neap. 23. Februarii 1726.*

ANTONIUS CANONICUS CASTELLI  
VICARIUS GENERALIS.

D.P.M.Giptius Canonicus super editione librorum Deputatus.

## EMINENTISSIME DOMINE

**Q**uod mihi imperasti, ut nova hæc *Elementa Statices in Tyronum gratiam conscripta* perlegerem, id eâ, qua potui, diligentia executus sum. Nihil equidem in iis inveni, quod vel Religioni, vel moribus Christianis adversetur; multa verò, quibus non Tyronum modo ingenia excolantur, sed etiam oblectentur eorum, qui se diu multumque in ejusmodi studiis exercuerunt, ob summam in rebus difficilissimis perspicuitatem cum brevitate doctissimi Auctoris miro studio, industriaque conjunctam. Quamobrem è re publicâ esse maxime censeo, si typis edita divulgentur, nisi tamen Eminentia Tuæ aliter videatur. Ex Aedibus Seminaril. ix. Cal. Martias, Eminentia Tuæ.

*Additis. atque obsequentis. Servus*  
Joseph Buonocore.

*Attenta supradicta relatione Imprimatur.*  
Neap. 22. Maji 1726.

ANTONIUS CANONICUS CASTELLI  
VICARIUS GENERALIS.

D. P. M. Giptius Can. Dep.  
EMI.

## EMINENTISSIMO SIGNORE.

**F** Elice Mosca, supplicando, espone à V. E., come desidera dare alle stampe un' Opera Matematica intitolata: *Statices Elementa in Tyronum gratiam conscripta*, composta dal Sig. D. Nicolò di Martino, Pubblico Professore di Matematica in questa Regia Università di Napoli. La supplica per tanto à commettere la Censura di esso à chi meglio li parerà, e l'averà à grazia ut Deus.

*Rev. D. Jacobus Grazini videat, & in scriptis referat.*

MAZZACCARA REG. ALVAREZ REG.  
PISACANE REG. CRIVELLI REG.  
VENTURA REG.

*Provisum per S. E. Neap. die 26. Martii*  
1726.

Rinaldus.

## EMINENTISSIME PRINCEPS.

**O** Pus Mathematicum Elementorum Statices compositum à D. Nicolao de Martino in nostro Lyceo Mathesecos Antecessore mihi Eminentiae Tuae Imperio censuræ causa commissum, dignum profecto est,



est, ut in bonum cupidæ Scientiarum Juventutis, cui dirigitur, & in Civitatis hujus ornamentum in publicam lucem exeat. In eo enim, non solum nihil continetur, quod Principis jura, bonosque mores lædat, sed à Præstantissimo Auctore ità illustriora superioris, & hujus ævi inventa Staticam Scientiam spectantia suis verè sublimibus excogitatis concinnè copulantur, ut methodi mirabili uniformitate, & perspicuitate ab una eâdemque Mente omnia primitus prodiisse videantur. Opus præterea absolutissimum est, ut non tantum elementi, quemadmodum modestissimus Auctor scripsit, sed Staticæ Disciplinæ plenissimi commentarii loco haberi mereatur. Neapoli die 28. Aprilis. 1626.

*Additissimus famulus*  
Jacobus Grazini.

*Visa dicta relatione imprimatur, verùm in publicatione servetur Regia Pragmatica.*

ALVAREZ REG. PISACANE REG.  
CRIVELLI REG. THOMASI REG.  
VENTURA REG.

*Provisum per S.Em. Neapoli die 29. Januarii 1727.*

Rinaldus.

AD

**Q**Uamquam, Benevole Lector, Typorum correctioni Egomet operam dederim, adhuc tamen in Opusculi hujus additionem sphalmata nonnulla irrepserunt. Quæ mihi inter legendum sese obtulere, ea sunt, quæ sequuntur; sed alia fortasse erunt, quæ Mibi, rebus potius, quàm verbis attento, nequaquam innotuerunt. Itaque, quemadmodum ista ut calamo corrigere velis, Benigne Lector, priusquam Opusculi lectionem aggrediaris, etiam atque etiam rogo; sic alia humanitati tuæ corrigenda relinquo.

Pag. 7. lin. 15. pro resolutione leg. revolutione.

Pag. 12. lin. 2. pro A. leg. C.

Pag. 64. lin. 18. pro Philosophi leg. Philosophi.

Pag. 65. lin. 21. pro perseverandi leg. prosequendi.

Pag. 75. lin. 3. pro PRV. leg. PRO.

Pag. 131. lin. 15. pro MNO leg. MON.

Pag. 134. lin. 3. pro MNO leg. MON.

Pag. 229. lin. 2. pro CD. leg. cD.

Pag. 241. lin. 18. pro B. leg. A.

Pag. 472. lin. 30. pro AM leg. AP.

xvij  
PRÆFATIO.

---



Universam Physiologiam ex  
Mathesi unicè pendere, nec  
naturæ arcana ullo modo  
rimari posse, nisi Mathe-  
seos beneficio, notius est,  
quàm ut possit inficiari: &  
præsertim nostris hiscè tem-

poribus, in quibus missis, non modò formis  
substantialibus, & rerum, qualitatibus oc-  
cultis, in quibus posita erat summa Philo-  
sophiæ Scholasticæ, ab Aristotele, & Ara-  
bibus derivatæ, verùm etiam fictis, & ina-  
nibus hypothesebus, quibus plus æquo in-  
dulgebant Cartesiani, singula naturæ phæ-  
nomana ad leges mathematicas exiguntur.

Veritatem istam norunt ipsimet Vete-  
res, quippe qui, si Pappo præstanda fides,  
in rerum naturalium investigatione pluri-  
mi Mechanicam faciebant: potissimum au-  
tem magnus Archimedes, qui præter geo-  
metrica sui monumenta, nullo non tempore  
celebranda, & quamplurima inventa me-  
chanica, quæ magnum ei nomen apud Re-  
gem Syracusanum compararunt; scripsit  
etiam libros de æquiponderantibus, & insi-  
den-

dentibus humido , in quibus Statices , Hydrostaticesque rudimenta reclusit , & ex quibus omnis sanior Physiologia est deducenda.

Verùm enim verò præclara ab Archimede in Philosophiam Naturalem sparsa semina diù sterilia jacuere , usque dum Galilæus Galilæi, Magni Hetruriæ Ducis Mathematicus Celeberrimus , illa eadem sæcundata ad auras revocavit . Nam reseratis rursus clavi geometricæ naturæ claustris , non aliam philosophandi rationem Lynceus iste Philosophus sectandam sibi proposuit, quàm quæ mechanicis innitur fundamentis . Unde non modo Principia Archimedeæ luculenter exposuit, sed novam quoque sibi condidit de motu scientiam , veramque itidem methodum Philosophis aperuit , qua rerum causæ mechanicæ sint indagandæ.

Et quidem , tametsi Veteres summopere Mechanicam excoluerint , ejusque fructus uberrimos, non in vicâ civili tantum, verùm etiam in rebus naturalibus degustaverint; vastissimæ tamen scientiæ de motu corporum , ad ritè philosophandum apprimè necessariæ , non alius velut Antesignanus haberi debet , quàm Galilæus Galilæi . Fatebantur etenim Veteres , naturam esse principium motus , & quietis; atque aded ignorato motu , naturam ignorari . Verùm circa motum solum, ferè nomen ipsis innotuit, inde

indeque factum, ut nec etiam genuina Mechanices principia in comperto habuerint.

Primus itaque Galilæus scientiam istam de motu tradere aggressus est. Sed Mathematicorum more neglexit quæstiones illas abstractas, ex quibus nullus in rebus physicis usus eruitur, quæque potius ad Metaphysicam sunt relegandæ; cuiusmodi sunt illæ, quæ pertinent ad naturam, & originem motus. Quid enim fit motus, maluit supponere, quàm accuratâ definitione prosequi. Est quippe motus ex earum rerum numero, quas nemo non intelligit; sed quas velut simplices, & in suo genere primas nemo potest accuratè definire.

Similiter, neque etiam causam, sive originē motus inquirere studuit. Enim verò ad agendum more mathematico de motu corporum, satis est, quod detur, aut dari possit motus in hac universitate rerum. Et quāquam nonnulli eò pervenerint insanix, ut motum omnem, tamquam rem impossibilem, à corporibus sustulerint, & argutias quasdam proposuerint, quibus illius impossibilitatem adstruere sibi visi sunt; digni tamen sunt potius, ut risu excipiantur, quàm ut iis refellendis tempus teratur inutiliter.

Jam motus omnis, vel est æquabilis, vel variabilis. Dicitur motus æquabilis, cujus quantitas eadem perpetuò manet; dicitur,

variabilis, cujus quãtitas mutatur indefinēter. Interim Galilæus aperuit quidem nobis principaliora motus æquabilis symptomatã; verum quantum ad motum variabilem, rem non generaliter pertractavit; sed ejus tantum variabilis motus affectiones erudito orbi impertivit, qui æqualibus temporis particulis æqualia patitur velocitatis incrementa, vel decrementa, quemque proinde motum æquabiliter acceleratum, vel retardatum appellavit.

Nimirum existimabat Vir Clarissimus, vim, quam dicimus gravitatis, agere in corpora gravia eãdem semper, & constanti ratione; adeoque motum gravium esse æquabiliter acceleratum in descensu, æquabiliter retardatum in ascensu. Quocirca, etsi tam accelerati, quàm retardati motus infinitæ esse possint variationes; quia tamen in hac rerum universitate locum tantum habere credidit motum æquabiliter acceleratum, vel retardatum: hinc factum, ut de istâ tantum specie motus variabilis agendum sibi proposuerit.

Non abludere autem à vero istiusmodi hypothesim, quod vis gravitatis agat in corpora gravia eãdem semper, & constanti ratione; confirmarunt deinde experimenta tum ipsius Galilæi, cum Hugenii, & Ricciolii. Unde, etsi Veteribus innotuerit, *gravia*

via inter descendendum naturalem suum motum accelerare, quum illud satis superque quotidiana edoceat experientia; attamen, quodd motus ille subinde acceleretur, ut spatia æqualibus temporibus descripta sint velut numeri impares, ab unitate se consequentes, eademque ab initio motus computata sint in duplicatâ temporum ratione: id quidem feracissimo Galilæi ingenio debetur.

De motu porro gravium egit Galilæus, tam quum descendunt per plana verticalia, sive recta ad horizontem, quàm quum descendunt per plana utcumque ad horizontem inclinata. Et quamquam in demonstrandis legibus descensus per plana inclinata supposuerit, gradus velocitatis ejusdem mobilis, per diversas planorum inclinationes acquisitos, tunc esse æquales, quum eorundem planorum elevationes, seu altitudines æquales sunt; non defuerunt tamen deinceps Viri præstantissimi, qui principium istud suâ etiam ratione demonstrarunt, & Galilæi aded doctrinam de descensu gravium ab hac labe vindicarunt.

Præterea idem Galilæus aperuit etiam leges descensus, quum grave corpus vi gravitatis fertur per plura plana contigua, diversimodè ad horizontem inclinata; verum in hypothese, quod concursus planorum non

impediat motum gravis descendētis; sed tantum ejus directionem mutet. Interim, quia hypothesis ista multum abest, ut tutum possit in Physicam admitti; ab eā discessit Clarissimus Varignonius, rationemque determinavit, quam velocitas in descensu per planum primum acquisita habet ad eam, cum qua ingreditur planum alterum: nempe quodd sit, ut radius, sive sinus totus ad sinum complementi ejus anguli, quem mutuo occurso plana constituunt.

Ex doctrinā de descensu gravium plura alia collegit Galilæus, eaque Veteribus prorsus ignota. Nimirum primò leges, quæ observari debent in motu pendulorum, per arcus circulares oscillantium, puta quodd pendulum eundo, & redeundo continuas oscillationes perficere debeat; quodd velocitas penduli in puncto infimo sit, ut subtensa arcus, quem descendendo describit; quodd tempora oscillationum duorum pendulorum, in similes arcus excurrentium, sint in subduplicatâ ratione suarum longitudinum; & denique, quodd ejusdem penduli vibrationes exiguæ, etsi inæquales, ad sensum sint isochronæ, sive æquiditurnæ.

Postremæ legis beneficio adhibuit primus omnium Galilæus pendula in observationibus physicis, & astronomicis, quæ accuratam temporis mensuram requirunt. Ejus  
exemplum



exemplo ductus Hugenius horologia ipsa automata pendulis extruxit, & experientia comprobavit, ejuscemodi horologia longe superare priora illa, quorum libratores horizontales erant. Sed quoniam talibus horologiis neque etiam exacta temporis mensura haberi poterat, novum protulit horologiorum genus laudatus Hugenius, faciendo nempe, ut grave pendulum non per circuli circumferentiam, sed per cycloidis perimetrum ferretur.

Et si enim ejusdem penduli oscillationes exiguae ferè, & ad sensum sint æquidistantes; attamen, quia non sunt omnimodè, ac geometricè tales, semper erit inter singulas oscillationes exigua aliqua differentia, nec proinde pendulorum motu circulari exactè tempus potest mensurari. Unde, quum demonstraverit Hugenius, tempora descensus per arcus cycloidis, cujus vertex est punctum imum, inter se æqualia esse; collegit exinde isochronas esse pendulorum oscillationes omnes, si utique non in circumferentia circuli, sed in cycloidis arcubus persicerentur: proindeque eò vires omnes intendit, ut methodum excogitaret, qua mediante posset grave pendulum per cycloidis perimetrum ferri.

Id eum manuduxit ad doctrinam de lineis evolutis, quæ Curvarum Geometriam

mirum in modum locupletavit . Inde enim innotuit Geometris , lineas curvas non modò considerari posse, velut polygonà laterum infinitorũ, quorum unumquodque esset indefinitè parvum ; verùm etiam velut aggregatà infinitorum arcuum , qui omnes sint indefinitè parvi , & ad totidem circulos diversos referantur . Fœcunda sanè principia , ex quibus velut ex fonte uberrimo curvarum proprietates omnes prono alveo profluunt, & quorum ope admiranda problemata summâ solertiâ resolvuntur!

Ex doctrinâ de descensu gravium collegit etiam Galilæus ea , quæ ad motum spectant projectorum . Etsi enim nemo ex Veteribus non viderit , gravia dum ab impellente manu projiciuntur , non rectam , sed curvam lineam describere ; nemo tamen naturam illius curvæ determinavit . Primus itaque Galilæus eam definire aggressus est , & ex cognitâ gravium acceleratione collegit curvam , quam projecta describunt, illam ipsam esse , quam parabolam Veteres appellarunt : unde postea omnia , quæ pertinent ad projectorum motum , nullo negotio geometricè definivit.

Galilæo etiam debetur doctrina de resistentiâ solidorum , tum horizontaliter , cum verticaliter suspensorum . Constat nempe experienciâ , machinas , quæ in parvis  
ela-

elaboratæ, felicem obtinent eventum, in magnis eadem proportionem constructas, non æquè feliciter effectus suos sortiri. Id communiter rejiciebatur in defectus inevitabiles artis manualis, qui sæpesspius veram, solidamque rerum theoriam apud vulgus hominum miserè dedecorant. Sed observavit Galilæus, diversitatem istam longè majorem esse, quam quæ ex solâ istâ causâ repeti posset. Itaque aliud quidpiam adesse conjecit, ex quo illa esset differentia deducenda: id, quod dum sedulò perquisivisset, pervenit tandem ad doctrinam de resistentiâ solidorum, Physicis ante ipsum penitus incognitam.

Hujusmodi doctrinam prosecutus est deinceps paulò fusius Celeberrimus Galilæi Discipulus, Vincentius Viviani, in quodam opere suo posthumo, quod perfecit, notisque suis illustravit Abbas Guido Grandius in Pisano Lyceo Mathematicum Professor Eximius. Sed quoniam, tam Galilæus, quàm Discipulus ejus, supposuerunt, fibras sectionis æqualiter tendi, tam in suspensione solidi verticali, quàm quum idem solidum suspenditur horizontaliter; considerant Clarissimi Viri Leibnitiuss, & Mariottus fieri posse, ut id nequaquam sit verum. Unde doctrinam istam de resistentiâ solidorum ad majorem perfectionem perduxerunt;

runt ; quandoquidem posuerunt , tensiones fibrarum æquales esse in suspensione verticali , sed esse proportionales distantis suis ab hypomochlio in suspensione horizontali.

In eâdem doctrinâ de resistentiâ solidorum illud etiam consideravit Vir Acutissimus Jacobus Bernoullius , fieri nimirum posse , ut non omnes fibræ sectionis , in qua vis resistentiæ consideratur , tendantur , sed superiores quidem tensionem , inferiores vero pressionem patiantur . Atque hæc consideratio , haud equidem contemnenda , manuduxit eum quoque ad contemplationem novi cujusdam centri , de quo nemo adhuc cogitaverat . Enim verò , quum fibræ superiores extensionem , compressionem inferiores patiantur ; aderit proculdubio inter eas fibra aliqua , quæ nec tensionem subibit , nec pressionem . Unde punctum sectionis , ex quo egreditur fibra ista , centrum tensionis Vir Acutissimus vocitavit.

Non inficior , Galilæum in nonnullis rebus particularibus humanam imbecillitatem ostendisse ; veluti quum credidit , lineam celerrimi descensus esse circumferentiam circuli , & laminam elasticam , perinde ac funem , vel catenulam , flecti in curvam parabolicam . Sed hujusmodi sphalmata Viro summo nequaquam vitio vertenda sunt ,  
mul-

multumque abest, ut nomen ejus, ac gloriam minuire possint. Enim verò Galilæi temporibus profundissimâ adhuc caligine tecta latitabat methodus indefinitè parvorum, quæ sola subtilioribus hisce speculationibus felicem aditum præbet.

Innotuit quippe Geometris, lineam celerissimi descensus esse cycloidem, idque per Clarissimos Viros Newtonum, Leibnitium, Hospitalium, & Bernoullios Fratres, postquam comperti fuerunt calculus differentialis, & integralis, quibus prædicta indefinitè parvorum methodus administratur. Nec nisi iisdem calculis mediantibus licuit etiam laudatis Fratribus Bernoulliis, ex omnibus cycloidibus, quæ incipientes ab eodem puncto, secant eandem rectam positione datam, sive verticalem, sive utcumque ad horizontem inclinatam, determinare eam, per quam grave corpus descendendo perveniat à dato puncto ad datam illam rectam tempore brevissimo; hocque problema extendere etiam in casu, quum linea positione data, non est recta, sed curva quævis geometrica, quumque loco cycloidum dantur curvæ aliæ similes inter se.

Ejusdem methodi beneficio determinarunt quoque Geometræ post Galilæum naturam, tam curvæ elasticæ, quàm curvæ cætenariæ: comperientes etiam, illam eandem esse

esse cum curvâ linteï, quam scilicet induit linteum stagnante aliquo liquore homogœneo compressum, quotiescumque vires laminam tendentes proportionales sunt ipsis tensionibus; istam eandem cum curvâ velariâ, hoc est cum eâ, in quam velum vento tumidum flectitur, in hypothesi, quod catenula sit gravitatis uniformis, graviumque directiones sint parallelæ. Unde mirari non subibit, qudd in hisce speculationibus deceptus fuerit magnus Galilæus: nempe quia vulgari Geometriâ, quæ Galilæi tempore sola obtinebat, hæc perscrutari omnino impossibile est.

Quantum ad motum fluidorum, scilicet Hydrostaticam, non aliud fere Galilæus tradidit, quàm quod docuit Archimedes in tractatu de insidentibus humido. Verùm, quum singulare phænomenon, ab Olitore quodam acceptum, Philosophos edocuerit, aquam in antliis tractoriis ultra octodecim cubitorum altitudinem attolli non posse; non tantùm Torricelliani tubi peperit experimentum, verùm etiam ansam dedit, ut Hydrostatices principia ad aerem traducerentur, novaque aded scientia conderetur, quæ Aerostatices nomine potest insigniri.

Quum enim Evangelista Torricellius, apud Magnum Hetruriæ Ducem in munere mathematico Galilæi successor, eximius,

phæ-

phænomenon illud sedulo mente revolverit; pro eo, quo erat, mentis acumine conjecit, limitatam illam duodeviginti cubitorum altitudinem in antliis tractoriis non aliunde oriri posse, quàm à determinatâ atmosphæra pressione: qua de re ut certior fieret, cum hydrargiro rei periculum fecit, & ut conjecit, omnino respondit eventus. Sed hoc idem plenius deinde confirmarunt Viri Celeberrimi Pascalius, Boylius, Borellus, & Mariottus, quorum opera notiora sunt, quàm ut hic à Nobis recenseri debeant.

Circa aerem porro, non modò illud innotuit, eum grave esse, atque adeò legibus fluidorum gravitate suâ agentium subjici debere, verùm etiam peculiarem habere affectionem, quam nequaquaquam sibi vindicant fluida reliqua: nimirum vi elasticâ præditum esse, qua non solum continuò se expandere conatur, sed ad majus, quam antea occupabat, spatium reapse se expandit, ubi nullo corpore ambiente impeditur; ut ostendunt experimenta quamplura à Boylio, Mariotto, Jacobo Bernoullio, aliisque cautis observatoribus tentata, & feliciter ad exitum deducta.

Hiscæ autem experimentis non solum constitit, aerem vi elasticâ præditum esse, sed innotuit etiam hanc vim expansivam  
aeris

aeris ed majorem esse, quod major est aeris densitas; & vicissim ed minorem, quod densitas aeris est minor. Unde ed vires omnes intenderunt Viri præstantissimi, ut rationem indagarent, quæ est inter aeris elasticitates, & ejus densitates; multisque accuratis experimentis comperierunt, densitates aeris viribus comprimentibus, hoc est elasticitatibus ejus quam proximè proportionales existere.

Hæc igitur omnia, ad scientiam de motu pertinentia, Galilæo debentur. Sed ultro adhuc eadem de motu scientia à subsequen-  
tibus Geometris evecta fuit. Ad leges quippe, quæ in mutuâ corporum collisione observantur, nequidem respexit Galilæus. Eas itaque definiendas susceperunt Clarissimi Viri Johannes Wallisius, Christophorus Wrennus, & Christianus Hugenius, tam pro corporibus inestibus, quàm pro corporibus elasticis, sive actuosis. Etsi enim ante hos suas quoque leges in occurso corporum observandas proposuerit Cartesius, ab iis tamen ipsi ejus Discipuli discesserunt; quandoquidem eas collegit ex duobus principiis, quæ cum ratione, & experienciâ pugnant omnino: nempe quod corpora propter quietem vim habeant ad resistendum; & quod in corporibus congregientibus eadem semper perseveret quantitas motus.



Similiter, etsi de motu pendulorum egerit Galilæus, nonnisi tamen pendula simplicia consideravit. Nam doctrina de motu pendulorum compositorum, quæ eò tota redit, ut inveniatur centrum oscillationis, hoc est longitudo penduli simplicis, composito isochroni, Christiano Hugenio tota debetur. Etsi enim problema istud de inveniendo centro oscillationis celebre fuerit inter Geometras usque ab ætate Cartesii, perfectam tamen, ac generalem ejus solutionem primus litterario orbi communicavit laudatus Hugenius, quam deinde excoluerunt magis, & ab omni scrupulo vindicarunt Bernoullii Fratres, & post eos Hermannus in sua Phoronomiâ.

Corpora, quæ in orbem revolvuntur, recedere conari à centro motus per tangentem, id quidem suboluit Galilæo; verum leges istius conatus centrifugi, saltem in eo casu, quum corpora motu æquabili, ac uniformi circulariter moventur, idem Hugenius primum aperuit, ex quibus etiam collegit insignia quædam theorematum circa motum conicum pendulorum. Et quamquam hæc omnia sine ulla demonstratione impertiverit erudito orbi in calce sui tractatus de horologio oscillatorio; ipsas tamen Auctoris demonstrationes adspexit Respublica litteraria in suis operibus posthumis

humis, in quibus peculiare de vi centrifugâ Opusculum habetur.

Circa corpora, quæ in gyrum aguntur, aliam contemplationem instituit Isaac Newtonus: nimirum, quoddam sicuti ea per vim centrifugam recedere conantur à centro motus in quolibet orbitæ puncto per rectam, quæ orbitam in puncto illo contingat; ita in iis adesse debeat vis alia æqualis, & contraria, per quam vicissim retineantur in suis orbibus, quæque impediatur, ne abeant per tangentes. Hanc aliam vim ipse Newtonus vocavit centripetam, quia nempe per ipsam corpora petunt continuò punctum aliquod, tanquam centrum, veluti in projectis est vis gravitatis, per quam sectuntur in terram. Sed alii post ipsum eam vocarunt centralem: quo nomine ipsa etiam vis centrifuga potest designari.

Itaque de hisce viribus centripetis sibi potissimum proposuit agendum Newtonus in Principiis suæ Philosophiæ Mathematicæ: qua ratione dici equidem pro dignitate non potest, quantum disciplinæ de viribus, & motibus corporum pomeria dilataverit. Quæcumque enim docuit Galilæus circa descensum gravium, & motum projectorum in hypothese gravitatis constantis, & uniformis, conatu inaudito ad suam generalitatem eiecit, & cujusmodi ea esse debeant in qua-

quacumque gravitatis hypothefi mirâ foler-  
tiâ definivit.

Demonstravit quippe Galilæus, gravia,  
dum descendunt, æquabiliter accelerari,  
hoc est æqualibus temporis particulis æqua-  
lia velocitatis incrementa nancisci; item-  
que spatia, quæ percurrunt, computata ab  
initio motus, esse ut quadrata, tum tempo-  
rum, cum velocitatum: verum id in hypo-  
thesi, quod urgeantur vi centripetâ, sive  
gravitatis uniformiter agente. At Newto-  
nus proportionem inter spatia, velocitates,  
& tempora in corporibus rectâ descenden-  
tibus determinavit, quæcumque esset lex  
vis centripetæ, sive gravitatis, qua ipsa  
corpora urgentur.

Similiter Galilæus demonstravit, projecta  
motu suo describere debere lineam para-  
bolicam; verum id in hypothefi, quod dire-  
ctiones gravium sint parallelæ, ipsaque gra-  
vitas sit constans, & uniformis. Sed Newto-  
nus curvam, à projecto describendam, defi-  
nivit in quacumque virium centripetarum  
hypothefi. Et sicuti ex ostensis à Galilæo  
notum erat, vim, quæ requiritur ad descri-  
bendam lineam parabolicam, directioni-  
bus existentibus parallelis, debere esse con-  
stantem, & uniformem; sic Newtonus ge-  
neralem methodum protulit, determinan-  
di vires, quibus circa datum punctum in

curvis datis projecta corpora moveri possint.

Neque modo egit Newtonus de motibus corporum, quæ viribus urgentur, tendentibus ad immobile centrum; verum etiam casum consideravit, quum corpora viribus centripetis se mutuo petunt, moventurque aded in orbibus, quorum axes angulari motu prorsum, vel retrorsum feruntur. Atque ex his porro omnibus verum Systema Astronomicum nobis delineavit. Nam & stellarum motus, orbitas, & periodos explicavit; & motuum lunarium inæqualitates ad calculum posuit; & principia nobis aperuit, quibus par illud miraculorum naturæ, nempe miranda cometarum phænomena stupendusque ille maris accessus, & recessus certitudine tantum non mathematicâ intelligi possint, ac explicari.

De iisdem viribus centripetis agendum susceperunt quamplures alii post Newtonum, ut Leibnitius, Bernoullii Fratres, Varignonius, alique; sed vix quicquam iis addiderunt, quæ primus omnium circa hanc materiam feracissimo suo ingenio protulit Newtonus. Illud hîc reticere nolo, quàm oscitanter nonnulli in vulgus efferrant, viribus istis centripetis iterum qualitates occultas Scholasticorum ad auras revocasse præclarissimum Newtonum. Nam  
et si,

etſi, dum de iis viribus agit, utatur voce attractionis; non uno tamen in loco diſcretis verbis monet Lectorem, ſe vires illas non phyſicè, ſed mathematicè tantùm conſiderare, eaſdemque ſermone philoſophico impuſſus veriùs, quàm attractiones vocari debere.

Projectorum porrò motus ſuppoſuit Galilæus fieri in vacuo, ſive in ſpatio non reſiſtenti, quod nempe motus eorum nec accelerare poſſet, nec retardare. Atque hanc hypotheſim aſſumpſit, non quòd nesciret, ejuſmodi medium reſiſtendi facultate carens apud tellurem noſtram non dari; ſed quia non ſatis videbat, qua ratione Geometriæ legibus mediorum reſiſtentiae ſubjici poſſent. Id ipſum ſuppoſuerunt Torricellius, Borellus, aliique illius ævi Geometriæ Celeberrimi: tantòque lubentiùs ab huiusmodi mediorum reſiſtentiiſ animam abſtraxerunt, quòd exiſtimarent, ex earum neglectu, perexiguos errores, vixque ſenſibus perceptibiles ſubnaſci.

Itaque Recentiores præclara Galilæi reſpecta circa motus doctrinam perfeciſſe, & ad ſuam univerſalitatem revocaſſe non contenti, in id etiam dederunt operam, ut arduam iſtam materiam de motibus projectorum in mediis reſiſtentibus erudito orbi notam facerent, ac exploratam. Nec equidem

res successu caruit. Nam post eximia hæc de re meditata præstantium Virorum Newtoni, Leibnitii, Hugenii, & Wallisii partim sine demonstrationibus edita, & breviter tantum indicata, partim etiam demonstrationibus munita; pertractavit idem argumentum tam fusè, ac solidè Clarissimus Varignonius in Monumentis Regiæ Scientiarum Academiæ Parisiensis, ut vix habeas, quod in eo possis expetere.

Ad suam quoque universalitatem perduxerunt Recentiores Mathematici doctrinam Hugenii de motu pendulorum isochrono. Enim verò, ubi demonstravit Hugenius, pendulorum oscillationes, ut sint perfectè isochronæ, fieri debere in arcibus cycloidis, cujus vertex est punctum imum; supposuit gravitatè agere in pendulum eadem, & constanti ratione, illudque urgere directionibus parallelis. Verùm, qui Hugenium secuti sunt, de motu pendulorum isochrono pertractarunt in quacumque gravitatis hypothesis: neque modo curvam generaliter determinarunt, in cujus perimetro fieri debeant oscillationes isochronæ ex datâ lege gravitatis; sed & vicissim methodum excogitarunt generalem definiendi legem gravitatis requisitam ad hoc, ut pendulum suas perficere possit oscillationes isochronas in datæ curvæ perimetro.

At-

Atque hac in re illud specialiter detectum est, quodd sicuti in hypothesi gravitatis constantis, & tendentis ad punctum infinite distans, oscillationes, ut fiant isochronae, peragi debeant in perimetro cycloidis, cujus vertex sit punctum imum; ita in hypothesi gravitatis, directe proportionalis distantiae à centro virium, necesse sit, ut fiant in perimetro epicycloidis internae: ob elegans istud theorema, jampridem ostensum à Newtono, quodd vertice epicycloidis internae deorsum spectante aequalia sint tempora descensus per quosvis ejus arcus ad verticem terminatos, quotiescumque grave descendens viribus urgetur, quae undique tendentes ad centrum circuli immobilis, proportionales sunt distantis ab eodem centro.

Nec silentio reticebimus praclarum illud problema, Geometris à Leibnitio propositum, de inveniendâ lineâ, juxta quam si corpus descendat temporibus aequalibus aequaliter tellurem versus accedat, & solum tum ab ipso Leibnitio, cum ab Hugenio, & Bernoulliis Fratribus, comperientibus seorsim, quaesitam curvam esse secundam parabolam cubicam, modò eam corpus describere incipiat eâ velocitate, quam sibi comparasset, si utique rectâ descendisset per altitudinem, quatuor nonas partes parametri ejus parabolae adaequantem: ita, ut pro-

blema sit impossibile, si requiratur, ut corpus motum in tali lineâ, descensum suum inchoet à quiete.

Atque hoc sanè problema eò magis memoratu dignum est, quod novis difficultatibus involutum rursus ab eodem Leibnitio Geometris propositum fuerit. Quemadmodum enim ejus Illustris Auctor primâ vice quæsit, ut corpus æqualibus temporibus æqualiter ad Horizontem, sive telluris superficiem accederet; ita deinde voluit, ut æqualibus temporibus æqualiter accederet ad punctum aliquod datum in axe curvæ, vel ab eo recederet. Neque verò novæ istæ difficultates præstantissimorum Mathematicorum animos deterruerunt: enim verò quæsitæ curva paracentrica, sive æqualis accessus, vel recessus à puncto dato, definita fuit, non modò ab ipso Leibnitio, verùm etiam à laudatis Fratribus Bernoullis, quorum alter hoc in eâ præstantis invenit, quòd infinitas efficeret revolutiones, priusquàm ad datum punctum perveniret.

Hoc idem problema ulteriùs etiam evenit Clarissimus Varignonius in Commentariis Regiæ Scientiarum Academiæ Parisiensis. Nam, quantum ad accessum corporis relatè ad Horizontem, petiit, ut is non modò fieri deberet in ratione temporum simplici, verùm etiam in qualibet aliâ temporum ratio-



tionem: idque, tum in hypothesi gravitatis constantis, & tendentis ad punctum infinitè distans, cum in aliâ quavis gravitatis suppositione. Quantum verò ad corporis accessum, vel recessum à puncto dato, non modò casum consideravit, quum punctum datum est in axe curvæ, sed etiam, quum in plano ejus curvæ extra axem existit; quin imò deinde ad eum quoque casum animum appulit, quum datum punctum extra curvæ planum reperitur.

Sed & eam quoque Statices partem, quæ de æquilibrio ponderum, vel potentiarum inter se commissarum agit, certatim excolere, & ad majorem perfectionem evehere tentarunt Recentiores Mathematici. Quandoquidem non modò leges istius æquilibrii ex principiis certis, & inconcussis, nec à nemine sanæ mentis in dubium revocandis deducere conati sunt; verùm etiam methodum excogitarunt valde facilem, ac expeditam, determinandi mediam directionem plurium potentiarum, quæ unum, idemque punctum trahant, hoc est lineam, secundum quam agere debet in punctum illud potentia ex omnibus composita, quod eundem pariat effectum.

Licuit autem ipsis talem methodum excogitare beneficio præclari hujus theorematidis, quod plures potentia, unum idemque

punctum trahentes, nequeant esse in æquilibrio, nisi punctum illud sit commune centrum gravitatis totidem ponderum æqualium, existentium in extremitatibus rectarum, quæ potentias illas longitudine suâ designant. Atque hoc quidem theorema, quemadmodum talem æquilibrii legem nobis suppeditat, qua meo judicio nulla dari possit vel simplicior, vel generalior; ita non alii ferendum est acceptum, quàm Illustri Leibnitio, utpote quod in aliquâ ejus epistolâ, jampridem ad Celeberrimum Wallisium datâ, sine demonstratione exhibetur.

Hujus itaque theorematis præsidio, non modò determinarunt æquilibrium, & mediam directionem potentiarum, quæ uni eidemque puncto sunt applicatæ, verùm etiam earum, quæ diversis punctis alicujus inflexibilis corporis applicantur. Sed eum quoque casum considerarunt, quum corpora, quæ trahuntur à potentiis, flexibilia sunt, cujusmodi sunt fila, vel funes: qua in re hoc quidem theorema generale comperierunt, quodd media directio quocumque potentiarum, filum subinde trahentium, ut consistant in æquilibrio, transeat per punctum, in quo sibi mutuo occurrunt filii portiones extremæ, ita ut si potentiarum numerus augeatur in infinitum, ipsumque aded filum flectatur in curvam, eadem media

dia directio transeat per concursum rectarum, quæ curvam tangunt in punctis extremis.

Preterea rationem determinantes, quæ est inter firmitates singularum fili portionum, illud etiam comperierunt, eandem in singulis fili portionibus firmitatem adesse, quotiescumque quælibet potentia dividit bifariam angulum, in quem ipsa filum flectit; idque quum contingit, mediam directionem omnium potentiæ dividere quoque bifariam angulum, quem extremæ fili portiones productæ constituunt. Ex quo facile fuit eis inferre, quum filum per infinitas potentias flectitur in curvam, eandem in singulis portionibus fili firmitatem reperiri, si cujusque potentie directio secet ad rectos angulos curvam, in quam flectitur filum; atque hoc in casu inventam iri mediam directionem potentiæ omnium, secando bifariam angulum, contentum sub rectis, quæ curvam in suis extremitatibus contingunt.

Neque verò putandum est, subtiles hæc speculationes inutiles esse, nec ullum ex his usum colligi posse. Velum quippe ventotumidum flectitur in curvam perinde, ac si traheretur ab infinitis potentiis, perpendiculariter ad curvam illam applicatis; quum **omnis actio per lineam perpendicularem**  
ad

ad superficiem corporis patientis debeat æstimari. Quocirca Nautæ facili negotio poterunt determinare lineam, secundum quam ventus agit in velum: nimirum ducendo ad veli extremitates, sive cogitatione, sive chordarum ope, tangentes duas, & biseccando angulum, quem mutuo occurso constituunt; quandoquidem linea bisectionis erit illa, quam quærunt.

Mediæ istæ directiones ansam præbuere Amplissimo Viro Jacobo Bernoullio novum curvarum genus considerandi, quas lineas mediarum directionum vocitavit. Etenim, si filum per infinitas potentias, ei perpendiculariter applicatas, in curvam flectatur, prout augetur filii longitudo, augeturque numerus potentiarum, alia fiet, atque alia earum mediæ directio. Itaque curva, quam contingunt omnes istæ mediæ directiones, quæque constituitur per concursum duarum ex iis indefinitè proximarum, illa est quam mediarum directionum lineam appellavit; ejusque accidens præcipuum hoc est, ut convexitatis ejus in omni loco subduple sit convexitas, quam in loco correspondenti habet curva, in quam flectitur filum.

Filum autem, cui infinitæ potentiæ ad rectos angulos sunt applicatæ, ostendente Johanne Bernoullio, Jacobi Fratre, talem in-

induet curvaturam, ut convexitas ejus in quolibet loco sit, ut potentia, quæ filum trahit in loco illo. Ex quo patet, curvam, in quam flectitur filum, tunc tantum esse circularem, quotiescumque potentia omnes, perpendiculariter ad filum applicatae, inter se sunt æquales. Hinc velum ventum tumidum in circuli circumferentiam flecti non potest, nec item linteum, quod stagnante liquore intumescit; quia utroque casu singula curvæ elementa à totidem aeris, vel liquoris filamentis premuntur quidem ad rectos angulos, sed æquales pressiones non subeunt, nec idè ab æqualibus potentiis trahuntur. Interim cognita lege pressiois, quam in curvæ elementa exerunt filamenta sive aerea, sive liquoris, facile fuit Johanni Bernoullio ex generali suo theoremate naturam curvæ deducere, quam sive velum, sive linteum cogitur inducere.

Ex cognitis legibus æquilibrii quocumque ponderum, vel potentiarum, faciem præeunte methodo indefinitè parvorum, nullo quoque negotio deduxerunt Recentiores Mathematici elegantem regulam Guldini, jam à Pappo disertè indicatam, quod figura, quæ oritur ex revolutione cujuslibet magnitudinis circa rectam aliquam positione datam, æqualis sit facto ex magnitudine genetrice in viam sui centri gravitatis;

tis ; eandemque veram esse demonstrarunt , tum in figuris revolutione genitis , cum in iis , quæ alio quovis motu generantur , dummodò motus tali lege fiat , ut magnitudo genetrix infistat semper ad rectos angulos super lineâ , quam gravitatis suæ centrum motu illo describit . Sed exinde generales etiam quasdam methodos collegerunt , quibus facili negotio determinari posset centrum gravitatis in figuris regularibus , sive planis , sive solidis . Et si enim innotuerit Veteribus , centrum istud in omnibus omninò figuris reperiri ; attamen nullas ejus centri inveniendi regulas universales tradiderunt ; sed id pro unaquaque figurâ peculiari quodam artificio indagare cogebantur .

In figuris , quæ moventur , præter centrum gravitatis , considerarunt etiam Recentiores Mathematici centrum percussionis , nimirum punctum illud , in quo omne figuræ momentum colligitur , & coacervatur , quodque proinde tale est , ut si eo figura alicui occurreret obstaculo , magis illud percuteret , quàm si alio quovis puncto in idem obstaculum impingeret . Hujusmodi quippe punctum , quum subinde in figurâ situm esse debeat , ut momenta omnium elementorum , ad unam ejus partem existentium , æquilibrentur in puncto illo

illo cum momentis elementorum, quæ ad partem alteram existunt, confundetur quidem cum ipso gravitatis centro, hoc est cum puncto illo, in quo colligitur, & coacervatur vis gravitatis, quotiescumque figura subinde ponitur moveri, ut singula ejus elementa eadem ferantur velocitate. Verum aliud, atque aliud erit à centro gravitatis, quum singula figuræ elementa diversis velocitatibus feruntur.

Itaque Recentiores Geometræ, quemadmodum methodos excogitarunt generales pro determinando centro gravitatis, ita quoque generales regulas pròdiderunt pro definiendo centro percussione. His regulis probè instructus Varignonius detexit in Commentariis Regiæ Sciètiarum Academiæ Parisiensis, quòd in doctrinâ de resistentiâ solidorum horizontaliter suspensorum, quam ipse loco citato ad suam universalitatem evexit, quemadmodum in hypothesi Galilæi, quòd omnes fibræ sectionis tendantur æqualiter, considerari debeat centrum gravitatis sectionis resistentis; ita in hypothesi Leibnitii, & Mariotti, quòd vires fibras tendentes eò majores sint, quò magis distent ab hypomochlio, præter centrum gravitatis considerandum sit etiam centrum percussione ejusdem sectionis: id, quòd ipsis ejus hypothesi præclaris Auctori-

ribus nequaquam innotuit.

Neque modò inter Recentiores præstantissimi quique Geometræ doctrinam de motu corporum solidorum, sive consistentium evehere longiùs studuerunt; verùm etiam conati sunt ea, quæ ad motum pertinent corporum fluidorum, perficere, novisque inventis looupletare. Nam, ut præteream leges, quibus gravitant fluida, tum in subiecta plana, cùm in latera vasorum, quibus continentur, longe universalius ab ipsis expositas, quàm ab Archimede factum erat; & silentio itidem committam æquilibrium corporum solidorum in fluidis demersorum, vel innatantium, quod in omni fluidorum genere tradiderunt; determinare etiam aggressi sunt, tum firmitates, quæ requiruntur in tubis ad perferendas fluidorum pressiones, tum figuras, quas à fluidis stagnantibus induunt corpora flexibilia.

Præterea hanc de viribus fluidorum, & gravitate pendentibus, doctrinam ad aerem traducetes, novam, ut superius innuimus, scientiam condiderunt, Aerostatices nomine decorandam, quam vix nascentem subinde certatim excolere, & ad suum perducere fastigium conati sunt, ut in hoc argumento subsequuturis Mathematicis otium quasi fecisse videantur. Atque hæc porro scientia eo plu-



pluris, meo iudicio, aestimanda est, quia exinde facillè addiscere possunt Tyrones, quae ratione res naturales ad leges mathematicas sint revocandæ.

Ulteriùs in fluidis consideravit quidem Archimedes pressiones, ab eorum gravitate pendentes, verùm ad motus eorundem, per foramina, utlibet vasis insculpta, erumpentium, nequaquam respexit. Hoc igitur argumentum, quod utilitate suâ nulli cedit, primus omnium expendere aggressus est Benedictus Castellus; quem secuti deinceps Balianus, Torricellius, Borellus, Mariottus, aliique paulò diligentius, nec sine fructu illud examinarunt. Neque verò ab ipsis penitus fuit exhaustum: enim verò Celeberrimus Gulielminus doctrinam istam ad majorem perfectionem evexit, eamque ad fluminum motum ingeniosè etiam traduxit, tum deinde Varignonius in Commentariis Regiæ Scientiarum Academiæ Parisiensis hoc idem argumentum generaliter pertractavit, quæque in eo detexit, ad formulas quasdam universales, more suo, revocavit.

Ad hæc, quum de solidis in fluidis demersis vel innatantibus pertractandum suscepit Archimedes, mutuum tantum eorum corporum æquilibrium definire conatus est; ad effectus autem, ex eorundem collisione mutuâ dependentes, nequaquam animum ap-

appulit. Hujusmodi itaque effectus expendere, & ad leges mathematicas revocare tentarunt etiam Recentiores. Nec equidem irritus fuit conatus ipsorum. Nam, & actiones, quas exerunt fluida, dum ad solida corpora alliduntur, & resistentias, quas ipsa solida in fluidis mota patiuntur, tum ratione figuræ, cum ratione ipsius motus, incredibili solertiâ determinarunt.

Etsi autem in hoc argumento summi quique ævi nostri Geometræ vires suas exercuerint, principaliora tamen inventa uni Newtono ferenda sunt accepta. Id verò, quod in hac re præcipuum est, & ad navium constructionem usui nobis esse potest, est determinatio figuræ, ex cujus circa axem revolutione tale oriatur solidum, quod in fluido motum secundum directionem sui axis, minus inveniat resistentiæ, quàm aliud quodvis eâdem longitudine, & latitudine descriptum solidum circulare. Hanc itaque figuram pro eo, quo pollebat, mentis acumine determinavit Newtonus; sed quum inventum absque ullâ demonstratione erudito orbi impertiverit, eam supplavit Illustris Hospitalius in Actis Lipsiensibus, & in Monumentis Regiæ Scientiarum Academiæ Parisiensis.

Ex doctrinâ istâ generali de actione fluidorum in corpora solida, & de resistentiâ solidorum

Idorum, quam in fluidis subeunt, suborta est nobis alia paulò specialior de motu navium, vento impulsarum, quæ ad Nauticam Manuariam spectat. Hanc partem Nauticæ Scientiæ, longè utiliore illâ, quæ usum pixidis magneticæ respicit, excoluit primus omnium Dominus Renaldus. Verùm quæstio, inter ipsum, & Hugenium orta, pro determinandâ navis velocitate, ansam dedit Johanni Bernoullio, ut idem argumentum paulò diligentius expenderet. Quumque noverit Theoriam Domini Renaldi congruere, tum quia non rectè defini- vit velocitatem navis, tum etiam quia nec deviationem ejus probè determinavit; novam Nauticæ Manuariæ Theoriam adinvenit, cujus specimen erudito Orbi impertivit in libro, cui titulum fecit: *Essay d'une nouvelle theorie de la Manoeuvre des Vaisseaux.*

Aliud etiam argumentum in Principiis suæ Philosophiæ Mathematicis geometricè tractare ausus est Illustris Newtonus: nimirum quibus legibus motus per fluida propagetur. Inter theorematum autem, quæ huc spectantia demonstravit, hoc quidem est præcipuum, quodd pulsis per fluidum propagatis singulæ fluidi particulæ motu reciproco euntes, & redeuntes accelerantur semper, & retardantur pro lege oscillationis penduli. Unde, quum soni, utpote à corpo-

d

si-

ribus tremulis orti, nihil aliud sint, quàm aeris pulsus propagati; collegit exinde, partium sonori corporis vibrationibus alternis circumjectum aerem elasticum propelli, atque aded densari nonnihil, tum verò relaxari, & in partes contrarias regredi: idque fieri, tum in aere ipsi contiguo, cum per actionem istius in aere remoto, vicibus permutatis. Atque ex hoc progressu, & regressu partium aeris præcipua sonorum phænomena mirâ facilitate deduxit.

Motum quoque fluidorum circularem ad leges geometricas revocare tenuit idem Newtonus; qua in re duos casus consideravit. Primus est, quum fluidum uniforme, & infinitum agitur in orbem ab impulsu cylindri infinitæ longitudinis, qui circa axem positione datum uniformi cum motu revolvatur. Et secundus, quum fertur in gyrum ab impulsu sphæræ, circa suum axem uniformiter quoque gyrantis. Invenit autem, quodd si pars fluidi unaquæque uniformiter in motu suo perseveret, tempora periodica partium fluidi in primo casu sint, ut ipsarum distantiarum ab axe cylindri; in secundo verò, ut quadrata distantiarum à centro sphæræ. Unde, quum planetarum primariorum circa Solem revolventium tempora periodica sint in ratione sesquuplicatâ distantiarum à centro Solis, eademque regula ob-

tis

stineat etiam in planetis secundariis ; collegit exinde phœnomena cœlestia aliâ ratione, quàm per Vortices, à Philosophis esse explicanda.

His igitur omnibus doctrinam de viribus , & motibus corporum locupletarunt Recentiores Mathematici . Jam alter nunc annus agitur , ex quo omnia ista Recentiorum inventa subinde in unum corpus congerere mihi proposui , ut ex paucis , iisque simplicibus principiis cuncta in eo essent ostensa, ac derivata . Etsi enim ante aliquot annos id summâ cum laude præstiterit Mathematicus Celeberrimus Jacobus Hermannus in suâ Phoronomiâ ; res tamen non ita cōfecta mihi videbatur, ut major ei lux, majorque rerum copia accedere non posset.

Verùm , quum opus istud non dum ad umbilicum sit perductum , quin ei perficiendo plures annos destinarem ; cogitatio mihi subiit , edendi interea in commodum , & usum studiosæ nostræ Juventutis aliquot ejus specimina sub nomine Statices, Hydrostatices, & Aerostatices . Et quoniam consilium istud summo Mathematicum Professore Augustino Ariano , cujus provinciam vicario jure per quinquennium jam sustinui, non displicuit ; statim hæc Statices Elementa edenda curavi , editurus deinceps eâdem formâ Elementa , tum Hydrostatices , cum

Aerostatices, nisi quis ex transverso casus incurrat.

Jam nomine Statices eam voluimus intellectam facultatem, quæ motum gravium considerat; tum artificiosum, tum naturalem, tum denique violentum. Hinc ejus Elementa quatuor sectionibus complexi sumus. In primâ siquidem generaliora Statices principia præmittenda duximus; in secunda motum gravium artificiosum consideravimus; in tertia de motu gravium naturali sermonem instituimus; & in quarta demum ea, quæ pertinent ad motum gravium violentum, sumus prosecuti. In singulis autem sectionibus multò plura Lector habebit, quàm ex earum titulis primâ facie judicabit. Neque verò à materia, de qua agitur aliena ea esse comperiet; nam illa semper mihi placuit disciplinas pertractandi ratio, ut propriis suis locis singula committerentur.

Speciatim in prima sectione, ubi de communi gravium centro agendum nobis fuit, quæstionem de figurâ telluris conati sumus definire, & ex deprehensâ inæqualitate graduum terrestrium in extensione telluris secundum polos licuit nobis, mediante doctrinâ Recentiorum de lineis evolutis, breviter quidem, sed perspicuè demonstrare, tellurem esse oblongatam versus polos, &  
non

P R Æ F A T I O liij

non jam versus æquatorem . Inde verò innotuit Nobis , commune gravium centrum non esse merum punctum , quemadmodum huc usque existimatum fuit à Mechanicis, sed superficiem illam , quæ est evoluta superfici ei terrestris. Unde veram novimus rationem , cur pendulorum oscillationes evadant celeriores in iis locis, quæ magis ab æquatore recedunt.

Ad eam Statices partem, quæ agit de motu gravium artificioso, visum est nobis commodè referri posse doctrinam de legibus , quæ in mutuo corporum occurſu deprehenduntur . Crediderim leges istas à Nobis simplicius longè, & facilius expositas esse, quàm ab aliis huc usque factum erat ; sed id Lectoris judicio committo . Audio circa hanc materiam nova quædam , nec adhuc ab ullo cogitata sese obtulisse Clarissimo Viro Johanni Baptistæ Lamberto , qui non modò inter nostros Philosophos & Mathematicos , verùm etiam inter externos locum suum mereatur; sed optandum esset, ut bono publico ea in lucem edere non gravaretur, ne scilicet cum Nos , cùm nostri Nepotes iis frustraremur.

Cæterum, quum hæc Statices Elementa in Tyronum gratiam composita sint , mirum esse non debet , si nonnullæ demonstrationes provecioribus Geometris prolixa ni-

mis videantur : nimirum , quia iis , quorum rationem præcipuam habuimus , non semper in potestate est , ea supplendi , quæ ex demonstrationibus brevitatis gratiâ rescantur . Sed mirum etiam censerî non debet , si eædem demonstrationes , suppresso calculo , per quem analyticè inventæ sunt , more Veterum compositæ ut plurimum afferantur . Enim verò in eâ semper sententiâ fui , ut quæ à Mathematicis analyticâ methodo per calculum inveniuntur , ea postea Tyronibus syntheticâ methodo sint proponenda .

Ut enim in privatis suis colloquiis sæpiùs dicere solent præclarus Consiliarius Constantinus Grimaldus , & Vir Eruditissimus Blasius Garofalus , uterque orbi litterario non uno nomine notus , præcipuus fructus , quem ex disciplinis mathematicis debent Tyrones haurire , haud quidem est cognitio earum veritatum , quæ in ipsis edocentur , sed perfectio mentis , qua ritè de rebus judicare , multòque meliùs ratiocinia sua componere possint . At verò istam mentis perfectionem , non tam demonstrationibus calculo institutis , quàm quæ syntheticâ methodo more Veterum fiunt , acquiri , notius est , quàm ut possit inficiari .

Hinc valde irascor iis , qui dum Juvenes in rebus geometricis instruere aggrediuntur ,  
ut un-



utuntur libris, in quibus res istæ calculo analytico sunt pertractatæ. Non inficior, calculum ad capacitatem mentis augendam valde prodesse, nec adeo sum demens, ut calculum è Geometriâ exulem optarem; sed hoc unum libenter expeterem, ut Tyrones unâ cum calculo in ratiociniis purè geometricis exerceantur. Nam, quemadmodum calculus mentis adauget capacitatem, ita ratiocinia purè geometrica mentem formant, ac perficiunt, eamque reddunt idoneam, tum in scientiis adipiscendis, cum in iis peragendis, quæ ad vitæ usum referuntur; ut præteream experientiâ mihi innotuisse, in rebus hisce multò magis Juvenes proficere, si utrâque methodo ad eas manuducantur, quàm si calculo tantùm insistant.

Denique illud hîc Lectorem monitum velim in his Statices Elementis frequentem esse usum curvarum in designandis viribus, velocitatibus, spatiis, temporibus, aliisque functionibus motus. Hanc verò designandi rationem, jamdiu à Geometris usurpatam, à rerum, de quibus agitur, naturâ non abluere, abundè liquet. Res quippè illæ, prout quantitates sunt, nullâ possunt meliori ratione designari, quàm lineis rectis; Ac verò, quum ad puncta unius rectæ lineæ, per cujus portiones unum earum rerum genus de-

signatur, ordine applicantur omnes illæ rectæ lineæ, quæ genus alterum repræsentant; jam istarum linearum extremitates curvam quandam lineam efformabunt.

Hinc rectè Dominus de Tschirnhausen in Medicinâ suâ mentis & corporis observat, ad omne id, quod in tota Mathesi rarum aut absconditum est, detegendum, requiri tantùm, ut omnes curvas possibiles, quotquot concipi possunt, consideremus. Hac enim ratione facile erit, omnium Matheseos objectorum relationes possibiles exhibere: adeo, ut si postea difficultas aliqua in particulari quadam ejus scientiâ occurrat, nihil aliud ad eandem solvendam opus sit, quàm curvam illam, quæ rei isti respondet, ostendere. Unde non inutiliter tempus tulerunt, qui in doctrinâ curvarum excolendâ omnem suam operam collocant.

Ex eo autem, quodd frequens sit usus curvarum in his Statices Elementis, factum est etiam, ut & methodus indefinitè parvorum crebrò in iisdem occurrat, quippe quæ in curvarum materiâ, summâ solertiâ, demonstrationes contrahit, ac faciles reddit. Hac methodus iis, qui Euclideis, aut Apolloniæ demonstrationibus sunt assueti, durior nonnihil videbitur, quàm ut ei statim possint acquiescere. Sed sciant velim, nihil in hac methodo adhiberi, quod ab ipsis etiam

Ve-

# P R A E F A T I O Lvij

Veteribus non fuerit usurpatum. Nimirum supponitur curvam omnem considerari posse velut polygonum infinitorum laterum indefinite parvorum: id, quod ipsi Veteres assumpserunt, dum polygona duo, alterum circulo circumscriptum, alterum eidem inscriptum, per multiplicationem laterum, in circulum ipsum tandem abire supposuerunt.

Itaque methodus ista indefinite parvorum eo tota innititur, ut curvæ portio indefinitely parva velut recta assumatur: quod quidem assumptum non solum à vero non abluere, sed ex ipsâ curvarum genesi sponte suâ fluere, ostensum est à Nobis in Tractatu de Naturâ, & Proprietatibus Curvarum, nondum in lucem edito. Inde verò consequens fit, eundem curvæ arcum considerari posse velut portionem rectæ lineæ, quæ curvam ibidem contingit. Unde tangente eò usque productâ, donec diametro occurrat, fiet triangulum, diametro, ordinatâ, & tangente contentum, simile ei, quod ad illam curvæ portionem indefinitely parvam constituit recta, quæ ex uno ejus extremo parallela ducitur diametro.

Ut verò hæc methodus facilius administrari possit, conati sunt Recentiores eam calculo quoque submittere. Est autem calculus hujus methodi duplicis quidem speciei

ciei . Alter etenim regulas tradit invenien-  
di quantitatum continuè crescentium , aut  
decreſcentium momentanea incrementa , aut  
decrementa . Alter viciffim docet , qua ra-  
tione dati alicujus momentanei incrementi,  
aut decrementi inveniri poſſit quantitas  
crescens , aut decreſcens , ad quam illud  
pertineat . Regulæ primi calculi generales  
ſunt , nec ullibi remoram patiuntur ; vicif-  
ſim verò regulæ alterius ſunt ſpeciales , nec  
ad omnes caſus ſe extendunt . Unde in  
priori calculo nihil ampliùs deſideratur ; per  
contrarium autem in altero excolendo nun-  
quam Mathematicis otium futurum erit .

Duos iſtos calculos , numquam ſatis pro  
dignitate commendandos , detexit primus  
omnium Iſaac Newtonus , Anglicæ Natio-  
nis Decus , & Ornamentum . Sed quum eo-  
rum ſe compotem eſſe certiorum faceret  
Geometram peritiſſimum Gulielmum Go-  
thofredum Leibnitium , & litteris tranſpoſi-  
tis hanc ſententiam continentibus : datâ  
æquatione , quorcumque fluentes quanti-  
tates involvente , fluxiones invenire , &  
vice verſâ , eoſdem celaffet ; reſcripſit  
Vir Clariffimus , ſe quoque in hujusmo-  
di calculos jam pridem incidiffe . Unde  
quæſtio inter ipſos ſuborta , ſive mavis in-  
ter Leibnitium , & Newtoni ſive Socios , ſi-  
ve Diſcipulos , utri illorum inventionis  
glo-

gloria debeat.

Quemadmodum autem Newtonus quantitates, quæ continuè crescunt, aut decre-  
scunt, vocavit fluentes, sic easdem Leib-  
nitius variabiles appellavit; & sicuti New-  
tonus momentanea illa incrementa, aut  
decrementa vocavit fluxiones, sic iisdem  
Leibnitius differentiarum nomen imposuit.  
Unde duos illos calculos, quibus methodus  
indefinitè parvorum administratur, An-  
gli cum suo Newtono methodum fluxionum  
directam, & inversam dixerunt; Germani au-  
tem, & Galli, qui Leibnitii vestigiis insti-  
terunt, calculum differentialem, & inte-  
gralem appellarunt.

Jam in nostris hisce Statices Elementis  
adhibuimus quidem sepius, propter fre-  
quentem usum curvarum, methodum in-  
definitè parvorum, sed ut plurimum, ne-  
glecto calculo, eam in auxilium accersui-  
mus. Ubi autem necesse nobis fuit ad cal-  
culum etiam confugere, placuit modum de-  
signandi differentias Leibnitianum usurpa-  
re, utpote commodiorem, & qui non tam  
facile Typographis errorum suppeditat ma-  
teriam. Sed monitum quoque Lectorem vo-  
lo, non solum considerasse Nos curvas li-  
neas, velut polygona laterum infinitorum,  
quorum unumquodque esset indefinitè par-  
vum, verum etiam, ut aggregata arcuum  
in-

**IX**                      **P R E F A T I O.**  
infinitorum, qui similiter indefinitè parvi  
ad totidem circulos diversos referantur;  
quam sanè considerationem, ut superius  
innuimus, præbuit Geometris Theoria Hu-  
geniana de lineis evolutis.



**INDEX**

# INDEX<sup>xxi</sup>

SECTIONUM, ET CAPITUM.

---

STATICES ELEMENTA.

---

## SECTIO I.

*De Generalioribus Statices  
Principiis.*

CAP. I. *De communi gravium centro, ubi  
etiam de figura telluris.*

CAP. II. *De centro gravitatis cujusque cor-  
poris, ubi etiam de linea dire-  
ctionis.*

CAP. III. *De universali corporum gravita-  
tione, & de ejus legibus pra-  
cipuis.*

CAP. IV. *De quantitate materiae, & rursus  
de proportionem, quam habet  
cum pondere corporis.*

CAP. V. *De velocitate, & quantitate mō-  
tus, ubi etiam de motu aqua-  
bili, & variabili.*

CAP. VI. *De vi motrice, ubi etiam de vi in-  
sito, sive passivo materiae.*

CAP.

CAP. VII. De directione virium, & motuum;  
ubi de eorundem compositione,  
& resolutione.

## SECTION II.

### De Artificiosa Gravitum Latione.

CAP. I. De principio mechanices fundam-  
mentali, & de applicatione  
ejus ad machinas simpliciores.

CAP. II. De communi centro gravitatis  
quocumque corporum, & de  
præcipuis ejus affectionibus.

CAP. III. De methodo determinandi cen-  
trum gravitatis in figuris re-  
gularibus, ubi etiam de cen-  
tro percussionis, & regula Gul-  
dini.

CAP. IV. De æquilibrio potentiarum, unum  
idemque corpus trahentium, &  
de mediis earundem directioni-  
bus.

CAP. V. De æquilibrio potentiarum fila;  
funesve trahentium, & de me-  
diis earum directionibus.

CAP. VI. De curvis, in quas flectuntur cor-  
pora flexibilia per infinitas po-  
tentias perpendiculariter iis  
applicatas.

CAP.



**CAP. VII.** *De resistantiâ solidorum, tam verticaliter, quàm horizontaliter suspensorum.*

**CAP. VIII.** *De legibus motuum, quæ in mutua corporum collisione observantur.*

## S E C T I O. III.

### *De Motu Graviorum Naturali.*

**CAP. I.** *De descensu gravium per plana verticalia, sive recta ad horizontem.*

**CAP. II.** *De descensu gravium per plana ad horizontem inclinata.*

**CAP. III.** *De descensu gravium per plura plana contigua, ubi etiam de casu eorundem per plana curvilinea.*

**CAP. IV.** *De motu pendulorum per arcus circulares oscillantium.*

**CAP. V.** *De natura, & proprietatibus cycloidis, ubi etiam de epicycloide tam interna, quàm externa.*

**CAP. VI.** *De motu pendulorum isochrona in quacumque gravitatis hypothesis.*

**CAP.**

**CAP.VII.** *De motu pendulorum compositorum, sive de centro oscillationis.*

**CAP.VIII.** *De oscillatione planorum, & solidorum, ubi etiam de identitate centri oscillationis cum centro percussionis.*

**CAP.IX.** *De linea celerrimi descensus in quacumque gravitatis hypotthesi.*

## SECTION IV.

### *De Motu Gravium Violento.*

**CAP.I.** *De motu projectorum in hypotthesi gravitatis constantis.*

**CAP.II.** *De motu projectorum in quacumque gravitatis hypotthesi.*

**CAP.III.** *De inventione virium, quibus corpora moveri possint in curvis datis.*

**CAP.IV.** *De motu projectorum in hypotthesi gravitatis, reciproce proportionalis quadrato distantiae.*

**CAP.V.** *De motu aequabili corporum in orbibus circularibus.*

**CAP.VI.** *De motu projectorum in orbibus mobilibus, ubi etiam de motu Apfidum.*

# STATICES ELEMENTA



Tatices nomine hîc intelligimus facultatem illam, quæ motum gravium considerat; tum artificiosum, qui machinarum ope perficitur; tum naturalem, qui à gravitate ipsâ de-

pendet; tum denique violentum, qui à vi grave projiciente proficiscitur. Hinc hujusmodi facultas ex tribus velut partibus componetur, quarum una est de artificiosâ gravium latione, altera de gravium motu naturali, & tertia demum de motu gravium violento.

Ex tribus hisce partibus, quæ hanc constituent facultatem, prima tantum Veteribus innotuit, eamque sub nomine Mechanices tradiderunt, quia geometricis innixa principiis, vires expendit machinarum, quibus gravia moventur, aut sustentantur. Sed quantum ad secundam, quæ motum gravium

A

yium

# STATICES

vium naturalem considerat, necnon & tertiam, quæ agit de motu gravium violento; eæ omnino Veteres latuerunt, & utraq; eximio Galilæo debetur.

Etſi enim Veteribus innotuerit, gravia inter descendendum naturalem ſuum motum accelerare, quum illud ſatis, ſuperque quotidiana edoceat experientia; nihilominus juxta quam proportionem iſta fiat acceleratio, nemo novit; & primus omnium Galilæus demonſtravit, ſpatia à gravi è quiete cadente in temporibus æqualibus deſcripta eam inter ſe rationem retinere, quam habent numeri impares ab unitate ſe conſequentes; atque adeo eadem ſpatia, à principio deſcenſus computata, eſſe in duplicatâ temporum ratione.

Similiter, etſi nemo ex Veteribus non viderit, gravi dum ab impellente manu projiciuntur, non rectam, ſed curvam lineam deſcribere; attamen nemo ante Galilæum auſus eſt naturam illius curvæ deſignare. Primus etenim Galilæus illam determinavit, & ex cognitâ gravium acceleratione collegit, curvam, quam projecta deſcribunt, illam ipſam eſſe, quam parabolam Veteres appellarunt: unde poſtea omnia, quæ ad motum ſpectant projectorum, nullo negotio geometricè deſignavit.

Tametſi autem tres ſint partes principa-  
lio-

## E L E M E N T A

liores, ex quibus constat universa Statica, sive doctrina de motu gravium; nihilominus harum institutionum elementarium, quas in Tyronum gratiam conscribimus, quatuor futuræ erunt sectiones. Prima etenim Statices principia generaliora continebit; secunda aget de artificiosâ gravium latione; tertia descensum, sive motum naturalem gravium considerabit; & quarta demum gravium motum violentum expendet.

## S E C T I O I.

### *De Generalioribus Statices Principiis.*

**O**Mnis Physico-mathematica disciplina oritur ex conjunctione Geometriæ cum aliquâ sensibili affectione materiæ: ex quo fit, ut principia illius disciplinæ sine illa eadem, quæ sensibilem illam materiæ affectionem respiciunt. Quum itaque Statica oriatur, applicando veritates geometricas ad motum corporum gravium; non alia erunt principia Statices generaliora, quàm quæ vel ad gravitationem corporum, vel ad motum ipsum in genere referuntur.

*De communi gravium centro, ubi etiam de  
figura telluris.*

**N**ihil adeo apud Mechanicos invaluit, quàm dari in tellure punctum aliquod internum, quod commune esset gravium centrum. Esse enim gravitatem unam ex viribus, quas Recentiores centripetas, sive centrales appellant; id ex eo liquet, quod corpora omnia, vi gravitatis acta, ad tellurem tendant, tamquam centrum: non secus, ac lapis fundâ circumactus ad manum velut centrum perpetuò fundâ retrahitur. Sed quoniam vis ista gravitatis exercetur, non modò supra superficiem telluris, verùm etiam infra, hoc est in vallibus, & locis subterraneis; dirigetur procul dubio non ad telluris superficiem, sed ad punctum aliquod telluris internum. Itaque punctum istud internum telluris, ad quod dirigitur vis gravitatis, illud est, quod commune gravium centrum Mechanici vocant.

Suppositâ autem telluris sphericâ figurâ, non aliud ostendunt esse commune gravium centrum, quàm centrum ipsum telluris. Experientia etenim docet, corpora gravia per vim gravitatis ad terram accedere secundum

rectas lineas, perpendiculares ejus superfici-  
ciei. Sed sphaericae figurae ea est proprietas  
praecipua, ut omnis recta linea ad ipsius su-  
perficiem perpendicularis transeat produ-  
cta per centrum ejusdem. Itaque si rectae li-  
neae, per quas gravia vi gravitatis ad terram  
accedunt, sint sphaericae ipsius superficiiei  
perpendiculares, eae productae transibunt  
omnes per centrum telluris, quod proinde  
commune erit gravium centrum.

Sphaericam porro esse telluris figuram, ne-  
mo ante hac in dubium revocavit, tum  
propter eclipses lunares, in quibus umbra  
telluris, sive etiam atmosphaerae rotunda, &  
circularis conspicitur; tum propter obser-  
vationes peractas ab iis, qui longa per ter-  
ram, aut oceanum itinera instituerunt, quum  
deprehenderint locorum tam latitudines,  
quam longitudines augeri, vel minui pro  
confecti quasi itineris ratione; tum denique  
ob ipsam illam navigandi scientiam, qua in  
ultimas ducimur terrarum oras, quum ejus  
regulae, ex praesupposita telluris figura sphae-  
rica velut ex unico principio deductae, suum  
infallibiliter effectum fortiantur.

Verum plures ex insignioribus nostri  
temporis Mathematicis ab hac de rotundita-  
te telluris hypothese recesserunt, & diversis  
principiis insistentes in duas opiniones toto  
caelo diversas abiere. Primus enim Newto-

nus in principiis suæ Philosophiæ mathematicis, quum consideraverit singulas telluris partes, ob diurnam ejus circa proprium suum axim revolutionem, vim quandam centrifugam habere, per quam conantur continuò ab ipso axe recedere, & vim istam non eandem esse in singulis partibus, sed eò majorem, quò magis partes à polis recedentes ad æquatorem accedunt; collegit exinde tellurem elevatam esse versus æquatorem, & depressam versus polos.

Idem sensit quoque Christianus Hugenius in Diatribâ de Causâ Gravitatis. Nam rationem redditurus, cur pendulorum oscillationes celeriores sint in iis locis, quæ magis ab æquatore recedunt, id repetit ex eadem diurnâ telluris revolutione, quæ producens in corporibus conatum quandam centrifugum, detrahit ex iis portionem proprii ponderis, conatui illi correspondentem, atque ita efficit, ut eò graviora sint corpora, cæteris paribus, quò magis ab æquatore recedunt: ex quo velut consequens infert partes æquatorias esse magis elevatas, quàm polares; quum actio gravitatis, quæ partes terrestres circa telluris centrum disponit, & aptat, major sit in polis, quàm in æquatore.

Interim etsi tam Newtonus, quàm Hugenius telluris figuram talem esse posuerint,  
ut



ut partes æquatoriae sint elevatae , polares  
verò depressæ; nihilominus proportio, quam  
habet diameter telluris secundum polos ad  
diametrum telluris secundum æquatorem,  
non eadem ab utroque statuitur. Hugenius  
enim ( & post eum Hermannus in suâ Pho-  
ronomiâ ) illam invenit , ut 577 ad 578;  
Newtonus verò in secundâ laudati sui ope-  
ris editione eandem ponit , ut 229 ad 230.  
Neque mirum ; quandoquidem ad hanc  
proportionem indagandam, non eadem , sed  
diversa principia adhibuerunt .

At ex alterâ parte doctissimus Burnetus  
in suâ telluris theoriâ sacrâ ex eâdem diu-  
nâ telluris resolutione figuram ejus talem  
esse contendit , ut partes polares sint eleva-  
tæ , æquatoriae verò depressæ . Considerat si-  
quidem , quod etsi partes aqueæ , sub æqua-  
tore existentes , majores circulos describant,  
atque adeo majorem habeant vim receden-  
di à centro motus , attamen ob resistantiam  
aeris , eas supernè prementis , attolli ne-  
quaquam possint . Unde ob eandem illam  
vim versus polos excurrentes , necesse est, ut  
partes telluris polares reddant elevatas , æ-  
quatorias verò depressas .

Hoc idem, argumento alio majoris roboris,  
adstruit deinde Einsenschimidius , mathe-  
maticus Argentorati . Nam perpendens ma-  
gnitudinem gradus terrestris in extensione

telluris secundum polos, quæ oritur ex pluribus dimensionibus, quas sub diversis parallelis accuratissimè inierunt Erathostenes, Snellius, Ricciolius, & Piccartus, novit eam non eandem ubique esse, sed minui in accessu ad polos, augeri verò in accessu ad æquatorem. Unde collegit figuram telluris talem esse oportere, ut paralleli quidem circulis, meridiani verò ellipsibus, umbilicos habentibus in axe telluris, essent repræsentandi.

Argumentum istud Einsenschimidii, quod Burneti opinionem extra omne dubium ponit, confirmavit Cassinus, conferendo observationes suas cum iis, quas ante ipsum instituit Piccartus. Nam ex mensurâ distantiae, quæ est inter Ambianum, & Malvoisinam, invenit Piccartus magnitudinem gradus terrestris in extensione telluris secundum polos esse pedum parisiensium 342360; ex mensurâ verò distantiae, quæ est inter Observatorium Parisiense, & Villam Colioure in Roussillon, collegit Cassinus eandem gradus terrestris magnitudinem esse pedum parisiensium 342600. Unde, quia loca à Piccarto adhibita magis recedunt ab æquatore, quàm loca usurpata à Cassino, perspicuum est, magnitudinem gradus terrestris majorem esse in accessu ad æquatorem, quàm in accessu ad polos; & propterea  
figu-

figuram telluris talem esse oportere, ut partes polares sint elevatæ, æquatoriæ verò depressæ.

Jam quid in hac opinionum diversitate statuendum sit, nunc breviter discutiendum. Et primò quidem ratio, ex diurnâ telluris revolutione deprompta, qua utriusque opinionis assertores utuntur, litis hujus legitimus arbiter esse nequit; quandoquidem systema terræ motæ est merum commentum, ad ingenii potiùs, quàm veritatis, ostentationem inventum. Eo autem, velut merâ hypothesi, admissio, id quod contendit Burnetus, nequaquam sequitur; nam unâ cum globo terraqueo movetur etiam atmosphæra; adeoque quemadmodum partes hujus propter conatum centrifugum attolluntur, ita quoque attolli debent partes aqueæ, infra illas existentes.

Sed neque etiam exinde conficitur, figuram telluris talem esse debere, qualem adstruunt Newtonus, & Hugenius, nempe ut partes æquatoriæ sint elevatæ, polares verò depressæ. Hoc enim tunc quidem sequitur, quotiescumque primigenia telluris figura ponitur circularis, & spherica. Itaque si hanc eis hypothesim negemus, & loco ejus hanc aliam substituamus, ut tellus ab initio fuerit sphaeroides oblongata versus polos; major ille conatus centrifugus in partibus, quæ

quæ magis accedunt ad æquatorem, tantum efficere potuit, ut tellus non aded esset versus polos oblongata.

Quum igitur ratio, ex diurnâ telluris revolutione deducta, quæstionē istâ nec possit, nec debeat definire, expendamus vim argumenti, quod eruitur ex deprehensâ inæqualitate graduum terrestrium in extensione telluris secundum polos, nempe quod magnitudo gradus terrestris minuatur in accessu ad polos, augeatur in accessu ad æquatorem. Neque enim satis est ad adstruendam tellurem oblongatam versus polos, quod inæqualitas ista satis apte explicetur, ponendo meridianos omnes esse totidem ellipses, umbilicos habentes in axe telluris. Nam quum præter ellipsim innumera alie dentur curvæ lineæ, quæ in orbem redeunt, ostendendum est generaliter nullam dari posse ovalem, quæ illam explicans inæqualitatem, axim minorem habeat, per polos transeuntem, axim verò majorem per planum æquatoris.

Hujus rei demonstratio pendet ex doctrinâ Recentiorum de curvis evolutis; unde, ut ea meliùs intelligatur, præmittenda sunt priùs nonnulla de genesi curvarum, quæ per aliarum evolutionem describuntur: scilicet, quod si ABC sit curva quævis linea, si lo undique æqualiter tenso involuta, ac

com-

FIG. I.

Complicata, & fili extremitas A intelligatur, ita quidem moveri, ut ab ipso filo sensim curva evolvatur, atque interim evolutæ fili portiones BM, CN maneant semper æqualiter tensæ; quod inquam extremitas illa fili describat hoc motu curvam aliam AMN, respectu cujus dicitur evoluta, curva prior ABC.

Quemadmodum autem ex ipsâ curvæ genesi abundè liquet, portiones fili BM, CN, quæ radii evolutæ dicuntur, æquales esse correspondentibus evolutæ portionibus AB, AC; ita quoque ex eadem curvæ genesi haud difficulter colligi potest, eosdem radios BM, CN evolutam quidem contingere in punctis B, & C, ipsam verò curvam ex evolutione descriptam perpendiculariter secare in punctis M, & N.

Etenim, si portionem curvæ BC indefinitè parvam supponamus, atque ita eam consideremus velut portionem rectæ lineæ, quæ contingit evolutam in puncto B; quia portio fili BM æqualiter tensa supponitur, ea jacebit in directum cum illâ fili portione, qua involvitur curvæ portio BC; & consequenter, quia CBM est unica recta linea, ea erit, quæ contingit evolutam in puncto B.

Et quoniam portio ortæ curvæ MN considerari potest, veluti arcus descriptus centro C, & intervallo CM, sive CN, quum  
iq

in evolutione portionis curvæ  $BC$  radius  $BM$  quodammodo circa punctum  $A$  circulariter moveatur, perspicuum est eundem radium  $BM$  non modò contingere evolutam in puncto  $B$ , verùm etiam curvam ex evolutione descriptam ad rectos angulos secare in puncto  $M$ ; quum notum sit ex elementis omnes circuli radios circumferentiæ perpendiculariter insistere.

Atq; hinc liquet ulteriùs, quod sicuti curva ex evolutione descripta  $AMN$  cõsiderari potest, velut aggregatum infinitorum arcuum, qui omnes sint indefinitè parvi, & ad totidem circulos diversos referantur, ita curva ipsa evoluta  $ABC$  respici possit, velut sedes, sive locus, in quo eorum omnium arcuum centra reperiantur. Unde suâ sponte consequitur, evolutam cujusque circuli circumferentiæ esse ipsum circuli centrum, unamquamque curvam nonnisi unicam evolutam habere, atque hujus puncta singula inveniri, quærendo punctum concursus duarum rectarum, quæ datam curvam in duobus punctis indefinitè proximis ad rectos angulos secant.

Sed notetur hoc loco velim, curvam ex evolutione descriptam posse quandoque diversum ab evoluta ipsâ principium habere. Si enim filum, quod involvit curvam  $ABC$ , usque in  $D$  in directum protendatur, ita ut

por-

portio ejus AD curvam contingat in A ; li-  
quet , evolutione fili punctum D describere  
curvam DEF , cujus principium est diver-  
sum ab eo , quod refertur ad ipsam evolu-  
tam ABC . Verùm hoc casu radius evolutæ  
BE erit æqualis AB unà cum AD, & simili-  
ter radius CF erit æqualis AC unà cum ea-  
dem AD.

His prænotatis , haud difficile modò erit  
ostendere id, quod erat præcipuum. Sit enim  
ABCD ovalis, quæ oritur, secando tellurem FIG. 2.  
plano per axim, sitque AC axis secundum  
polos, & BD axis secundum æquatorem. Ostē-  
dendum est igitur, quod si in ovali istâ ma-  
gnitudo gradus terrestris minuatur in acces-  
sibus ad polos, augeatur in accessu ad æquatorem,  
necessariò axis secundum polos AC debeat  
esse major axe secundum æquatorem BD .

Quoniam enim uterque axis ovalem  
secat ad rectos angulos, sit hinc, ut evo-  
lutæ portionis AB radius correspondens  
puncto A sit axis AC, & radius correspon-  
dens puncto B sit axis BD : proindeque ipsa  
illius portionis evoluta existet inter rectas  
AC, BD . Et quoniam eadem rectæ AC, BD  
contingere debent evolutam, existet evoluta  
ista, vel intra angulum AED, vel etiam in-  
tra angulum BEC ; adeoque erit, vel curva  
PQR, vel curva STV.

Et quidem existente evolutâ intra angu-  
lum

lum AED, id, quod ostendendum est, abundè illequet. Est enim curva PQR minor duabus rectis PE, ER, quæ illam comprehendunt; adeoque additâ communi AP, erit AP unâ cum PQR minor duabus AE, ER. Sed AP unâ cum PQR est æqualis radio evolutæ BR. Itaque duæ AE, ER majores erunt, quàm BR; & propterea ablatâ communi ER, erit AE major, quàm BE, sive etiam AC major, quàm BD.

Quod si verò evoluta existat intra angulum BEC, tunc vicissim erit BD major, quàm AC. Nam curva STV est minor duabus rectis SE, EV, quæ illam comprehendunt; proindeque additâ communi BS, erit BS unâ cum STV minor duabus BE, EV. Sed BS unâ cum STV est æqualis radio evolutæ AV. Itaque duæ BE, EV majores erunt, quàm AV; adedque ablatâ communi EV, erit BE major, quàm AE; & consequenter BD major, quàm AC.

Eò itaq; res redit, ut ostendamus evolutam portionis AB existere intra angulum AED, quod equidem sponte suâ consequitur, si ostendi possit radios evolutæ illius augeri ab A versus B; nam si utique existeret intra angulum BEC, vicissim radii ipsius minuerentur ab A versus B. Augeri autem radios evolutæ, quæ refertur ad portionem AB, ab A versus B, ex deprehensâ graduum terrestrium



strum inæqualitate in hunc , qui sequitur , modum ostendemus .

Capiantur in ipsâ AB duo arcus indefinitè parvi AM , MN , sed ita tamen , ut iis eadem correspondeat latitudinum differentia , & non consideratâ evolutæ positione , sint MO , NQ radii ejus correspondentes punctis M , & N . Quia igitur , in omni figuræ telluris hypothefi , differentia latitudinum duorum quorumvis locorum est angulus , quem constituunt rectæ linæ , ex iis locis perpendiculariter ad telluris superficiem erectæ ; erit angulus AOM differentia latitudinum in locis A , & M ; & angulus MQN differentia latitudinum in locis M , & N ; adeoque , quum ex hypothefi arcubus AM , MN eadem correspondeat latitudinum differentia , erit angulus AOM æqualis angulo MQN .

Hinc similes sunt sectores AMO , MNQ ; eritque proinde ut AM ad MN , ita MO ad NQ . Et quoniam magnitudo gradus terrestris augetur in accessu ad æquatorem ; ex arcubus AM , MN , quibus eadem correspondet differentia latitudinum , necesse est , ut MN major sit , quàm AM : quare erit quoque NQ major , quàm MO , hoc est radius evolutæ , correspondens puncto N , major radio , qui correspondet puncto M . Quumq , eadem sit demonstratio de aliis evolutæ radiis ,

con-

consequens est, evolutam ipsam talem esse, ut radii ejus augeantur ex A versus B: proindeque existet illa intra angulum AED, eritque aded axis secundum polos AC major axi secundum æquatorem BD.

Rectè igitur infertur, tellurem esse oblongatam versus polos ex eo, quod magnitudo gradus terrestris augeatur in accessu ad æquatorem. Nam quæcumque ovalis oriatur, secando tellurem plano per axim, semper ex ostensis axis ejus secundum polos major esse debet axi ejusdem secundum æquatorem. Quocirca quum inæqualitas illa graduum terrestrium ob exactissimas Geographorum observationes nequeat in dubium revocari; concludendum est, figuram telluris reverà talem esse, ut partes polares sint elevatae, æquatoriae verò depressæ.

Ex eo autem, quod tellus non sit sphærica, quemadmodum ante hac communiter credebatur, sed sphæroides oblongata versus polos; efficitur, ut commune gravium centrum neque etiam sit merum punctum, quemadmodum huc usque existimatum à Mechanicis, sed superficies illa, quæ est evoluta superfici ei terrestris, quum ad istam tendant gravium directiones. Qua ratione si ABCD sit ovalis, quæ oritur secando tellurem plano per axim, sitque PRVS ovalis hujus evoluta; quemadmodum per

revolutionem ovalis circa axim AC describitur superficies terrestris, ita per revolutionem evolutæ circa eundem axim generabitur superficies, quæ pro communi gravium centro debet haberi.

Atque hinc modò ratio intelligi potest, cur pendulorum oscillationes evadant celeriores in iis locis, quæ magis recedunt ab æquatore: nimirum, quia tametsi partes æquatoris sint depressæ, polares verò elevatæ, attamen distantia corporis gravis à centro, in quod gravitat, fit major in accessu ad æquatorem; quum radii evolutæ, describentis ovalem, quæ oritur secando tellurem plano per axem, à polo versus æquatorem cōtinuò crescant. Cæterùm etsi vera telluris figura non sit sphærica, sed sphæroides versus polos oblongata; quia tamen differentia inter diametrum secundum æquatorem, & diametrum secundum polos, tanta non est, ut neglecta possit nos in examinandis motibus corporum gravium in sensibilem aliquem errorem inducere; proinde supponemus in posterum figuram telluris ad sphæricam accedere, adeòque commune gravium centrum illud idem esse, quod hucusque à Mechanicis usurpatum.

*De centro gravitatis cujusque corporis, ubi  
etiam de linea directionis.*

**Q**uemadmodum in tellure considerant Mechanici commune gravium centrum, ita in unoquoque corpore centrum propriæ suæ gravitatis mente concipiunt. Hoc autem vocant punctum illud corporis internum, in quo vis gravitatis subinde colligitur, & coacervatur, ut extra ipsum nihil gravitatis in aliis corporis particulis inesse videatur, & circa quod proinde partes ejusdem corporis subinde librantur, ut si exinde corpus ipsum suspendatur, eundem semper suarum partium situm retinebit, nec in ipsâ suspensione circumverte-  
tur.

Hinc tale punctum in illo semper plano reperietur, quod corpus ipsum dividit in duas partes æquiponderantes; nam quum partes illæ sint ejusdem ponderis, necesse est, ut eadem subinde librentur circa planum illud, ut neutra alteram attollere possit. Neque verò requiritur, ut partes, in quas dividitur corpus à plano secante, sint semper ejusdem magnitudinis; nam pondera corporum, ut inferiùs ostendemus, in datâ di-  
stan-

stantiâ à communi centro gravitatis, non quidem magnitudinibus, sed quantitativus materiæ, in iis existentibus, proportionem correspondent.

Quod si verò materia alicujus corporis esset ejusdem ubique densitatis, tunc equidem partes duæ, in quas dispescitur corpus à plano, per centrum gravitatis transeunte, non modò erunt ejusdem ponderis, verùm etiam ejusdem magnitudinis. Nam quantitas materiæ, quæ existit in unoquoque corpore, ut suo quoque loco videbimus, repetenda est ex magnitudine, & densitate conjunctim; adeòque quum duo corpora eandem habent densitatem, tunc eorum materiæ quantitates erunt in solâ magnitudinum ratione.

Ex eo autem, quod centrum gravitatis cujusque corporis reperiatur in plano, quod corpus ipsum dividit in duas partes æquiponderantes, haud difficile erit ostendere cum Pappo Alexandrino, quod centrum istud gravitatis existat, non solùm in corporibus, quæ certum servant partium ordinem, sed etiam in iis, quæ temerè, & casu formata sunt, quodque idem centrum nonnisi merum punctum esse debeat.

Si enim corpus quodcumque unâ sui dimensionem super plano verticali collocetur, habebit aliquando positionem talem, ut

maneat immotum, & non decidat: proindeque si planum producat, secabitur corpus in partes duas æquiponderantes, atque aded planum secans transibit per centrum gravitatis. Similiter, si idem corpus alterâ sui dimensione super eodem plano collocetur, acquirat aliquando talem positionem, ut dimissum maneat, & non decidat: proindeque si rursus planum producat, secabit denuo corpus in partes duas æquiponderantes, atque aded iterum transibit per centrum gravitatis. Denique, si super eodem plano tertiâ sui dimensione corpus idem applicetur, & in eâ positione, in qua dimissum manet libratum, & non decidit, producat tertiò planum, secabitur adhuc corpus in partes duas æquiponderantes, & propterea planum illud transibit tertiò per centrum gravitatis. Unde quum tres istæ corporis sectiones nonnisi unicum punctum commune habeant, erit punctum illud commune centrum gravitatis corporis propositi.

Præterea in descensu libero gravium considerant Mechanici lineam directionis, eamque vocant lineam illam, quam dum grave corpus descendit, propriæ suæ gravitatis centrum describit. Unumquodque etenim grave, quum liberè descendit, non quidem obliquè, sed rectâ ad horizontem, sive telluris superficiem accedere, id equidem abundè

dè docet experiētia. Sed hanc interim rectam lineam horizonti perpendicularem, per quam grave corpus descendit, non ab alio puncto describi; quàm à centro suæ gravitatis; id sanè non solùm experientia, sed ipsa naturalis ratio suadet.

Omnis etenim gravitas cujusque corporis subinde in ipso gravitatis centro colligitur, & coacervatur, ut extra ipsum nihil gravitatis in aliis corporis particulis inesse videatur. Quocirca, quum grave aliquod corpus vi gravitatis deorsum fertur, cæteræ corporis partes, velut omni pondere destitutæ, motum centri gravitatis consequentur: proindeque linea ad horizontem perpendicularis, per quam decidit grave corpus, à centro propriæ suæ gravitatis describetur.

Istæ gravium directiones convergunt omnes ad commune gravium centrum; sed nihil interim verat, quominus eæ velut paralleleæ considerentur. Notum est enim apud Geometras, rectas lineas, ad punctum indefinitè distans convergentes, posse velut parallelas considerari. Jam verò commune gravium centrum, ad quod convergunt gravium directiones, indefinitè distat à nobis. Itaque gravium directiones, tametsi convergentes ad commune gravium centrum, possunt velut paralleleæ absque sensibili errore considerari.

Quum grave corpus super plano aliquo infistit, & linea directionis transit per basim ipsius, illud semper manebit immotum. Conatur quippe grave corpus ad tellurem accedere secundum lineam directionis. Itaque quotiescumque nequit per hanc lineam vim suam gravitatis exercere, necesse est, ut maneat immotum, & non decidat. Sed infistente corpore subinde super plano aliquo, ut linea directionis transeat per basim ejus, tunc nequit per lineam illam vis gravitatis exerceri, quum impedimento sit planum subiectum. Quare necesse est, ut hoc casu maneat immotum, & non decidat.

Vicissim verò, quum corpus ita quidem infistit super plano aliquo, ut linea directionis cadat extra basim, tunc nequaquam manebit immotum, sed decidet necessarid; quia scilicet potest optimè vis gravitatis secundum lineam directionis exerceri, quum ei nihil sit impedimento. Unde corpus sphericum super plano aliquo inclinato positum, si sit ejusdem ubique densitatis, non potest non descendere; nam ratione rotunditatis contingit subiectum planum in unico tantum puncto, per quod linea directionis nequaquam transit, quum linea illud conjungens cum centro gravitatis, velut perpendicularis ad planum inclinatum, obliquè secet planum horizontale.

Ne-



Neceſſe eſt autem, ut corpus ſphæricum ſit ejuſdem ubique denſitatis, quò centrum ſuæ gravitatis in ipſo ſphærae centro reperiatur. Nam ſi nexus partium non ſit ubique idem, neque aded eadem ubique denſitas, tunc centrum gravitatis nequaquam in centro ſphærae reperiatur: proindeque linea conjungens punctum contactus cum centro gravitatis, quia obliquè ſecat planum inclinatum, poterit quandoque ad rectos angulos horizontali plano occurrere; & conſequenter vices lineæ directionis ſuſtinere.

Sed in ipſo plano horizontali tunc etiam corpus ſphæricum ejuſdem ubique denſitatis manet immotum, & non decidit, quum collocatur in eo loco, in quo tellurem contingit, & reſpectu cujus plani horizontalis nomen meretur; quandoquidem iſto dumtaxat in loco linea conjungens punctum contactus cum centro gravitatis, velut perpendicularis ad ſuperficiem telluris, vices ſuſtinet lineæ directionis. Unde quocumque alio in loco corpus ſphæricum collocetur, quia linea directionis tranſire nequit per punctum contactus; cadet iſta ſemper extra baſim, adedque ipſum corpus ſphæricum nequaquam manebit immotum.

Jam quum corpus ſphæricum ſuper plano horizontali alio in loco collocatur, quàm in eo, in quo telluris ſuperficiem

planum contingit; cadet linea directionis inter locum istum, & punctum contactus corporis sphaerici: unde corpus versus eundem hunc locum dirigit motum suum, veluti declivem respectu ejus, in quo reperitur. Sed quum ad ipsum pervenerit locum, nolim credatis in quiete mansurum; nam juxta leges penduli, inferius à nobis ostendendas, necesse est, ut in alterâ plani parte tantundem spatii percurrat, quantum in priori peragravit; adedque itu, redituque, non secus ac pendulum, perpetuò movebitur, nec unquam poterit ad quietem pervenire.

Ex iisdem principiis colligi quoque potest, corpora gravia èd magis viribus externis resistere, & erecta manere, quòd majores fuerint bases, quibus innituntur. Nam ut ea concussa decidere possint, necesse est, ut linea directionis cadat extra basim; sed quòd major est basis, intra quam vagari potest linea directionis, èd major requiritur vis ad hoc, ut ipsa directionis linea basim transiliat. Itaque corpora gravia externis viribus èd magis resistent, & immota manebunt, quòd majores sunt bases, quibus inhaerent.

Atque hinc ratio elucescit, cur homines utroque innixi pede stent facillimè, quum tamen difficulter maneant immoti, ubi uni-

unico pede, multoque difficilius, quum vel calcaneo, vel apice pedis dumtaxat innituntur. Humanum siquidem corpus propter naturales ejus functiones concutitur indefinenter, proindeque linea directionis continuò etiam variatur: ex quo fit, ut eo facilius stare possit erectum, quò major est basis, intra quam vagari potest linea directionis; quæ quidem major est, quum pede toto, quàm quum calcaneo, aut apice pedis, multoque major, quum utroque pede innititur.

Patet etiam, cur corpus aliquod exile, velut est acus, super cuspide sua erectum manere non possit: nimirum, quia propter continuum aeris motum linea directionis faciliè extra basim vagatur. Sed liquet quoque, cur columnis erectis eò major accedat resistentia, quò majori pondere premuntur; scilicet, quia ob majus illud pondus non ita faciliè concuti possunt, adeoque major requiritur vis, ut linea directionis basim egrediatur.

## C A P. III.

*De universali corporum gravitatione, & de  
ejus legibus precipuis.*

**C**orpora omnia terrestria gravitare in terram, phenomenon est, quod abundè

dè docet experientia ; quum nullum adeo exiguum sit, quod non conetur ad tellurem accedere. Sed eandem gravitatem dari etiam in corporibus cœlestibus ea quidem ratione, ut planetæ primarii gravitent in solem, & planetæ secundarii in suos primarios, id primus omnium novit Newtonus ex totius universi systemate, quod ita nobis in admirando suo opere principiorum Philosophiæ sub oculos posuit, ut nec ipse, si nunc revivisceret, Rex Alphonfus vel simplicitatem, vel harmoniæ gratiam in eo desideraret.

Inde autem collegit gravitationis hujus universalis tres esse leges præcipuas. Prima est, quod pondera corporum in æqualibus ab eo in quod gravitant distantis, sint ut quantitates materiæ, quæ in iis corporibus existunt. Secunda, quod pondus unius, ejusdemque corporis in recessu ab eo, in quod gravitat, decreascit in duplicatâ ratione distantiae. Et tertia, quod pondera corporum in diversis ab eo in quod gravitant, distantis sint conjunctim, ut quantitates materiæ directè, & quadrata distantiarum inversè.

Et sanè omnes istæ leges gravitationis non aliundè repeti poterant, quàm ex totius mundani systematis cognitione ; nam ex iis, quæ apud terram nostram experimur,

non

non aliud colligi posse videtur, nisi quod pōdera corporum propè telluris superficiem sint, ut quantitates materiæ, in iis corporibus existentes; quum non aliud nobis constet experientiâ, quàm quod æquales sint accelerationes corporum omnium, per vim gravitatis è quiete cadentium, utpote quæ sublata aeris resistentiâ æqualibus temporibus æqualia spatia describunt.

Ex eo enim, quod æquales sint corporum omnium per vim gravitatis è quiete cadentium accelerationes, manifestè sequitur, corporum pondera prope telluris superficiem esse ut materiæ quantitates, quæ in corporibus existunt. Nam quotiescumque vis gravitatis in corpus aliquod operatur, illudque urget, & accelerat; quod ei opponitur, & reluctatur, est quantitas materiæ. Quocirca, quum duo corpora per vim gravitatis æqualiter accelerantur, in eo servatâ proportionem major est actio gravitatis, in quo plus materiæ continetur: proindeque pondera, sive vires gravitantes eorum corporum, erunt inter se, ut eorundem materiæ quantitates.

Sed non abs re erit hic paucis innuere, qua ratione ex phænomenis cœlestibus alias duas leges gravitationis deduxerit Newtonus. Nimirum naturæ lex est ab omnibus recepta Philosophis, corpus omne per se

severare in statu suo quiescendi, vel movendi uniformiter in directum, nisi quatenus à viribus impressis cogitur statum illum mutare. Inde itaque sequitur, corpora, quæ moventur in lineis curvis, atque aded de lineis rectis orbitas suas tangentibus jugiter abeunt, vi aliquâ perpetuè agente in itinere curvilineo retineri; proindeque planetis in orbibus revolventibus necessariò aderit vis aliqua, per cujus repetitas actiones indefinenter à tangentibus flectantur.

Jam autem circa motus planetarum, post Keplerum sanioris Astronomiæ Patrem, illud in confesso est apud Astronomos omnes, nempe planetas primarios circa solem, & planetas secundarios circa suos primarios subinde revolvi, ut radiis ad illos actis areas percurrant temporibus proportionales. Unde quia mathematicis rationibus certissimè demonstratur, corpora illa, quæ ita moventur in gyrum, ut areas circa punctum aliquod describant temporibus proportionales, viribus urgeri ad punctum illud, velut centrum, tendentibus; consequens est, ut vires planetarum primariorum ad solem, & vires secundariorum ad suos primarios tamquam centra dirigantur.

Præterea circa motus planetarum illud etiam convenit apud Astronomos universos: nimirum planetas omnes motibus suis non qui-

quidem describere tot circulos, quemadmodum superstitiosa credebat antiquitas, sed ellipses totidem, umbilicum inferiorem in centro virium habentes. Quocirca quia mathematicis rationibus evincitur, vim, qua corpus revolvitur in ellipsi, esse ut quadratum distantiae reciproce, quum ad ellipseos umbilicum tendit; concludendum est, vim, qua quisque planeta revolvitur, & in orbe suo detinetur, in recessu à centro virium decrescere in duplicatâ ratione distantiae.

Uterius, quia revolutiones planetarum primariorum circa solem, circumjovialium circa jovem, & circumsaturniorum circa saturnum sunt phœnomena ejusdem generis cum revolutione lunæ circa terram; naturalis ratio suadet, lunam eâdem omnino vi revolvi circa terram, qua revolvuntur planetæ primarii circa solem, circumjoviales circa jovem, & circumsaturnii circa saturnum, quum natura causis superfluis non luxuriet. Itaque si ostendi potest, vim, qua luna revolvitur circa terram, non differre à vi illâ, quam in corporibus terrestribus gravitatem appellamus; consequens erit, gravitatem dari in corporibus omnibus, & quemadmodum corpora terrestria unâ cum ipsâ lunâ gravitant in terram, ita planetas primarios gravitare in solem, circumjoviales in jovem, & circumsaturnios in saturnum.

Non

Non differre autem vim, quæ luna revolvitur circa terram, à vi ipsâ gravitatis, ostendi potest ex eo, quod utraque vi prope superficiem telluris idem omnino spatium dato tempore describatur. Assumptâ namque lunæ à terrâ distantia semidiametrorum terrestrium sexaginta, quia lunaris periodus respectu fixarum perficitur spatio dierum viginti septem, horarum quinque, & quadraginta trium minutorum, terræque ambitus est pedum parisiensium 123249600, uti à Piccarto mensuratore Gallo est definitum; invenietur inito calculo secundum hæc elementa, lunam spatio unius minuti primi describere vi suâ pedes parisienses quindecim cum unâ parte duodecimâ; & propterea quia vis, qua luna detinetur in orbe suo, decrescit in duplicatâ ratione distantie, eadem luna prope terram describet vi suâ tempore unius minuti primi pedes parisienses 54300.

Porro Hugenius captis pendulorum experimentis, & calculo inde inito demonstravit corpora terrestria vi gravitatis cadendo describere eosdem pedes parisienses quindecim cum unâ parte duodecimâ tempore unius minuti secundi. Unde quia spatia vi gravitatis prope telluris superficiem descripta, ut inferius ostendemus, & ipsa confirmat experientia, sunt ut quadrata tem-



temporum, quibus spatia illa describuntur; eadem corpora terrestria tempore unius minuti primi describent vi gravitatis prope terram pedes parisienses 54300; & prope Irea, quum æqualia sint spatia, quæ à vi lunæ, & à vi gravitatis prope tellurem nostram dato tempore describuntur, concludendum est, vim lunæ prope terram adæquare vim gravitatis.

Non itaque differt vis, qua Luna revolvitur circa terram, à vi gravitatis: quare eadem erit utriusque natura, nec aliâ vi tam luna circa terram, quàm planetæ alii revolventur, quàm ipsâ illâ, quæ efficit, ut corpora terrestria decidant in terram, Unde facile modò erit alias duas gravitationis leges ex phænomenis comprobare. Nam si vis gravitatis detur in corporibus omnibus, & quemadmodum corpora terrestria gravitant in terram, ita planetæ primarii gravitent in solem, & secundarii in suos primarios; proculdubio quicquid circa vim istam gravitatis de uno corporum genere innotescit, illud idem de corporibus universis licebit affirmare. Quocirca, quia in planetis vis ista gravitatis minuitur in recessu à corpore, in quod gravitant, in duplicatâ ratione distantie; concludendum est, eandem vim gravitatis in corporibus terrestribus decrescere etiam in duplicatâ distantie ratione, quum à tel-

à tellure recedunt.

Atque hac gravitationis lege comprobata, facile erit & illam paulò generaliore ostendere, quod pondera corporum, quæ in diversis ab eo, in quod gravitant, distantis consistunt, sint conjunctim, ut quantitates materiæ in corporibus iis existentes directè, & quadrata distantiarum inversè. Nam si corpora illa essent in æqualibus ab eo, in quod gravitant, distantis, pondera ipsorum ex superius ostensis suis quantitibus materiæ directè corresponderent. Sed pondus cujusque corporis in recessu ab eo, in quod gravitat, minuitur in duplicatâ ratione distantie. Itaque, quum corpora in diversis ab eo, in quod gravitant, distantis consistunt, pondera ipsorum erunt conjunctim ut quantitates materiæ directè, & quadrata distantiarum inversè.

Quantum ad causam gravitatis, duæ sunt præcipuæ Philosophantium opiniones, toto cælo diversæ. Prima est illorum, qui putant gravitatem esse universalem, longèque præcipuam in universitate rerum continendâ materiæ affectionem, quæ sit verum motus principium, veraque causa suæ conservationis. Atque hanc opinionem, in qua fuerunt omnes fere Veteres Philosophantes, apud Anglos rursus ad auras revocavit Vir Clarissimus Isaac Newtonus.

Nam

Nam inquit, quum materia ex se sit principium purè passivum, habeatque tantum vim inertie, per quam corpora persistant in illo statu, in quo semel sunt collocata: proculdubio ab illo solo principio nullus unquam in rerum naturâ motus potuisset oriri. Itaque alio aliquo principio omnino opus erat ad movenda corpora, & jam, quum moventur, aliud icidem requiritur ad motum eorundem conservandum, cujusmodi præter gravitatem est nullum.

Altera opinio est eorum, qui contendunt gravitatem esse merum motus effectum. Etsi enim ultro fateantur, materiam esse inertem, omnisque actionis expertem, nec proinde motum à materiâ oriri potuisse; attamen vim motricem, quæ in hac rerum universitate continendâ requiritur, non aliâ agnoscunt, quàm ipsam Dei voluntatem. Supponunt enim, quod sicuti Deus ab initio certam creavit materiæ quantitatem, quam immutabili suâ voluntate conservat eandem, & immutatam; ita certam creatæ materiæ motus quantitatem indiderit, quæ per eandem ipsius Dei immutabilem voluntatem eadem semper, & invariata conservetur. Ex quo factum, ut quemadmodum prioris sententiæ assertores gravitatem à Deo, motum autem à gravitate repetunt; ita vicissim alterius hujus sententiæ patroni

C mo-

motum quidem à Deo , gravitatem vero à motu deducant.

Qui gravitatem considerant velut principium generale , unde motus omnes subnascuntur , & quo mediante iidem motus conservantur , ii quidem recensitas leges gravitationis mechanicè explicare non tenentur ; quia sicuti gravitatem à Deo repetunt , ita & legum gravitationis non alium , quàm Deum auctorem agnoscunt . Sed qui vicissim non aliud principium motus admittunt , quàm Deum ipsum , gravitatemque ut merum motus effectum respiciunt , iis quemadmodum onus incumbit ostendere , qua ratione ex motu impressæ materiæ potuerit gravitas oriri , ita mechanicè debent explicare , quo pacto ex eodem principio tres illæ gravitationis leges consequantur .

Non me latet eos , qui gravitatem à motu repetunt , de mechanicâ gravitatis explicandæ ratione inter se non satis convenire ; verùm id omnibus commune est , ut gravitas oriatur ex pressione , quam materia quædam subtilissima , tellurem undique cingens , exerit in grave corpus , quod inter illius materiæ particulas nequit in æquilibrio consistere . Unde facilè intelligimus , qua ratione pondus cujusque corporis in datâ à tellure distantia quantitati suæ materiæ correspondeat . Nam pressio , quam subit

cor-

corpus grave, tanta est, quantam exerunt particulæ materiæ subtilissimæ, quæ ad servandum æquilibrium in locum illius corporis subingredi conantur; quarum quidem particularum numerus correspondet multitudini partium, grave illud corpus componentium, hoc est, quantitati materiæ in corpore illo esistenti; quum interstitiorum ejusdem corporis nulla ratio sit habenda, quippe quæ jam materiâ illâ subtilissimâ sunt repleta.

Intelligimus etiam, qua ratione fiat, ut vis gravitatis in recessu à tellure decreascit in duplicatâ ratione distantiae, atque aded ut pondera corporum in diversis à tellure distantis sint conjunctim, ut quantitates materiæ directè, & quadrata distantiarum inversè. Nam, quum oriatur vis gravitatis ex pressione, quam materia quædam subtilissima exerit in grave corpus, erit vis gravitatis in omni distantia proportionalis huic pressioni. Jam verò, si concipiamus subtilissimam illam materiam divisam in innumeras superficies, concentricas telluris superficiei; erit hæc pressio major in superficie minori, & minor in superficie majori; adedque reciprocè proportionalis superficiei, in qua ea exercetur, hoc est reciprocè proportionalis quadrato distantiae. Itaque & ipsa vis gravitatis in omni loco reciprocè

proportionalis erit quadrato distantiae, adeoque in recessu à tellure decrescet in duplicata distantiae ratione.

## C A P. IV.

*De quantitate materiae, & rursus de proportionione, quam habet cum pondere corporis.*

**Q**UUM motus corporum gravium prope telluris superficiem à nobis considerentur, illud semper assumemus, ut pondus cujusque corporis quantitati suae materiae proportionione correspondeat, atque adeo ut ipsa vis gravitatis eadem semper, & constanti ratione in corpora operetur. Sed priusquam ad alia progrediamur, non abs re erit de quantitate materiae tantisper disserere, simulque aliâ methodo ostendere elegantem illam corporum proprietatem, quod pondera duorum quorumvis corporum prope telluris superficiem eandem habeant rationem inter se, quæ inter eorundem materiae quantitates deprehenditur.

Itaque quantitas materiae, quæ existit in unoquoque corpore, est complexus, sive aggregatum partium omnium, quæ corpus illud componunt: unde etiam nomine massæ à nonnullis insignitur. Harum partium numerus omnino nos latet; tum quia pars nul-

la determinari potest cogitatione tam aded exigua, quæ in alias adhuc minores re ipsâ non sit divisibilis, nec proinde licet unquam ad ultimas devenire; tum etiam quia etsi corpora omnia ex minimis quibusdam particulis, naturâ suâ indivisibilibus, componeretur, attamen partes istæ propter figurarum diversitatem non essent ejusdem magnitudinis, neque ideo ex unius cognitione posset numerus omnium indagari. Ex quo fit, ut in comparandis quantitativibus materiæ, quæ in duobus quibuscvis corporibus existunt, alia planè ratio debeat iniri, quàm numeros partium corpora illa componentium inter se mutud conferre.

Et quidem si corpora omnia subinde essent composita, ut idem in omnibus sit partium nexus, eademque corporum omnium densitas; nulla meliori ratione duorum quorumvis corporum materiæ quantitates possent inter se mutud comparari, quàm conferendo simul magnitudines, sive moles eorundem corporum. Verum quia corpora omnia non sunt æqualiter densa, nec eorum partes componentes eodem modo connectuntur; fit hinc, ut in duorum quorumvis corporum quantitativibus materiæ comparandis, non modò ad magnitudines eorum corporum debeat attendi, verum etiam ad densitates, sive nexus partium componentium,

tium, nullâ habitâ ratione materiæ subtilissimæ, si quæ fuerit, interstitia earum partium liberè pervadentis: aded ut ratio quantitatum materiæ censenda sit composita ex ratione magnitudinum, & ratione densitatum.

Neque verò difficile id erit ostendere. Nam quemadmodum clarè liquet, in corporibus homogeneis, sive æqualiter densis, illud plus materiæ continere, cujus major est moles, sive magnitudo, & propterea quantitates materiæ eandem inter se rationem habere, quàm magnitudines, sive moles corporum; ita quoque liquidò constat, in corporibus ejusdem magnitudinis illud plus habere materiæ, cujus partes arctiùs conjunguntur, atque aded materiæ quantitates in iis esse in ratione densitatum. Quocirca in duobus quibuscvis corporibus, quæ neque sint ejusdem magnitudinis, neque ejusdem densitatis, necesse est, ut ratio quantitatum materiæ componatur ex ratione magnitudinum, & ratione densitatum: ita ut in iis conferendis attendi debeat, tum ad magnitudines, cùm ad densitates corporum, in quibus illas consideramus.

Hinc quantitas materiæ cujusque corporis repetenda est ex magnitudine, & densitate conjunctim; & propterea definiri debet per productum, quod oritur multiplicando  
ma-



magnitudinem per densitatem : Sic aer in spatio duplicato fit duplus , in triplicato triplus ; sed idem aer, densitate duplicatâ, in spatio etiam duplicato fit quadruplus , in triplicato sextuplus . Unde modò duo colligi possunt . Primum , quod si duo corpora eandem habeant materiæ quantitatem , magnitudines , sive moles ipsorum sint reciproce suis densitatibus proportionales . Et alterum , quod si duorum quorumvis corporum magnitudines , sive moles reciprocam servant suarum densitatum rationem , eadem sit in utroque corpore quantitas materiæ .

Jam quum pondus cujusque corporis prope telluris superficiem quantitati suæ materiæ proportionem correspondeat, definiatur quoque pondus per productum , quod oritur , multiplicando magnitudinem per densitatem ; adeòque quemadmodum datâ densitate, pondus erit, ut corporis moles, sive magnitudo ; ita quoque datâ magnitudine , pondus erit, ut sola densitas . Sunt ergo densitates corporum , æquales moles habentium , ut pondera ipsorum . Sed si corpora diversas habuerint moles , sive magnitudines ; tunc ratio densitatum componetur ex ratione directâ ponderum , & ratione inversâ magnitudinum : adeò ut densitas cujusque corporis definiatur per relationem ,

quam pondus ad molem, sive magnitudinem habet.

Vides ergo, quàm facilè definiantur densitates corporum per cognitam illam proprietatem, quod pondus cujusque corporis quantitati suæ materiæ proportionē respondeat. Sed, ut præclaræ hujus proprietatis demonstrationem aliam in medium afferamus, quæ nullum Tyronum animis scrupulum relinquat; notare prius oportet, diversum corporis situm respectu horizontis, diversamque corporis figuram efficere nullo pacto posse, ut pondus mutationem aliquam patiatur; quum experientia ipsa nos doceat, unumquodque corpus idem semper pondus retinere, quocumque modo positum sit respectu horizontis, nec ejus pondus augeri, vel minui, si ejusdem figura in aliam, atque aliam mutetur.

Inde verò sequitur, vim gravitatis, quæcumque ea sit, non tantum agere in partes corporum exteriores, verum etiam in partes interiores. Nam si vis gravitatis ageret in exteriores tantum corporis partes, ageret utique in eam dumtaxat superficiem, quæ horizonti est averfa, atque adèd corporis pondus proportionale foret huic superfici. Unde, quia pro vario corporis situ respectu horizontis, superficies horizonti averfa modò major, modò minor est; erit

cor-

corporis pondus , pro alio , atque alio situ , quem habet ad horizontem , modò majori , modò minori superficiei pròportionale ; atque ita non semper manebit idem , & immutatum , quemadmodum docet experientia , sed prout major , aut minor est corporis superficies horizonti averfa , sic & ipsùm corporis pondus nunc majus , nunc minus evadet.

Quod si negas , vim gravitatis in eas tantùm exteriores corporis partes agere debere , quæ sunt horizonti averfæ , contendisque illam , relictis partibus internis , in omnes corporis partes exteriores actionem suam extendere ; tunc equidem , etsi mutato corporis situ respectu horizontis , nulla ponderi contingat mutatio , nihileminus corporis figurâ in aliam , atque aliam mutatâ , oporteret , ut aliud , atque aliud resultaret inde corporis pondus . Enim verò mutatis figuris , mutatur externarum corporis partium numerus , sive multitudo ; atque ita vis gravitatis , non semper in eundem partium numerum agens , neque idem semper pondus in corpore produceret . Unde , quia experientia docet , mutatis figuris , corporum pondera non mutari ; consequens est , ut vis gravitatis agat in omnes corporis partes , & tam externas , quàm internas afficiat.

At-

Atque his porro argumentis, non solum evincitur, vim gravitatis in omnes corporis partes operari, sed æqualiter quoque partes omnes afficere. Nam si ponamus, exēpli gratiā vim gravitatis magis afficere partes horizonti averſas, quā alias omnes, aut etiam magis in externas, quā in internas operari; sequeretur, quod mutato corporis situ respectu horizontis, vel etiam mutatā figurā, mutari quoque deberet ipsum corporis pondus, quum non idem maneat numerus particularum, in quibus major est actio gravitatis. Quocirca, quia his mutatis quotidie experimur, nihil mutationis ponderi corporis accedere; reliquum est, ut dicamus vim gravitatis, non modò in omnes corporis partes operari, verum etiam æqualiter partes omnes afficere.

Ex hac autem, qua vis gravitatis operatur, ratione, facile modò erit ostendere, quod pondus cujusque corporis quantitatē suæ materiæ proportionē correspōdeat. Nam quum vis gravitatis subinde agat in corpora, ut singulas cujusque partes æqualiter afficiat, propter æqualem istam gravitatis actionem singulæ cujusque corporis particulæ æquales subibunt impressiones à gravitate. Jam verò pondus, sive gravitatio corporis totius est aggregatū ex gravitationibus particularum. Igitur si gravitatio  
sive

sive impressio, quam una subit particula, toties repetatur, quotus est numerus particularum, quæ in corpore illo continentur, ea gravitatio sic repetita dabit pondus, sive gravitationem corporis totius.

Quorirca mensura ponderis cujusque corporis est numerus particularum, quæ in corpore illo continentur; nam quod major est earum partium multitudo, sive numerus, eò pluries impressio, quam una subit particula, est repetenda, ut totius corporis gravitatio habeatur. Unde, quia in unoquoque corpore per quantitatem materiæ non aliud intelligitur, quàm complexus, sive numerus particularum, quæ in corpore illo continentur, concludendum est, pondus, sive gravitationem cujusque corporis quantitati suæ materiæ proportionem correspondere; & propterea duorum quorumvis corporum pondere prope superficiem telluris eandem inter se habere rationem, quæ inter eorundem materiæ quantitates intercedit.

Ex eleganti istâ proprietate, quod pondus cujusque corporis quantitati suæ materiæ proportionem respondeat, duo colligit Johannes Keill in suâ ad Veram Physicam Introductione. Primum est, quod gravitas in corporibus à pressione subtilis cujusdam materiæ nequeat oriri; nam inquit, si  
cor.

corpus deorsum à materiâ subtili quovis modo pellatur, vis qua pellitur necessariò erit, ut numerus particularum, quibus simul agentibus versus terram truditur; sed numerus particularum est ut corporis superficies: quare erit vis, qua corpus deorsum premitur, ut ejusdem superficies, & non ut ipsius quantitas materiæ.

Alterum, quod vacuum non tantum sit possibile, sed actu detur. Nam si capiamus duos globos, unum plumbi, alterum suberis, æqualium magnitudinum, & eadem esset in utroque quantitas materiæ; per jam ostensa uterque globus æqualiter ponderaret. Experienciâ autem constat magnum esse in duobus hisce globis ponderum discrimen. Itaque magnum quoque erit in iisdem discrimen materiæ; & si plumbum subere sit triplo gravius, triplo quoque major erit in plumbo contenta materia, quàm in subere. Sunt verò eadem utriusque globi moles, sive magnitudines. Quare plures erunt in plumbo pori, seu spatia absolute vacua; adedque vacuum non tantum possibile est, sed actu datur.

Non hîc inquiram, num vis gravitatis à pressione materiæ cujusdam subtilissimæ sit repetenda, neque etiam, num vacuum detur, aut dari possit; sed notatu tantum hoc loco dignum existimo, adductis Keillii ra-

tionibus, neque impossibilitatem mechanice illius gravitatem explicandi rationis ostendi, neque vacui existentiam adstrui. Nam primò etsi verissimum sit, vim quæ corpus pellitur esse, ut numerus particularum, quibus simul agentibus versus terram truditur; falsum tamen est, hunc numerum particularum esse, ut corporis superficies; quia, ut vidimus in calce capitis antecedentis, correspondet multitudini particularum, corpus componentium, in quarum locum, ad servandum cum aliis æquilibrium, illæ subintrare conantur.

Secundò neque etiam sequitur dari vacuum ex eo, quod magnum sit ponderum discrimen in duobus globis æqualium magnitudinum, uno suberis, altero plumbi. Nam etsi rectè exinde deducatur, majorè esse quantitatem materiæ ponderosæ in plumbo contentam, quàm quæ continetur in subere; non hinc tamen concludendum est, in subere plura dari spatiola absolutè vacua, quia repleri possunt materiâ aliâ subtilissimâ, quæ molem corporis augere possit, pondus autem augere non possit. Itaque nisi priùs probetur, gravitatem esse materiæ essentialem, & ubicumque reperitur materia, ibi etiam gravitatem inesse; numquam hac viâ poterit vacui existentia suaderi.

Quin etiam, etsi fluidissimam illam ma-

te-

teriam, quæ corporum poros, siue interstitia replere ponitur, gravem, & ponderosam statuamus, quemadmodum eam satis adstruit Jacobus Bernoullius in suâ de gravitate ætheris dissertatione; non hinc tamen colligi potest, illam in suberis poris non reperiri, quia illius pondus non adauget. Nam quum in hac fluidissimâ materiâ innatent corpora omnia, necesse est, ut per ostensa ab Archimede in tractatu de insidentibus humido unumquodque corpus tantam proprii sui ponderis gravitatem amittat, quanta est gravitas molis non dissimilis ejus materiæ; adedque sicuti aer vasis, quod replet, pondus in ipso aere non augeat, ita subtilissima illa materia neque etiam augebit pondus corporis, cujus interstitia replet.

## C A P. V.

*De velocitate, & quantitate motus, ubi etiam de motu æquabili, & variabili.*

**T**Radita sunt usque adhuc ea Statices principia, quæ corporum gravitatem respiciunt; sequuntur modò illa, quæ ad motum corporum in genere referuntur. Et primò quidem, quid sit motus, malim hîc supponere, quàm accuratâ definitione pro-  
fe-



sequi. Est enim motus ex earum rerum numero, quas nemo non intelligit, sed quas velut simplices, & in suo genere primas nemo potest accuratè definire. Et quamquam non satis inter Philosophos conveniat, num detur spatium à corporibus distinctum; at tamen ne ullis hìc difficultatibus implicemur, postulamus, ut liceat nobis extensionem concipere, undequaque infinitam, & immobilem, cujus partibus successivè corpora se applicando, dici possint absolutè moveri.

Quoniam autem omnino implicat, ut unum, idemque corpus simul, & eodem indivisibili temporis momento diversis extensionis illius infinitæ, & immobilis partibus applicatum reperiatur; perspicuum est, motum omnem tempus involvere, nec ullum fieri posse motum; nisi cum tempore. Quid verò sit tempus, clariùs mente concipitur, quàm verbis exprimi potest. Tantù dicemus, illud posse cōsiderari velut fluxum æquabilem signi illius indivisibilis, quod instans, sive momentum communiter dicitur: eodem modo, quo Geometræ lineam ex fluxu puncti, superficiem ex latione lineæ, corpus autem ex motu superficiæ suam originem habere concipiunt.

Ex eo porro, quod omnis motus cum tempore conjunctus sit, suborta Mechanicis ve-

velocitatis consideratio, cujus nomine intelligunt id quod efficit, ut mobile datum iter, sive spatium in dato tempore percurrat. Est enim motus effectus spatium, quod mobile percurrit; sed quoniam ad spatium istud percurrendum non idem semper temporis impenditur, hinc factum, ut in corpore mobili præter motum ipsa motus velocitas distingueretur: adeo ut quemadmodum motus effectus est simpliciter spatium, quod percurritur; ita effectus velocitatis sit idem spatium, quatenus in certo tempore peragatur.

Hinc mensura velocitatis in unoquoque mobili est relatio, quam habet spatium ad tempus, hoc est spatium ad ipsum tempus applicatum. Sed spatium intelligi debet, quod mediante definiendâ velocitate percurritur. Unde si motus corporis ejusmodi fuerit, ut velocitas ejus continuè augeatur, vel minuatur; multum abest, ut ista definiri possit per spatium finito aliquo tempore descriptum, applicatum ad ipsum tempus; sed capienda est pars temporis infinitesima, & quam relationem habet spatium hac infinitesimâ temporis parte descriptum ad eandem temporis particulam, per eam definietur velocitas, quam in illo temporis momento mobile habet; ut clariùs mox ostendetur.

Ex

Ex eo autem, quod definiatur velocitas per spatium, velocitate illâ percursum, ad tempus applicatum, erit mensura spatii ipsa velocitas per tempus multiplicata, & mensura temporis, id quod oritur, applicando spatium ad velocitatem. Quæ quidem omnia clariùs adhuc intelligentur, adhibito calculo algebraico, siue litterali. Nam si spatium dicatur  $s$ , tempus  $t$ , & velocitas  $u$ ; quia ista definitur per relationem, quam habet spatium ad tempus, erit  $u = \frac{s}{t}$ ; adeoque multiplicando per  $t$ , erit  $t u = s$ ,

hoc est spatium, ut velocitas per tempus multiplicata; & dividendo per  $u$ , erit  $t = \frac{s}{u}$ , hoc est tempus, ut spatium ad velocitatem applicatum.

Corpora mota vim ad agendum habere, nemo est, quem experientia illud non edoceat. Est autem hæc actio major, vel minor, tum pro majori, vel minori quantitate materiæ, quæ existit in corpore mobili, tum pro majori, vel minori velocitate, qua corpus idem urgetur. Unde non meliùs potest definiri, quàm per productum, quod oritur, multiplicando pondus, siue quantitatem materiæ corporis mobilis per velo-

citatem ipsius.

Jam id, quod efficit, ut corpus mobile majorem, vel minorem actionem exercent, momentum, sive quantitatem motus appellant Mechanici. Unde, quum causæ suis effectibus proportionem respondeant; definitur quoque momentum, sive quantitas motus cujusque mobilis, multiplicando pondus ejus per velocitatem: proindeque si momentum dicatur  $m$ , pondus  $p$ , & velocitas  $u$ , erit  $m = pu$ .

Habent ergo momenta duorum quorumvis corporum rationem compositam ex ratione ponderum, & ratione velocitatum. Quocirca si duo mobilia æquales habuerint velocitates, erunt momenta ipsorum, ut sola pondera; & si vicissim æqualia habuerint pondera, erunt eadem ipsorum momenta in solâ velocitatum ratione.

Quod si momenta duorum corporum sint æqualia, tunc ratio, quæ componitur ex ratione ponderum, & ratione velocitatum, erit ratio æqualitatis; adedque pondera erunt inter se in reciproca velocitatum ratione. Et vicissim si pondera velocitatibus reciproce respondeant, necesse est, ut idem sit utriusque corporis momentum; quum ratio ponderum, & ratio velocitatum componant simul rationem æqualitatis.

Hæc omnia eleganter illustrari possunt per

# ELEMENTA.

51

per proportiones parallelogrammorum, ab Euclide ostensas in Elementis. Si enim pondera duorum quorumvis mobilium designentur per rectas  $AB$ ,  $DE$ , eorumque velocitates referant rectæ  $BC$ ,  $EF$ ; erunt eorundem mobilium momenta, ut parallelogramma rectangula  $ABC$ ,  $DEF$ : proindeque quæcumque demonstrata sunt de horum rectangulorum proportionem, eadem quoque vera erunt de corporum momentis, hisce rectangulis proportionalibus.

FIG. 3.

Quum corpora eandem semper habent motus quantitatem, dicuntur æquabili motu moveri; quotiescumque verò mutatur in iis quantitas motus, sive quia augeatur, sive quia minuitur, tunc dicuntur moveri motu variabili; qui etiam dicetur acceleratus, si ejus quantitas continuò augeatur; dicetur verò retardatus, si quantitas ejusdem perpetuò minuatur.

Perspicuum est autem, quantitatem motus in corpore mobili non aliter mutari posse, quàm mutatâ velocitate. Unde dici potest etiam motus æquabilis, cujus velocitas maneat eadem, & immutata in omni temporis momento; motus acceleratus, cujus velocitas continuò crescit; & motus retardatus, cujus velocitas continuo minuitur.

Tam accelerati, quàm retardati motus

infinitæ esse possunt variationes, quum velocitas in iis infinitis modis augeri, aut minui possit. Sed speciatim dicetur motus, æquabiliter acceleratus, cui temporibus æqualibus æqualia semper accedunt velocitatis incrementa; & vocabitur motus æquabiliter retardatus, cujus velocitas temporibus æqualibus æqualiter decrescit.

Quoniam autem motus æquabilis ille est, cujus velocitas in omni temporis momento manet eadem, & immutata; definietur spatium æquabili motu percursum per velocitatem ductam in tempus; quum in hunc modum ostensum sit superius definiendum esse spatium, quod certo tempore eadem semper velocitate percurritur; adedque si spatium dicatur  $s$ , tempus  $t$ , & velocitas  $v$ , omnia motus æquabilis symptomata hac formulâ continebuntur  $s = tv$ .

Inde itaque discimus primò, spatia motu æquabili percurra esse in ratione compositâ ex ratione temporum, & ratione velocitatum. Unde, si tempora fuerint æqualia, erunt ut solæ velocitates; & si vicissim æquales fuerint velocitates, erunt in solâ temporum ratione.

Discimus secundò, velocitates duorum mobilium, quæ feruntur æquabiliter, esse in ratione compositâ ex directâ spatorum, & reciproâ temporum. Unde si tempora fuerint

# ELEMENTA.

53

sint æqualia, erunt ut sola spatia directè; & si vicissim æqualia fuerint spatia, erunt ut sola tempora reciprocè.

Distinguis denique, quod si duo mobilia ferantur æquabiliter, tempora, quibus duo quævis spatia percurrunt, sint in ratione compositâ ex directâ spatiorum, & reciproca velocitatum. Unde si velocitates fuerint æquales, erunt ut sola spatia directè; & si vicissim æqualia fuerint spatia, erunt ut solæ velocitates reciprocè.

Exinio Newtono solemne est, proportionēs per duos tantum terminos designare. quod equidem quum sit, non modò sermo contrahitur, verum etiam nitidiores, clarioresque evadunt demonstrationes, in quibus proportionēs illæ adhibentur. Unde, ut huic proportionēs designandi modo Tyrones assuescant, non abs re erit recensita motus æquabilis theoremata Newtoniano quoque stylo proferre.

Itaque quantum ad primum, in hunc modum illud proponi debet: spatium æquabili motu descriptum est conjunctim, ut tempus directè, & velocitas itidem directè: unde dato tempore erit, ut sola velocitas directè; datâ verò velocitate erit directè, ut solum tempus.

Quantum ad secundum, debet illud hac ratione proferri: velocitas mobilis æquabi-

liter lati est coniunctim, ut spatium directè, & tempus inversè: unde dato tempore, erit, ut solum spatium directè; dato verò spatio erit, ut solum tempus inversè.

Et denique quantum ad tertium, proponendum est illud in hunc modum: tempus, quo mobile æquabiliter latum spatium aliquod describit, est coniunctim, ut spatium directè, & velocitas inversè: unde datâ velocitate erit, ut solum spatium directè; dato verò spatio erit, ut sola velocitas inversè.

FIG. 3.

Definitur ergo spatium, æquabili motu percursum, per id, quod producitur, multiplicando velocitatem per tempus: unde si recta AB designet tempus, & BC velocitatem; spatium tempore illo percursum designabitur per rectangulum ABC; atque ita quoque si DE referat tempus, & EF velocitatem, designabit rectangulum DEF spatium, quod illo tempore percurritur. Sed nō perinde designari potest spatium motu variabili descriptum, quandoquidem in motu variabili velocitas non manet semper eadem, quemadmodum in motu æquabili, sed perpetuò patitur mutationem.

Interim si capiamus spatium, quod infinitesimâ temporis particulâ describitur, nihil obstat, quo minùs illud designemus per velocitatem ductam in tempus. Etsi enim in motu variabili velocitas continuè

mu-



mutetur, attamen in tempore indefinitè parvo potest velocitas illa, veluti constans, & immutata considerari; quum mutatio, quam patitur, velut indefinitè parva, tunc neglegi possit: proindeque spatium, quod in tempore illo indefinitè parvo percurritur, veluti descriptum motu æquabili poterit haberi; adeoque optimè definietur per velocitatem ductam in tempus.

Atque hinc modò, si BMN fuerit curva talis, ut interea, ac abscissæ ejus AP, AQ FIG. 4. designant tempora, ordinatæ PM, QN, quæ abscissis iis ad rectos angulos correspondent, referant velocitates, quas in fine eorum temporum corpus mobile habet, designabunt areæ curvilineæ APMB, AQNB spatia, in iisdem illis temporibus à mobili descripta: in tantum, ut spatium descriptum tempore AP sit ad spatium descriptum tempore AQ, ut est area APMB ad aream AQNB.

Dividamus enim tempus AP in particulas æquales, & indefinitè parvas AC, CE, EG, &c., sintque CD, EF, GH ordinatæ correspondentes abscissis AC, AE, AG. Itaque quia velocitas mobilis in tempore AG designatur per CD, spatium tempore illo descriptum erit, ut rectangulum ACD; atque ita quoque, quia in temporibus CE, EG velocitates mobilis designantur per ordi-

nates EF, GH, erunt spatia temporibus illis descripta, quemadmodum sunt, rectangula CEF, EGH.

Sunt igitur spatia descripta in temporibus AC, CE, EG, ut rectangula ACD, CEF, EGH. Sed hæc rectangula non differunt sensibilibiter ab areis curvilineis ACDB, CEFD, EGHF. Quare eadem spatia erunt inter se in istâ arearum ratione, & propterea componendo spatium descriptum tempore AG erit, ut area tota AGHB. Unde etiam spatium descriptum tempore AP erit, ut area APMB, & spatium descriptum tempore AQ erit, ut area AQNB.

Areas istas curvilineas APMB, AQNB, designantes spatia, quæ temporibus AP, AQ à mobili describuntur, vocabimus in posterum plana velocitatum, utpote quæ exhibent nobis ordinatis suis velocitates, quas in singulis cujusque temporis particulis corpus mobile habet. Unde ostensum theorema, quum occasio dabit, in hunc modum proferemus: spatia motu variabili descripta sunt, ut correspondentia plana velocitatum; vel etiam stylo Newtoniano: spatium, quod describitur à mobili motu variabili, est ut planum suæ velocitatis.

Hoc theorema obtinet etiam in motu æquabili. Nam si ponamus corpus in tempore AQ moveri æquabiliter velocitate QN, pla-

planum, suæ velocitatis erit rectangulum AQNS, cui proportionale est spatium æquabili motu percursum; quandoquidem ordinate hujus rectanguli, velut æquales ubique ipsi QN, constantem velocitatem corporis æquabiliter moti in singulis temporis particulis rectè designant. Unde idem theorema effecri potest generaliter in hunc modum: spatium à mobili utcumque descriptum plano suæ velocitatis proportionem correspondet.

Quum corpus aliquod variabili motu movetur, velocitatem, quam in fine temporis reperitur habere, finalem appellabimus. Sed quam proportionem habeat spatium, quod interea temporis describit, ad spatium, quod finali velocitate æquabiliter eodem tempore percurreret, ex dato plano suæ velocitatis haud difficile erit definire. Etenim si APMB sit planum suæ velocitatis, completo rectangulo APMR, erit spatium primum ad spatium secundum, ut APMB ad APMR; atque ita quoque si planum velocitatis sit AQNB, completo rectangulo AQNS, erit spatium primum ad spatium secundum, ut AQNB ad AQNS.

Verum, ut hæc omnia uno, aut altero exemplo illustremus, ponamus primò motum corporis ita variari, ut velocitates prodeant continuò temporibus proportionales.

Ita-

FIG. 5.

Itaque quia in hac hypothesi AP est ad AQ, ut PM ad QN, linea terminans plana velocitatum mutabitur in rectam AMN; adedque ipsa plana velocitatum erunt duo triangula similia APM, AQN; & propterea spatia, his triangulis proportionalia, erunt in duplicatâ ratione tam temporum, quàm velocitatum. Et quoniâ rectangula APMR, AQNS sunt dupla eorundem triangulorum; erit quoque spatium, quod dato tempore percurritur, dimidium ejus, quod finali velocitate æquabiliter eodem tempore percurreretur.

FIG. 6.

Ponamus secundò mutationem motus talem esse, ut velocitates servent continuè duplicatam temporum rationem. Quia igitur in hac aliâ hypothesi AP quadratum est ad AQ quadratum, ut PM ad QN; linea terminans plana velocitatum erit parabola, verticem habens punctum A, & axim rectam AR. Unde quum plana velocitatum APM, AQN sint in triplicatâ ratione rectarum AP, AQ, in sesquiplicatâ verò rectarum PM, QN; erunt spatia, iis planis proportionalia, in triplicatâ ratione temporum, in sesquiplicatâ verò velocitatum. Quumque rectangula APMR, AQNS eorundem planorum sint tripla; erit quoque spatium, quod dato tempore describitur, tertia pars ejus, quod finali velocitate æquabiliter eodem

dem tempore describeretur.

Quemadmodum figuram, in qua abscissæ designant tempora, ordinatæ velocitates, vocamus planum velocitatis; ita distinctionis gratiâ dicemus scalam velocitatis figuram, in qua spatia per abscissas, velocitates per ordinatas designantur. Atque hanc inter scalam, & planum distinctionem, non modò in designandis velocitatibus, verùm etiam in aliis motus functionibus exprimendis usurpabimus; nam quotiescumque aliqua motus functio tempori applicatur, figurem, quæ inde oritur, vocabimus planum illius functionis; quotiescumque verò eadem illa functio applicatur spatio, dicemus figuram inde ortam scalam ejusdem functionis. Unde spatii ad tempora applicatis, orietur figura, quæ planum spatiorum appellabitur, sed vicissim applicatis temporibus ad spatia, proveniet figura, quæ scala temporum dicetur.

Sed nolim hîc silentio præterire, quod si scala velocitatis fuerit reciproca, hoc est talis, ut ordinatæ in eâ reciprocè velocitatibus corrépondeant, eadem proportionalis sit tempori, quo describitur spatium, cui scala corrépondet. Sit enim  $AQNB$  scala ista, ita ut designatis spatiis per abscissas  $AP$ ,  $AQ$ , corrépondeant ordinatæ  $PM$ ,  $QN$  reciprocè velocitatibus, quas mobile habet in fine

FIG. 7.

tem-

temporum, quibus spatia illa describuntur. Dico tempus, quo describitur spatium  $AP$ , designari per aream  $APMB$ , & tempus, quo describitur spatium  $AQ$ , designari per aream  $AQNB$ .

Dividatur spatium  $AP$  in particulas æquales, & indefinitè parvas  $PC, CE, EG, &c.$ , sintque  $CD, EF, GH$  ordinate correspondentes abscissis  $AC, AE, AJ$ . Itaque quia spatium  $PC$ , tamquam indefinitè parvum, considerari potest, veluti descriptum motu æquabili; erit idem, ut tempus, quo describitur, & velocitas, quam mobile habet in tempore illo; adedque tempus per  $PC$ , erit ut  $PC$  directè, & velocitas inversè. Unde quum ex hypothesi velocitas inversè sit, ut  $PM$  directè; erit tempus per  $PC$ , ut  $PC$  directè, &  $PM$  etiam directè; adedque erit, ut rectangulum  $CPM$ , hoc est, ut areola  $CPMD$ .

Simili ratiocinio ostendetur, quod tempus per  $CE$  sit, ut areola  $ECDF$ ; & tempus per  $EG$  sit, ut areola  $GEFH$ . Quare componendo tempus per  $PG$  erit, ut area tota  $GPMH$ . Unde etiam tempus per  $AP$  designabitur per aream  $APMB$ , & tempus per  $AQ$  exprimetur per aream  $AQNB$ . Et igitur generaliter tempus, quo mobile spatium aliquod describit, erit ut scala reciproca sue velocitatis.

Ronamus jam spatia peracta esse in ratione

ne directâ velocitatum, quas mobile habet in fine temporum, quibus spatia illa describuntur. Erit igitur in hac hypothefi, ut  $AP$  ad  $AQ$ , ita  $QN$  ad  $PM$ ; adeoque linea terminans scalam reciprocâ velocitatum erit hyperbola æquilatera, habens pro suis asymptotis rectas  $AB$ ,  $AP$ . Unde discimus, assumptam hypothefim impossibilem esse, nec posse in rerum naturâ locum habere. Nam, quum tempora, quibus describuntur spatia  $AP$ ,  $AQ$ , sint ut correspondentes areae hyperbolicæ  $APMB$ ,  $AQNB$ ; erit convertendo tempus per  $AP$  ad tempus per  $PQ$ , ut area infinita  $APMB$  ad aream finitâ  $PQNM$ ; adeoque ad percurrendum ab initio spatium finitum  $AB$  tempus requireretur infinitum.

Ponamus vicissim, spatia peracta servare rationem reciprocâ velocitatum, quas mobile reperitur habere in fine temporum, quibus spatia illa describuntur. Quia ergo in hac aliâ hypothefi  $AP$  est ad  $AQ$ , ut  $PM$  ad  $QN$ ; linea terminans scalam reciprocâ velocitatum mutabitur in rectam  $AMN$ . Unde, quia tempora, quibus describuntur spatia  $AP$ ,  $AQ$ , designantur per triangula similia  $APM$ ,  $AQN$ ; erunt tempora illa in duplicatâ ratione ipsorum spatiorum, & consequenter in duplicatâ ratione reciprocâ velocitatum, quas in fine eorundem temporum mobile reperitur habere.

FIG. 5.

CAP.

*De vi motrice ; ubi etiam de vi insitâ , sive passivâ materia.*

**C**ommune est Philosophantium votum, corpora omnia naturalia constare ex materiâ inertî, & otiosâ, ex qua non modò nullus in rerum naturâ motus, sed nec ullâ ad motum tendentia potest oriri. Itaque, quum corpus aliquod, vel movetur, vel conatur se movere, præter ipsam corporis materiâ, aliquid aliud concipi debet, ex quo motus corporis resultat, vel quod corpus ad motum concitat. Id autem, quodcumque sit, vim motricem, sive impressam deinceps appellabimus; motricem inquam, quatenus ab agente procedit; impressam verò, quatenus à patiente recipitur.

Interim notetur hoc loco velim, quod etsi in materiâ, velut inertî, & otiosâ, nulla adsit vis activa, sive motrix; admitti tamen debeat in eâ vis quædam passiva, consistens in renixu illo, quo viribus impressis relucatur; quum alioquin nullam istis remoram posset asserre. Neque enim putandum est, resistere corpora viribus externis propter quietem; quia sicuti quies non suscipit magis, & minus, ita oporteret, ut eadem esset



set in corporibus omnibus resistentia. Neque etiam credendum est, vim illam ad resistendum oriri à gravitate, quia experienciâ constat, eam corpora exercere, etiam dum rectè descendunt.

Oritur ergo in corporibus vis resistentiæ ab ipsâ materiâ; indeque est, ut major sit, ubi major est copia materiæ; & minor, ubi minor materiæ quantitas existit. Hinc rectè eam Johannes Keplerus, Astronomus summus, vim vocavit inertię; quia scilicet ab inertia ipsius materiæ profuit. Sed eandem Angli cum suo Newtono vocant etiam vim insitam, quia nempe non extrinsecus advenit materiæ, quemadmodum vis motrix, sed in ipso materiæ sinu reperitur.

Per vim istam insitam materiæ conatur unumquodque corpus persistere in illo statu, in quo semel est collocatum. Unde etsi nullus ex eâ motus oriatur, inseruit tamen ad motum impressum conservandum; quia sicuti per eam corpus, quod quiescit, semper in quiete manebit, nisi adsit vis aliqua ad motum in eo producendum; ita corpus, quod movetur, semper & eodem tenore movebitur, nisi per vim novam, & contrariam motus ejus sistatur, deturbetur, aut utcunque inflectatur.

Non me latet, adesse Philosophos quosdam, qui facile quidem concedunt, nullum

COR-

corpus posse se ipsum movere, hoc est per se ex quiete ad motum transire; sed non æquè lubenter admittunt, corpora semel mota non posse per se ad quietem tendere; eò quod videant projectorum motus paulatim languescere, tandemque ipsa mobilia ad quietem pervenire. Verùm pravam ipsorum opinionem, ex infantia præjudiciis haustam, abundè convellunt corpora cœlestia, quorum motibus post multa annorum milia nihil quicquam videtur detractum; & cœteroquin, quantum ad motus projectorum, existimandum est, idcirco ea tandem aliquando quiescere, quia aer eorum motui resistit, adedque tantum necesse est ut amittant de motu suo, quantum cum aere communicant.

Definant itaque Philosophi de causâ continuati motus tot lites instituere; quum non aliunde ea repeti debeat, quàm ex vi insitâ materiæ, per quam conatur unumquodque corpus in eo statu persistere, in quo semel est positum. Et definant quoque communicati motus causam indagare; nam quum videmus, exempli gratiâ, lapidem ex manu projicientis emitti tanto cum impetu, id non aliunde oriri putandum est, quàm quia lapis in manu contentus, velut unicum cum eâ corpus constituens, participat de motu ipsius manus; adedque, ubi à manu  
se-

sejungitur, per vim insitam materiæ adhuc in eodem motu necesse est, ut perseveret, donec ab agente externo impediatur.

Ob eandem vim insitam materiæ fit etiam, ut omnis motus, quantum in se est, tendat fieri secundum lineam rectam; nam ratione ejus necesse est, ut corpus semel motum pergat moveri eodem, quo cœpit, modo, nisi à viribus externis deturbetur; atqui omnis motus ab initio est rectilineus, quum orbes curvilinei non aliud sint, quàm polygona laterum infinitorum. Unde etiam vis centrifuga, sive conatus ille recedendi à centro motus, quem habent corpora in orbem acta in omni suæ orbitæ puncto, per rectam lineam, orbitam in puncto illo contingentem, ab eâdem vi insitâ materiæ repeti debet; quandoquidem ubi corpus unum ex infinitis lateribus, orbem curvilineum constituentibus, describit, necesse est, ut ratione suæ inertię conatum habeat perseverandi suum motum per ejusdem illius lateris longitudinem; adeoque per rectam lineam, quæ orbem in loco illo contingit.

In eâdem vi insitâ materiæ fundatur quoque lex illa naturæ, adeo celebris apud Philosophos mechanicos nostri temporis, quod cuilibet actioni æqualis, & contraria sit semper reactio. Nam, quum unum corpus agit in aliud, actio illa ed-tendit, ut rollat

E

in

in corpore patiente renixum, qui oritur ex ejus vi inſitâ. Unde etſi in corpore agente major ſit vis ad agendum, quàm in corpore patiente vis ad reſiſtendum; non hinc tamen in mutuâ earum virium collisione vis tota corporis agentis impenditur, ſed tantùm portio, quæ adæquat vim corporis patientis; quandoquidem vis reliqua, quum nullam habeat reſiſtentiam, vel renixum abſorbendum, in actionem influere nequit.

Sed de vi inſitâ materiæ, quæ hæcenus dicta ſunt, ſufficere videntur; redeamus ad vim impreſſam, ſive motricem, unde motus corporibus accedit. Hæc, etſi fortaiſſe ſimplex, & unica, ac ex eodem ubique principio repetenda, multiplicis tamen formæ in hac rerum univerſitate ſe prodit. Neque enim eodem modo nobis ſe manifeſtat in gravibus rectâ tellurem petentibus, ac in magnete ferrum ad ſe trahente; neque etiam eadem eſt ratio ejus in motu locali fluidorum, ac in eorundem fermentatione, ſive motu inteſtino. Verùm, ut vires omnes, quæ in rerum naturâ ſunt, aut ſingi poſſunt, in certas claſſes diſtinguam; aptius quidquam afferre nescio, quàm ut dicam, aliquas ipſarum eſſe vagas, nec fixum aliquod punctum reſpicere; alias verò centrales, & corpora verſus punctum aliquod, tanquam centrum, indefinenter urgere.

Virēs istas centrales Recentiores post Newtonum appellant quoque vires centripetas, quia corpora viribus iis agitata, quocumque in loco reperiantur, conantur semper petere centrum illud, ad quod vires diriguntur. In harum virium numero ponenda est vis gravitatis in corporibus terrestribus, quippe quæ tellurem versus ipsa corpora terrestria urget. Atque ejusdem indolis sunt quoque vires, quibus planetae revolvuntur, ac in orbibus suis detinentur, quippe quæ in primariis tendunt ad Solem, in secundariis ad suos primarios diriguntur.

Viribus istis centralibus, sive centripetis contrariæ sunt semper vires centrifugæ, quæ à nonnullis vocantur etiam conatus excussorii: nam quemadmodum per vim centripetam corpus conatur semper accedere ad punctum, versus quod vis ipsa dirigitur; ita per vim centrifugam ab eodem illo puncto continuò recedere conatur. Unde quum corpora in orbem aguntur, atque adeò nec ad centrum virium semper accedunt, nec ab eo continuò recedunt; duæ illæ vires contrariæ centripeta, & centrifuga debent inter se mutuò certâ quadam ratione æquilibrari.

Per solam vim centripetam fieri nunquam potest, ut corpus circa centrum vi-

rium in orbem agatur, sed necesse est, ut corpori imprimatur motus projectilis, ut præter vim centripetam, vim quoque centrifugam nanciscatur. Hinc solius gravitatis ope nequeunt motus planetarum explicari, neque ideo intelligi potest, qua ratione sola gravitas possit esse generale motus principium: nisi dicere velimus cum Platone, planetas omnes, quum primum Dei manibus fuerint fabricati, vi gravitatis motu recto fuisse agitados, sed postquam ad determinata loca venissent, paulatim in gyrum revolvî cœpisse velocitate illâ, quam in descensu sibi compararunt.

Jam cujusque naturæ sit vis motrix, quæ motum in corpore producit, ea non aliter debet definiri, quàm per relationem, quam motus, vi illâ genitus, habet ad tempus, quo generatur, hoc est per motum applicatum ad tempus. Est enim axioma metaphysicum, ultro ab omnibus admittendum, ut causæ effectibus, quos producunt, sint semper adæquatè proportionales. Quocirca, quia vis motrix, dum corpori applicatur, non alium producit effectum, quàm motum ipsius corporis; per eundem hunc motum, velut suum effectum, definienda erit ipsa vis motrix. Sed necesse est, ut motus ad tempus applicetur, quia quod major est vis, eò minus temporis requiritur, ut data motus quan-

quantitas in corpore producat.

Sunt ergo vires motrices duorum corporum, ut motus genitor directè, & tempora, quibus generantur, inversè. Unde quemadmodum si tempora sint æqualia, erunt in directâ ratione motuum genitorum, ita vicissim, si motus geniti sint æquales, erunt in ratione reciproca temporum. Sed exinde liquet etiam, motus genitos esse ut vires, & tempora conjunctim; adeoque quemadmodum in temporibus æqualibus sunt in solâ ratione virium; ita vicissim, quum vires sunt æquales, erunt in solâ ratione temporum.

Quoniam autem motus cujusque corporis definitur per quantitatem materiæ ductam in velocitatem; perspicuum est, vim motricem designari quoque posse per id, quod oritur, applicando ad tempus productum ex velocitate, & quantitate materiæ. Unde si data fuerit materiæ quantitas, eadem vis motrix definiatur per relationem, quam velocitas genita habet ad tempus; adedque erit, ut velocitas directè, & tempus inversè; ex quo colligi potest, velocitatem, quam vis motrix generat in dato corpore, definiendam esse per vim ipsam ductam in tempus.

Quod dicimus de datâ quantitate materiæ, obtinet, quotiescumque vis motrix

indefinenter agit in corpus, nec eadem semper perseverat; veluti est vis gravitatis, quæ grave corpus continuò urget, sed decrescit in duplicatâ ratione distantiae à centro, ad quod dirigitur. Si enim definienda esset vis ista unoquoque temporis momento, nulla quantitatis materiæ ratio oportet habeatur, quia jugiter in unum, idemque corpus actionem suam exercet: proindeque satis erit, illam designare per velocitatem, momento illo temporis genitam, ad tempus ipsum applicatam.

Itaque vis, quæ agit in datum corpus, unoquoque temporis momento est, ut velocitas, quam tunc temporis generat, directe, & tempus ipsum inverse. Sed quoniam velocitas definitur per relationem, quam habet spatium ad tempus; perspicuum est, eandem illam vim esse, ut spatium directe, & quadratum temporis inverse. Unde sequitur spatia, quæ unum, idemque corpus duobus quibuscvis viribus initio motus describit esse, ut vires, & quadrata temporum conjunctim.

Verùm ut præclara ista theoremata Tyronum mentibus algebraico calculo altius inhereant, vocetur vis motrix  $w$ , motus genitus  $m$ , &  $t$  tempus, quo motus ille generatur. Itaque, quia vis motrix definitur per relationem, quam motus genitus habet  
ad



ad tempus, erit  $w = \frac{m}{t}$ ; adeoque multi-

plicando per  $t$ , erit  $tw = m$ : id, quod ostendit, motum genitum definiendum esse per vim motricem ductam in tempus.

Ulterius, si quantitas materiæ, contenta in corpore, cui vis motrix est applicata, vocetur  $q$ , & dicatur  $u$  velocitas genita in tempore  $t$ , erit  $m = qu$ : proindeque si loco

$m$  ponatur valor iste in formulâ  $w = \frac{m}{t}$ ,

habebitur  $w = \frac{qu}{t}$ : ex quo patet, eandem

vim motricem definiendam esse, per id, quod oritur, applicando ad tempus productum ex velocitate, & quantitate materiæ.

Assumamus autem  $q$  tamquam unitatem: id, quod indicabit, datam esse quantitatem materiæ, contentam in corpore, cui appli-

cata est vis motrix. Fiet igitur  $w = \frac{u}{t}$ ;

adeoque vis motrix erit, ut velocitas directe, & tempus inverse. Quumque multiplicando per  $t$ , habeatur  $wt = u$ , patet, velocitatem, quam in dato corpore generat vis motrix, definiendam esse per vim ipsam motricem ductam in tempus.

Vocetur denique  $\int$  spatium, quod percurritur velocitate  $u$  in tempore  $t$ . Erit itaque

que  $u = \frac{\int}{t}$ : unde, si loco  $u$  ponatur valor iste in formulâ  $w = \frac{u}{t}$ , erit  $w = \frac{\int}{tt}$ : id,

quod indicat vim motricem, quæ agit in datum corpus, definiendam esse per spatium ad quadratum temporis applicatû. Quumq; multiplicando per  $tt$ , fiat  $wtt = \int$ , liquet rationem spatiorum, quæ ab uno, eodemque corpore duabus quibusvis viribus initio motus describuntur, componi ex ratione virium simplici, & ratione temporum duplicatâ.

Quum corpus motum suum accelerat continuò, necesse est, ut vis motrix unoquoque temporis momento agat in corpus, quæ manebit semper eadem, & invariata, si motus corporis sit æquabiliter acceleratus; mutationem verò patietur indefinenter, si incrementa velocitatum, quæ corpus suscipit, temporibus proportionem non respondeant. Jam juxta ea, quæ superiori capite dicta sunt, vocetur planum virium, figura, quæ oritur applicando vim motricem ad tempus; & scala virium figura, quæ nascitur, applicando eandem vim motricem ad spatium. Quibus positis, sequentia duo theoremata sunt nobis ostendenda.

Pri-

Primum est, quod planum virium sit, ut velocitas, quam corpus habet in fine temporis, cui planum correspondet. Alterum, quod scala virium sit, ut quadratum velocitatis, quam reperitur corpus habere, postquam peragravit spatium, ad quod scala refertur. Unde tertium suâ sponte profluit: nimirum, quod si spatium, ad quod refertur scala virium, describatur in tempore, cui planum correspondet; scala ipsa sit in duplicatâ plani ratione.

Sit igitur primò  $AQNB$  planum virium, aded ut designatis temporibus per abscissas  $AP$ ,  $AQ$ , referant ordinatæ correspondentes  $PM$ ,  $QN$  vires, quæ agunt in corpus in fine eorum temporum. Ostendendum est ergo, velocitatem, quam corpus habet in fine temporis  $AP$ , designari per aream  $APMB$ ; pariterque velocitatem, quam corpus reperitur habere in fine temporis  $AQ$ , designari per aream correspondentem  $AQNB$ . FIG. 4.

Dividatur etenim tempus  $AP$  in particulas æquales, & indefinitely parvas  $AC$ ,  $CE$ ,  $EG$ , sintque  $CD$ ,  $EF$ ,  $GH$  ordinatæ correspondentes abscissis  $AC$ ,  $AE$ ,  $AG$ . Itaque, quia vis motrix, quæ agit in corpus in tempore  $AC$ , designatur per  $CD$ ; erit velocitas tempore illo genita, ut rectangulum  $ACD$ ; atque ita quoque, quia in temporibus  $CE$ ,  $EG$  vires motrices designantur per ordinatas

tas EF, GH erunt velocitates temporibus illis genitæ, quemadmodum sunt rectangula CEF, EGH.

Sunt ergo velocitates genitæ in temporibus AC, CE, EG, ut rectangula ACD, CEF, EGH. Jam ista rectangula non differunt sensibilibiter ab arcibus curvilineis ACDB, CEFD, EGHF. Quare eadem velocitates erunt in istâ arearum ratione; & propterea componendo velocitas genita tempore AG erit, ut area tota AGHB. Unde etiam velocitas genita tempore AP erit, ut area APMB; & velocitas genita tempore AQ erit, ut area AQNB.

FIG. 8. Sit secundò AQNB scala virium, & AQS scala velocitatum, ita ut designatis spatiis per abscissas AP, AQ, referant ordinatæ PM, QN vires, quæ agunt in corpus in fine temporum, quibus spatia illa percurruntur, & ordinatæ PR, QS velocitates, quas corpus reperitur habere in fine eorundem temporum. Ostendendum est igitur, aream APMB esse ad aream AQNB, ut PR quadratum ad QS quadratum.

Dividatur spatium AP in particulas æquales, & indefinitè parvas PC, CD, &c., & ducantur per puncta C, & D rectæ lineæ EF, GH parallelæ ipsi MR. Erigatur ex puncto R recta RO perpendicularis, & æqualis ipsi PR; & junctâ PO agantur rectæ

FT,

FT, HV ipsi RO parallelæ, quæ conveniant cum PO in punctis T, & V; eritque propter similitudinem triangulorum PRV, PIT, PKV, IT æqualis PI, sive CF, & KV æqualis PK, sive DH.

Quia igitur ordinatæ CF, PR designant velocitates, quas corpus habet in fine temporum per AC, AP; designabit earum ordinatarum differentia IR velocitatem acquisitam in tempore per PC; adeoque CE, quæ designat vim motricem, agentem in corpus in tempore per PC, erit, ut IR directè, & tempus per PC inversè; & consequenter area PCEM, quæ non differt sensibiliter à rectangulo PCE, erit ut IR directè, PC etiam directè, & tempus per PC inversè.

Jam verò, quum spatium PC describatur velocitate, designatâ per rectam CF, quantitas, quæ est, ut PC directè, & tempus per PC inversè, designari potest per rectam CF, sive IT; quum velocitas sit, ut spatium directè, & tempus inversè. Quare eadem area PCEM erit, ut IR directè, & IT etiam directè; adedque erit, ut area OTIR, quæ à rectangulo TIR sensibiliter non differt.

Simili ratiocinio ostendemus, quod area CDGE sit, ut area TVKI. Quare componendo area PDGM erit, ut area OVKR; & consequenter area tota APMB erit, ut trian-

gulum  $OPR$ , hoc est ut dimidium quadrati, quod fit ex  $PR$ . Unde, quum eodem argumento area  $AQNB$  fit, ut dimidium quadrati, quod fit ex  $QS$ ; erit ut area  $APMB$  ad aream  $AQNB$ , ita  $PR$  quadratum ad  $QS$  quadratum.

Jam ope horum theorematum, siue datur relatio, quam vis habet ad tempus, siue relatio, quam vis habet ad spatium, facile semper erit velocitatem definire; quandoquidem in primo casu dabitur planum virium, cui velocitas proportionem correspondet; in secundo vero casu dabitur scala virium, cui proportionale est semper quadratum velocitatis. Sed ope eorundem theorematum definietur quoque vis motrix, siue sit data relatio inter velocitatem, & tempus, siue sit data relatio inter velocitatem, & spatium.

Quod ut liquidum constet, ponamus primum, velocitatem esse semper tempori proportionalem. Itaque si  $AQNB$  sit planum virium, quia ostensum est, aream  $APMB$  esse ad aream  $AQNB$ , ut est velocitas genita in tempore  $AP$  ad velocitatem genitam in tempore  $AQ$ ; fiet in hac hypothese, ut area  $APMB$  ad aream  $AQNB$ , ita tempus designatum per  $AP$  ad tempus designatum per  $AQ$ . Unde quum areae  $APMB$ ,  $AQNB$  sint, ut bases, quibus insistant,  $AP$ ,  $AQ$ ; erunt

ex parallelogramma duo in iisdem parallelis constituta: proindeque, quum BMN fiat recta ipsi AQ parallela, erit vis motrix in omni temporis momento eadem, & invariata.

Ponamus secundo, velocitatem esse semper in duplicatâ temporis ratione. Itaque velocitas genita in tempore AP erit ad velocitatem genitam in tempore AQ, ut est AP quadratum ad AQ quadratum: proindeque quum ostensum sit, velocitatem genitam in tempore AP esse ad velocitatem genitam in tempore AQ, ut est area APMB ad aream AQNB; fiet ex æquali, ut area APMB ad aream AQNB, ita AP quadratum ad AQ quadratum. Unde, quum areæ illæ debeant esse duo triangula similia, concidentibus punctis A, & B, mutabitur BMN in rectam AMN; adedque vires PM, QN erunt in ratione temporum AP, AQ: id quod ostendit, assumptam hypothesim impossibilem esse; quum in principio motus vis motrix fiat nulla, nec proinde unquam corpus possit moveri.

FIG. 5.

Non dissimiliter determinabimus vim motricem ex datâ relatione inter velocitatem, & spatium. Ponamus etenim primò velocitatem esse semper in subduplicatâ spatii ratione. Itaque si AQNB sit scala vi-

FIG. 8.

rium, & AQS scala velocitatum, spatia AP,  
AQ

$AQ$  erunt, ut quadrata velocitatum  $PR$ ,  $QS$ . Oñsum est autem, aream  $APMB$  esse ad aream  $AQNB$ , ut est  $PR$  quadratum ad  $QS$  quadratum. Quare erit ex æquali, ut area  $APMB$  ad aream  $AQNB$ , ita  $AP$  ad  $AQ$ ; adeoque, quum areæ  $APMB$ ,  $AQNB$  sint, ut bases, quibus insistent  $AP$ ,  $AQ$ , erunt eæ parallelogramma duo in iisdem parallelis constituta. Unde, quia linea terminas scalam virium  $BMN$  mutatur in rectam ipsi  $AQ$  parallelam, manebit vis motrix unoquoque temporis momento eadem, & immutata.

Ponamus secundò, velocitatem spatio semper proportionem correspondere. Itaque posito rursus, quod  $AQNB$  sit scala virium, &  $AQS$  scala velocitatum, erit ut  $AP$  ad  $AQ$ , ita  $PR$  ad  $QS$ . Jam verò ex superiùs ostensis, area  $APMB$  est ad aream  $AQNB$ , ut  $PR$  quadratum ad  $QS$  quadratum. Igitur erit ex æquali, ut area  $APMB$  ad aream  $AQNB$ , ita  $AP$  quadratum ad  $AQ$  quadratum: proindeque quum areæ illæ debeant esse duo trianguia similia, coincidentibus punctis  $A$ , &  $B$ , linea terminans scalam virium mutabitur in rectam  $AMN$ , eruntque aded vires  $PM$ ,  $QN$  in ratione spatorum  $AP$ ,  $AQ$ : quod argumento nobis esse potest, assumptam hypothesim impossibilem esse; quum hic quoque vis motrix prodeat nulla in principio motus.

Quòd



Quod si definienda esset vis motrix ex datâ relatione inter spatium, & tempus, oporteret primò determinare velocitatem per alterutrum duorum theorematum, quæ antecedenti capite demonstravimus, nempe quod planum velocitatis spatium, scala verò velocitatis reciproca temporis proportionem respondeat. Nam determinatâ velocitate, quia datur, tam relatio inter velocitatem, & spatium, quàm relatio inter velocitatem, & tempus; facile deinde erit per ea, quæ modò ostensa sunt, definire vim motricem tum in ordine ad spatium, cum in ordine ad tempus.

Vides igitur adducta circa vires motrices theoremata aded quidem generalia esse, ut non solum omnes motuum genitorum functiones in quacumque virium hypothesei determinent, ac definiant, sed etiam facili negotio ostendant, quæ hypotheses possibiles sint, & quas vice versâ natura ferre recuset. Generaliter autem pronunciari debent impossibiles, & imaginariæ omnes illæ hypotheses, in quibus linea terminans, siue planum, siue scalam virium transit per initium siue temporis, siue spatii; quandoquidem, propter ordinatam illic evanescentem, utroque casu vis motrix sit nulla in principio motus. Quæ etiam impossibilitas patebit in determinatione temporis, quod

quod requiritur ad percurrendum ab initio spatium aliquod finitum; quippe quod infinitum semper invenietur, quum hypothesis in naturâ locum nequit habere.

## C A P. VII.

*De directione virium, & motuum; ubi de eorundem compositione, & resolutione.*

**T**Am in motu, quàm in vi motrice considerata est directio, sive determinatio. Linea enim, secundum quam agit in corpus vis motrix, vocatur directio vis motricis. Linea verò, secundum quam tendit corpus mobile, directio motus appellatur. Quemadmodum autem omnis motus proportionalis est semper vi motrici impressæ, & si vis in dato tempore motum aliquem generet, dupla duplum, tripla triplum generabit; ita idem motus in eandem continuè plagam cum vi motrice determinatur, fitque semper secundum eandem rectam lineam, qua vis illa agit in corpus: unde datâ directione vis motricis, dabitur etiam directio motus, quia utraque per eandem lineam representatur.

Verùm id tunc demum verum est, quum una tantum vis motrix agit in corpus. Nam siquidem duabus, aut pluribus viribus corpus

pus urgeatur, quarum diversæ sint directiones; tunc motus ejus fieri potest per rectam lineam, diversam ab unaquaque illarum directionum. Hæc autem, ut pro quolibet numero virium definiatur, ostendendum est prius hoc theorema, quod si corpus aliquod duabus viribus urgeatur secundum latera alicujus parallelogrammi, illud viribus conjunctis describat diagonalem ejus parallelogrammi eodem tempore, quo viribus separatis describeret latera.

Hoc pacto, si corpus aliquod vi solâ *M* impressâ in loco *A* ferretur dato tempore uniformi cum motu ab *A* ad *B*; idemque vi solâ *N* impressâ eodem in loco ferretur itidem uniformiter eodem illo dato tempore ab *A* ad *C*: completo quidem parallelogrammo *ABDC*, viribus ambabus feretur corpus, uniformi etiam cum motu, eodem temporis spatio, ab *A* ad *D*; adedque describet viribus conjunctis diagonalem parallelogrammi *AD* eodem tempore, quo viribus separatis describeret latera *AB*, *AC*.

Id autem hac ratione demonstratur. Quoniam vis posterior *N* urget corpus secundum lineam *AC* ipsi *BD* parallelam; ea nequaquam impedit, ut corpus per vim priorem *M* accedat ad rectam illam *BD*. Itaque in dato illo tempore per vim primam *M* accedet corpus ad lineam *BD*, sive vis altera

F

N im-

FIG. 9.

N imprimatur, five non: proindeque in fine illius temporis reperietur corpus alicubi in lineâ illâ BD,

Eodem argumento, quia vis prior M urget corpus secundum lineam AB, ipsi CD parallelam; ea nequaquam corpori erit impedimento, ut per vim alteram N accedat ad rectam illam CD. Quocirca in eodem illo dato tempore per vim posteriorem N accedet corpus ad lineam CD, five vis prior M imprimatur, five non: Et igitur in fine ejusdem temporis reperietur corpus alicubi in lineâ illâ CD,

Quum itaque in fine illius dati temporis reperiri debeat corpus, per vim primam M alicubi in lineâ BD, & per vim alteram N alicubi in lineâ CD, quò ambabus satisfaciat viribus, necesse est, ut reperiat in puncto aliquo, quod commune sit, tum lineæ BD, cum lineæ CD. Unde, quum duæ istæ rectæ lineæ se secent in unico puncto D, in puncto isto corpus in fine temporis reperietur; & propterea feretur per diagonalem AD, quum ab A ad D pergat motu rectilineo, nec ulla sit causa externa, per quam à motu illo possit deturbari.

Quoniam autem momentum hujus rationis non peræquè ab omnibus intelligitur, non gravabimur aliam ejusdem theorematis demonstrationem afferre, quæ nullum dubi-

bitandi locum relinquat. Et primò quidem, quia nō tam facilè omnes intelligunt, quo pacto fieri possit, ut unum, idemque corpus possit simul, & eodem tempore viribus duabus ad diversas partes tendentibus agitari; concipiamus, quod eodem tempore, quo corpus aliquod vi unâ agitatum fertur æquabiliter super rectâ AB ab A ad B, recta ipsa AB per vim alteram moveatur itidem æquabiliter super rectâ AC, ita ut maneat semper sibi ipsi parellela. Sic enim corpus illud subiens quoque motum rectæ AB, super qua motu proprio cietur, urgebitur duplici vi, unâ ab A ad B, alterâ ab A ad C.

Ponamus porrò, quod eodem tempore, quo corpus, super rectâ AB motum, pertingit ad punctum B, recta ipsa AB perveniat ad positionem CD; hocque posito facile erit ostendere per ea, quæ superiùs demonstrata sunt de spatiis æquabili motu percurfis, corpus utrâque vi agitatum describere diagonalem AD. Nam primò, quum ex hypothese recta AB perveniat ad positionem CD eodem tempore, quo corpus, motum super rectâ AB, pertingit ad punctum B; perspicuum est corpus utroque illo motu reperiri in fine temporis in puncto D, quandoquidem coincidente rectâ AB cum rectâ CD, coincidet quoque punctum B cum puncto D.

Et secundò, si ponamus rectam AB parallelo suo motu pervenisse ad quamvis aliam positionem EF, corpus verò ipsum, motum super rectâ AB, pervenisse ad punctum G; erit AE ad EG, ut est velocitas rectæ lineæ corpus deferentis ad velocitatem propriam ipsius corporis. Jam verò ratio istarum velocitatum æqualis est rationi, quam habent inter se latera AC, AB; quum longitudines horum laterum eodem tempore velocitatibus iis percurrantur. Itaque erit ex æquali, ut AE ad EG, ita AC ad AB; & propterea per vigesimam sextam sexti elementorum locabitur punctum G in diagonali AD.

Ostenso hoc theoremate, haud difficile erit lineam definire, per quam tendit corpus inobile, quum duabus, aut pluribus viribus ad diversas partes tendentibus simul, & eodem tempore urgetur. Si enim corpus urgeatur duabus tantum viribus, quarum directiones, & quantitates designentur per latera AB, AC; completo parallelogrammo ABDC, movebitur corpus, ut ostensum est, per diagonalem AD. Sed si duabus iis viribus accedat tertia, cujus quantitatem, & directionem designet recta AH; completo parallelogrammo ADIH, fectur corpus per diagonalem AI. Et si porò iisdem viribus superveniat quarta AK, com-

# ELEMENTA. 87

completo parallelogrammo AILK, diriget motum suum corpus per diagonalem AL: eodemque artificio progredi licebit in infinitum.

Neque verò difficile id erit ostendere. Nam semper ac corpus viribus AB, AC describit diagonalem AD; vires illæ simul tantum poterunt in corpus, quantum vis unica designata per diagonalem ipsam AD; adeoque, quum corpus urgetur tribus viribus AB, AC, AH, perinde erit, ac si ad motum concitetur duabus tantum viribus AD, AH. Unde, quia duabus hisce viribus ad motum concitatum, describit per ostensum theorema diagonalem AI; concludendum est, eandem à corpore diagonale describi etiam, quum urgetur tribus viribus AB, AC, AH.

Eadem ratione semper ac corpus viribus AB, AC, AH describit diagonalem AI, vires illæ simul tantam exerent actionem in corpus, quantum exercebit vis unica, designata per diagonalem ipsam AI; adeoque quum corpus urgetur quatuor viribus AB, AC, AH, AK perinde erit, ac si ad motum concitetur duabus tantum viribus AI, AK. Jam verò duabus hisce viribus concitatum corpus ad motum, describit vi ostensi theorematidis diagonalem AL. Et igitur consequens est, ut eadem à corpore diagonalis describa-

F 3

tur,

tur, etiam quum urgetur quatuor viribus AB, AC, AH, AK.

Atque hinc modò patet virium compositio, & resolutio, adèd felici successu à Philosophis mechanicis nostri temporis in motibus corporum expendendis adhibita. Quum enim vires duæ AB, AC tantundem agant in corpus, quantum vis designata per diagonalem AD, componetur vis ista AD ex viribus lateralibus AB, AC. Unde etsi corpus haud quidem esset duplici illâ vi agiturum, sed vi simplici, ac indivisâ feratur per diagonalem AD; adhuc tamen vis ista supponi potest composita ex viribus per latera AB, AC, & in eas velut suas partes resolvi; quandoquidem si corpus iis viribus urgeretur, non aliam lineam percurreret, quàm diagonalem ipsam AD.

Et igitur generaliter, si super aliquâ rectâ lineâ, velut diagonali, parallelogrammum aliquod describatur, vis per illam rectam lineam supponi potest composita ex viribus per latera descripti parallelogrammi, atque adèd in easdem illas resolvi, tanquam in suas partes. Sed quoniam super eâdem rectâ lineâ, velut diagonali, infinita possunt parallelogramma describi, innumeræ quoque erunt vires laterales, ex quibus supponi potest composita vis, quæ per illam rectam lineam agit. Unde liquet, quod etsi datis viribus

com-



componentibus, earumque directionibus, illico detur vis composita; non tamen vicissim datâ vi compositâ, dentur etiam vires componentibus, earumque directiones.

Præterea una, eademque vis, non modò ex duabus, verùm etiam ex tribus, quatuorve composita supponi potest. Nam quemadmodum vis per diagonalem  $AL$  supponi potest composita ex viribus per latera  $AK$ ,  $AI$ ; ita si super  $AI$ , velut diagonali, parallelogrammum describatur  $ADIH$ ; vis per  $AI$  considerari potest veluti composita ex viribus per latera  $AD$ ,  $AH$ ; ex quo fit, ut vis per rectam  $AL$  haberi possit tamquam composita ex viribus per rectas  $AD$ ,  $AH$ ,  $AK$ . Et eadem ratione, si super  $AD$ , tamquam diagonali, parallelogrammum aliud describatur  $ABDC$ , & vis per  $AD$  resolvatur in vires per latera  $AB$ ,  $AC$ ; vis per  $AL$  supponi poterit composita ex viribus per  $AB$ ,  $AC$ ,  $AH$ ,  $AK$ . Atque ita semper procedendo, licebit progredi in infinitum.

Quoniam autem rectæ lineæ  $AK$ ,  $IL$  sunt æquales, & parallelæ; fit hinc, ut vis per diagonalem  $AL$  supponi possit composita, tum ex viribus per latera  $AK$ ,  $AI$ ; cum ex viribus per latera  $AI$ ,  $IL$ . Et similiter propter parallelas, & æquales  $AD$ ,  $HI$  vis per  $AI$  considerari potest composita non modò ex viribus per rectas  $AH$ ,  $AD$ , verùm

etiam ex viribus per rectas  $AH$ ,  $HI$ . Ex quibus demum illud elucescit, quod si super datâ rectâ lineâ, tamquam latere uno, figura quævis rectilinea describatur; vis per rectam illam lineam supponi possit composita ex viribus per reliqua figuræ latera, atque aded in easdem illas tamquam in suas partes resolvi.

Sed examinemus modò effectus, qui oriuntur ex contrarietate, aut conspiratione virium componentium. Quem in finem, sciendum est priùs, vires conspirantes esse illas, quæ versus eandem plagam diriguntur; vires verò contrarias, quæ tendunt ad plagas contrarias, & inter se oppositas ex diametro. Unde quum ostensum sit, vires per latera alicujus parallelogrammi componere simul vim per diagonalem; illud primò in hac re statui potest, vim compositam ed esse majorem, quò conspirant magis vires componentes; & vicissim ed minorem, quò eadem vires componentes magis ad contrarietatem accedunt.

Urgeatur etenim corpus simul, & eodem tempore duabus viribus, quarum directiones, & quantitates designentur per latera parallelogrammi  $AK$ ,  $AI$ ; ita, ut viribus iis conjunctis describat corpus diagonalem  $AL$ , eodem tempore, quo viribus separatis describeret ipsa latera  $AK$ ,  $AI$ . Et quoniam

an-

angulus parallelogrammi KAI ed quidem est minor, quod vires componentes AK, AI sunt magis conspirantes, & vicissim ed major, quo eadem vires magis ad contrarietatem accedunt; erit diagonalis ipsa parallelogrammi AL ed longior, quod conspirant magis vires componentes, & vicissim eo brevior, quod eadem vires magis opponuntur inter se mutuo. Unde, quia diagonalis AL designat vim compositam; consequens est, ut vis composita ed quidem sit major, quod vires componentes sunt magis conspirantes, & vicissim ed minor, quod magis ad contrarietatem accedunt.

Statui secundo potest, quod quantumvis conspirantes supponantur vires componentes AK, AI, modo earum directiones angulum constituent KAI, nunquam vis composita possit eas simul sumptas adaequare, sed summam ipsarum minor semper esse debeat; nam designatur vis composita per diagonalem AL, quae minor est summam laterum AK, AI, quae vires referunt componentes. Verumtamen si angulus KAI, contentus sub directionibus virium componentium minuat in infinitum, ita ut tandem evanescat, & conspirent in totum virium directiones; tunc vis composita adaequabit vires componentes simul sumptas, quia in isto casu diagonalis AL, evadit summa laterum.

terum  $AK$ ,  $AI$ .

Et denique statui potest, quod quantumvis contrariæ supponantur vires componentēs  $AK$ ,  $AI$ , modò earum directiones angulum constituent  $KAI$ , nec jaceant in directum, numquam vis composita possit earum differentiam adæquare, sed semper differentiâ illa major esse debeat; quandoquidem diagonalis  $AL$ , quæ designat vim compositam, major est differentiâ laterum  $AK$ ,  $AI$ , quæ designant vires componentēs. Quod si autem angulus  $KAI$  contentus sub directionibus virium componentium augeatur in infinitum, ita ut fiat tandem duobus rectis æqualis, & opponantur ex diametro virium directiones; tunc vis composita adæquabit differentiam virium componentium, quum in isto casu diagonalis  $AL$  evadat differentia laterum  $AK$ ,  $AI$ .

Quæ de viribus dicta sunt, possunt etiam applicari motibus, qui sunt virium effectus, aut etiam velocitatibus, quibus motus proportionē correspondent, quum data est quantitas materiæ corporis mobilis. Nam quemadmodum vires per latera  $AK$ ,  $AI$  componunt vim per diagonalem  $AL$ , quæ eò est major, quò conspiciunt magis vires componentēs, eoque minor, quò eadem vires magis ad contrarietatem accedunt; sic ex motibus per latera  $AK$ ,  $AI$  componetur  
mo

motus per diagonalem AL, qui eò major erit, quò sunt magis conspirantes motus componentes, eòque minor, quò iidem motus magis contrarii sunt.

Unde porro, quemadmodum quum directiones virium componentium angulum constituunt, vis composita est minor summâ, major differentiâ illarum virium; ita quoque quum directiones motuum componentium angulum comprehendunt, erit motus compositus minor summâ, major differentiâ eorum motuum. Et ulterius, sicuti vis composita adæquat summam virium componentium, quum sunt omnino conspirantes, & differentiam earundem virium, quum sunt prorsus contrariæ; ita motus compositus adæquabit summam motuum componentium, quum eadem est utriusque directio, & differentiam eorundem motuum, quum eorum directiones opponuntur ex diametro.

Ex hac motuum compositione illud colligit Newtonus, nō eandem semper esse in hoc mundo motus quantitatem, quum ex variis binorum motuum compositionibus possit modò major, modò minor motus oriri. Sic iidem motus, qui secundum datas directiones datum motum component, component motum majorem, si fiant magis conspirantes, & vicissim motum minorem, si magis  
ad

ad contrarietatem accedant . Atque ita quoque si duo globi tenui virgulâ conjuncti uniformi cum motu circa commune ipsorum gravitatis centrum revolvantur , interea ac centrum ipsum uniformi etiam cum motu feratur in lineâ rectâ , ductâ in plano motus ipsorum circularis ; summa motuum illorum globorum , quoties erunt in lineâ rectâ à communi ipsorum gravitatis centro descriptâ , major utique erit , quàm summa motuum eorundem , quum erunt in lineâ , quæ sit ad lineam illam rectam perpendicularis .

Verùm etsi hæc omnia vera sint , non hinc tamen colligi potest , quod quantitas motus in hoc mundo eadem semper non perseveret . Quod enim efficit , ut corpus describat diagonalem  $AL$  , sunt motus laterales  $AK$  ,  $AI$  : proindeque quantitas motus , quæ tunc temporis in mundo reperitur , non quidem per diagonalem , sive motum compositum  $AL$  , sed per summam laterum , sive motuum componentium  $AK$  ,  $AI$  debet definiri . Unde etsi motus compositus pro variâ directione motuum componentium modò major , modò minor oriatur ; eadem tamen semper erit in mundo quantitas motus , quia summa motuum componentium , per quam ea definitur , eadem semper perseverat .

Id clariùs apparebit , si quemadmodum :

fu.

superius factum est, unum ex motibus componentibus corpori, alterum rectæ lineæ, super qua corpus fertur, tribuamus. Si enim supponamus, rectam AK moveri super AI motu æquabili, ac parallelo, interea ac corpus super ipsâ AK fertur etiam æquabiliter; quantitas motus, quæ in hoc systemate existet in mundo, definietur per summam laterum AK, AI, cujuscumque magnitudinis sit angulus KAI sub iis lateribus contentus. Jam corpus utroque motu describit diagonalem AL, quæ pro variâ quantitate illius anguli non semper est ejusdem longitudinis. Itaque major, aut minor motus, qui ex binorum compositione oritur, nequaquam efficiet, ut eadem in mundo quantitas motus non perseveret.

Eâdem igitur ratione, etsi verissimam sit, duos illos globos, tenui virgulâ conjunctos, majorem summam motuum habere, quum sunt in lineâ rectâ, à communi ipsorum gravitatis centro descriptâ, quàm quum sunt in lineâ ad istam perpendiculari; non hinc tamen inferri debet, quod non sit semper eadem in mundo quantitas motus: enim verò in eo systemate motus quantitas, quæ in mundo reperitur, definiri debet, non jam per summam motuum in globis existentium, sed per summam ex motu, quo ipsi globi revolvuntur circa commune centrum gravitatis,

tis, velut immobile consideratum, & motu, quo commune fertur gravitatis centrum.

Illud potius argumentum videtur suadere, non eandem semper in mundo motus quantitatem perseverare, quod eruitur ex corporum inertium collisione, nempe quod, si duo corpora, aded perfectè dura; vel etiam aded planè mollia, ut vim nullam elasticam habeant, sibi mutuo obviam eant, post occursum non eadem perseveret quantitas motus, quæ erat ante occursum, sed destructis motibus contrariis, tantùm maneat differentia eorum motuum. Neque enim huic difficultati fieri potest satis, dicendo motus contrarios non quidem se mutuo destruere, sed circumjacentibus aliis corporibus communicari; nam quum hujus communicationis non alia sit causa, quàm corporum occursum, necesse foret, ut tantundem quoque motus deberet communicari corporibus aliis circumjacentibus, quum corpora versus eandem plagam feruntur: quod tamen falsum est, quum experientia constet corpora, quæ moventur ad eandem partem, tantundem motus post occursum habere, quantum ante occursum habebant.

Interim si consideremus naturam illius materiæ, in qua motus, qui supponitur impressus à Deo, conservatur, & à qua corpora omnia sensibilia moventur, huic quoque dif-



difficultati poterit occurrere. Quum enim in hoc Philosophiæ systemate plena sint omnia, nec ullum detur spatium inane, si supponamus universam materiam, hoc magno nostro vortice contentam, & in minutissimas particulas divisam, certâ motus quantitate Dei manibus fuisse agitatum; exilitimæ ejus particulae non potuerunt rectâ progredi, atque ita opus fuit, ut non modò omnes circa centrum totius vorticis, verùm etiam ut plures circa unum, idemque punctum circulariter moverentur: unde ex universâ illâ materiâ quamplures exigui vortices formati fuerunt, qui quum ex minutissimis particulis celeriter agitati componantur, facile intelligemus in unoquoque eorum reperiri conatum quendam centrifugum, per quem minutissimæ illæ particulae à centro motus continuò tendant recedere.

Quum igitur materia, quæ motum à Deo impressum conservans, corpora omnia sensibilia movet, & agit, sint exigui quidam vortices, conatu quodam centrifugo præditi; haud difficile modò erit, rationem reddere, cur fiat, ut quum corpora inertia sibi mutuo obviam eunt, maneat post occursum, non summa, sed differentia motuum, nec tamen pereant motus contrarii. Notum est enim, corpora perfecte elastica, & ejusdem ponderis, quum sibi mutuo æqualibus

bus

bus velocitatibus obviam eunt, resilire à se invicem, nullâ velocitatis parte amisâ. Itaque quum exigui illi vortices, velut conatu quodam centrifugo referti, considerari possint tamquam corpuscula elastica; iidem, quum sibi invicem occurrunt, resiliunt ad partes contrarias eâdem velocitate, qua ante occursum ferebantur.

Et quoniam corpora sensibilia moventur, quia ab exiguis istis vorticibus impelluntur; fit hinc, ut in occurso corporum sensibilium occurrant etiam sibi mutuo exigui vortices, corpora illa impellentes. Unde remanebit in ipsis corporibus post occursum dumtaxat motuum differentia; quandoquidem exigui vortices corpus unum impellentes impingunt in alios totidem eorum, qui corpus aliud impellunt: ex quo fit, ut tam illi, quàm isti resiliant ad partes contrarias; atque ita ipsa corpora pergent moveri, quia à reliquis tantum vorticibus impelluntur. Sed hæc dicta sint in gratiam eorum, qui hoc philosophandi genere delectantur: nam ingenuè fateor, me animum non adedò docilem habere, ut possim iis libenter acquiescere; quum ea semper mihi placuit philosophandi ratio, quæ non fictis hypothesebus, sed oertissimis experimentis innititur.

## S E C T I O II.

*De Artificiosâ Gravium Latione.*

**C**orpora gravia artificiosè ferri dicuntur, quotiescumque machinarum ope aliâ ratione moventur, quàm secundùm directionem gravitatis; veluti quum funibus, & orbiculis sursum attolluntur, vel etiam quum ducuntur per longitudinem plani horizontalis. De artificiosâ istâ gravium latione, ut ab initio monuimus, tractarunt Veteres sub nomine *Mechanices*: unde etsi tale nomen machinandi artem propriè significet, communiter tamen usurpatur ad designandam eam *Statices* partem, quæ gravia considerat, quatenus debent artificiosè moveri:

## C A P. I.

*De principio mechanices fundamentali, & de applicatione ejus ad machinas simpliciore.*

**Q**uum grave aliquod corpus fertur artificiosè, quemadmodum instrumentum lationis machinam, ita id, quod est causa motus, potentiam *Mechanici* vocant

G

Sed.

Sed quod in hac latione potentiae opponitur, & reluctatur, non est semper corporis pondus. Nam, quum corpus scinditur per cuneum, aut per cochleam comprimitur, non aliunde oritur resistentia, quam à cohaesione partium corporis; & similiter quum corpora in solo ducuntur, à solâ inertia materiae oritur in ipsis corporibus resistentia, siue reactio.

Hinc in definiendis motibus gravium artificiosis, id quod potentiae opponitur, & reluctatur, modò pondus, modò resistentiam dicemus; pondus, inquam, quum renixus oritur à gravitate; resistentiam verò, quum aliunde, quam à gravitate, proficiscitur. Et quamquam cum pondere conjuncta sit semper inertia materiae, attamen quum collisio sit inter potentiam, & pondus, illius inertiae nullam rationem habebimus, sed considerabimus corpus veluti reductum ad punctum illud, in quo tota vis suae gravitatis colligitur, & coacervatur.

Quum ablata ex corpore resistentia, possit illud moveri per omnem quantumvis minimam vim; fit hinc, ut ad determinandam potentiam, per quam grave corpus artificiosè moveri queat, definiendus sit primò casus aequilibrii inter potentiam, & pondus, siue resistentiam. Nam semper ac potentia aequilibratur cum eo, quod in la-

tio-

tione corporis gravis ipsi opponitur, & reluctatur; jam ex corpore sublatum erit id omne, quod impedit motum ejus optatum: adeoque si tantillum augeatur potentia, corporis motus protinus obtinebitur.

Potentia, & resistentia æquilibrantur inter se mutuo, quum æqualia habent momenta, sive motus quantitates; nam ratione æqualium momentorum, quantum potentia agit in resistentiam, tantundem resistentia potentiæ reluctabitur. Unde quia ex superius extensis nequeunt potentia, & resistentia habere æqualia momenta, nisi fuerint in reciproca ratione suarum velocitatum; æquilibrabitur potentia cum resistentiâ, siquidem ratione machinæ in tali sint ad motum dispositione, ut resistentia sit ad potentiam, quemadmodum est velocitas, qua ageret potentia, ad velocitatem, qua reluctaretur resistentia.

Et quoniam velocitates duorum mobilium sunt, ut spatia, quæ eodem tempore describunt; æquilibrabitur quoque potentia cum resistentiâ, si talem iis machina ad motum tribuat dispositionem, ut resistentia sit ad potentiam, quemadmodum est spatium, quod describeret potentia, ad spatium, quod interea temporis percurreret resistentia. Unde ad determinandam potentiam, quæ cum datâ resistentiâ æquibre-

tur, non aliud fieri debet, quàm definire relationem velocitatum, aut etiam spatiorum, quæ eodem tempore ab iis describerentur; quandoquidem potentia, quæ est ad resistantiam in reciproca illâ ratione, cum ipsâ resistantiâ æquilibrata manebit.

Atque hoc quidem est principium fundamentale mechanices, quod ad omnes omnino machinas extenditur; nec vereor dicere, impossibile prorsus esse, ut aliud repariatur, quod universalitate, ac simplicitate suâ possit cum isto contendere. Reliquum jam est, ut illud ad machinas saltem simpliciores applicemus, nimirum ad libram, vectem, polyspastum, axem in peritrochio, cochleam, & cuneum: qua in re ordiemur à librâ, utpote quæ, communi omnium voto, inter mechanica instrumenta primum sibi vindicat locum.

**FIG. 10.** Est igitur libra recta quædam linea puncto aliquo medio, vel liberè suspensa, vel etiam fulcimento suffulta, ex cujus extremitatibus pendent pondera duo. Ita si recta linea AB puncto sui medio C, vel liberè suspendatur, vel etiam innitatur fulcimento aliquo, & ex extremitatibus ejus A, & B pendeant pondera duo M, & N; linea ista his ponderibus instructa libra dicetur. Et quoniam, quæ in se mutud agunt, sunt ipsa pondera M, & N; subibit alterum ipso-

forum vices potentia, alterum vices resistentia.

Jam servabitur inter hæc duo pondera æquilibrium, si ratione libræ fuerint in tali ad motum dispositione, ut pondus  $M$  sit ad pondus  $N$ , velut est velocitas, qua moveretur pondus  $N$ , ad velocitatem, qua moveretur pondus  $M$ . Unde quia in libræ revolutione velocitates ponderum  $N$ , &  $M$  eadem sunt, quæ punctorum  $B$ , &  $A$ , ex quibus suspenduntur; & velocitates istorum punctorum definiuntur per distantias eorundem à centro libræ, hoc est per rectas  $BC$ ,  $AC$ ; servabitur æquilibrium inter pondera  $M$ , &  $N$ , si fuerit ut pondus  $M$  ad pondus  $N$ , ita  $BC$  ad  $AC$ ; hoc est, si fuerint ipsa pondera in reciproca ratione suarum à centro libræ distantiarum.

Quod autem in libræ revolutione distantia  $BC$ ,  $AC$  proportionem respondeant velocitatibus punctorum  $B$ , &  $A$ ; id equidem dependet ex motu circulari. Nam generaliter si recta quædam linea inflexilis, velut  $AB$ , circulariter moveatur circa aliquod ejus punctum  $C$ ; velocitates punctorum  $A$ ,  $B$ ,  $D$  erunt, ut distantia eorundem à centro motus  $AC$ ,  $BC$ ,  $DC$ . Sunt quippe velocitates eorum punctorum, ut arcus  $AE$ ,  $BF$ ,  $DG$  eodem tempore descripti; qui quidem arcus, propter similitudinem sectorum  $CAE$ ,

FIG. 11.

$C$  ;

$GBF$ ;

CBF, CDG, sunt ut radii AC, BC, DC.

Secundò vectis est oblongus ille palus, qui ad ingentia corpora movenda passim adhibetur, quemque considerant vulgò Mechanici velut lineam inflexilem, omnisque gravitatis expertem. In eo tria sunt distinguenda; scilicet pondus, quod sursum debet attolli; potentia, per quam pondus elevatur; & fulcimentum, cui vectis innititur, id quod græcè hypomochlion dicitur. Et quoniam hæc tria tripliciter in ipso vecte disponi possunt; tria hinc etiam vectium genera distinguuntur.

**FIG. 12.** Vocatur etenim vectis primi generis, qui

**FIG. 13.** habet pondus in uno extremo, potentiam in altero, & hypomochlion in puncto aliquo intermedio. Qui verò habet pondus in medio, potentiam in uno extremo, & hypomochlion in altero, vocatur vectis secundi generis. Et denique qui potentiam habet

**FIG. 14.** in medio, hypomochlion in uno extremo, & pondus in extremo altero, vectis tertii generis appellatur.

Cujuscumque generis sit vectis, fiet æquilibrium inter potentiam, & pondus, si potentia fuerit ad pondus, ut distantia ponderis ab hypomochlio ad distantiam potentiae. In vecte etenim AB sit pondus in A, potentia in B, & hypomochlion, sive fulcimentum in C. Itaque ob principium fun-



fundamentale mechanices æquilibrium poterit  
potentia cum pondere, si ratione vectis  
fuerint in tali ad motum dispositione, ut  
potentia sit ad pondus, quemadmodum est  
velocitas ponderis ad velocitatem potentiæ.

Et quoniam pondus est applicatum in  
A, potentia autem in B; habebunt in mo-  
tu vectis pondus, & potentia easdem velo-  
citates, ac puncta A, & B. Unde, quia  
motus vectis fit circa punctum immobile  
C, adeoque velocitates punctorum A, & B  
sunt, ut distantie AC, BC; erit velocitas  
ponderis ad velocitatem potentiæ similiter,  
ut AC ad BC. Et igitur æquilibrium poterit  
in vecte potentia cum pondere, si fuerit, ut  
potentia ad pondus, ita distantia ponderis  
ab hypomochlio ad distantiam potentiæ.

Hinc, quia in vecte primi generis distan-  
tia ponderis ad distantiam potentiæ potest  
habere rationem, tum minoris ad majus,  
tum majoris ad minus, tum denique æqua-  
litas; perspicuum est, in eodem vecte po-  
tentiam esse posse tum minorem, tum ma-  
jorem, tum æqualem pondere, quod susti-  
net. Verum in vecte secundi generis poten-  
tia semper minor est pondere, quia distan-  
tia ponderis ad distantiam potentiæ habet  
semper rationem minoris ad majus. Et de-  
nique in vecte tertii generis potentia pon-  
dere semper est major, quia distantia pon-  
deris

deris ad distantiam potentiae habet semper rationem majoris ad minus.

FIG.  
15. 16.

Tertio axis in peritrochio est oblongus quidam cylindrus horizonti parallelus, vel perpendicularis, cujus extremitates in rotundis foraminibus immoti pegmatis expedite vertuntur. Habet prope unam ejus extremitatem circumpositam rotam, sive tympanum, in cujus convexa peripheria stipites teretes, foraminibus ad id factis, sunt affixi. Et quemadmodum vocatur axis, ipse quidem cylindrus horizonti parallelus, vel perpendicularis; ita dicitur peritrochium, rota, sive tympanum, quod habet circumpositum; & radii, sive scytalæ, baculi illi teretes, qui in convexa rotæ peripheriâ sunt affixi.

Hujus instrumenti usus in ponderibus, vel sursum elevandis, vel horizontaliter trahendis ut plurimum consistit. Nam si funes ad pondus alligati circa depressas axis partes circumponantur, & peritrochii scytalis potentia applicetur, quæ peritrochium vertat unâ cum axe; jam funes circa axem convoluti, vel ab aliquo relictæ, ne toti axi circumponantur, pro variâ ipsius axis ad horizontem positione, pondus ipsum vel sursum elevabunt, vel horizontaliter trahent.

In hoc instrumento æquilibrabitur potentia

tia

tia cum pondere, si fuerit ut potentia ad pondus, ita perimeter axis ad perimetrum orbis extimi. Nam in unâ ejus conversione pondus tantundem trahitur, quantum funis circa axem complicatur, hoc est, quanta est perimeter ipsius axis; & potentia tantundem promovetur, quanta est perimeter ejus orbis, quem scytala describit. Quocirca in unâ machinæ revolutione spatium descriptum à pondere erit ad spatium descriptum à potentiâ, ut est perimeter axis ad perimetrum orbis extimi; & ideo, quum velocitates sint, ut spatia eodem tempore descripta, erit quoque ut velocitas ponderis ad velocitatem potentiæ, ita perimeter axis ad perimetrum orbis extimi.

Hinc quotiescumque in axe in peritrochio potentia eam habet rationem ad pondus, quam habet perimeter axis ad perimetrum orbis extimi; jam potentia, & pondus erunt in tali ad motum dispositione, ut si utique machina revolveretur, potentia foret ad pondus, ut est velocitas ponderis ad velocitatem potentiæ. Unde, quia ex principio mechanices fundamentali æquilibratur potentia cum pondere, quotiescumque sunt in reciproca suarum velocitatum ratione: consequens est, in axe in peritrochio adesse æquilibrium inter potentiam, & pondus; quum fuerit, ut potentia ad pondus, ita peri-

perimeter axis ad perimetrum orbis exte-  
mi.

Hæc machina construi quoque solet nul-  
lo adhibito peritrochio, applicando nempe  
scytalas ad foramina facta in perimetro ip-  
sius axis: quo casu eadem adhuc sequitur  
proportio inter potentiam, & pondus, ut  
maneant in æquilibrio: nempe, quod poten-  
tia debeat esse ad pondus, ut est perimeter  
axis ad perimetrum orbis, quem potentia  
uni ex scytalis applicata describit. Sed inte-  
rim hæc machina, sine peritrochio elaborata,  
nequit amplius dici axis in peritrochio.  
Quocirca dicta est fucula, quum axis per-  
pendicularis est ad horizontem; ergata verò,  
quum idem axis est horizonti parallelus.

FIG. 17. 18. Quarto polyspastum, sive trochleam vo-  
cant Mechanici machinam quandam ex  
uno, aut pluribus orbiculis circa axes suos  
volubilibus compositam, quibus circumpo-  
situs funis ductorius pondus per potentiam  
trahit. Orbiculi isti ita disponi possunt, ut  
pondus nunc ab uno fune, nunc à duobus,  
aut pluribus sustineatur. Unde hujusmodi  
machinam vocant specialiter Mechanici  
monospastum, quum pondus sustinetur ab  
uno fune; bispastum, quum à duobus; tris-  
pastum, quum à tribus; atque ita deinceps.

In omni polyspasto, si fuerit, ut potentia  
ad pondus, ita unitas ad numerum funicu-

lorum, quibus pondus sustinetur, æquilibrium habetur potentia cum pondere, illudque sustinebit. Nam si ponamus pondus à potentiâ sursum per unum pedem attolli, quia unusquisque funiculus pondus sustinens debet uno pede brevior reddi, percurreret potentia pedes totidem, quot sunt ipsi funiculi pondus sustinentes. Unde velocitas ponderis ad velocitatem potentiæ erit, ut unitas ad numerum funiculorum, quum in hac ratione sint spatia, quæ eodem tempore ab his percurruntur.

Hinc quotiescumque potentia eam habet rationem ad pondus, quæ est inter unitatem, & numerum funiculorum pondus sustinentium; jam potentia, & pondus ratione machinæ erunt in tali ad motum dispositione, ut si utique machina moveretur, foret ut potentia ad pondus, ita velocitas ponderis ad velocitatem potentiæ. Ex principio autem mechanices fundamentali æquilibrium habetur potentia cum pondere, quum reciprocam servant suarum velocitatum rationem. Et igitur in omni polyspasto, si fuerit, ut potentia ad pondus, ita unitas ad numerum funiculorum pondus sustinentium, æquilibrium habetur potentia cum pondere, illudque sustinebit.

Quintò cochleam vocant Mechanici rectum cylindrum helice similiter sulcatum; cu-

cujus duas species distinguunt ; unam nempe internam , five masculinam , in qua sulcata superficies est convexus ; alteram externam , five femininam , cujus superficies sulcata est concava. Ex utraque simul conjun-

**Fig. 19.** Et hujusmodi componunt instrumentum nempe ut AB sit cochlea masculina , quæ per potentiam applicatam manubrio AC labatur tota five sursum , five deorsum per duas alias cochleas femininas immotas , ipsi quidem adeo conformiter sulcatis , ut ejus eminentiæ cavitatibus istarum corresponderent admodum .

Hoc instrumentum tametsi ponderibus elevandis possit applicari , nimirum quum cochlea interior , five masculina AB sursum per potentiam manubrio AC applicatam attollitur ; potissimum tamen adhiberi solet ad corpora frangenda , aut comprimenda , aliosque motus trusione faciendos ; & propterea juxta ea , quæ initio hujus capituli monuimus , in hac machinâ potentiam non quidem cum pondere , sed cum resistantiâ comparabimus .

Æquipollebit autem in hac machinâ potentia resistantiæ , si fuerit ut potentia ad resistantiam , ita intervallum duarum proximè spiraliū ad ambitum potentiæ . Per potentiam enim applicatam manubrio AC labatur cochlea interior AB per alias duas ex-

teriores immotas; jamque interea ac potentia revolutione unâ describit ambitum totum CD, cochlea ipsa, & consequenter resistantia superanda tantundem spatii describet, quantum est intervallum duarum proximè spiralium: proindeque velocitas resistantiæ erit ad velocitatem potentiæ, ut intervallum duarum proximè spiralium ad ambitum potentiæ.

Quocirca quotiescumque potentia eam habet rationem ad resistantiam, quam habet intervallum inter duas proximè spiras ad ambitum potentiæ; jam potentia, & resistantia ratione machinæ erunt in tali ad motum dispositione, ut potentia sit ad resistantiam, quemadmodum est velocitas resistantiæ ad velocitatem potentiæ. Ex principio autem mechanices fundamentali æquilibrium potentia cum resistantiâ, quum reciprocam servant inter se suarum velocitatum rationem. Igitur æquipollebit potentia resistantiæ, si fuerit, ut potentia ad resistantiam, ita intervallum duarum proximè spiralium ad ambitum potentiæ.

Et denique cuneus est simplex quoddam instrumentum, ad findenda, sive scindenda corpora aptum, mediante percussione. Construitur enim ex ferro, aut aliâ quavis durâ materiâ ad formam prismatis non admodum alti, cujus opposita latera sunt duo  
trian-

triangula ifofcelia, & æqualia . Vocatur autem cunei acies recta illa linea , quæ ifofcellium triangulorum vertices conjungit ; cunei altitudo recta linea, quæ cujusque trianguli altitudinem metitur ; crassities , basis cujuscumque trianguli; ac denique dorsum, parallelogremmum , quod bases conjungit ipsorum triangulorum . Adhibetur porro ad scindenda corpora , quotiescumque cunei acie in rimulam aliquam scindendi corporis immiffâ , & adveniente validâ percuffione , quæ per malleum , super cunei dorsum adactum , fieri folet , totus cuneus in rimulam immittitur.

In hoc instrumento , quod potentia opponitur , & reluctatur , eft refiftentia , quæ oritur ex cohærentiâ fibrarum scindendi corporis . Æquipollebit autem in eo , potentia refiftentia , fi fuerit , ut potentia ad refiftentiam , ita cunei crassities ad ejusdem altitudinem . Supponamus enim , cuneum

**FIG. 20.** ABC , per potentiam directè dorfo applicatam, ed ufque adactum effe, donec obtineat fitum , quem fchema repræfentat; fcilicet, ut BG fit fpatium percurfum à cuneo , & confequenter à potentiâ fecundùm fuam directionem , EF verò fpatium, quod percurrunt fcindendi corporis fibræ , quum à fe mutuo feperantur ; jamque erit , ut velocitas refiftentia ad velocitatem potentia , ita EF ad BG.

Et



Et quoniam EF est ad BG, ut crassities cunei AC ad ejusdem altitudinem BD; erit ex æquali, ut velocitas resistentiæ ad velocitatem potentiæ, ita cunei crassities ad ipsius altitudinem: proindeque quum in cuneo potentia, & resistentia eam habent rationem inter se, quæ est inter cunei crassitiem, & altitudinem; jam ratione cunei in tali erunt ad motum dispositione, ut reciprocam seruent suarum velocitatum rationem. Sed ex principio mechanices fundamentali servatur æquilibrium inter potentiam, & resistentiam, quum potentia est ad resistentiam, ut velocitas resistentiæ ad velocitatem potentiæ. Et igitur in cuneo potentia æquipollebit resistentiæ, si potentia fuerit ad resistentiam, ut est crassities cunei ad ejusdem altitudinem.

Nihil hinc addimus de ponderibus, quæ per longitudes planorum inclinorum sursum trahuntur, quia de iis commodior erit agendi locus, ubi de motu gravium naturali sermo recurret. Tantum hoc loco monendum existimamus, quod siquidem ex eodem fundamentali mechanices principio plani inclinati proprietas esset deducenda, ad definiendam velocitatem corporis gravis, habenda foret ratio spatii, quod non oblique, sed verticaliter grave corpus describit. Comparatur enim cum potentiâ pondus corporis

poris absolutum, cuius equidem effectus est, ut grave rectâ accedat ad horizontem.

Vulgares Mechanici omnes alias machinas ad vectem revocare conantur, & ex cognitâ vectis proprietate earum omnium colligunt affectiones; sed & ipsum vectem ad libram reducunt: imitati Aristotelem, qui in suâ mechanicâ, quæ circa libram fiunt, ad circulum; quæ circa vectem, ad libram; quæ autem circa omnes alias machinas, ad vectem revocavit. Ex quo factum, ut non aliam mechanices ponant propositionem fundamentalem, quam eandem illam, quæ in librâ statuit ponderum æquilibrium.

Hanc propositionem, quæ totius mechanicæ disciplinæ fundamentum ipsis evadit, ostendunt communiter demonstratione Archimedea, prout eam restituit, & vindicavit Galilæus. Innititur hæc demonstratio proprietati centri gravitatis: nempe quod si corpus aliquod ex proprio suæ gravitatis centro suspendatur, illud moveri non possit. Est autem elegans sanè, & ingeniosa demonstratio, quam ne aliunde petant Tyrones nostri, illam hîc afferre non gravabimur.

FIG. 21. Sit itaque AB prisma, five cylindrus ejusdem ubique densitatis, idemque planis parallelis secetur bifariam in G, & non bifariam in D; sitq; AD pars major, & DB pars mi-

minor. Harum partium puncta media, sive centra gravitatis sint E, & F, ex quibus erigantur duæ rectæ æquales EG, FH, quæ ipsi AB perpendiculares, alligentur extremitatibus libræ GH. Ex C porro, centro gravitatis totius prismatis erigatur perpendicularis altera CI, quæ libræ occurrat in I; & constituatur I centrum ipsius libræ.

Jam si partes prismatis AD, DB simul essent unitæ, quia in rectibus, & librâ nullam gravitatem consideramus, facile intelligemus manere prisma æquilibratum, quotiescumque libra suspenditur ex puncto I; quandoquidem perinde se res habebit, ac si prisma suspenderetur ex puncto C, quod est centrum suæ gravitatis. Sed factâ partium scissione, nullus in iis motus contingere potest, quum suspendantur per rectes ex punctis E, & F, quæ sunt centra gravitatis earum partium. Itaque partes prismatis AD, DB manebunt æquilibratæ, quotiescumque libra suspenditur ex puncto I.

Et quoniam prisma est ejusdem ubique densitatis, pondera partium AD, DB erunt inter se, ut magnitudines earundem. Sed ex Geometriæ Elementis magnitudines partium AD, DB sunt, ut longitudines ipsarum, quarum semisses sunt rectæ DE, DF. Quare erit ex æquali, ut pondus partis AD

H

ad

ad pondus partis DB, ita recta DE ad rectam DF: & propterea, quum rectæ DE, DF æquales sint ipsis IH, IG; erit rursus, ut pondus partis AD ad pondus partis DB, ita IH ad IG.

Sunt igitur pondera AD, DB, in æquilibrio constituta, in reciproca ratione suarum à centro libræ distantiarum. Et quoniam pondera corporum, mutatis figuris, nullam patiuntur mutationem, sed eadem semper perseverant; proinde si concipiamus prismatis partes AD, DB in corpora spherica, cubica, aut alterius cujuscvis figuræ mutari, adhuc etiam manebunt in æquilibrio. Et igitur generaliter si ex libræ extremitatibus pendeant pondera duo, ea non poterunt esse in æquilibrio, nisi reciprocam servant rationem suarum à centro libræ distantiarum.

## C A P. II.

*De communi centro gravitatis quocumque corporum, & de præcipuis ejus affectionibus.*

**Q**Uæmadmodum in unoquoque corpore vocamus centrum gravitatis punctum illud corporis internum, circa quod omnes ejus partes subinde librantur, ut si exinde suspendatur, eundem semper suarum par-

partium situm retinebit ; ita duorum quorumvis corporum, in eodem plano horizontali jacentium, dicemus commune gravitatis centrum punctum illud, subinde situm in rectâ lineâ, ipsorum propria centra conjungente, ut distantiae corporum ab illo puncto sint in reciproca ratione suorum ponderum.

Hac ratione, si A, & B sint duo quaelibet corpora, existentia in eodem plano horizontali, quorum centra gravitatis jungatur recta AB, & dividatur recta ista AB subinde in puncto C, ut distantia AC sit ad distantiam BC, veluti est pondus corporis B ad pondus corporis A ; vocabimus punctum C commune centrum gravitatis duorum corporum A, & B : enim verò si ambo suspendantur ex puncto isto, manebunt inter se mutuo æquilibrata, nec unum ab altero poterit attolli.

FIG. 22.

Jam si duobus iis corporibus A, & B accedat tertium D, & commune centrum gravitatis illorum conjungatur cum proprio centro istius per rectam CD, punctum E, subinde situm in rectâ istâ, ut distantia CE sit ad distantiam DE, veluti est pondus corporis D ad pondera corporum A, & B, dicetur commune centrum gravitatis eorum omnium ; quum suspensis similiter iis ex puncto illo, maneant omnia inter se mu-

tud æquilibrata, nec ullum per aliorum actionem possit attolli.

Eâdem autem ratione, si tribus his corporibus quartum superveniat  $F$ , cujus proprium centrum gravitatis conjungatur cum communi centro illorum per rectam  $EF$ ; punctum  $G$ , quod ita dividit rectam istam, ut distantia  $EG$  sit ad distantiam  $FG$ , quemadmodum est pondus corporis  $F$  ad pondera corporum  $A, B, D$ , dicetur commune centrum gravitatis corporum omnium; eodemque artificio poterit quocumque corporum commune gravitatis centrum definiri,

Et quidem corpora duo  $A$ , &  $B$  manere in æquilibrio, quotiescumque suspenduntur ex puncto  $C$ ; nemo in dubium revocabit, postquam ostensum est, æquilibrari inter se mutud pondera illa, quæ subinde pendunt ex libræ extremitatibus, ut reciprocam servent rationem suarum à centro libræ distantiarum. Sed quod idem servetur æquilibrium, quum corpora tria  $A, B, D$  suspenduntur ex puncto  $E$ , vel etiam quum corpora quatuor  $A, B, D, F$  suspenduntur ex puncto  $G$ ; id equidem non ita facile ab omnibus concedetur,

Uti enim in tribus primum corporibus  $A, B, D$  dubitandi rationem proponamus, etsi facile sibi quisque ipse in animum inducat,

ser.

servari æquilibrium, quotiescumque corpora duo A, & B agunt in tertium D, quum tantam exerant actionem in locis suis, quantam si existerent in communi centro C, in quo pondera ipsorum reciprocã servant rationem distantiarum à puncto suspensionis cum pondere corporis D; nihilominus, quod eadem corpora maneant æquilibrata, quum duo A, & B exempli gratiã agunt in tertium B; hoc quidem est illud, quod aliquam patitur difficultatem.

Patet autem, huic difficultati facili negotio occurrì posse, si quemadmodum recta DE ita secat in C rectam AB, ut AC sit ad BC, veluti est pondus corporis B ad pondus corporis A; & ut CE sit ad DE, veluti est pondus corporis D ad pondera corporum A, & B: sic pariter ostendi possit, quod recta BE subinde dividat in H rectam AD, ut AH sit ad DH, quemadmodum est pondus corporis D ad pondus corporis A; & ut HE sit ad BE, quemadmodum est pondus corporis B ad pondera corporum A, & D.

Hunc in finem ducamus rectas AI, CL, ipsis BH, AD æquidistantes, quæ cum rectis CD, BH productis, si opus, conveniant in punctis I, & L. Et quoniam AC est ad BC, ut pondus corporis B ad pondus corporis A; erit componendo, ut AB ad BC, hoc est ut AH ad CL, ita pondera corporum A, & B

H ; ad

ad pondus corporis A. Est autem ut CE ad DE, hoc est, ut CL ad DH, ita pondus corporis D ad pondera corporum A, & B. Quare erit ex æquo perturbando, ut AH ad DH, ita pondus corporis D ad pondus corporis A.

Et quoniam AH est ad DH, ut pondus corporis D ad pondus corporis A; erit componendo ut AD ad DH, hoc est ut AI ad HE, ita pondera corporum A, & D ad pondus solius corporis A. Est autem, ut BC ad AC, hoc est ut BE ad AI, ita pondus corporis A ad pondus corporis B. Igitur ex æquo rursus perturbando BE erit ad HE, ut pondera corporum A, & D ad pondus corporis B.

Servatur ergo æquilibrium, etiam quum duo corpora A, & D agunt in tertium B, quia tantam illa exerunt actionem in locis suis, quantam si existerent in communi centro H, ubi pondera ipsorum reciprocam servant rationem distantiarum à puncto suspensionis cum pondere corporis B. Et quia eodem prorsus argumento ostendetur, rectam AE subinde dividere in K rectam BD, ut BK sit ad DK, veluti est pondus corporis D ad pondus corporis B; & ut KE sit ad AE, veluti est pondus corporis A ad pondera corporum B, & D, servabitur etiam æquilibrium, quum corpora duo B, & D agunt in tertium A.

Non



Non dissimilis est ratio dubitandi in quatuor corporibus A, B, D, F. Et si enim facile quisque concedat, servari æquilibrium, quotiescumque corpora tria A, B, D agunt in quartum F, quum tantam illa exerant actionem in locis suis, quantam si existerent in communi centro E, in quo pondera ipsorum cum pondere corporis F reciprocant servant rationem distantiarum à puncto suspensionis; attamen quod eadem corpora maneant æquilibrata, quum tria A, B, F, exempli gratiâ, agunt in quartum D; hoc quidem illud est, quod aliquid difficultatis involvit.

Verum huic difficultati perspicuum est, facili quoque negotio occurri posse, si quemadmodum recta FG transit producta per punctum E, quod est commune centrum gravitatis corporum A, B, D; estque EG ad FG, ut pondus corporis F ad pondera corporum A, B, D: sic pariter ostendi possit, quod recta DG transeat producta per commune centrum gravitatis corporum A, B, F, quodque distantia ejus centri à puncto suspensionis G sit ad DG, ut est pondus corporis D ad pondera corporum A, B, F.

Hunc in finem jungamus rectam CF, cum qua conveniat DG in M. Et quoniam C est commune centrum gravitatis corporum A, & B; existet in recta CF centrum

commune corporum A, B, F. Unde transibit recta DG producta per commune centrum gravitatis corporum A, B, F, siquidem ostendi possit, rectam CF subinde dividi in puncto M, ut CM sit ad FM, veluti est pondus corporis F ad pondera corporum A, & B.

Id autem ostendemus in hunc modum. Ducatur per punctum E recta EN ipsi DM parallela, quæ conveniat cum recta CF in puncto N. Et quoniam pondus corporis D est ad pondera corporum A, & B, ut CE ad DE, erit componendo, ut CD ad DE, hoc est ut CM ad MN, ita pondera corporum A, B, D ad pondera corporum A, & B. Jam autem pondus corporis F est ad pondera corporum A, B, D, ut EG ad FG, hoc est ut MN ad FM. Quare erit ex æquo perturbando, ut pondus corporis F ad pondera corporum A, & B, ita CM ad FM.

Est itaque punctum M commune centrum gravitatis corporum A, B, F. Quod verò MG sit ad DG, ut est pondus corporis D ad pondera corporum A, B, F, ostendemus quidem hac ratione. Ducatur per punctum M recta MO ipsi EF parallela, quæ conveniat cum CD in puncto O. Et quoniam pondus corporis F est ad pondera corporum A, & B, ut CM ad FM; erit componendo, ut CF ad FM, hoc est, ut CE ad EO, ita

ita pondera corporum  $A, B, F$  ad pondera corporum  $A, \& B$ . Est autem ut  $DE$  ad  $CE$ , ita pondera corporum  $A, \& B$  ad pondus corporis  $D$ . Quare erit ex æquo perturbando, ut  $DE$  ad  $EO$ , hoc est ut  $DG$  ad  $MG$ , ita pondera corporum  $A, B, F$  ad pondus corporis  $D$ .

Hinc servatur æquilibrium, etiam quum tria corpora  $A, B, F$  agunt in quartum  $D$ , quandoquidem tantam illa exercent actionem in locis suis, quantum si existerent in communi centro  $M$ , in quo eorum pondera servant reciprocam rationem distantiarum à puncto suspensionis cum pondere corporis  $B$ . Et quia eodem prorsus ratiocinio ostendetur servari æquilibrium, tum quum corpora  $B, D, F$  agunt in quartum  $A$ , tum in omni alio casu, qui fingi possit ac imaginari; consequens est, ut quatuor corpora  $A, B, D, F$  maneant inter se mutuo æquilibrata, quum conjunctis propriis ipsorum centrīs cum puncto  $G$ , omnia exinde suspenduntur.

Eadem autem ratione demonstrabitur, fieri æquilibrium, quum corpora fuerint multo plura, quàm quatuor; ut hinc concludi possit generaliter, quod commune centrum gravitatis quocumque corporum per methodum superiùs traditam optimè definiatur. Illud hinc monendum existi-

ma-

mamus, quod si data corpora fuerint non in uno, eodemque plano, sed in diversis planis horizontalibus; reducenda sint prius ad idem planum, demittendo ex propriis eorum centris perpendiculara totidem ad planum illud, in quo commune velimus centrum gravitatis invenire, & considerando corpora velut existentia in locis illis, ubi eorum perpendiculara prædictum planum offendunt.

Jam commune istud centrum gravitatis duorum, aut plurium corporum varias habet proprietates, inter quas tres quidem sunt præcipuæ. Prima est, quod si per centrum illud agatur planum aliquod, pondera corporum, ad unam plani partem existentium, in suas ab eo distantias ducta, tantum efficiant, quantum pondera corporum, ad aliam plani partem collocatorum, ducta similiter in suas ab illo distantias.

Alterâ proprietâs est, quod si corpora omnia fuerint ad eandem alicujus dati plani partem, facta ex ponderibus eorum in suas ab eo distantias æqualia sint ei, quod efficitur, si pondus unumquodque multiplicetur per distantiam communis centri gravitatis ab eodem plano.

Et denique tertiâ proprietâs est, quod si corpora nonnulla fuerint ad unam alicujus dati plani partem, & corpora reliqua ad  
par-

partem alteram ; differentia , quæ est inter facta ex ponderibus illorum in suas à plano distantias , & facta ex ponderibus istorum in suas similiter distantias ab illo plano , æqualis sit facto ex ponderibus corporum omnium in distantiam communis centri gravitatis ab eodem illo plano.

Verùm in omnibus hisce proprietatibus illud supponimus , ut unumquodque corpus reductum sit ad punctum illud , quod est centrum suæ gravitatis ; idque ea ratione , ut distantia ejus à plano , de quo agitur , sit perpendiculum , quod ex centro suæ gravitatis ducitur ad planum . Unde nisi hanc velimus hypothesim assumere , pro distantia corporis à plano illo , non alia erit intelligenda , quàm quæ à centro suæ gravitatis desumitur .

Ostendamus itaque primùm omnes hasce proprietates , quum commune centrum gravitatis ad duo tantùm corpora refertur . Sint ergo A , & B corpora duo , quorum com- Fig. 33. mune gravitatis centrum sit punctum C . Transeat autem per centrum istud planum aliquod MN , ad quod ex propriis centris corporum A , & B demittantur perpendicula AM , BN . Dico id , quod sit , multiplicando pondus corporis A per AM , æquale esse ei , quod oritur , multiplicando pondus corporis B per BN .

Quo-

Quoniam enim  $C$  est centrum gravitatis corporum  $A$ , &  $B$ ; erit ut  $AC$  ad  $BC$ , ita pondus corporis  $B$  ad pondus corporis  $A$ . Sed propter triangula similia  $ACM$ ,  $BGN$ ,  $AC$  est ad  $BC$ , ut  $AM$  ad  $BN$ . Igitur erit ex æquali, ut pondus corporis  $B$  ad pondus corporis  $A$ , ita  $AM$  ad  $BN$ ; & propterea factum ex pondere corporis  $A$  in  $AM$  æquale erit ei, quod efficitur ex pondere corporis  $B$  in  $BN$ .

Sit secundo  $PQ$  planum alterum, respectu cuius existant ad eandem partem corpora  $A$ , &  $B$ . Demittantur ad planum istud ex propriis centrīs corporum  $A$ , &  $B$  perpendiculara  $AP$ ,  $BQ$ , cum ex communi eorum centro  $C$  perpendiculum  $CR$ . Dico facta ex ponderibus corporum  $A$ , &  $B$  in sua respective perpendiculara  $AP$ ,  $BQ$  æqualia esse ei, quod oritur, multiplicando corporis cuiusque pondus per perpendiculum  $CR$ .

Ducatur enim per punctum  $C$  planum  $MN$ , æquidistans ipsi  $PQ$ , cum quo conveniant perpendiculara  $AP$ ,  $BQ$  in punctis  $M$ , &  $N$ ; jamque propter æquales  $MP$ ,  $CR$ ,  $NQ$ , erunt facta tria, unum ex  $A$  in  $MP$ , alterum ex  $B$  in  $BN$ , & tertium ex  $B$  in  $BQ$ , æqualia ei, quod fit, multiplicando  $A$ , &  $B$  per  $CR$ . Oñsum est autem, factum ex  $B$  in  $BN$  æquale esse facto ex  $A$  in  $AM$ . Igitur facta tria, unum ex  $A$  in  $AM$ , alterum ex  $A$  in

in  $MP$ , & tertium ex  $B$  in  $BQ$ ; sive etiam facta duo unum ex  $A$  in  $AP$ , alterum ex  $B$  in  $BQ$ , æqualia erunt ei, quod efficitur, multiplicando  $A$ , &  $B$  per  $CR$ .

Sit denique  $ST$  planum tertium, subinde positum, ut corpus unum existat ad unam plani partem, corpus alterum ad partem aliam. Demittantur ad planum istud similiter, tam ex propriis centrīs corporum  $A$ , &  $B$  perpendiculara  $AS$ ,  $BT$ , quàm ex communi eorum centro  $C$  perpendicularum  $CV$ . Dico, differentiam inter factum ex  $A$  in  $AS$ , & factum ex  $B$  in  $BT$ , æqualem esse ei, quod fit, multiplicando  $A$ , &  $B$  per  $CV$ .

Ducatur namque ad alteram corporum partem planum  $PQ$  æquidistans ipsi  $ST$ , cum quo convenient perpendiculara omnia in punctis  $P$ ,  $Q$ ,  $R$ ; jamque si ex factis ex  $A$  in  $AP$ , & ex  $B$  in  $BQ$  subducantur facta ex  $A$  in  $SP$ , & ex  $B$  in  $TQ$ , remanebit differentia factorum ex  $A$  in  $AS$ , & ex  $B$  in  $BT$ . Sunt autem priora duo facta æqualia ei, quod fit ex  $A$ , &  $B$  in  $CR$ ; facta verò duo posteriora æqualia ei, quod efficitur ex  $A$ , &  $B$  in  $VR$ ; adeòque id, quod remanet subducendo ista ex iis, æquale est facto ex  $A$ , &  $B$  in  $CV$ . Itaque differentia factorum ex  $A$  in  $AS$ , & ex  $B$  in  $BT$  æqualis erit ei, quod fit, multiplicando  $A$ , &  $B$  per  $CV$ .

Sed ostendamus modò easdem proprietates,

tes, quum commune centrum gravitatis ad  
**FIG. 24.** tria corpora refertur. Sint igitur  $A, B, D$   
 corpora tria, quorum commune gravitatis  
 centrum sit punctum  $E$ . Transeat autem  
 per centrum istud planum aliquod  $MN$ , ad  
 quod ex proprijs centris corporum  $A, B, D$   
 demittantur perpendiculara  $AM, BN, DO$ . Di-  
 co pondera corporum  $A, \& B$ , ad unam plani  
 partem existentium, ducta in sua respective  
 perpendiculara  $AM, BN$ , tantum efficere,  
 quantum pondus solius corporis  $D$ , ad alter-  
 ram plani partem existentis, ductum in  
 perpendicularum suum  $DO$ .

Jungantur enim centra corporum  $A, \& B$   
 per rectam  $AB$ , cum quo conveniat recta  
 $DE$  in  $G$ , ex quo demittatur ad planum  
 perpendicularis  $CK$ . Et quoniam  $C$  est com-  
 mune centrum gravitatis corporum  $A, \& B$ ;  
 erunt facta duo, unum ex  $A$  in  $AM$ , alte-  
 rum ex  $B$  in  $BN$ , æqualia ei, quod fit ex  $A$ ,  
 &  $B$  in  $CK$ . Jam verò, quum punctum  $E$  sit  
 commune centrum corporum omnium,  
 pondus corporis  $D$  est ad pondera corporum  
 $A, \& B$ , ut  $CE$  ad  $DE$ , hoc est ut  $CK$  ad  
 $DO$ ; adeòque factum ex  $A, \& B$  in  $CK$  æ-  
 quale est ei, quod fit ex  $D$  in  $DO$ . Igitur fa-  
 cta duo, unum ex  $A$  in  $AM$ , alterum ex  $B$   
 in  $BN$ , æqualia erunt soli facto ex  $D$  in  $DO$ .

Potest etiam in demonstratione adhiberi  
 centrum gravitatis corporum  $A, \& D$ , quod  
 est



est punctum  $H$ , in quo recta  $BE$  secat rectam  $AD$ . Ducto siquidem ad planum perpendiculo  $HL$ , erit differentia factorum ex  $A$  in  $AM$ , & ex  $D$  in  $DO$  æqualis ei, quod fit ex  $A$ , &  $D$  in  $HL$ . Sed propter commune centrum corporum omnium id, quod fit ex  $A$ , &  $D$  in  $HL$  æquale est facto ex  $B$  in  $BN$ . Itaque differentia factorum ex  $A$  in  $AM$ , & ex  $D$  in  $DO$  æqualis erit facto ex  $B$  in  $BN$ ; adedque factum ex  $D$  in  $DO$  æquale erit duobus factis, uni ex  $A$  in  $AM$ , alteri ex  $B$  in  $BN$ .

Sit nunc  $PQ$  planum alterum, respectu cuius existant ad eandem partem corpora  $A$ ,  $B$ ,  $D$ . Demittantur ad planum istud, tam ex propriis centris eorum corporum perpendicula  $AP$ ,  $BQ$ ,  $DR$ , quam ex communi eorundem centro  $E$  perpendiculum  $EI$ . Dico pondera corporum  $A$ ,  $B$ ,  $D$  ducta in sua respectivè perpendicula  $AP$ ,  $BQ$ ,  $DR$  tantum efficere, quantum si eadem pondera simul multiplicentur per perpendiculum  $EI$ .

Ducatur enim per punctum  $E$  planum  $MN$ , æquidistans ipsi  $PQ$ , cum quo conveniant perpendicula  $AP$ ,  $BQ$ ,  $DR$  producta si opus in punctis  $M$ ,  $N$ ,  $O$ ; jamque propter æquales  $MP$ ,  $NQ$ ,  $OR$ ,  $EI$  erunt facta quatuor, unum ex  $A$  in  $MP$ , alterum ex  $B$  in  $NQ$ , tertium ex  $D$  in  $DR$ , quartum ex  $D$  in  $DO$ , æqualia ei, quod oritur;

tur, multiplicando  $A, B, \& D$  per  $EI$ . Sed factum ex  $D$  in  $DO$  æquale est factis  $A$  in  $AM$ , & ex  $B$  in  $BN$ . Itaque erunt facta tria unum ex  $A$  in  $AP$ , alterum ex  $B$  in  $BQ$ , tertium ex  $D$  in  $DR$ , æqualia ei, quod fit ex  $A, B, \& D$  in  $EI$ .

Denique fit  $ST$  planum tertium, respectu cuius existant corpora duo  $A, \& B$  ad unam partem, corpus verò tertium  $D$  ad partem alteram, Ducantur similiter ad planum istud, tum ex propriis corporum centris perpendiculara  $AS, BT, DV$ , cum ex communi omnium centro  $E$  perpendicularum  $EX$ . Dico excessum, quo facta ex  $A$  in  $AS$ , & ex  $B$  in  $BT$  superant factum ex  $D$  in  $DV$ , æqualem esse ei, quod fit, multiplicando  $A, B, \& D$  per  $EX$ .

Ducatur namque ad alteram corporum partem planum  $PQ$ , æquidistans ipsi  $ST$ , cum quo convenient perpendiculara omnia in punctis  $P, Q, R, \& I$ ; jamque si ex factis ex  $A$  in  $AP$ , ex  $B$  in  $BQ$ , & ex  $D$  in  $DR$  subducantur facta ex  $A$  in  $SP$ , ex  $B$  in  $TQ$ , & ex  $D$  in  $VR$ , remanebit excessus, quo facta ex  $A$  in  $AS$ , & ex  $B$  in  $BT$  superant factum ex  $D$  in  $DV$ . Sed facta tria priora æqualia sunt ei, quod fit ex  $A, B, \& D$  in  $EI$ , & facta tria posteriora æqualia sunt facto ex  $A, B, \& D$  in  $XI$ ; adedque id, quod remanet, subducendo secunda ex primis, est factum

Sum ex A, B, & D in EX. Igitur excessus, quo facta ex A in AS, & ex B in BT superant factum ex D in DV, æqualis erit ei, quod fit ex A, B, & D in EX.

Non dissimiliter easdem proprietates ostendemus, quum commune centrum gravitatis ad quatuor, aut plura corpora referatur; & omnino superfluum existimamus super hac re ulterius labores nostros extendere. Tantum notabimus, proprietatem primam in tertiâ contineri. Nam siquidem perpendiculum, quod ex communi centro gravitatis ducitur ad planum, de quo agitur in tertiâ proprietate, minuatur in infinitum, transibit planum illud per ipsum commune centrum, & factum ex ponderibus corporum omnium in perpendiculum illud evanescet. Unde quum evanescat etiam differentia inter facta ex ponderibus corporum ad unam plani partem existentium in suas ab illo plano distantias, & facta ex ponderibus corporum ad alteram plani partem collocatorum in suas similiter distantias ab eodem illo plano; fient facta prima æqualia secundis, adeoque tertia proprietas primam nobis restituet.

Cæterum si pondera corporum sint æqualia, quæ de productis ex ponderibus in suas respectivè distantias dicta sunt, vera erunt quoque de ipsis distantis, quæ productis iis

proportione correspondent. Quocirca si planum transeat per commune centrum gravitatis, erunt distantiae corporum ad unam plani partem existentium aequales distantis corporum ad aliam plani partem collocatorum. Quod si verò corpora omnia fuerint ad eandem alicujus plani partem, erunt distantiae corporum omnium aequales distantiae communis centri gravitatis toties sumptae, quotus est numerus corporum. Et denique si corpora nonnulla fuerint ad unam alicujus plani partem, & corpora reliqua ad partem alteram, erit differentia inter distantias illorum, & distantias istorum aequalis distantiae communis centri gravitatis toties etiam acceptae, quot sunt corpora omnia.

## C A P. III.

*De methodo determinandi centrum gravitatis in figuris regularibus, ubi etiam de centro percussionis, & regulâ Guldini.*

**S**ECUNDA proprietas, quam de communi centro gravitatis quocumque corporum superiori capite demonstratam attulimus: nimirum, quod si ad eandem alicujus plani partem existant corpora quocumque, pondera eorum, ducta in distantias suorum cen-

centrorum ab illo plano, tantum efficiant, quantum eadem pondera, ducta in distantiam communis centri gravitatis ab eodem illo plano; suppetit nobis duo præclara theoremata, quorum ope facile erit in figuris regularibus tam planis, quàm solidis gravitatis centrum determinare.

Sit itaque primum CAC figura aliqua Fig. 25.  
 plana regularis, ita ut omnes rectæ lineæ, quæ in ipsâ ordinantur, æquidistantes basi CC, secentur bifariam per diametrum AB. Concipiatur circa eandem diametrum AB descripta figura alia DAD talis naturæ, ut ductâ ex quolibet puncto diametri ordinatâ MNO, sit semper ut MN ad MO, ita recta aliqua magnitudine data AH ad abscissam utrique ordinatæ communem AM. Dico, quod si in eâdem diametro AB capiatur tale punctum S, ut figura CAC sit ad figuram DAD, quemadmodum est AH ad AS; punctum S sit centrum gravitatis figuræ planæ CAC.

Per infinitas namque rectas lineas parallelas ipsi CC dividatur area totius figuræ CAC in infinitas areolas. Et quoniam omnes istæ areolæ considerari possunt velut totidem exigua parallelogramma, bisecta per diametrum AB; erunt centra gravitatis omnium earum areolarum in ipsâ diametro AB: nam id, velut naturali lumine notum,

ultra ab omnibus conceditur, centrum gravitatis figuræ parallelogrammæ in rectâ lineâ eam bisecante reperiri. Ex quo fit, ut ipsum totius figuræ CAC centrum, quod est centrum commune omnium illarum areolarum, existat in eâdem diametro AB.

Concipiamus porro per verticem figuræ A transire planum, cui insit ad rectos angulos diameter AB; jamque ob proprietatem illam initio hujus capituli memoratam, si figuræ CAC sit S centrum gravitatis, areolæ omnes illius figuræ, ductæ in distantias suorum centrorum ab illo plano, tantundem efficient, quantum figura tota CAC, ducta in AS. Unde quia figura CAC est ad figuram DAD, ut AH ad AS, atque adeo factum ex figurâ CAC in AS æquale est ei, quod fit ex figurâ DAD in AH; patebit punctum S esse centrum figuræ CAC, siquidem ostendi possit areolas omnes illius figuræ, ductas in distantias suorum centrorum à plano prædicto, tantundem efficere, quantum figura DAD, ducta in AH.

Id autem ostendemus in hunc modum. Sit NQQN una ex areolis figuræ CAC, cui correspondeat in figurâ DAD areola ORRO. Et quoniam duæ istæ areolæ considerari possunt, velut parallelogramma duo, in iisdem parallelis constituta; erunt eæ inter se, quemadmodum sunt bases ipsarum NN, OO,

OO, five etiam ut basium semisses MN, MO. Sed MN est ad MO, ut AH ad AM. Quare erit ex æquali, ut areola NQQN ad areolam ORRO, ita AH ad AM: & propterea quum AM sumi possit pro distantia centri gravitatis areolæ NQQN à plano per verticem transeunte, erit factum ex areolâ NQQN in prædictam sui centri distantiam à plano illo æquale ei, quod fit ex areolâ ORRO in rectam AH.

Eâdem ratione ostendetur, areolam quavis aliam figuræ CAC, ductam in distantiam sui centri ab eodem illo plano, tantundem efficere, quantum area correspondens figuræ DAD, ducta in rectam AH. Et igitur componendo areolæ omnes figuræ CAC, ductæ in distantias suorum centrorum à prædicto plano, tantundem efficient, quantum area tota figuræ DAD, ducta in rectam AH: adedque, quia factum istud æquale est ei, quod fit ex figura CAC in rectam AS; erit recta ista AS distantia centri gravitatis figuræ CAC ab eodem prædicto plano; & propterea ipsum figuræ centrum erit punctum S.

Atque hoc quidem est theorema pro determinando centro gravitatis in figuris planis regularibus. Quantum ad figuras solidas regulares, assumatur rursus ut antea figura plana regularis CAC, circa cujus

diametrum AB descripta concipiatur altera figura plana DAD talis naturæ, ut ductâ ex quolibet puncto diametri ordinatâ MNO, sit semper, ut MN quadratum ad MO quadratum, ita recta quævis magnitudine data AH ad abscissam utrique ordinatæ communem AM. Dico, quod si in eâdem diametro AB capiatur tale punctum S, ut solidum descriptum ex revolutione figuræ CAC circa diametrum AB sit ad solidum descriptum ex revolutione figuræ DAD circa eandem diametrum AB, veluti est AH ad AS; punctum S sit centrum gravitatis solidi prioris.

Dividatur namque solidum illud per infinita plana æquidistantia plano basis in infinitas portiones, quas elementa ejus solidi appellabimus. Et quoniam omnia ista elementa considerari possunt, veluti totidem cylindruli descripti circa diametrum AB; erunt centra gravitatis omnium eorum elementorum in ipsâ diametro AB: nam id, tamquam naturali lumine notum, ultro ab omnibus admittitur, centrum gravitatis cujuscunque cylindri in axe ejus reperiri, utpote qui dispescit cylindrum ipsum in duas partes æquales. Ex quo fit, ut ipsum totius solidi centrum, quod est centrum commune omnium illorum elementorum, existat in eâdem diametro AB.

Concipiamus porro per verticem solidi A  
transi-



transire planum, cui insit ad rectos angulos diameter AB; jamque si solidi, orti ex revolutione figuræ CAC, S sit centrum gravitatis, ob proprietatem illam initio hujus capitis memoratam, elementa omnia ejus solidi, ducta in distantias suorum centrorum ab illo plano, tantundem efficient, quantum solidum totum, ductum in AS. Unde quia solidum ortum ex revolutione figuræ CAC est ad solidum ortum ex revolutione figuræ DAD, ut AH ad AS; atque adeo factum ex solido priori in AS æquale est ei, quod sit ex solido altero in AH: patebit punctum S esse centrum gravitatis solidi orti ex revolutione figuræ CAC, siquidem ostendi possit, omnia hujus solidi elementa, ducta in distantias suorum centrorum à plano prædicto, tantundem efficere, quantum solidum ortum ex revolutione figuræ DAD, ductum in AH.

Id autem ostendemus in hunc modum. Sit figuræ CAC areola quævis NQQN, cui correspondeat in figurâ DAD areola ORRO. Et quoniam elementa solidorum, quæ à duabus hisce areolis describuntur, considerari possunt, velut cylindruli duo in lisdem parallelis constituti; erunt elementa illa, ut quadrata rectarum NN, OO, sive etiam ut quadrata semissium MN, MO. Est autem, ut MN quadratum ad MO quadratum, ita AH ad AM. Quare erit ex æquali, ut ele-

mentum descriptum ab areolâ NQQN ad elementum descriptum ab areolâ ORRO, ita AH ad AM; & propterea, quia AM sumi potest pro distantia centri gravitatis prioris elementi à plano per verticem transeunte, erit factum ex elemento illo in prædictam sui centri distantiam æquale ei, quod fit ex elemento altero in rectam AH.

Eâdem ratione ostendetur, elementum quodvis aliud solidi orti ex revolutione figuræ CAC, ductum in distantiam sui centri ab eodem illo plano, tantundem efficere, quantum correspondens elementum solidi orti ex revolutione figuræ DAD, ductum in rectam AH. Et igitur componendo elementa omnia solidi prioris, ducta in distantias suorum centrorum à prædicto plano, tantundem efficient, quantum solidum alterum ductum in rectam AH: adedque quia factum istud æquale est ei, quod fit ex solido priori in rectam AS; erit recta ista AS distantia centri gravitatis solidi orti ex revolutione figuræ CAC ab eodem prædicto plano; & propterea ipsum illius solidi centrum erit punctum S.

In utroque hoc theoremate, supposuimus figuras, de quibus agitur, esse ejusdem ubique densitatis: idque ea ratione, ut ponderatum ipsarum, tum suorum elementorum per suas respectivè magnitudines possent de-

definiri. Sed si non eadem sit densitas in singulis elementis figuræ propositæ, oportebit illam in aliam transmutare, cujus elementa singula eandem densitatem habentia sint ejusdem ponderis cum singulis elementis illius. Nam si alia ista figura descripta concipiatur circa eandem diametrum AB, habebit ea cum figurâ propositâ idem centrum gravitatis, quum idem sit pondus in singulis elementis utriusque; adedque iisdem illis theorematibus determinabitur centrum gravitatis figuræ propositæ, siquidem in determinatione loco ejus aliam istam figuram usurpemus.

Hanc porro figuram ex datâ variatione densitatis facili negotio obtinebimus. Detur etenim primò figura plana CAC, cujus ordinatæ, sive potius areolæ diversas habeant densitates. Sit ABEF scala densitatis, hoc est figura, quæ ordinatis suis MK designet diversas densitates ordinatarum MN figuræ propositæ. Concipiatur circa diametrum AB descripta figura alia DAD, in qua unaquæque ordinata MO obtineat densitatem designatam per datam rectam AH, habeatque talem longitudinem, ut MN sit ad ipsam MO, veluti est AH ad MK. Dico areolas singulas hujus figuræ idem pondus habere cum singulis areolis figuræ propositæ CAC; adedque idem esse centrum gravita-

vitatis utriusque figuræ.

Capiatur enim in figurâ CAC areola quævis NQQN, cui correspondeat in figurâ DAD areola ORRO. Et quoniam AH designat densitatem ordinatæ MO, sive potius areolæ ORRO, & MK densitatē ordinatæ MN, sive etiam areolæ NQQN; erit ut AH ad MK, ita densitas areolæ ORRO ad densitatem areolæ NQQN. Sed AH est ad MK, ut MN ad MO, hoc est ut areola NQQN ad areolam ORRO. Itaque duæ istæ areolæ erunt inter se in reciprocâ suarum densitatum ratione; & propterea idem erit pondus utriusque. Eâdem ratione ostendetur, areolam quamvis aliam figuræ CAC tantundem ponderare, quantum areola correspondens figuræ DAD. Unde sequitur, idem esse centrum gravitatis utriusque figuræ.

Detur secundò solidum ortum ex revolutione figuræ planæ CAC circa diametrum AB, sitque adhuc ABEF scala densitatis. Concipiatur circa diametrum AB descripta altera figura plana DAD, in qua unaquæque ordinata MO obtineat densitatem designatam per rectam magnitudine datam AH, & habeat talem longitudinem, ut quadratum ex MN sit ad quadratum ex ipsâ MO, veluti est AH ad MK. Dico elementa singula solidi orti ex revolutione alterius hujus figuræ idem pondus habere cum singulis ele-  
men-

mentis solidi dati, atque adeò idem esse centrum gravitatis utriusque solidi.

Quoniam enim  $AH$  designat densitatem areolæ  $ORRO$ , designabit eadem  $AH$  densitatem elementi; quod in revolutione figuræ  $DAD$  ab areolâ illâ describitur. Et similiter, quia  $MK$  denotat densitatem areolæ  $NQQN$ , denotabit eadem  $MK$  densitatem elementi, quod in revolutione figuræ  $CAC$  areola illa describit. Quare densitas prioris elementi erit ad densitatem alterius, ut  $AH$  ad  $MK$ : Sed  $AH$  est ad  $MK$ , ut  $MN$  quadratum ad  $MO$  quadratum, hoc est ut elementum descriptum ab areolâ  $NQQN$  ad elementum descriptum ab areolâ  $ORRO$ . Itaque duo ista elementa erunt inter se in reciproca suarum densitatum ratione; & propterea idem erit pondus utriusque. Eodem argumento ostendetur, elementum quodvis aliud solidi orti ex revolutione figuræ  $CAC$  tantundem ponderare, quantum correspondens elementum solidi orti ex revolutione figuræ  $DAD$ . Unde sequitur, idem esse centrum gravitatis utriusque solidi.

Hoc eodem artificio determinari quoque potest centrum, quod vocant percussionis, quum figuræ percutientis elementa omnia non eadem velocitate moveri supponuntur, nec proinde momenta ipsorum ponderibus suis proportionem respondent: nimirum.

mirum transmutando eam in aliam, cujus elementa singula eâdem velocitate lata idem habeant momentum cum singulis elementis figuræ propositæ. Quod equidem quum sit, jam quæstio de inveniendo centro percussionis educetur, ut novæ istius figuræ, circa eandem cum illâ diametrum descriptæ, gravitatis centrum inveniatur; nam quotiescumque figura subinde moveri supponitur, ut ejus elementa omnia eâdem velocitate ferantur, centrum gravitatis, & centrum percussionis in eâ confunduntur.

Vocant siquidem Mechanici in figurâ, quæ movetur, centrum percussionis punctum illud, in quo omne ejus momentum colligitur, & coacervatur, quodq; præinde tale est, ut si eo figura alicui occurreret obstaculo, magis illud percuteret, quàm si alio quovis puncto in idem obstaculum impingeret. Ex quo patet, punctum istud ita quidem in figurâ situm esse debere, ut momenta omnium elementorum ad unam ejus partem existentium, æquilibrentur in puncto illo cum momentis elementorum, quæ ad partem alteram consistunt. Unde, quia momenta tam illorum, quàm istorum ponderibus suis proportionem correspondent, quotiescumque figura subinde ponitur moveri, ut singula ejus elementa eâdem ferantur velocitate; æquilibrabuntur in hoc casu pondera  
ele-

elementorum ad unam partem existentium cum ponderibus elementorum ad partem alteram collocatorum, & propterea centrum percussionis idem erit cum centro gravitatis.

Sed nō perinde res est, quum singula figuræ elementa diversis feruntur velocitatibus. Tunc enim momentum cujusque elementi est, ut pondus, & velocitas conjunctim; proindeque, non quidem pondera elementorum, hinc inde à centro percussionis existentium, sed facta ex iis ponderibus in suas respectivè velocitates debent in puncto illo inter se mutuo æquilibrari. Unde necesse est, ut centrum percussionis removeatur nonnihil à centro gravitatis, & inter ea collocetur elementa, quæ majori velocitate urgentur; ut scilicet illa, quibus minor inest velocitas, majorem ab eo distantiam hebeant, & consequenter majorem velocitatem relativam acquirant. Ex quo colligi potest, distantiam inter centrum gravitatis, & centrum percussionis eò debere esse majorem, quo magis differunt à se mutuo velocitates, quibus figuræ elementa feruntur.

Hac ratione si recta lineà AB parallelo motu agatur, quia omnia ejus elementa eadem velocitate feruntur, erit in eâ centrum percussionis idem, ac centrum gravitatis: proindeque utrumque existet in medio ipsius

FIG. 26.

fius rectæ lineæ  $AB$ , si eadem ubique sit densitas. Sed si ponamus, rectam  $AB$  circa punctum  $A$  circulariter moveri, tunc centrum percussionis erit in tali puncto  $C$ , ut portio  $AC$  sit dupla reliquæ  $CB$ . Nam si circa ipsam  $AB$  descriptum concipiamus triangulum æquicruræ  $DAD$ , momenta, quæ habent singula elementa rectæ  $AB$ , erunt inter se, ut correspondentes areolæ hujus trianguli; adeoque, quemadmodum omnes istæ areolæ æquilibrantur in puncto  $C$ , quod est earum commune centrum gravitatis, ita & in eodem puncto  $C$  momenta eorum elementorum manebunt æquilibrata.

Itaque, ubi figuræ diameter motu fertur parallelo, quia omnia ejus elementa eâdem urgentur velocitate, inveniendò centrum gravitatis, invenitur etiam centrum percussionis, quum duo ista centra simul confundantur, nec unum ab altero differat. Sed quotiescumque figuræ elementa diversis feruntur velocitatibus: (id, quod contingit, quum diameter figuræ circa datum aliquod punctum circulariter movetur,) inveniri poterit centrum percussionis, transmutando eam in aliam, cujus elementa singula eâdem velocitate lata, idem habeant momentum cum singulis elementis illius. Nam si quidem hæc altera figura descripta concipiat, circa eandem diametrum, habebit ea  
idem



Idem centrum percussionis cum figurâ propositâ ; adedque inveniendò ejus centrum gravitatis, habebitur centrum percussionis utriusque figuræ.

Hanc aliam verò figuram facili negotio obtinebimus, quum notæ sunt diversæ velocitates, quibus propositæ figuræ elementa feruntur: nimirum eodem illo artificio, quo ex datis diversis densitatibus, quas habent figuræ alicujus elementa, invenitur figura alia, cujus elementa eandem densitatem habentia sint ejusdem ponderis cum elementis illius; nam quemadmodum pondus ex magnitudine, & densitate desumitur, sic momentum ex pondere, & velocitate est repetendum. Tantùm notabimus, scalam velocitatis, hoc est figuram, quæ ordinatis suis correspondentibus designat diversas velocitates elementorum datæ figuræ, rectâ lineâ semper terminari; quandoquidem diversæ illæ velocitates non aliunde oriuntur, quàm quia diameter figuræ datæ circa punctum aliquod circulariter movetur: unde etiam necesse est, ut recta linea terminans scalam velocitatis transeat semper per centrum motus circularis.

Ex eâdem illâ proprietate, initio hujus capituli memoratâ, profluit etiam prono alveo regula Guldini, quod figura, quæ oritur ex revolutione cujuslibet magnitudinis  
cir-

circa aliquam rectam positione datam æqualis sit factum ex magnitudine genitrice in viam sui centri gravitatis. Nam divisâ magnitudine istâ per suas ad axem rotationis ordinatas in innumera elementa; erunt facta ex omnibus hisce elementis in distantias suorum centrorum ab axe illo æqualia ei, quod sit ex magnitudine totâ in distantiam sui centri ab eodem axe: adeoque, quia distantia cujusque centri ab axe rotationis est, ut via, per quam fertur centrum illud; erunt facta ex iisdem elementis in vias suorum centrorum æqualia ei, quod sit ex magnitudine totâ in viam proprii sui centri. Jam verò, quum centrum cujusque elementi in medio ejus reperiatur, facta illa dant elementa figuræ genitæ, atque adeò omnia simul ipsam figuram genitam adæquant. Itaque factum ex magnitudine genitrice in viam sui centri gravitatis æqualis erit figuræ genitæ.

Hæc regula Guldini locum sibi vindicat tantum, quum magnitudo genitrix est ejusdem ubique densitatis. Sed eadem obtinet non solum in figuris rotatione genitis, verum etiam in iis, quæ alio quovis motu generantur, dummodo motus tali lege fiat, ut magnitudo genitrix insistant semper ad rectos angulos super lineâ, quam gravitatis suæ centrum motu illo describit. Sit enim **CD**

linea descripta à centro gravitatis in motu magnitudinis AB eâ lege factò . Capiatur in eâ portio indefinitè parva CE , sitque FG situs magnitudinis , dum centrum gravitatis reperitur in E, & convenient AB, FG in puncto H. Itaque, propter legem motus suppositam, portio curvæ CE considerari potest, velut arcus circuli descriptus ex puncto H tamquam centro ; adeòque , quia magnitudo AB rotatur circa punctum H , dum ejus centrum describit portionem CE , figura interea temporis genita æquabitur factò ex AB in CE . Eodem argumento ostendemus, figuram , quæ generatur , dum describitur portio subsequens indefinitè parva EI, æquari factò ex AB in EI. Et igitur componendo, figura genita incessu per totam curvam CD æquabitur factò ex AB in CD , hoc est ex magnitudine genitrice in viam sui centri gravitatis.

FIG. 27.

## C A P. IV.

*De æquilibrio potentiarum , unum idemque corpus trahentium, & de mediis earundem directionibus .*

**A**ccidit interdum , ut unum , idemque corpus à pluribus potentiis trahatur, quæ ita disponi possunt , ut maneant inter se mutuo æquilibratæ , nec ulla secum corpus

K

pus

pus adducat . Jam quotcumque fuerint potentiae corpus trahentes , ut legem æquilibrium inveniamus , illud primò statui debet , quod ubi corpus duabus tantum trahitur potentiis , nequeat fieri inter eas æquilibrium , nisi ipsæ sint æquales , & earum directiones omnino contrariæ . Neque enim possunt directiones potentiarum angulum constituere ; quia sic corpus , in quo nullam in hoc casu resistenciam consideramus , moveretur per diagonalem parallelogrammi , cujus latera directiones , & vires potentiarum designant . Neque etiam potentiae ipsæ possunt esse inæquales inter se ; quia sic major minorem vinceret , & secum corpus adduceret .

**FIG. 28.** Ponamus modò corpus  $A$  à tribus potentiis trahi , quarum directiones , & quantitates designentur per rectas  $AB$  ,  $AC$  ,  $AD$  . Et quoniam , completo parallelogrammo  $ABEC$  , corpus perinde trahitur à potentiis  $AB$  ,  $AC$  , ac si traheretur à potentiâ , designatâ per diagonalem  $AE$  ; æquilibrabitur potentiâ  $AD$  cum ipsis  $AB$  ,  $AC$  , siquidem servare possit æquilibrium cum potentiâ  $AE$  . Sed duæ istæ potentiae  $AD$  ,  $AE$  nequeunt manere inter se mutuo æquilibratæ , nisi ipsæ sint æquales , & earum directiones omnino contrariæ . Itaque potentia designata per rectam  $AD$  æquilibrabitur cum aliis duabus po-

potentiis, quas referunt rectæ  $AB$ ,  $AC$ , si completo parallelogrammo  $ABEC$  pergat  $AD$  producta ad punctum  $E$ , & fiat  $AE$  æqualis ipsi  $AD$ .

Eâdem igitur ratione potentia  $AC$  æquilibrabitur cum duabus aliis  $AB$ ,  $AD$ , si completo parallelogrammo  $ABFD$  pergat  $AC$  producta ad punctum  $F$ , & fiat  $AF$  æqualis ipsi  $AC$ . Atque ita quoque potentia  $AB$  æquilibrata manebit cum duabus aliis  $AC$ ,  $AD$ , si completo parallelogrammo  $ACGD$  pergat  $AB$  producta ad punctum  $G$ , & fiat  $AG$  æqualis ipsi  $AB$ . Verum facile erit ostendere, æquilibrium inter potentias mutuum esse debere, quotiescunque potentia una, velut  $AD$ , æquilibratur cum duabus aliis  $AB$ ,  $AC$ ; nam semper ac  $AD$  producta pergit ad  $E$ , & fit  $AE$  æqualis  $AD$ , necesse est, ut similiter aliæ duæ  $AC$ ,  $AB$  productæ pergant ad  $F$ , &  $G$ , & fiant  $AF$ ,  $AG$  æquales ipsis  $AC$ ,  $AB$ .

Atque hinc modò patet ratio ejus theorematismis, quod sine demonstratione Torricellio proposuit Robervallius: nimirum, quod si tres potentiæ  $AB$ ,  $AC$ ,  $AD$  trahentes punctum  $A$  consistant in æquilibrio, punctum illud sit centrum gravitatis trianguli  $BCD$ . Nam, quum ratione æquilibrii  $AD$  producta pergat ad  $E$ , bisecabit ea latus trianguli  $BC$ , adedque in ipsâ erit centrum gravitatis.

Similiter, quia propter æquilibrium  $AC$  producta pergit ad  $F$ , ea bifecabit latus trianguli  $BD$ , atque adeo ipsa quoque transibit per centrum gravitatis. Unde necesse est, ut centrum gravitatis sit punctum  $A$ , quod à potentiis trahitur, utpote commune utrique ipsarum  $DE$ ,  $CF$ .

Patet etiam veritas theorematis illius, cui totam fermè mechanicam suam superextruxit Petrus Varignonius: scilicet quod si tres potentia  $AB$ ,  $AC$ ,  $AD$  in unum, idemque corpus agentes maneant æquilibratae, unaquæque sit, ut sinus anguli sub aliarum directionibus contenti. Nam completo parallelogrammo  $ABEC$ , quia  $AC$  est æqualis  $BE$ , & angulus  $CAE$  æqualis est angulo  $BEA$ ; erit ut  $AB$  ad  $AC$ , ita sinus anguli  $CAE$  ad sinum anguli  $BAE$ . Sed, quum  $AD$  producta pergat ad  $E$ , sinus angulorum  $CAE$ ,  $BAE$  iidem sunt, ac sinus angulorum  $CAD$ ,  $BAD$ . Quare erit, ut  $AB$  ad  $AC$ , ita sinus anguli  $CAD$  ad sinum anguli  $BAD$ . Eâdem ratione ostendemus,  $AC$  esse ad  $AD$ , ut est sinus anguli  $BAD$  ad sinum anguli  $BAC$ ; &  $AD$  esse ad  $AB$ , ut est sinus anguli  $BAC$  ad sinum anguli  $CAD$ . Itaque in casu æquilibrii unaquæque potentia erit, ut sinus anguli sub aliarum directionibus contenti.

Patet demum, quod si tres potentia  $AB$ ,  
 $AC$ ,

AC, AD trahentes punctum A consistant in æquilibrio, & punctis B, C, D, quibus terminantur rectæ lineæ potentias illas designantes, ponantur tria pondera æqualia B, C, D; commune centrum gravitatis eorum ponderum sit ipsum punctum A. Nam, quum recta AD producta pergat ad E, ea distantiam ponderum B, & C secabit bifariam in H; adeoque erit ut pondus B, ad pondus C, ita CH ad BH. Et quoniam AE secatur quoque bifariam in H; erit AE, sive AD dupla ipsius AH; proindeque pondera B, & C simul erunt ad pondus tertium D, ut AD ad AH. Unde ex methodo superius tradita de inveniundo communi centro gravitatis quocumque corporum, erit punctum A commune centrum gravitatis trium ponderum æqualium B, C, D.

Ex quibus modò tres nobis derivantur canones, pro indagando mutuo æquilibrio trium potentiarum AB, AC, AD trahentium unum idemque corpus A, quod velut punctum omnis expers resistentiæ consideramus. Primò nempe si punctum A sit centrum gravitatis trianguli BCD, quod constituunt rectæ lineæ BC, CD, DB ductæ per extremitates earum, quæ potentias ipsas designant. Secundò si quælibet potentia sit, ut sinus anguli, quem aliarum directiones comprehendunt. Et denique si idem punctum

A sit commune centrum gravitatis trium ponderum æqualium, existentium in extremitatibus rectarum, per quas potentiaë illæ designantur.

Verùm ex his omnibus tertius dumtaxat, sive postremus peculiarem meretur contemplationem, quippe qui locum sibi vindicat, quotcumque fuerint potentiaë corpus trahentes. Est enim in hac re theorema quidem generale, ut plures potentiaë, quæ unum, idemque punctum trahunt, nequeant esse in æquilibrio, nisi punctum illud sit commune centrum gravitatis totidem ponderum æqualium, existentium in extremitatibus rectarum, quæ potentias illas designant, nec equidem aliam hujus æquilibrii legem, sive simpliciore, sive universaliorē dari posse existimamus, quàm quæ hoc theoremate continetur.

Potest autem veritas hujus theorematissuaderi, ostendendo, quod quotiescumque punctum, quod trahitur, est commune centrum gravitatis totidem ponderum æqualium, existentium in extremitatibus rectarum, per quas potentiaë designantur, unaquæque potentia sit æqualis, & contraria ei, quæ oritur ex aliarum omnium compositione. Hinc enim perspicuum fiet, perinde esse, si punctum trahatur ab omnibus iis potentis, ac si traheretur à duabus tantum æqualibus,



libus, & contrariis; adedque quemadmodum in hoc casu punctum manet immotum, ita etiam manebit immotum in casu primo, atque aded potentiæ illud trahentes erunt in æquilibrium.

Trahatur itaque punctum A à potentiis Fig. 29. quocumque, quarum vires, & directiones designent rectæ AB, AC, AD, AE, AF, &c., sitque punctum illud commune centrum gravitatis totidem ponderum æqualium B, C, D, E, F, existentium in extremitatibus rectarum, quæ illas referunt potentias. Producat una ipsarum, velut AB, in directum versus A; & quia A est commune centrum gravitatis ponderum omnium B, C, D, E, F, transibit illa per punctum G, commune centrum gravitatis ponderum aliorum C, D, E, F; eritque, ut pondus B ad pondera reliqua C, D, E, F, hoc est, propter æqualitatem ponderum, ut unitas ad numerum ponderum omnium unitate multatum, ita AG ad AB; & propterea si AG per hunc numerum multiplicetur, eadem ipsi AB æqualis orietur.

Sit AH tale multiplex ipsius AG; jamque si ostendi possit, omnes alias potentias AC, AD, AE, AF componere simul potentiam designatam per AH, liquidò patebit, potentiam AB esse æqualem, & contrariam ei, quæ ex aliarum omnium compositione na-

scitur. Id autem ostendemus in hunc modum. Ducatur per punctum A, utcumque planum LN, ad quod ex punctis C, D, E, F, G demittantur perpendiculara CI, DL, EM, FN, GO, & resolvatur unaquæque potentiarum AC, AD, AE, AF in duas alias, unam ducto plano perpendiculararem, alteram eidem parallelam; eruntque CI, DL, EM, FN omnes potentiae perpendiculares, & AI, AL, AM, AN omnes potentiae parallelæ.

Quia igitur potentiae obliquæ AC, AD, AE, AF æquipollent perpendicularibus CI, DL, EM, FN, & parallelis AI, AL, AM, AN; æquipollebit potentia ex iis composita similiter duabus aliis, quarum una oritur ex compositione potentiarum perpendicularium, altera ex compositione potentiarum parallelarum. Jam verò potentia, quæ oritur ex perpendicularibus, est excessus, quo DL, EM, FN ad unam partem existentes superant CI, quæ existit ad partem alteram; & similiter potentia, quæ nascitur ex parallelis, est excessus, quo AI, AL tendentes ad partem unam superant AM, AN, quæ diriguntur ad plagam oppositam. Quare potentia composita ex obliquis AC, AD, AE, AF æquipollebit duabus aliis, quarum una designatur per excessum, quo DL, EM, FN superant CI, altera per excessum, quo AI, AL  
su-

superant  $AM, AN$ .

Et quoniam punctum  $G$  est commune centrum gravitatis ponderum æqualium  $C, D, E, F$ ; per ea, quæ superiùs ostensa sunt de communi quocumque ponderum centro gravitatis, erit tum excessus, quo  $DL, EM, FN$  superant  $CI$ , æqualis  $GO$  toties sumptæ quotus est numerus ponderum, tum excessus, quo  $AI, AL$  superant  $AM, AN$  æqualis  $AO$  toties etiam acceptæ, quot sunt eadem pondera. Sed demisso ex puncto  $H$  ad idem planum perpendiculo  $HR$ , hæc ipsarum  $GO, AO$  æque multiplicia sunt rectæ  $HR, AR$ ; quum  $AH$  tale etiam sit multiplex ipsius  $AG$ . Itaque erit  $HR$  excessus, quo  $DL, EM, FN$  superant  $CI$ , &  $AR$  excessus, quo  $AL, AI$  superant  $AM, AN$ : proindeque potentia, quæ componitur ex obliquis  $AC, AD, AE, AF$  æqualebit potentiis  $HR, AR$ ; adedque designabitur per ipsam  $AH$ .

Quum itaque potentiæ  $AC, AD, AE, AF$  component simul potentiam designatam per  $AH$ , erit potentia  $AB$  æqualis, & contraria ei, quæ ex illarum omnium nascitur compositione. Eodem argumento ostendetur, quamvis aliam ex iisdem potentiis esse æqualem, & contrariam ei, quam omnes aliæ simul componunt. Et igitur perinde erit, quum punctum  $A$  trahitur à potentiis

elis AB, AC, AD, AE, AF, ac si traheretur à duabus tantum potentiis æqualibus, & contrariis: Unde consequens est, ut punctum illud maneat immotum, atque adeo ut ipsæ potentie æquilibrentur inter se mutuo.

Atque hinc modò patet ratio alterius theorematis, quod Torricellio proposuit Robervalius: nimirum, quod si punctum aliquod trahatur à quatuor potentiis, in eodem plano non existentibus, quæ consistant in æquilibrio, punctum illud sit centrum gravitatis pyramidis ejus, cujus angulis terminantur rectæ lineæ, per quas potentie illæ designantur. Nam quemadmodum centrum gravitatis cujusque trianguli idem est cum communi centro gravitatis trium ponderum æqualium, in trianguli angulis existentium; ita centrum gravitatis cujusque pyramidis triangularis confunditur cum communi centro gravitatis quatuor ponderum æqualium, quæ in angulis illius pyramidis existunt.

Ex ipsâ autem generalis ejus theorematis demonstratione pulcherrima nobis nascitur methodus, potentias quocumque componendi, quæ unum, idemque corpus trahunt, & determinandi mediam earundem directionem, hoc est lineam, secundum quam agere debet in corpus potentia ex omnibus com-

po-

posita, quo idem pariat effectum. Trahatur etenim corpus A, quod velut punctum omnis resistentiæ expers consideramus, à potentiis AC, AD, AE, AF; & determinanda sit tum potentia, quæ ex earum omnium compositione nascitur, tum media earundem directio.

FIG. 29.

Extrémitatibus rectarum, per quas potentia illæ designantur, ponantur totidem pondera æqualia C, D, E, F. Horum omnium ponderum inveniatur commune centrum gravitatis, & sit punctum G. Jungatur recta AG, cujus tam multiplex constituatur AH, quotus est numerus ponderum, sive ipsarum potentiarum. Dico, rectam istam AH designare tam potentiam, quæ oritur ex compositione ipsarum AC, AD, AE, AF, quàm mediam earundem directionem, sive lineam, secundum quam agere debet in corpus potentia composita, quod eundem producat effectum.

Ipsi enim AH æqualis, & in directum constituatur AB, cujus extremitati ponatur pondus B æquale cuilibet ipsorum C, D, E, F. Et quoniam AG est ad AH, sive AB, ut unitas ad numerum ponderum C, D, E, F; erit etiam, ut AG ad AB, ita pondus B ad pondera C, D, E, F: & idcirco quum punctum A sit commune centrum gravitatis ponderum æqualiū B, C, D, E, F; per ostensum  
theo-

theorema, si punctum illud trahatur à potentiis AB, AC, AD, AE, AF, manebit idem immotum, & ipsæ potentia erunt in æquilibrio. Unde, quum potentia AB æquibretur cum aliis AC, AD, AE, AF; quæ ex istis componitur, ei æqualis erit, & contraria: adedque, quia ipsi AB æqualis est, & contraria AH, designabit AH cum potentiam, quæ oritur ex compositione ipsorum AC, AD, AE, AF, tum mediam earundem directionem.

Quod si commune centrum gravitatis ponderum æqualium C, D, E, F incidat in ipsum punctum A; tunc evanescente AG, evanescet etiam AH, quæ est multiplex ipsius AG secundum multitudinem ponderum; adedque tam potentia, quæ componitur ex ipsis AC, AD, AE, AF nulla fiet, quàm media earundem directio nulli reperietur. Id verò mirum esse non debet. Nam quotiescumque punctum A est commune centrum gravitatis ponderum æqualium C, D, E, F; per ostensum theorema servabitur æquilibrio inter potentias AG, AD, AE, AF, à quibus trahitur punctum illud: proindeque se mutuo destruentes, perinde erit, ac si nequaquam puncto A essent applicatæ.

Huc usque consideravimus corpus, quod à potentiis trahitur, tamquam merum punctum:

Aum: idque ea ratione, ut potentia omnes corpus trahentes uni, eidemque corporis puncto essent applicatae. Sed videamus modò quid sit futurum, quum potentia, per quas corpus trahitur, diversis corporis punctis applicantur. Quem in finem referat AB corpus aliquod inflexile, omnisque expers resistentiae, cui ad puncta diversa applicantur primum potentia duae AC, BD, quae illud secum versus eandem partem trahere conentur. FIG. 30.

Producantur AC, BD usque donec conveniant in E. Et quoniam corpus AB supponitur inflexile, omnisque expers resistentiae, exercebunt potentia AC, BD eandem vim in trahendo corpore illo, ac si traherent punctum E, cui secundum easdem directiones sunt applicatae. Quocirca si EG sit media directio illarum potentiarum, dum trahunt punctum E, & FG potentia ex iis composita; designabit eadem FG, tum potentiam, quam componunt, dum trahunt corpus AB, tum mediam earundem directionem: & propterea si ipsi FG aequalis, & in directum constituatur FH, potentia designata per rectam istam FH aequilibrabitur cum ipsis AC, BD.

Eadem ratione, si potentia diversis corporis punctis applicatae, illudque ad eandem partem trahentes, sint plures, quam  
duae,

duæ, eæque convergant omnes ad unum, idemque punctum; determinabitur, tum potentia, quæ ex omnibus resultat, tum media earundem directio, considerando quoque potentias illas velut trahentes punctum, ad quod omnes convergunt. Nec dissimiliter fiet, si nequaquam ad unum, idemque punctum omnes illæ potentie convergant; nam poterit per diversas operationes id, quod quæritur, obtineri: nimirum primò componendo potentias duas; deinde eam, quæ ex iis resultat, cum tertiâ; tum hinc ortam cum quartâ; atque ita deinceps.

Sed unicâ tantùm operatione etiam in hoc casu licebit determinare, tum potentiam, quæ ex omnium compositione oritur, tum mediam earundem directionem: nimirum resolvendo ipsarum unamquamque in duas alias, quarum una convergat ad datum punctum, altera alicui datæ rectæ lineæ sit parallela; & componendo deinceps in unum tam convergentes ad punctum datum, quàm quæ datæ rectæ lineæ sunt parallelæ. Quod

**Fig. 31.** ut liquidò constet, referat rursus AB corpus aliquod inflexile, & omnis experts resistentiæ, cui ad puncta diversa applicentur quatuor potentie AE, CE, DE, BE, quarum unaquæque illud secum trahere conetur.

Capiatur ad alteram partem ipsius AB punctum aliquod K, quod jungatur cum  
pun-



punctis A, C, D, B per totidem rectas lineas AK, CK, DK, BK. Ducantur per puncta E terminos rectarum, quæ potentias designant, rectæ lineæ EF parallelæ ipsi AB, quæ cum illis conveniant in F; jamque si quælibet potentiarum AE, CE, DE, BE, resolvatur in suas laterales, æquipollebunt iis octo potentia, quatuor quidem AF, CF, DF, BF convergentes ad unum, idemque punctum K, & quatuor aliæ designatæ per rectas punctis E, & F interceptas, quæ eidem AB sunt parallelæ.

Et quoniam potentia AF, CF, DF, BF convergunt omnes ad punctum K, considerando eas tamquam trahentes punctum illud, facili negotio invenietur, tum media earum directio KI, tum potentia, quæ ex iisdem resultat HI. Sed potentia designatæ per rectas EF, quum sint omnes parallelæ, componunt simul potentiam IL, quæ agens secundum eandem directionem est æqualis differentia inter IM, summam earum, quæ ab F ad E tendunt ad dextram, & ML summam illarum, quæ vicissim ab F ad E tendunt ad sinistram. Quare erit HL tum media directio potentiarum AE, CE, DE, BE, à quibus trahitur corpus AB, tum potentia, quæ in mediâ illâ directione iis omnibus æquivalet; & propterea si ipsi HL æqualis, & in directum constituatur HN, potentia  
des

designata per HN æquilibriumbitur, cum ipsis AE, CE, DE, BE.

Atque hinc modò si consideremus AB tamquam vectem, sive lineam inflexilem, quæ trahatur à potentiis AE, CE, DE, BE, aut etiam à potentiis AF, CF, DF, BF; fiet æquilibrium inter potentias illas, si hypomochlion ponatur in H, cui applicanda est potentia, quæ iis omnibus æquipolleat. Ex quo facile erit ostendere, quod si vectis à pluribus potentiis trahatur, nequeant eæ consistere in æquilibrio, nisi potentia, quæ sunt ad unam partem hypomochlii, ductæ in suas ab hypomochlio distantias, tantundem efficient, quantum potentia existentes ad partem alteram, ductæ similiter in suas distantias ab eodem hypomochlio.

Ponamus etenim primò, potentias, quæ vecti AB applicatæ, æquilibrantur in H, esse AF, CF, DF, BF, quarum unaquæque convergit ad punctum K. Itaque, quia HK est media directio earum potentiarum, si eadem transferantur super rectis KA, KC, KD, KB, ita ut incipientes à K terminentur punctis *a*, *c*, *d*, *b*; erit in lineâ KH commune centrum gravitatis quatuor ponderum æqualium iis in punctis existentium; adedque per ea, quæ de communi quocumque ponderum centro gravitatis ostensa sunt, erunt distantia punctorum *a*, & *c* à rectâ  
KH

KH æquales distantias punctorum  $d$ , &  $b$  ab eadem KH.

Jam distantie istæ sunt inter se, ut rectangula, quæ sunt ex ipsis in communem altitudinem KH. Quocirca, quia rectangula ista æqualia sunt iis, quæ sunt ex rectis Ka, Kc, Kd, Kb in suas respectivè distantias à puncto H, hoc est ex potentiis AF, CF, DF, BF in perpendiculara HN, HO, HP, HQ, quæ super earum directionibus protractis ex puncto H demittuntur; erunt rectangula ex potentiis AF, CF in perpendiculara HN, HO super ipsis demissa ex puncto H, æqualia rectangulis, quæ sunt ex potentiis DF, BF in perpendiculara HP, HQ, quæ demittuntur super iis similiter ex puncto H: & propterea potentie AF, CF, ad unam hypomochlii partem existentes, ductæ in suas ab hypomochlio distantias HN, HO, tantundem efficiunt, quantum potentie DF, BF, quæ existunt ad alteram partem hypomochlii, ductæ similiter in suas distantias HP, HQ ab eodem hypomochlio.

Ponamus secundò potentias, quæ vecti AB applicatæ in æquilibrio consistunt, esse AE, CE, DE, BE, quarum unaquæque vectis longitudini perpendiculariter insitat. Capiatur ad alteram partem vectis punctum aliquod K, ex quo per puncta A, C, D, B ducantur rectæ totidem KF, cum quibus

L

con-

convenient in  $F$  rectæ lineæ  $EF$ , quæ ex extremitatibus illarum potentiarum ducuntur æquidistantes vectis longitudini. Referant autem rectæ  $AF$ ,  $CF$ ,  $DF$ ,  $BF$  potentias totidem eidem vecti similiter applicatas, quæ quum componantur ex perpendicularibus  $AE$ ,  $CE$ ,  $DE$ ,  $BE$ , & ex parallelis designatis per rectas  $EF$ , tantundem agent in vectem, quantum ipsæ potentia perpendicularares  $AE$ ,  $CE$ ,  $DE$ ,  $BE$ ; quandoquidem parallelæ designatæ per rectas  $EF$  ad motum vectis nequaquam conferunt, quum agent secundum ipsam vectis longitudinem.

Hinc sicuti æquilibrantur inter se mutua potentia perpendicularares  $AE$ ,  $CE$ ,  $DE$ ,  $BE$ ; ita quoque consistent in æquilibrio potentia  $AF$ ,  $CF$ ,  $DF$ ,  $BF$ , quæ omnes convergunt ad punctum  $K$ ; & propterea rectangula ex potentiis  $AF$ ,  $CF$  in perpendicula  $HN$ ,  $HO$ , super iis demissa ex puncto  $H$ , æqualia erunt rectangulis ex potentiis  $DF$ ,  $BF$  in perpendicula  $HP$ ,  $HQ$ , quæ ex eodem puncto  $H$  super iis demittuntur. Sed priora rectangula æqualia sunt iis, quæ fiunt ex potentiis perpendicularibus  $AE$ ,  $CE$  in suas ab hypomochlio distantias  $AH$ ,  $CH$ ; posteriora verò æqualia iis, quæ fiunt ex potentiis perpendicularibus  $DE$ ,  $BE$  in distantias suas  $DH$ ,  $BH$ . Quare potentia  $AE$ ,  $CE$  ad unam hypomochlii partem existentes, ductæ in distantias

stan-

lancias suas ab hypomochlio  $AH$ ,  $CH$ , tantundem efficient, quantum potentiae, quae existunt ad partem alteram, ductae similiter a suas distantias  $DH$ ,  $BH$ .

Ponamus denique potentias  $AF$ ,  $CF$ ,  $DF$ ,  $BF$ , quae vecti  $AB$  applicatae consistunt in æquilibrio, nec omnes convergere ad unum, demque punctum, nec omnes vectis longitudini perpendiculariter insistere. Erigantur ex punctis  $A$ ,  $C$ ,  $D$ ,  $B$  perpendiculares ad vectem  $AE$ ,  $CE$ ,  $DE$ ,  $BE$ , cum quibus conveniant in  $E$  rectae lineae  $FE$ , quae ex extremitatibus illarum potentiarum perpendiculariter super iis demittuntur. Et quoniam potentiae utcumque ad vectem obliquae  $AF$ ,  $CF$ ,  $DF$ ,  $BF$  tantundem agunt in vectem, quantum agerent potentiae perpendiculares  $AE$ ,  $CE$ ,  $DE$ ,  $BE$ ; existentibus iis in æquilibrio, necesse est, ut istae etiam æquilibrentur inter se mutuo: proindeque rectangula ex potentiis  $AE$ ,  $CE$  in suas ab hypomochlio distantias  $AH$ ,  $CH$  æqualia erunt rectangulis, quae sunt ex potentiis  $DE$ ,  $BE$  in distantias suas  $DH$ ,  $BH$ .

Demittantur porro super ipsis  $AF$ ,  $CF$ ,  $DF$ ,  $BF$  ulterius si opus productis perpendiculara  $HN$ ,  $HO$ ,  $HP$ ,  $HQ$ . Et quoniam triangula  $AEF$ ,  $CEF$  similia sunt triangulis  $HNA$ ,  $HOC$ , erunt rectangula, quae sunt ex potentiis  $AE$ ,  $CE$  in distantias suas  $AH$ ,  $CH$ .

æqualia rectangulis, quæ sunt ex potentiis  $AF$ ,  $CF$  in perpendiculara  $HN$ ,  $HO$ . Atque ita quoque, quia triângula  $DEF$ ,  $BEF$  similia sunt triângulis  $HPD$ ,  $HQB$ ; erunt rectangula ex potentiis  $DE$ ,  $BE$  in suas distantias  $DH$ ,  $BH$  æqualia rectangulis ex potentiis  $DF$ ,  $BF$  in perpendiculara  $HP$ ,  $HQ$ . Unde, quum sint rectangula, quæ sunt ex potentiis  $AF$ ,  $CF$  in perpendiculara  $HN$ ,  $HO$ , æqualia rectangulis, quæ sunt ex potentiis  $DF$ ,  $BF$  in perpendiculara  $HP$ ,  $HQ$ ; etiam in hoc casu potentia ad unam hypomochlii partem existentes, ductæ in suas ab illo distantias, tantundem efficiunt, quantum potentia, quæ existunt ad partem alteram hypomochlii, ductæ similiter in distantias suas ab eodem hypomochlio.

Coroll. A. P. V. *De æquilibrio potentiarum fila, funesve trahentium, & de mediis earum directionibus.*

**Q**uæ superiori capite ostensa sunt de potentiis trahentibus corpora inflexibilia, principia nobis suppetunt uberrima ad eum quoque casum expendendum, quum corpora, quæ trahuntur à potentiis, flexibilia sunt, cujusmodi sunt fila, vel funes.

Sit

Sit itaque filum  $ABC$ , perfectè quidem flexile in omnibus suis partibus, non verò extensibile, idemque terminis suis  $A$ , &  $C$  duobus clavis affigatur. Applicetur alicui ejus puncto  $B$  potentia designata per rectam  $BD$ , per quam filum flectatur in angulum rectilineum  $ABC$ ; sitque potentia ista  $BD$  talis, ut si tantillum augeatur, illicò filum disrumpat, ac dilaceret.

Jam, quod potentia  $BD$  filum dilacerare conanti opponitur, & reluctatur, sunt firmitates portionum fili  $BA$ ,  $BC$ . Quocirca, quia potentia  $BD$  talis supponitur, ut tantillum adaucta filum disrumpat; considerando punctum  $B$  veluti tractum à tribus potentiis  $BA$ ,  $BC$ ,  $BD$ , in æquilibrio consistentibus; erit ex ostensis in præcedenti capite unaquæque illarum, ut sinus anguli sub allarum directionibus contenti; & propterea firmitas fili  $BA$  erit ad firmitatem fili  $BC$ , ut est sinus anguli  $CBD$  ad sinum anguli  $ABD$ . Ex quo colligi potest, eandem in utrâque portione fili firmitatem reperiri, quotiescumque æquales sunt anguli  $ABD$ ,  $CBD$ , vel quod idem est quotiescumque angulus  $ABC$ , in quem flectitur filum à potentia  $BD$ , bifariam ab ejus directione dividitur.

Ponamus modò filum  $ABC$ , extremitatibus suis duobus clavis infixum, trahi à dua-

bus potentiis  $BD$ ,  $EF$ , quæ consistant in æquilibrio, ita ut per earum actionem filum non modò disrumpi non possit, sed nec etiam mutari ab eo situ, quem semel acquisivit. Et quoniam ratione æquilibrii portio fili  $BE$  considerari potest velut linea inflexilis, quæ trahatur à duabus potentiis  $BD$ ,  $EF$ ; invenietur media directio harum potentiarum, producendo ipsarum directiones, usque donec convenient in puncto  $G$ , & considerando eas velut trahentes punctum istud. Ex quo fit, ut media directio potentiarum  $BD$ ,  $EF$  transire debeat per punctum  $G$ .

Sed nihil obstat, quominus eandem fili portionem  $BE$  consideremus, velut lineam inflexilem, quæ trahatur à duabus potentiis secundum lineas  $BA$ ,  $EC$ : nimirum si illam respiciamus, velut portionem fili  $DBEF$ , quod extremitatibus suis  $D$  &  $F$  duobus clavis affixum flectatur in eum, quem retinet, situm per duas potentias, secundum lineas illas agentes. Quocirca, quia productis earum potentiarum directionibus, usque donec convenient in  $H$ , potentiæ illæ perinde trahunt lineam  $BE$ , ac si traherent punctum  $H$ ; transibit per punctum istud illarum media directio.

Et quoniam potentiis  $BD$ ,  $EF$  trahentibus filum  $ABEC$  resistunt duæ aliæ potentiæ agentes per rectas  $BA$ ,  $EC$ ; erit istarum media di-



directio omnino contraria directioni mediæ illarum : proindeque , quia mediæ directio potentiarum BD, EF transit per punctum G , & mediæ directio potentiarum agentium per rectas BA , EC transit per punctum H ; erit GH mediæ directio tantæ illarum , quàm istarum potentiarum . Unde colligi potest , quod si filum ABEC , extremitatibus suis duobus clavis affixum , trahatur à duabus potentiis BD , EF , quæ consistent in æquilibrio , mediæ directio harum potentiarum sit diagonalis trapetii , quod mutuâ ipsarum interfectione constituunt quatuor rectæ lineæ productæ BA , BD , EF , EC.

Sed quam rationem habeant inter se firmitates portionum fili AB, BE, EC, facile erit invenire . Nimirum , quia fili portiones AB, BE in eodem statu manent , si filum clavo affigatur puncto E , & auferatur potentia EF ; considerari poterit filum ABE veluti tractum à solâ potentiâ BD : proindeque firmitas portionis AB erit ad firmitatem portionis BE , ut est sinus anguli DBE ad sinum anguli DBA . Atque ita quoque , quia portiones fili BE, EC eundem situm retinent , si filum clavo affigatur puncto B , & auferatur potentia BD ; considerari poterit filum BEC veluti tractum à solâ potentiâ EF ; adedque firmitas portionis BE erit ad firmitatem por-

tionis EC, ut sinus anguli CEF ad sinum anguli BEF. Ex quo patet, eandem esse in singulis fili portionibus firmitatem, quotiescumque anguli ABE, BEC bifariam dividuntur ab ipsis BD, EF.

Verum id, quum contingit, secabitur quoque angulus AHC bifariam per mediam directionem GH. Nam ductâ per punctum H rectâ lineâ MN parallelâ ipsi BE, quæ conveniat cum directionibus potentiarum in punctis M, & N; erit angulus AHN æqualis angulo ABE, & angulus GMH æqualis angulo GBE; proindeque quemadmodum angulus ABE duplus est anguli GBE, ita quoque erit angulus AHN duplus anguli GMH. Jam verò angulus AHN, tamquam exterior, est æqualis duobus interioribus, & oppositis GMH, HBM. Quare erit angulus GMH æqualis angulo HBM, & consequenter subtendentia latera BH, MH æqualia erunt.

Eâdem ratione ostendemus, æqualia etiam esse latera NH, EH; proindeque erit ut MH ad NH, ita BH ad EH. Sed propter parallelas BE, MN, MH est ad NH, ut BK ad EK. Quare erit ex æquali, ut BK ad EK, ita BH ad EH; & propterea, quia in triangulo BHE recta linea HK dividit basim BE in ratione laterum BH, EH, eadem, per tertiam sexti elementorum, secabit quoq; bifariam angulum

lum BHE. Unde patet, quod quotiescumque directiones potentiarum BD, EF bisecant angulos, in quos filum flectitur, media ipsarum directio inveniri possit, secando bisectionem angulum, quem mutuo occurso constituunt portiones fili AB, CE.

Ponamus porro filum ABC, affixum extremitatibus suis B, & C duobus clavis, trahi à tribus potentiis BD, EF, GH, quæ consistent in æquilibrio. Et jam si consideremus tantum portionem ABEG, quæ trahitur à duabus potentiis BD, EF; erit per paulò ante ostensa media directio harum duarum potentiarum recta KI, quæ est diagonalis trapetii BIEK; adedque loco fili ABEG, quod trahitur à duabus potentiis secundum rectas BD, EF, substitui poterit filum AIG, quod trahatur ab unâ solâ potentia iis æquipollente secundum directionem KI. Est autem media directio hujus potentiae, & tertiæ GH recta MN, quæ est diagonalis trapetii IMGN. Quare erit eadem MN media directio trium potentiarum BD, EF, GH, à quibus trahitur filum totum ABEGC.

Jam quotiescumque fuerint potentiae filum trahentes, perspicuum est, hoc artificio semper reperiri posse mediam earum directionem; adedque poni potest, velut theorema generale, quod si filum aliquod, extremitatibus suis duobus clavis affixum, trahatur

FIG. 34.

tur

tur à quocumque potentiis, media directio illarum potentiarum transeat semper per punctum illud, in quo conveniunt extremæ fili portiones. Unde si numerus potentiarum augeatur in infinitum, ita ut tensæ fili portiones fiant indefinitè parvæ, atque aded

FIG. 35.

filum ipsum flectatur in curvam ABC; media directio omnium earum potentiarum transibit per punctum D, in quo conveniunt rectæ lineæ AD, CD, quæ curvam illam contingunt in duobus punctis A, & C.

FIG. 34.

Ex eo autem, quod media directio potentiarum BD, EF, GH trahentium filum ABEGC transeat per punctum M, in quo conveniunt productæ extremæ fili portiones AB, CG; liquet potentias illas perinde trahere filum ABEGC, ac si applicatæ omnes secundum easdem directiones uni, eidemque puncto M traherent filum AMC. Unde si MO, MP, MQ sint rectæ totidem ipsis BD, EF, GH respectivè æquales, & parallele; eadem media directio transibit quoque per punctum R, commune centrum gravitatis totidem ponderum æqualium, quæ existant in punctis O, P, Q; atque aded omnes illæ potentie simul secundum directiones suas tantundem agent in filum, quantum secundum directionem mediam ageret potentia designata per rectam MR toties sumptam, quotus est numerus ponderum, sive potentiarum.

Sed

Sed perinde ac, quum à duabus tantum potentiis filum trahebatur, ostendetur, firmitatem portionis fili AB esse ad firmitatem portionis BE, ut est sinus anguli DBE ad sinum anguli DBA; pariterque firmitatem portionis BE esse ad firmitatem portionis EG, ut est sinus anguli PEG ad sinum anguli FEB; atque ita quoque firmitatem portionis EG esse ad firmitatem portionis GC, ut est sinus anguli CGH ad sinum anguli EGH. Unde hic quoque eadem in singulis fili portionibus firmitas erit, quotiescumque unaquæque potentia dividit bifariam angulum, quem constituunt portiones, quæ ab ipsâ trahuntur. Et par est ratio, quum multò plures sunt potentia, à quibus trahitur filum.

Id verò, quum contingit, secabitur quoque per mediam directionem MN bifariam angulus AMC, quem extremæ fili portiones AB, CG mutuo occursum constituunt. Nam semper ac potentia duæ BD, EF dividunt bifariam angulos ABE, BEG, in quos flectunt filum ABEG; necesse est, ut secetur quoque bifariam per mediam directionem earum potentialium KI angulus AIG. Unde, quia MN est media directio duarum potentialium, trahentium filum AIGC tali lege, ut unaquæque dividat bifariam angulum, in quem ipsa filum flectit, secabitur etiam bi-

fariam per ipsam MN angulus AMC. Nec dissimilis erit demonstratio, si numerus potentiarum filum trahentium fuerit multò major.

Quocirca sicuti in hac re theorema est generale, quod media directio quocumque potentiarum, filum subinde trahentium, ut consistant in æquilibrio, transeat per punctum, in quo sibi mutud occurrunt fili portiones extremæ; ita etiam velut theorema generale statui debet, quod eadem in singulis fili portionibus firmitas adsit, quocumque quælibet potentia dividit bifariam angulum, in quem ipsa filum flectit, quodque, quum id contingit, media directio omnium potentiarum dividat quocumque bifariam angulum, quem extremæ fili portiones productæ constituunt.

Quod si potentiarum numerus augeatur in infinitum, ita ut unumquodque fili elementum, siue portio indefinitè parva à suâ potentia trahatur; tunc filum flectetur in curvam ABC, & media directio potentiarum omnium, ut jam monuimus, transibit per punctum D, in quo sibi mutud occurrunt rectæ lineæ AD, CD, tangentes curvam illam in punctis A, & C. Sed in hoc casu erit eadem firmitas in singulis figuræ elementis, si cujusque potentia directio secet ad rectos angulos curvam ABC: quod quidem quum

con-

contingit, inveniatur media directio potentiarum omnium, secundo angulam  $ADC$  bifariam per rectam lineam  $DK$ , ita ut  $AK$  sit ad  $CK$ , veluti est tangens  $AD$  ad tangentem  $CD$ .

Sed quomodocumque ad curvam  $ABC$  innumera illæ potentia sint applicatae, quia omnium media directio transit per punctum  $D$ , perinde erit, ac si eadem illæ potentia secundum easdem directiones applicentur ad punctum istud. Ex quo colligi potest id, quod iis omnibus opponitur, & reluctatur, esse tantum firmitates earum fili portionum, quæ cum tangentibus  $AD$ ,  $CD$  jacent in directum, hoc est firmitates, quas filum habet in punctis  $A$ , &  $C$ . Unde si hujusmodi firmitates datae sint, facile erit definire tum mediam directionem potentiarum omnium, tum potentiam, quæ in hac mediâ directione iis omnibus æquivalet.

Capiantur enim super tangentibus  $AD$ ,  $CD$  portiones  $DE$ ,  $DF$ , quæ referant firmitates fili in punctis  $A$ , &  $C$ ; tum secetur recta  $EF$  bifariam in puncto  $G$ , & junctâ  $DG$  fiat  $DH$  dupla ipsius  $DG$ , ita ut  $DH$  sit diagonalis parallelogrammi, cujus latera sunt rectæ  $DE$ ,  $DF$ . Dico rectam istam  $DG$ , si ve  $DH$  esse mediam directionem omnium potentiarum curvæ  $ABC$  applicatarum; & potentiam, quæ in hac mediâ directione iis  
omni-

omnibus æquivaler, esse ad firmitatem fili in A, vel C, ut est DH ad DE, vel DF.

Firmitates namque fili in punctis A, & C resistunt potentiis omnibus curvæ applicatis, quia tamquam duæ aliæ potentie trahunt ad partem contrariam punctum D, per quod transit media directio illarum. Unde quæ eadem firmitates designentur per rectas DE, DF; erit recta DG ipsarum media directio, ejusque duplum DH exponet firmitatem mediam, hoc est eam, quæ in hac mediâ directione iis æquivaler. Sed ad servandum æquilibrium, potentiarum agentium, & resistentium eadem esse debet media directio, eademque potentia, quæ ex earum compositione oritur. Quare erit eadem recta DG media directio potentiarum omnium curvæ applicatarum, & potentia ex lis omnibus resultans erit ad firmitatem fili in A, vel C, similiter ut DH ad DE, vel DF.

Atque hinc sequens nobis subnascitur theorema, nimirum quod quomodocumque applicatæ sint potentie ad curvam ABC, in quam flectitur filum, media earum omnium directio DH non solum transeat per punctum D, in quo conveniunt tangentes AD, CD, verum etiam subinde dividat angulum ADC in duos alios ADH, CDH, ut sinus istorum angulorum sint in reciproca ratione firmitatum in punctis A, & C. Nam sinus anguli

ADH



ADH est ad sinum anguli DGE, sive DGF, ut EG, sive GF ad DE. Jam verò sinus anguli DGF est ad sinum anguli CDH, ut DF ad GF. Quare ex æquo perturbando sinus anguli ADH erit ad sinum anguli CDH, ut DF ad DE, hoc est, ut firmitas fili in puncto C ad firmitatem fili in puncto A.

Ex hoc autem theoremate sponte suâ sequitur, mediam directionē DH dividere angulum ADC bifariam, quotiescumque potentia perpendiculariter ad curvam sunt applicatæ. Nam, quum hoc contingit, eadem est firmitas in singulis fili portionibus, sive elementis; adeoque propter æquales firmitates in punctis A, & C, erunt etiam æquales sinus angulorum ADH, CDH, qui firmitatibus illis reciprocè correspondent; & consequenter, quum æquales sint anguli ADH, CDH, secabitur totus angulus ADC bifariam per mediam directionem AH.

Velum vento tumidum flectitur in curvâ perinde, ac si traheretur ab infinitis potentiis perpendiculariter ad curvam illam applicatis; quum omnis actio per lineam perpendicularem ad superficiem corporis patientis debeat æstimari. Undæ Nautæ facili negotio poterunt determinare lineam, secundum quam ventus agit in velum: nimirum ducendo ad veli extremitates, sive cogitatione, sive chordarum ope, tangentes duas,

duas, & bisecando angulum, quem mutuo occurſu conſtituunt; quandoquidem linea biſectionis erit illa, quam querunt.

Linteum quoque, quum à ſtagnante liquore ſectitur in curvam, conſiderari poteſt veluti tractum ab infinitis potentiis perpendiculariter ad curvam illam applicatis. Unde media directio impreſſionum omnium, quas in linteum exerunt liquoris particulae, habebitur ducendo ad linteae extremitates tangentes duas, & ſecando biſariam angulum ſub ipsis comprehenſum. Sed hoc idem in catenula, quae ab utroque ejus extremo pendens, in curvam ſectitur ob gravitationes ſuarum partium locum non habet; nam viſ gravitatis agit ſecundum lineas horiſonti perpendiculares, nec proinde conſiderari poteſt catenula veluti tracta ab infinitis potentiis perpendiculariter ad ipſam applicatis.

Elegans hoc theorema de media directione, biſecante angulum ſub tangentibus comprehenſi, quotieſcumq; potentiae applicatae ſunt perpendiculariter ad curvam inter tangentes illas interceptam, viam nobis aperit ad novum illud curvarum genus, quas Celeberrimus Geometra Jacobus Bernoullius lineas mediarum directionum appellavit. Nam ſicuti media directio potentiarum omnium toti curvae ABC perpendiculariter applicata-

rum

FIG. 36.

rum est recta  $DM$  bifecans angulum  $ADC$ , ita media directio potentiarum, quæ applicatæ sunt ad arcum  $ABE$ , est recta  $FM$ , quæ bifecat angulum  $AFE$ . Unde lineam curvam  $PQM$ , quam omnes hujusmodi mediæ directiones contingunt, lineam mediarum directionum Vir Acutissimus vocitavit.

Patet autem curvam istam constitui per concursum duarum ex mediis illis directionibus indefinitè proximarum. Ita, si punctum  $E$  sit indefinitè proximū puncto  $C$ ; erit etiam media directio  $DM$  indefinitè proxima directioni mediæ  $FM$ ; atque aded punctum  $M$ , in quo duæ istæ mediæ directiones sibi mutuo occurrunt, erit in curvâ quæsitâ. Hinc quemadmodum convexitas curvæ  $ABC$  in puncto  $C$  definitur per angulum  $DCF$ , ita convexitas curvæ  $PQM$ , quam omnes illius mediæ directiones contingunt, designabitur in puncto  $M$  per angulum  $DMP$ ; & propterea accidens præcipuum lineæ mediarum directionum  $PQM$  hoc erit, ut convexitas ejus in omni loco subdupla sit convexitatis curvæ, ad quam refertur,  $ABC$  in loco correspondenti.

Huic verò consequens fit, ut recta  $CM$ , quæ puncta correspondentia utriusque curvæ conjungit, perpendicularis sit ad tangentem  $CD$ . Nam descriptis ex punctis  $C$ , &  $M$  tanquam centris arcubus  $FG$ ,  $FH$ ,

$M$

pro-

propter angulum ADC bisectum per rectam DM, erit arcus FH duplus ipsius FI; adeoque, quam angulus DCF duplus sit anguli DMF, erit ut CF ad FM, ita FG ad FH. Sed FG est ad FH, ut DI ad DH; & CF est ad FM, ut CD ad DM. Quare erit ex æquali, ut CD ad DM, ita DI ad DH: & propterea, quum duo triangula DIH, DCM similia sint, & angulus DIH sit rectus; erit etiam rectus angulus DCM.

Hinc beneficio hujus theorematis facile erit, puncta singula invenire lineæ mediarum directionum PQM. Ita si inveniendum sit punctum, quod in curvâ ABC corresponsdeat puncto C, ductis tangentibus AD, CD, bisectoque angulo ADC bisariam per rectam DM, satis erit ex puncto C super tangente CD erigere perpendicularem CM; quandoquidem punctum M, in quo perpendicularis ista secat rectam FM, illud erit, quod quaeritur. Unde si curva ABC fuerit circumferentia circuli, linea mediarum directionum PQM in centro ejus tota coacervabitur; quum ob circuli naturam transeat per centrum, tam recta FM, quam perpendicularis CM.

Acutissimo Jacobo Bernoullio nequaquam innotuit, mediam directionem potentiarum omnium curvæ ABC perpendiculariter applicatarum esse rectam DM, quæ biseecat an-  
gu-

gulum ADC comprehensum sub tangentibus AD, CD. Unde ad eam determinandam adhibuit perpendicularem CM, cujus valorem per quantitates differentiales expressum exhibuit. Nam, ut videre est in Actis Lipsiensibus anni 1695, positis abscissâ AK =  $x$ , ordinatâ CK =  $y$ , & curvâ ABC =  $s$ ,

$$xds^2 + xdyds$$

justit, ut capiatur sèper CM =  $\frac{dx^2}{ds - dy}$ ;

designantibus Leibnitiano more  $dx$  differentiam abscissæ KO, sive CR;  $dy$  differentiam ordinatæ NR; &  $ds$  differentiam curvæ CN.

Quo artificio Vir Clarissimus in hunc ejus perpendicularis valorem inciderit, nequaquam explicat. Sed notante Fratre ejus Johanne Bernoullio in Tractatu gallicè edito sub titulo *Essay d'une nouvelle Theorie de la Manœuvre des Vaisseaux*, simplicius adhuc perpendicularem illam exprimere potuisset, nimirum faciendo eam æqualem  $\frac{xds}{ds - dy}$ ;

quandoquidem, propter triangulum rectangulum CNR, habetur  $dx^2 = ds^2 - dy^2$ ;

$$xds^2 + xdyds \quad xds^2 + xdyds$$

adeòque erit  $\frac{xds}{ds - dy} = \frac{dx^2}{ds^2 - dy^2}$ ,

=  $\frac{xds}{ds - dy}$ , si tam numerator, quàm deno-

minator dividatur per  $ds + dy$ .

Ex eo autem, quod recta DM bifecet angulum ADC, facile nobis erit perpendicularis CM valorem illum invenire. Nam propter parallelas AD, CK, & propter angulos æquales ADM, CDM, æquales erunt rectæ CD, CS; quare si ad tangentem CD perpendicularis demittatur ST, erit quoque ST æqualis abscissæ AK. Unde, quum propter triangula similia NCR, CST, inveniatur

$$CS, \text{ five } CD = \frac{xds}{dx}, \text{ \& } CT = \frac{xdy}{dx}; \text{ fiet } DT = \frac{xds - xdy}{dx}, \text{ \& consequenter propter si-}$$

militudinem triangulorum DTS, DCM invenietur  $CM = \frac{xds}{ds - dy}$ .

## C A P. VI.

*De curvis, in quas flectuntur corpora flexibilia per infinitas potentias perpendiculariter iis applicatas.*

**Q**Uum filo, funi, aut alteri cuilibet corpori flexibili infinitæ potentiæ applicantur, necesse est, ut illud flectatur in curvam aliquam lineam, ubique cur-

curvaturæ continuæ, nec ullis angulis interruptam; quia unumquodque ejus elementum suam habet potentiam, à qua trahitur. Hinc circa corpora flexibilia, quæ per infinitas potentias iis applicatas flectuntur in curvam, non modò illud quæri potest, quæ sit media directio omnium illarum potentiarum, quæve potentia ex omnium compositione resultans; verùm etiam quæ sit natura illius curvæ, in quam ipsa corpora flectuntur.

Et quidem ad corpus aliquod flexibile nò aliâ ferè ratione applicari possunt infinitæ potentiaë, quàm faciendo ut illud comprimatur per actionem alicujus fluidi, vel in ejus superficiem illabentis, vel etiam stagnantis intra eam. Unde naturam curvarum definituri, in quas flectuntur corpora flexibilia per infinitas potentias iis applicatas, non alium casum expendemus, quàm quum potentiaë perpendiculariter ad curvas illas sunt applicataë, atq; adeò eadem est firmitas in singulis elementis corporum flexibilium; quandoquidem omnis actio, sive compressio per lineam perpendicularem ad superficiem corporis patientis debet æstimari.

Ut autem in hac re viam nobis aperiamus, quæ sensim ad id, quod quærimus, nos manuducat; concipiamus rursus filum

FIG. 33. ABEC, quod extremitatibus suis affixum duobus clavis trahatur à duabus potentiis BD, EF in æquilibrio consistentibus. Itaque quia potentiæ BD resistunt firmitates portionum fili AB, BE; erit ut potentia BD ad firmitatem ipsius AB, ita sinus anguli ABE, sive ABL ad sinum anguli DBE. Atque ita quoque quia potentiæ EF resistunt firmitates portionum fili BE, EC, erit ut potentia EF ad firmitatem ipsius BE, ita sinus anguli BEC, sive BEH ad sinum anguli FEC. Ex quo sequitur potentiam BD ad potentiam EF rationem habere compositam ex firmitate portionis AB ad firmitatem portionis BE, ex sinu anguli ABL ad sinum anguli BEH, & ex sinu anguli FEC ad sinum anguli DBE.

Hinc siquidem ponamus, potentias BD, EF bifecare angulos ABE, BEC, in quos flectitur filum ABEC; eadem erit firmitas, sive vis resistendi in singulis fili portionibus: adeoque, quia ratio, quam habet firmitas portionis AB ad firmitatem portionis BE, est ratio æqualitatis; habebit potentia BD ad potentiam EF rationem compositam ex sinu anguli ABL ad sinum anguli BEH, & ex sinu anguli FEC ad sinum anguli DBE. Unde si ponamus ulterius, rectos esse angulos DBE, FEC, ita ut sinus ipsorum habeant quoque rationem æqualitatis; fiet ut po-  
ten-



tentia BD ad potentiam EF, ita sinus anguli ABL ad sinum anguli BEH.

Concipiamus jam, portiones fli AB, BE, EC minui in infinitum, ita ut anguli ABL, BEH fiant indefinitè parvi, & ABEC fiat portio alicujus curvæ lineæ, cui perpendiculariter sint applicatæ potentiæ BD, EF. Manebit itaque adhuc, ut potentia BD ad potentiam EF, ita sinus anguli ABL ad sinum anguli BEH. Sed propter indefinitam horum angulorum parvitatem, sinus ipsorum iisdem proportione correspondent. Quare erit ex æquali, ut potentia BD ad potentiam EF, ita angulus ABL ad angulum BEH: & propterea quia angulus ABL designat convexitatem curvæ in puncto B, & angulus BEH denotat convexitatem curvæ in puncto E; erit rursus ut potentia BD ad potentiam EF, ita convexitas curvæ in puncto B ad convexitatem curvæ in puncto E.

Curvæ igitur, cui infinitæ potentiæ perpendiculariter sunt applicatæ, hoc quidem est accidens præcipuum, ut convexitas ejus in quolibet loco sit, ut potentia, quæ curvam trahit in loco illo. Atque hinc sponte suâ sequitur, curvam debere esse circula-rem, quotiescumque potentiæ omnes, perpendiculariter ad curvam applicatæ, inter se sunt æquales; quandoquidem inter omnes curvas sola circuli circumferentia ean-

dem ubique convexitatem habet. Unde mirari non subibit, quod ampullæ, quas Infantes ex loturâ saponis conficiunt, in rotunditatem torquentur; quia aer intus inclusus æquales in singulas earum particulas exerit pressiones; adedque perinde est, ac si particulæ illæ per totidem potentias æquales perpendiculariter traherentur.

Eâdem autem ratione vesiculæ fibrarum muscularium, si quæ sint, quum à spiritibus animalibus, aut ab aliâ æquivalente materiâ inflantur, non aliam figuram sibi debent conciliare, quàm circula-rem; quandoquidem distenduntur ab iis spiritibus, qui æquali vi agunt in parietes earum vesicularum. Ex quo colligi potest, oscitanter nimis Clarissimum nostrum Borrellû in Tractatu suo de motu Animalium vesiculis illis figuram rhomboidalem attribuisse; quum hujusmodi figura nequaquam conveniat cum pressione spirituum, propter quam vesiculæ distenduntur: & credibile est, hanc eis figuram rectilineam Virum summum assignasse, ut commodiori calculo supputaret relationes, quas vires dilatantes habent ad resistentias superandas.

Sed quod dicimus, vesiculas fibrarum muscularium, ob æquales spirituum, à quibus inflantur, pressiones, non esse rhom-  
boi-

boidales, sed circulares; id intelligi debet, si musculus nullam haberet resistantiam superandam. Verum, quia musculus semper pondera, & resistantias, si non extrinsecus advenientes, saltem sui ipsius, & ossium, quibus alligatur, submovere debet; fit hinc, ut vesiculæ illæ non integram adipiscantur figuram circularem, sed ob resistantiam removendam nonnihil in longitudinem se distendant: non secus, ac ampulla, ex loturâ saponis confecta, ob gravitatem guttulæ, fundo ejus adhærentis, tantillum elongatur, & ex spherâ mutatur in spheroidem, factam ex circumvolutione segmenti circularis.

Similiter orificia vasorum; & pori glandularum nostri corporis non alias figuras, quàm circulares habebunt. Unde colligi potest secretiones fluidorum, quæ fiunt in glandulis illis, non magis feliciter per diversam pororum configurationem explicari, quàm per multiplicia illa fermenta, quæ primum apud Anatomicos obtinebant. Nam semper ac pori glandularum figuras habent circulares, ii non figuris, sed figurarum amplitudine different à se mutud: proindeque solâ figurarum consideratione intelligi non potest, cur vascula quædam fluida nonnulla, & vascula alia fluida alterius generis, excipere cogantur.

Per

Per contrarium autem, quum potentia ad curvam applicata nequaquam sunt aequales, fieri nullo pacto potest, ut curva illa sit circularis. Hinc velum vento tumidum in circuli circumferentia flecti non potest, nec item linteum, quod stagnante liquore intumescit; quia utroque casu singula curvae elementa à totidem aeris, vel liquoris filamentis premuntur quidem ad rectos angulos, sed aequales pressiones non subeunt, nec ideo ab aequalibus potentiis trahuntur. Sed cognita lege pressions, quam in curvae elementa exerunt filamenta, sive aerea, sive liquoris; facile erit ex ostenso theoremate naturam curvae definire, quam sive velum, sive linteum cogitur induere.

**FIG. 37.** Nimirum ostendemus in Hydrostatica vim, qua fluida quævis materia pellit datam aliquam superficiem, ad eam utcumque inclinatum, esse ut quadratum sinus inclinationis. Itaque si  $AN$  sit curva velaria, quæ excipiat ventum secundum directionem axi  $AM$  parallelam; vis, qua pellitur constans curvae elementum  $NQ$ , ubicumque sumatur, erit semper, ut  $NR$  quadratum. Sed ex ostenso theoremate eadem vis est, ut convexitas curvae in puncto  $Q$ . Quare si recta  $OS$  curvam contingat in  $Q$ , & centro  $Q$  intervallo  $QN$  describatur arcus  $NO$ ; quadratum ex  $NR$  ipsi  $NO$  ubique proportionem cor respon-

de-

debit ; adeòque id , quod oritur , dividendo  $NR$  quadratum per  $NO$  idem ubique erit.

Jam , quum  $NR$  sit infinitesima primi generis , erit  $NR$  quadratum infinitesima generis secundi. Unde quum etiam  $NO$  sit infinitesima secundi generis ; per ea , quæ à nobis ostensa sunt de calculo infinitesimarum in priori nostræ Algebræ libro ,  $NR$  quadratum divisum per  $NO$  dabit quotientem finitum. Designet itaque recta  $AB$  , axi  $AM$  perpendicularis , quotientem istum , & ex termino ejus  $B$  ducantur rectæ  $BC$  ,  $BD$  æquidistantes rectis  $NT$  ,  $QS$  , quæ curvam contingunt in punctis  $N$  , &  $Q$  ; describaturque centro  $B$  intervallo  $BD$  arcus  $DE$  .

Et quoniam  $AB$  est quotiens , qui oritur , dividendo  $NR$  quadratum per  $NO$  ; erit ut  $NO$  ad  $NR$  , ita  $NR$  ad  $AB$  : proindeque  $NR$  ad  $AB$  rationem habebit compositam ex  $NO$  ad  $NQ$  , & ex  $NQ$  ad  $NR$  . Jam verò propter sectores similes  $NQO$  ,  $BDE$  ,  $NO$  est ad  $NQ$  , ut  $DE$  ad  $BD$  , sive  $BC$  ; itemque , propter triangula similia  $NQR$  ,  $BCA$  ,  $NQ$  est ad  $NR$  , ut  $BC$  ad  $AB$  . Quare ex æquali  $NR$  erit ad  $AB$  in ratione compositâ ex  $DE$  ad  $BC$  , & ex  $BC$  ad  $AB$  , sive etiam in ratione simplici  $DE$  ad  $AB$  ; adeòque erit  $NR$  æqualis ipsi  $DE$  .

Hinc , quum similia sint triangula  $NQR$  ,  $DCE$  , erit non modo  $NR$  æqualis  $DE$  , verum

rùm etiam  $NQ$  æqualis  $CD$ , &  $QR$  æqualis  $CE$ : proindeque, quum eadem sit demonstratio in omni loco, erit tum summa omnium  $NQ$  æqualis summæ omnium  $CD$ , tum summa omnium  $QR$  æqualis summæ omnium  $CE$ : & idcirco si centro  $B$ , & intervallo  $BA$  describatur arcus  $AF$ , qui secet rectam  $BC$  in puncto  $F$ , erit curva tota  $AN$  æqualis rectæ  $AC$ , & abscissa  $AM$  æqualis portioni per arcum abscissæ  $CF$ .

Unde modò præcipuæ hujus curvæ proprietates pronò alveo fluunt. Patet etenim primò rectam  $AB$ , quam velut constantem parametrum ejus dicere licebit, esse ad quamlibet curvæ portionem  $AN$ , ut est ordinata correspondens  $MN$  ad subtangentem  $MT$ . Nam, propter triangula similia  $MNT$ ,  $ABC$ ,  $AB$  est ad  $AC$ , ut  $MN$  ad  $MT$ . Ostensum est autem, arcum curvæ  $AN$  æqualem esse rectæ  $AC$ . Quare erit quoque ut parameter  $AB$  ad arcum curvæ  $AN$ , ita ordinata correspondens  $MN$  ad subtangentem  $MT$ .

Patet secundò, quod si capiatur  $AH$  æqualis  $AB$ , & compleatur rectangulum  $MK$ , spatium exterius  $AHKN$  æquale sit rectangulo, quod fit ex parametro  $AB$  in arcum curvæ  $AN$ . Est enim  $AM$  æqualis  $CF$ : quare, quum  $AH$  sit æqualis  $AB$  sive  $BF$ , erit tota  $MH$ , sive  $NK$  æqualis  $BC$ ; & propterea

ob

ob æquales  $NR$ ,  $DE$ , erit spatium  $KNQI$  duplum exigui trianguli  $BCD$ ; atque ita, quum spatium totum  $AHKN$  duplum fiat totius trianguli  $ABC$ , erit idem æquale rectangulo ex  $AB$  in  $AC$ , hoc est ex parametro in arcum curvæ  $AN$ .

Patet demum, quod si centro  $H$ , & vertice  $A$  describatur hyperbola æquilatera  $AP$ , quilibet curvæ arcus  $AN$  æqualis sit ordinatæ in hyperbolâ correspondenti  $MP$ . Nam propter proprietatem hyperbolæ  $MH$ , sive  $BC$  quadratum est æquale quadrato ex  $AH$ , sive  $AB$  unâ cum quadrato ex  $MP$ . Sed ob triangulum rectangulum  $BAC$ , idem  $BC$  quadratum est æquale quadratis, quæ sunt ex  $AB$ , &  $AC$ . Quare erit  $AC$  æqualis  $MP$ , hoc est arcus curvæ  $AN$  æqualis ordinatæ hyperbolæ  $MP$ .

Atque hæc quidem sunt palmarie curvæ velariæ proprietates, ex quibus nullo negotio deducuntur æquationes duæ differentiales, in quas inciderunt Clarissimi Bernoullii Fratres. Nam si ponatur parameter  $AB = a$ , abscissa  $AM = x$ , & ordinata  $MN = y$ ; erit  $QR = dx$ ,  $NR = dy$ , & arcus curvæ  $AN = \sqrt{2ax + xx}$ . Unde, quum  $AB$  sit ad  $AN$ , ut  $MN$  ad  $MT$ , sive etiam ut  $NR$  ad  $QR$ ; erit ut  $a$  ad  $\sqrt{2ax + xx}$ , ita  $dy$  ad  $dx$ ; proindeque erit  $dy \sqrt{2ax + xx} = adx$ , quæ  
est

est prima æquatio differentialis. Sed si abscissæ sumantur à centro hyperbolæ  $H$ , ponaturque  $HM = x$ ; fiet arcus curvæ  $AN = \sqrt{xx - aa}$ ; atque aded invenietur  $dy\sqrt{xx - aa} = adx$ , quæ est æquatio differentialis altera.

Circa curvam velariam illud quoque ab iisdem Fratribus est observatum, nimirum quod ea sit ejusdem naturæ cum catenariâ, hoc est cum curvâ, in quam flectitur proprio pondere catenula, ab utroque ejus extremo pendens: quamquam notabile interfit discrimen inter actionem venti in velariâ, & actionem gravitatis in catenariâ; quum in illâ impressiones fiant secundum lineas perpendiculares curvæ elementis, ob generalem legem pressionis, quod æstimari debeat secundum lineam perpendicularem superficiæ corporis patientis; in istâ verò secundum directiones perpendiculares ad horizontem, ob naturam gravitatis, quæ in hunc modum operatur.

Itaque, ut hæc inter utramque curvam identitas Lectoribus nostris innotescat, sit  $NAO$  curva catenaria, cujus punctum infimum sit  $A$ , & axis recta  $AM$ . Et quoniam nec curvatura arcus  $AN$ , nec vires, quibus ejus elementa singula pelluntur deorsum, ullam patiuntur mutationem, si auferatur portio catenulæ  $AO$ , & reliquæ  $AN$  extremitas figatur in  $A$ ; transibit per ostensa in superiori



ri capite media directio omnium illarum virium per punctum C, in quo conveniunt tangentes AB, NT; æque tantundem agent adversus firmitates catenulæ in punctis A, & N, quantum si omnes simul secundum easdem directiones applicatæ essent puncto C.

Et quoniam vires, quibus pelluntur elementa singula curvæ AN, sunt propriæ ipsorum gravitationes; applicando eas propriis directionibus puncto C, perinde erit, ac si exinde suspendatur pondus P, tantundem gravitans, quantum catenula tota AN. Sed firmitas catenulæ in A est ad pondus P, ut sinus anguli NCP, sive PCT, aut CTM ad sinum anguli ACN, sive CNM. Quare erit quoque, ut sinus anguli CTM ad sinum anguli CNM, hoc est, ut MN ad MT, ita firmitas catenulæ in A ad pondus totius catenulæ AN. Unde designando firmitatem catenulæ in A, utpote constantem, per rectam magnitudine datam AB, & pondus totius catenulæ AN per curvam ipsam AN, cujus longitudini proportionem semper correspondet; erit ut ordinata MN ad subtangentem MT, ita recta AB ad curvam AN, quæ est proprietas potissima curvæ velariæ.

Patet autem, curvam catenariam eandem esse cum curvâ velariâ in hypothesi, quod catenula sit gravitatis uniformis, ita ut æqualia ejus elementa æqualiter gravitent;

adeo.

adèdque pondus cujusque portionis per longitudinem ejusdem possit designari . Sed res longè aliter erit , si catenula fuerit gravitatis difformis . Tunc enim curva catenaria alia , atque alia erit , prout diversimodè portiones ejus difformiter graves supponuntur . Et speciatim erit parabola , si pondus cujusque portionis per ordinatam correspondentem possit designari ; quandoquidem erit in hoc casu , ut  $AB$  ad  $MN$  , ita  $MN$  ad  $MT$  ; adèdque quadratum ordinatæ  $MN$  æquale erit rectangulo ex rectâ constante  $AB$  in subtangentem  $MT$  : quæ proprietas inter curvas omnes nonnisi parabolæ competit.

Patet quoque identitatem inter velariam , & catenariam obtinere in hypothesi , quod directiones gravium sint parallelæ . Sed si quidem convergant omnes ad datum punctum  $F$  , tunc catenaria erit hyperbola , habens punctum illud  $F$  pro umbilico exteriore . Nam in isto casu media directio virium , quibus pelluntur deorsum elementa singula curvæ  $AN$  , transibit non modò per punctum  $C$  , in quo conveniunt tangentes  $AB$  ,  $NT$  , verùm etiam per punctum  $F$  , ad quod directiones earum virium convergunt . Unde quia omnes illæ vires , applicatæ secundùm proprias directiones ad punctum  $F$  , continentur intra angulum  $AFN$  , & velut æquales terminantur ad unum ,

cun-

eundemque arcum descriptum ex puncto F tamquam centro ; eadem media directio illarum virium bisecabit angulum AFN, quum per superius ostensa debeat quoque transire per commune centrum gravitatis totidem ponderum æqualium, existentium in extremitatibus rectarum, quæ vires illas designant. Ex quo sequitur, catenariam NAO hyperbolam esse, habentem punctum F pro umbilico exteriori ; quum ei soli relatè ad umbilicos competat hæc proprietas, ut recta, quæ ex concursu duarum tangentium ducitur ad datum punctum, bisecet angulum, quem in puncto illo constituunt rectæ lineæ ex contactuum punctis exeuntes.

Sed in hypothèsi, quod gravium directiones convergant ad datum punctum F, curva catenaria erit hyperbola, habēs punctū illud pro umbilico exteriori, quotiescumque catenula est gravitatis uniformis, ita ut vires, quibus singula ejus elementa urgentur, applicatæ ad punctum F, possint tamquam æquales terminari ad unum, eundemque arcum, descriptum ex puncto F tamquam centro. Res autem secus erit, si catenula fuerit gravitatis difformis, neque aded æquales sint vires, quibus ejus elementa singula pelluntur ; quia tunc prout diversimodè supponuntur difformiter gravia catenu-

læ elementa, sic curva catenaria alia, atque alia oriatur. Verum erit rursus hyperbola, & quidem æquilatera, centrum habens punctum  $F$ , si gravitas in catenulæ elementis tali lege modificetur, ut firmitates eorundem elementorum prodeant proportionales distantis suis à puncto  $F$ , ad quod gravium directiones convergunt.

Nam, iisdem semper suppositis, firmitas catenulæ in  $A$  erit ad firmitatem catenulæ in  $N$ , ut distantia  $AF$  ad distantiam  $NF$ . Sed quum media directio virium, quibus resistunt, sit recta  $GCF$ ; firmitas catenulæ in  $A$  est ad firmitatem catenulæ in  $N$ , ut sinus anguli  $NCG$ , sive  $FCT$  ad sinum anguli  $ACG$ , sive  $FCA$ . Quare erit ex æquali, ut  $AF$  ad  $NF$ , ita sinus anguli  $FCT$  ad sinum anguli  $FCA$ . Jam verò demisso super tangente  $NT$  perpendiculo  $FH$ , & assumptâ  $CF$  pro radio, sive sinu toto, sit  $FH$  sinus anguli  $FCT$ , &  $FA$  sinus anguli  $FCA$ . Itaque erit rursus ex æquali, ut  $AF$  ad  $NF$ , ita  $FH$  ad  $AF$ ; & propterea  $AF$  quadratum erit æquale rectangulo  $NFH$ : id quod ostendit, curvam  $AN$  esse hyperbolam æquilateram centrum habentem punctum  $F$ ; quum ei soli inter omnes curvas competat hæc proprietas.

Sed de curvâ velariâ, & catenariâ, quæ hæcenus dicta sunt, sufficere videntur. Trans-

sea-

eāmus modò ad curvam, in quam flectitur  
intem, stagnante aliquo liquore homoge-  
neo compressum. Itaque sit  $ANC$  curva ista, FIG. 39.  
cujus punctum supremum sit  $A$ , punctum  
infimum  $C$ , axis horizontalis recta  $AB$ , &  
axis verticalis recta  $BC$ . Ducantur ad axim  
 $BC$  tres ordinatæ  $MN$ ,  $PQ$ ,  $RS$  indefinitè  
proximæ, quæ abscindant ex curvâ portio-  
nes æquales  $NQ$ ,  $QS$ ; & productâ  $QS$  versùs  
 $O$ , describatur ex puncto  $Q$  tamquam cen-  
tro arcus  $NO$ , ducanturque  $NH$ ,  $OI$ ,  $QK$   
ipsi  $BC$  parallelæ; denique cōcipiatur trian-  
gulum rectangulum æquierure  $BCD$ , cum  
cujus hypotenusâ  $BD$  convenient ductæ  
ordinatæ in punctis  $E$ ,  $F$ ,  $G$ .

Jam ostendemus in hydrostaticâ liquores  
homogeneos gravitare in vassium bases, &  
latera pro ratione altitudinis. Quare pressio,  
quam subit ab incumbente liquore constans  
curvæ elementum  $NQ$ , erit ut altitudo  $BM$ ,  
sive  $ME$ . Sed ex ostenso theoremate eadem  
pressio est, ut convexitas curvæ in puncto  $Q$ ,  
hoc est, ut arcus  $NO$  dato radio descriptus.  
Itaque  $BM$ , sive  $ME$  ipsi  $NO$  proportionem  
correspondebit; proindeque areola  $PMEF$  ad  
rectangulum  $ONH$  datam rationem habe-  
bit.

Verumtamen, quia angulus  $ONQ$  rectus  
est, erit angulus  $NOI$  æqualis angulo  $NQH$ ;  
adeoque ducendo per punctum  $N$  rectam li-

neam ordinatæ PQ parallelam, facile intelligetur NO esse ad HI, ut est NQ ad NH. Unde, quum rectangulum ONH æquale sit ei, quod fit ex NQ in HI; ob datam NQ, habebit rectangulum illud ONH ad HI datam rationem: & propterea data etiam erit ratio, quam habet areola PMEF ad HI, hoc est ad differentiam ipsarum QH, SK; quum, propter æquales, & in directum positas QS, QO, æquales sint etiam SK, QI.

Eâdem ratione ostendetur, quod si TV sit alia ordinata prioribus indefinitè proxima, quæ abscindat ex curvâ arcum SV, æqualem cuique ipsorum NQ, QS, & ducatur per punctum S recta linea SL parallela axi BC; areola RPFG habeat datam rationem ad differentiam ipsarum SK, VL. Quare componendo areâ RMEG ad differentiam ipsarum QH, VL datam quoque rationem habebit. Unde, quum eadem demonstratio continuari possit, usque donec perveniatur ad punctum supremum A, ubi VL prorsus evanescit; concludi poterit, naturam curvæ lintei ANC talem esse, ut triangulum BME, ubicumque sumatur, sit semper ut QH differentia ordinatarum MN, PQ, quæ datum ex curvâ elementum abscindunt.

Huic verò consequens est, ut siquidem in puncto infimo C idem datum curvæ elementum capiatur, ei proportionem correspon-

spondeat triangulum totum BCD; quandoquidem in puncto illo, propter axim BC rectos cum curvâ angulos facientem; differentia ordinatarum QH in ipsum desinit elementum. Unde, quum sit, ut QH ad NQ, ita triangulum BME ad triangulum BCD; erit quoque, ut QH ad NQ, ita BM quadratum ad BC quadratum: adeoque, positis  $BC = a$ , BM, sive WN =  $x$ , & AW =  $y$ , nullo negotio deducetur æquatio differentialis  $xxdx = dy \sqrt{a^4 - x^4}$ , quam Celeberrimi Bernoullii Fratres invenerunt.

In determinandâ curvâ lintei posuimus liquorem stagnantem homogeneum esse, ita ut pressiones, quas subeunt æqualia curvæ elementa NQ, QS, SV designari possent per altitudines correspondentes BM, BP, BR, sive etiam per ordinatas trianguli ME, PF, RG. Sed facile erit ad liquores etiam heterogeneos eandem determinationem extendere: nimirum si loco trianguli BCD describatur figura alia, quæ similiter ordinatis suis designet diversas pressiones, quas ab incumbente liquore subeunt correspondentia curvæ elementa; quandoquidem eidem assistentes analysi, inveniemus semper aream totam BCD esse ad aream BME, ut NQ ad H. Unde si BCZ sit figura alia, cujus ordinatæ CZ, MX sint ut correspondentes areæ BCD, BME figuræ prioris, manenti-

bus adhuc  $BC = a$ ,  $AW = y$ , &  $WN$ , si-  
ve  $BM = x$ , positisque insuper  $CZ = b$ , &  
 $MX = p$ , invenietur pro omni casu æqua-  
tio differentialis  $dy \sqrt{bb} - pp = p dx$ , con-  
veniēs adamussim cum illâ, in quam laudati  
Fratres inciderunt in solutione problematis  
generali.

FIG. 40. Curvæ linteæ stagnante liquore homoge-  
neo compressi, notante Jacobo Bernoullio,  
non differt ab eâ, in quam flectitur lamina  
elastica, & gravitatis expers *ANCena*, unâ  
ejus extremitate *Cc* alicubi ad perpendicu-  
lum firmata, dum trahitur per pondus *P*,  
quod ab alterâ extremitate pendens, eam  
usque aded flectit, & incurvat, donec ipsa,  
ejusque tangens in *A* normalis fiat ponde-  
ris directioni *AB*. Id verò haud difficile erit  
ostendere. Nam siquidem in curvâ interiori  
*ANC* constans elementum capiatur *NQ*,  
& ex punctis *N*, & *Q* perpendiculares  
ad eandem curvam erigantur *Nn*, *Qq*, ipsi-  
que *Qq* parallela agatur *No*; designabit  
triangulum *nNo* tensionem laminulæ *NQ*  
*qn*, & *no* tensionem elementi *nq* curvæ  
exterioris. Unde, quia vis tendens por-  
tionem *nq* æquilibratur in puncto *N* cum  
pondere *P* laminam totam incurvante;  
ob legem æquilibrii vis illa tendens, quæ  
designari potest per tensionem ipsam *no*  
tamquam per suum effectum, vel etiam  
per



per arcum  $NO$  (quum propter triangula similia  $nNo$ ,  $NQO$ ,  $no$  sit ad  $NO$  in data ratione) erit ad pondus  $P$ , ut  $WN$  ad  $Nn$ ; adeoque, quia datum est pondus  $P$ , dataque est laminæ crassities  $Nn$ , fiet ipsi  $NO$  ubique proportionis  $WN$ , sive  $BM$ : prorsus ut in curvâ lintei, stagnante liquore homogeneo compressi.

Perpicuum est autem, identitatem istam inter elasticam, & curvam lintei non aliâ de causâ habere locum, quam quia vires tendentes proportionales assumuntur ipsis tensionibus; atque adeò per eandem ordinatam  $WN$ , sive  $BM$  designatur tam vis tendens portionem  $nq$ , quàm tensio ipsa  $no$ , sive ei proportionalis arcus  $NO$ . Cæterum si definienda sit curva elastica pro quacunque virium tendentium hypothese; oportebit circa rectam  $BC$  describere scalam tensionum, hoc est figuram talem  $BCD$ , ut designantibus abscissis  $BC$ ,  $BM$  vires tendentes, referant ordinatæ correspondentes  $CD$ ,  $ME$  ipsas tensiones: non secus ac pro determinandâ curvâ lintei, quum liquor stagnans est heterogeneus, describenda est circa axem curvæ verticalem scala pressurum, quas ab incumbente liquore subeunt correspondentia curvæ elementa. Unde erit rursus curva elastica eadem cum curvâ lintei, si scala pressurum in istâ sit eadem cum scalâ tensionum in illâ. N 4 CAP.

## C A P. VII.

*De resistantiâ solidorum, tam verticaliter,  
quàm horizontaliter suspensorum.*

**C**onstat experienciâ, machinas, quæ in parvis elaboratæ, felicem obtinent eventum, in magnis eâdem proportionem constructas, non æquè feliciter effectus suos sortiri. Id communiter rejiciebatur in defectus inevitabiles artis manualis, qui sæpè sæpius veram, solidamque rerum theoriam apud vulgus hominum miserè dedecorant. Sed observavit Galilæus, diversitatem istam longè majorem esse, quàm quæ ex solâ istâ causâ repeti posset. Itaque aliud quidpiam adesse conjecit, ex quo illa esset differentia deducenda: id, quod dum sedulò perquisivisset, pervenit tandem ad doctrinam de resistantiâ solidorum, Phycis ante ipsum penitus incognitam, de qua breviter quidem, sed perspicuè, hoc capite agendum nobis erit.

Corporis verticaliter suspensi partes omnes graves esse, & per istam gravitatem connari inferiores à superioribus divelli, notius est, quàm ut possit inficiari. Jam ista divisio revera fieret, nisi ratione unionis adesset in iisdem partibus vis contraria, qua  
ad-

versus eam resistunt, ac reluctantur. procirca in corpore sic verticaliter suspenduæ poterunt vires oppositæ considerari; a quidem, quæ dependet à gravitate suarum partium, & per quam unaquæque à contiguâ conatur separari; altera, quæ obstat ab unione earundem partium, æque vis resistentiæ poterit insigniri.

Hæc vis resistentiæ, non aliter definiri potest, quam per maximum pondus, quod corpus verticaliter suspensum potest sustinere absque eo, quod fractionem patiatur. Sed, cum eadem oriatur ex nexu partium inferum cum superioribus, habebitur quoque quantitas ejus absoluta, multiplicando unamquamque partem per vim, qua connectitur cum suâ contiguâ, & capiendum summam omnium istorum productorum. de in corporibus ejusdem ubique densitatis eadem vis resistentiæ proportionem semper correspondebit sectioni, in qua illam consideramus; quandoquidem propter eandem ubique densitatem vis necens in singulis partibus est eadem, & numerus partium in nexarum est, ut ipsa sectio, in qua partillæ reperiuntur.

Hinc prisma homogeneum, quod verticaliter suspensum proprio pondere non dissipatur, nec etiam adauctâ base dissipatur; quandoquidem tam pondus, quam vis

vis resistentiæ augetur in ratione basis . Sed longè secus res erit , si augeatur longitudo , quia tunc augebitur quidem pondus , sed non item vis resistentiæ . Quare prismata , ex eâdem , & homogeneâ materiâ constantia , si eandem habeant longitudinem , suspensa verticaliter erunt æquè resistentia ; sed si fuerint longitudinis diversæ , debilius semper erit illud , cui major est longitudo , tametsi basim habeat longè maiorem .

Jam ut maxima longitudo inveniatur , in quam prisma aliquod ejusdem ubique densitatis distendi possit absque eo , quod verticaliter suspensû proprio pondere frangi queat ; satis erit maximum pondus invenire , quod prisma illud sic verticaliter suspensum potest sustinere absque eo , quod per actionem ejus ponderis disrumpi possit . Nam si prisma eousque deinde protrahatur , donèc pars adjecta tantundem gravitet , quantum maximum illud pondus ; hæc erit maxima longitudo quæsitâ . Atque hoc artificio detexit Galilæus , maximam longitudinem , quam cylindrus ex ære habere potest absque eo , quod verticaliter suspensus proprio pondere frangi possit , esse brachiorum 4801 .

Ex dictis illud etiam colligi potest , quod prisma homogeneum verticaliter suspensum nequeat esse æqualis resistentiæ per totam sui

longitudinem ; nam etsi sectio horizon-  
 talis , per quam definitur resistentiæ vis  
 soluta , eadem sit in omni loco , attamen  
 pondus infra sectionem existens non est idem  
 ubique . Interim si prisma consideretur ve-  
 titi expers omnis gravitatis , & ejus extre-  
 mitati appendatur pondus , quod illud  
 trahendo disrumpere conetur ; tunc ubique  
 erit æquè resistens , quia hoc casu idem est  
 pondus , quod infra quamlibet sectionem  
 existit . Patetque , præter prismata , nulla  
 alia solida dari posse , quæ considerata tam-  
 quam gravitatis expertia sint ubique æqua-  
 lis resistentiæ .

Generaliter autem , grave solidum homo-  
 geneum , verticaliter suspensum , erit ubi-  
 que æquè resistens , si sectio horizontalis ubi-  
 cumque facta sit semper , ut portio solidi ,  
 quæ infra sectionem existit . Hinc si ABC  
 sit curva logarithmica , & DE ejus asymp-  
 totus ; solidum , quod describitur per revolu-  
 tionem spatii indefiniti ( sive potius infi-  
 nitæ longitudinis ) ADEC circa asymp-  
 totum DE , suspensum verticaliter erit æ-  
 qualis ubique resistentiæ . Nam ductâ OQ ,  
 quæ logarithmicam alicubi contingat in B ,  
 & demissâ ad asymptotum ordinatâ BF ;  
 inter alias proprietates logarithmicæ , quas  
 recensuit Christianus Hugenius in calce  
 suæ diatribæ de causâ gravitatis , una est ,  
 quod

FIG. 41.

quod solidum descriptum per revolutionem spatii infiniti BCEF sit in datâ ratione cum cono descripto per revolutionem trianguli BOF, nimirum in ratione sesquialterâ. Unde, quia conus iste, propter subtagentem OF, constantem in logarithmica, est ut basis ipsius; erit idem solidum descriptum per revolutionem spatii infiniti BCEF, ut circulus, qui describitur per ordinatam BF.

Itaque vis resistentiæ in corpore homogeneo verticaliter suspenso æstimari debet in omni loco per sectionem horizontalem factam in loco illo. Sed non perinde res erit, si idem corpus parieti horizontaliter sit affixum. Tunc enim tam pondus, quàm vis resistentiæ aliâ ratione agunt in se mutuo, nimirum vecte velut interjecto. Nam si parieti PQ horizontaliter affigatur corpus aliquod AE, quod proprio pondere propè parietem disrumpatur, fiet omnis motus super rectâ horizontali AC tamquam hypomochlio. Quocirca si sectionis verticalis ABC resistentia tota concipiatur veluti collecta, & coacervata in puncto H, quemadmodum tota gravitas corporis AE unita concipitur in centro suæ gravitatis G; demissis verticalibus GM, HN, erit HN radius vectis, cui applicata est resistentia, & MN radius vectis, cui applicatum est pondus.

Jam

Jam quotiescumque corpus  $AE$  est ejusdem ubique densitatis, partes sectionis  $ABC$  connectuntur eadem vi cum partibus superficiei contiguæ; adedque, quia vis resistentiæ, quæ oritur ex nexu illo, spargitur per sectionem  $ABC$  eadem omnino ratione, quæ diffunditur per partes ejus vis gravitatis, erit punctum  $H$ , in quo colligitur tota resistentia, idem omnino cum centro gravitatis ipsius sectionis. Ex quo patet, in corporibus homogeneis horizontaliter suspensis momentum resistentiæ in omni loco definiendum esse, non per sectionem verticalem factam in loco illo simpliciter, sed per eam ductam in distantiam centri suæ gravitatis ab hypomochlio; atque ita quoque momentum ponderis, cum quo reluctatur resistentia, definiendum esse non per pondus ipsum simpliciter, sed per illud ductum in distantiam sui centri à plano sectionis.

Hinc in prismatico homogeneo, parieti horizontaliter affixo, momentum resistentiæ æstimari poterit per basim ductam in prismatis altitudinem, momentum verò ponderis per factum ex pondere in longitudinem prismatis. Unde cylindrus, exempli gratiâ, ex ære, qui unâ sui extremitate verticaliter suspensus frangi non potest, nisi longitudinem habeat paulò majorem, quàm brachiorum 4801, affixus dein-

deinde horizontaliter parieti, frangetur longitudine longè minori; quandoquidem in hoc casu major longitudo dupliciter confert ad cylindri fracturam, primò quia auget pondus cylindri, & secundò, quia longius reddit brachium vectis, cui pondus illud concipitur applicatum.

Ponamus jam in prismatico homogæno horizontaliter suspenso momentum resistantiæ æquari cum momento ponderis. Erit igitur vis resistantiæ absoluta, quæ per basim prismatis definitur, ad pondus prismatis absolutum, ut longitudo ad altitudinem. Sed vis resistantiæ absoluta definitur quoque per maximum pondus, quod prisma verticaliter suspensum potest sustinere. Itaque maximum pondus, quod sustinere potest prisma in suspensione verticali, erit ad maximum pondus, quod sustinet in suspensione horizontali, ut longitudo ad altitudinem; & propterea si longitudo dupla fuerit altitudinis, maximum pondus, quod sustinet in suspensione horizontali, dimidium erit ejus, quod sustineret in suspensione verticali.

Idem obtinet quoque, si prisma suspensum horizontaliter concipiatur omnis expers gravitatis, & ex medio pendeat tale pondus, ut illud dirumpat tantillum adductum; nam semper maximum pondus, quod sustinere potest prisma in suspensione

ver-



verticali, erit ad maximum istud pondus, quod sustinet in suspensione horizontali, ut longitudo ad altitudinem. Sed si pondus suspendatur ex extremitate prismatis, tunc altitudo sumenda est dimidiata, vel etiam multiplicanda est longitudo; quandoquidem longioris vectis, cui pondus concipitur applicatum, est tota prismatis longitudo.

Corpus horizontaliter suspensum erit qualis ubique resistentiae, si in qualibet sectione verticali momentum resistentiae datum servet rationem cum momento ponderis correspondentis. Hinc prisma homogeneum basi suae parieti horizontaliter affixum per totam sui longitudinem non potest esse aequè resistens; nam momentum resistentiae non in omni sectione verticali manet idem, & immutatum, sed non item momentum ponderis, cum quo resistentia reluctatur, quippe quod in recessu à pariete minuitur ratione ipsius ponderis, tum etiam ratione brachii vectis, cui concipitur pondus applicatum.

Sed neque etiam erit aequè resistens, si concipiatur omnis expers gravitatis, & ex extremitate ejus pendeat pondus aliquod, quod illud trahendo disrumpere conetur. Nam etsi in omni sectione verticali vis resistentiae cum eodem semper pondere reluctetur, attamen ob brachium vectis, cui pondus

ap-  
plicatum

us concipitur applicatum, momentum illius ponderis decrefcit per prismatis longitudinem in ipsâ longitudinis ratione; nec proinde eandem ubique rationem fervat cum momento refiftentiæ, quod propter æqualem prismatis crassitiem manet in omni fectiõne idem, & immutatum.

Poffunt autem plura folida reperiri, quæ confiderata velut gravitatis expertia fint æqualis ubique refiftentiæ, quum horizontaliter fufpenfa pondus fufinent ab eorum extremitate pendens. Hujusmodi eft cuneus

**FIG. 43.** rectilineus ABCDEF dorfo fuo parieti affixus; cujus facies triangulares ADE, BCF horizontem refpiciunt. Nam fi aliquo in loco fiat fectio verticalis GHK, cujus centrum grvitatís fit L; ex ostenfis momentum refiftentiæ in loco illo erit, ut fectio ipfa GHK ducta per altitudinem ML, adeòque, quia fectio GHK eft parallelogrammum datæ altitudinis, cujus femiffis eft ML; erit idem momentum refiftentiæ, ut fola basis parallelogrammi GK, quæ datam fervat rationem cum ME. Sed momentum ponderis, quod pendet ex cunei extremitate, eft ut brachium vectis ME, cui concipitur pondus applicatum. Itaque momentum refiftentiæ in fectiõne GHK datam fervat rationem cum momento ponderis; & propterea, quum eadem  
fit

demonstratio in omni aliâ sectione, erit cuneus rectilineus ABCDEF æqualis ubique resistentiæ.

Hujusmodi est etiam cuneus parabolicus ABCDEF ejusdem ubique crassitie, in quo AF, sive DE est axis parabolæ BF, sive CE. Nam si aliquo in loco fiat sectio verticalis GHK, cujus centrum gravitatis sit L; erit momentum resistentiæ in loco illo, ut sectio ipsa GHK, multiplicata per altitudinem ML: adedque, quia sectio GHK est parallelogrammum, cujus basis est data; erit idem momentum resistentiæ, ut rectangulum NML, sive etiam ut MN quadratum, quod ob naturam parabolæ datam servat rationem cum MO. Sed momentum ponderis, quod ex cunei extremitate pendet, est ut brachium vectis MO, cui concipitur pondus applicatum. Quare momentum resistentiæ in sectione GHK erit in datâ ratione cum momento ponderis; adedque, quum eadem sit demonstratio in omni aliâ sectione, erit cuneus parabolicus ABCDEF æqualis ubique resistentiæ.

FIG. 44.

Tale quoque est solidum ABC, ortum ex revolutione primæ parabolæ cubicæ CA circa axem suum CD, cujus ea est natura, ut cubi ordinarum AD, EG sint ut abscissæ correspondentes CD, CG. Nam factâ quocumque in loco sectione verticali EHF, quia

FIG. 45.

O

cen-

centrum suæ gravitatis est punctum  $G$ ; erit momentum resistentiæ in loco illo, ut sectio ipsa  $EHF$ , multiplicata per ordinatam  $EG$ : adeoque, quia sectio  $EHF$ , velut circularis, est ut quadratum ejusdem  $EG$ ; erit idem momentum resistentiæ, ut cubus ex  $EG$ , qui ob naturam assumptæ parabolæ datam servat rationem cum  $CG$ . Jam verò momentum ponderis, quod pendet ex solidi extremitate, est ut brachium vectis  $CG$ , cui concipitur pondus applicatum. Itaque momentum resistentiæ in sectione  $EHF$  datam servat rationem cum momento ponderis; atque adeò, quum eadem sit demonstratio in omni aliâ sectione, erit solidum  $ABC$  ubique æqualis resistentiæ.

Sed consideratâ gravitate in ipso solido, possunt etiam nonnulla inveniri, quæ suspensa horizontaliter sint æqualis ubique resistentiæ. Hujusmodi est cuneus parabolicus

**FIG. 46.**  $ABCDEF$ , quem suppono esse complementum illius, de quo paulò ante locuti sumus. Nam factâ quocumque in loco sectione verticali  $GHIK$ , si  $L$  sit centrum suæ gravitatis, erit momentum resistentiæ in loco illo, ut sectio ipsa  $GHIK$ , ducta per altitudinem  $ML$ , hoc est ob datam  $GK$ , ut rectangulum  $NML$ , vel etiam ut  $MN$ , sive  $GH$  quadratum. Sed posito, quod  $P$  sit centrum gravitatis portionis ex cuneo abscissæ  $GHIKEF$ ,  
& de-

& demisso perpendiculo  $PQ$ , momentum illius portionis est, ut portio ipsa multiplicata per  $MQ$ , hoc est ob datam  $GK$ , ut factum ex superficie  $FGH$  in  $MQ$ , vel etiam ut quadrato-quadratum ex  $FG$ ; quum tam  $MQ$  cum  $FG$ , quam superficies  $FGH$  cum cubo ipsius  $FG$  ob naturam parabolæ datam servet rationem. Itaq; momentum resistentiæ in sectione  $GHIK$  erit ad momentum portionis abscissæ  $GHIKEF$ , ut quadratum ex  $GH$  ad quadrato-quadratum ex  $GF$ , sive etiam ut  $GH$  ad  $GF$  quadratum; adedque ob parabolæ naturam in datâ ratione.

Ejusdem naturæ est solidum  $ABC$ , ortum ex revolutione parabolæ Apollonianæ  $CA$  circa rectam  $CD$ , quæ eam contingit in vertice principali. Nam factâ quocumque in loco sectione verticali  $EHF$ , quia centrum suæ gravitatis est punctum  $G$ , erit momentum resistentiæ in loco illo, ut sectio ipsa  $EHF$ , multiplicata per  $EG$ ; hoc est, ob sectionem circularem, ut cubus ipsius  $EG$ . Sed posito, quod  $I$  sit centrum gravitatis portionis ex solido abscissæ  $EHFC$ , momentum ejus portionis est, ut portio ipsa multiplicata per  $GI$ ; hoc est, ut sectio  $EHF$  multiplicata per rectangulum  $CGI$ ; sive etiam, ut factum ex  $EG$  quadrato in  $CG$  quadratum, quum propter parabolæ naturam  $GI$  datam servet rationem cum  $GC$ . Quare momen-

FIG. 47.

tum resistentiæ in sectione EHF erit ad momentum portionis ex solido abscissæ EHFC, ut cubus ex EG ad factum ex EG quadrato in CG quadratum; hoc est, ut EG ad CG quadratum; adeoque, ob parabolæ naturam, in datâ ratione.

Tale etiam est solidum ejusdem ubique altitudinis, quod habet pro basi suâ horizontali spatium logarithmicum infinitum (sive potius infinitè longum) ADEC. Nam si hujusmodi solidum secetur verticaliter secundum aliquam logarithmicæ ordinatam BF; ob eandem ejus altitudinem, erit momentum resistentiæ in sectione illâ, ut ordinata ipsa BF, & momentum portionis abscissæ, ut spatium infinitum BFEC, multiplicatum per distantiam sui centri gravitatis ab ordinatâ BF. Jam verò observatum est à Christiano Hugenio, distantiam istam æqualem esse subtangenti OF, quæ est constantis longitudinis. Itaque momentum resistentiæ in factâ sectione erit ad momentum portionis ex solido abscissæ, ut ordinata BF ad spatium infinitum BFEC; adeoque in ratione datâ, quum eidem curvæ logarithmicæ hoc etiam accadat, ut spatium quodvis infinitum BFEC, veluti duplum trianguli BOF, sit semper ut ordinata correspondens BF.

Atque hæc de solidis, quæ ita quidem hori-

horizontaliter suspenduntur, ut una extremitas alicubi sit affixa, altera libere pendeat. Ponamus modò solidum ABCD, quod Fig. 48. semper homogeneous intelligi debet, utrâque sui extremitate inniti duobus fulcimentis A, & D; jamque si centrum suæ gravitatis sit in plano sectionis verticalis EFG, concipi poterit tota solidi resistentia veluti collecta, & coacervata in ipsâ sectione EFG: proindeque definietur per eandem sectionem EFG ductam in solidi longitudinem AD. Unde si M sit sectionis centrum gravitatis, existens in lineâ verticali FN, momentum ejusdem resistentiæ habebitur, multiplicando sectionem EFG primò per longitudinem solidi AD, & deinde per rectam MN.

Et quoniam in eâdem sectione EFG colligitur etiam, & coacervatur tota solidi gravitas; manebunt omnia in eodem statu, si solidum concipiatur expers omnis gravitatis, & ex puncto F suspendatur pondus P tantundem gravitans, quantum solidum ipsum. Jam verò pōdus P impetum facit adversus resistentiam, non modò vi suâ absolutâ, verùm etiam tam propter distantiam ejus à fulcimento A, quàm propter distantiam à fulcimento D. Quare momentum solidi ABCD innixi utrâque sui extremitate fulcimentis A, & D habebitur, multi-

plicando pondus ejus absolutum  $P$  primò per distantiam unam  $AF$ , & deinde per distantiam alteram  $DF$ .

Jam sectio  $EFG$  in designando momento resistantiæ idem præstat, ac maximum pondus, quod solidum verticaliter suspensum sectione illâ potest sustinere. Quocirca si supponamus,  $P$  esse maximum pondus, quod sustinere potest, dum innititur fulcimentis  $A$ , &  $D$ ; erit primum pondus ad secundum, ut rectangulum  $AFD$  ad rectangulum ex  $AD$  in  $MN$ . Ex quo facillè colligi potest, quod si solidum  $ABCD$  habeat figuram prismatis, ita ut secta sit bifariam tam altitudo  $FN$  in puncto  $M$ , quàm longitudo  $AD$  in puncto  $F$ , maximum pondus, quod sustinere posset prisma suspensum verticaliter, sit ad maximum pondus, quod sustinet innixum fulcimentis  $A$ , &  $D$ , ut est longitudo prismatis dimidiata ad ejus altitudinem.

Quum solidum  $ABCD$  innititur duobus fulcimentis  $A$ , &  $D$ , consideraturque velut expertus omnis gravitatis; erit illud æqualis ubique resistantiæ, si factâ ubicumque sectione verticali  $EFG$  reperiatur, quod momentum resistantiæ in hac sectione datam servet rationem cum momento alicujus ponderis  $P$ , pendentis ex infimo sectionis puncto  $F$ . Hinc, quia in omni sectione verticali



ticali EFG, cujus centrum gravitatis est punctum M, momentum resistentiæ est, ut sectio ipsa multiplicata per rectam MN, & in quolibet puncto F momentum dati ponderis P est, ut rectangulum AFD; erit solidum ABCD æqualis ubique resistentiæ, si quælibet sectio verticalis EFG multiplicata per rectam MN datam servet rationem cum rectangulo correspondente AFD.

Tale autem est solidum semicirculare, FIG. 49. vel etiam semiellipticum ejusdem ubique crassitie ABHCDE. Nam si aliquo in loco fiat sectio verticalis EFGH erit sectio ista parallelogrammum datæ basis: proindeque eadem sectio multiplicata per rectam MN, hoc est per distantiam centri suæ gravitatis à rectâ EH, erit ut EF quadratum. Sed ob circuli, vel ellipsis proprietatem EF quadratum est, ut rectangulum AFD. Quare ex æquali sectio EFGH, multiplicata per rectam MN, datam habebit rationem cum rectangulo AFD; & propterea ex ostensis ipsum solidum ABHCDE erit æqualis ubique resistentiæ.

Tale etiam est solidum ANDF, quod gi- FIG. 50. gnit revoluta circa rectam AD ellipsis altera AND talis naturæ, ut cubus cujusque ordinatæ MN sit, ut rectangulum AMD ex correspondentibus ipsius AB portionibus contentum. Nam si aliquo in loco fiat se-

ctio verticalis EFGN, erit sectio ista, velut circularis, ut quadratum ordinatæ MN; adedq; eadem sectio EFGN multiplicata per MN erit, ut cubus ipsius MN. Sed ex hypothese cubus ordinatæ MN est, ut rectangulum AMD. Igitur ex æquali data erit ratio, quam sectio EFGN multiplicata per MN habet ad rectangulum AMD: proindeque ipsum solidum ANDF erit ubique æqualis resistentiæ. ●

FIG. 51.

Aliud solidum æqualis etiam ubique resistentiæ suppetit nobis præclara illa proprietas parabolæ Apollonianæ à Pappo primum indicata: nimirum, quod si ABD sit parabola ista, cujus axis recta BC, & basis recta AD, quælibet ad basim demissa perpendicularis EF proportionē respondeat rectangulo AFD, utpote quæ multiplicata per parametrum axis, rectangulum constituat æquale ipsi AFD. Hinc enim patet, solidum æqualis altitudinis constitutum super ABDA esse ubiq; æquè resistens, quum innititur punctis A, & D, velut fulcimentis; quandoquidem factâ in aliquo loco sectione verticali EFGH, erit sectio ista parallelogrammum datæ altitudinis; atq; aded eadem sectio multiplicata per MN, distantiam sui centri gravitatis à rectâ GH, erit semper, ut basis EF, & consequenter ut rectangulum AFD. Idemq; erit, si descriptâ ex alterâ parte para-

para-

parabolâ aliâ  $ABD$ , quæ sit similis, & æqualis ipsi  $ABD$ , constituatur super totâ figurâ planâ  $ABD\delta$  solidum æqualis altitudinis, quod cylindrum parabolicum faciliè vocabis.

In totâ hac doctrinâ de resistantiâ solidorum, horizontaliter suspensorum, illud tacitè cum Galilæo supposuimus, quod eadem illa vis resistantiæ, quæ ponderi reluctatur, quum solidum suspenditur verticaliter, agat etiam in pondus, licet brachio alicujus vectis applicata, in suspensione horizontali. Sed considerarunt Clarissimi Viri Leibnitius, & Mariottus fieri posse, ut id nequaquam sit verum; quia etsi in utrâque suspensione idem semper sit nexus partium, fieri tamen potest, ut fibræ sectionis, in qua vim resistantiæ consideramus, non ita æqualiter tendantur in suspensione solidi horizontali, quàm, quum idem solidum suspenditur verticaliter: quod utique si verum esset, vis resistantiæ, quæ agit in pondus, non erit eadem in utrâque suspensione.

Fibras namque solidi suspensi extensibiles esse, & capaces tensionis; id utique naturalis suadet ratio, quotidiana confirmat experientia. Huic autem consequens est, easdem fibras eò magis resistere, quò majorem tensionem patiuntur; nec ubi resistunt, omnem suam vim adhibere, nisi, quum ad  
ulti-

ultimum tensionis gradum pervenerint. Jam, quotiescumque solidum suspenditur horizontaliter, ratione hypomochlii, quod locum habet in hac suspensione, vires fibras tendentes eò majores sunt, quò magis fibræ ipsæ recedunt ab hypomochlio. Unde in hypothesi, quod tensiones proportionales sint viribus tendentibus, erunt tensiones ipsarum fibrarum inter se in eâdem distantiarum ratione; atque adèd in hac eâdem ratione erunt etiam vires, quibus singulæ illæ fibræ resistunt.

Perspicuum est autem in hoc systemate, non modò vim resistentiæ designari non posse per sectionem, in qua vim illam consideramus, sed neque etiam centrum resistentiæ idem esse cum centro gravitatis ipsius sectionis. Quocirca, ut utrumque determinemus, sit CAC sectio solidi, cujus basis

FIG. 52.

CC sit hypomochlium, & axis AB radius, qui in solidi fractione motum regit circula-rem. Designet idem axis AB tensionem, ad quam perveniunt fibræ omnes exeuntes ex base CC, & describatur figura alia DBD talis naturæ, ut ductâ ex quolibet axis puncto M ordinatâ MON sit semper, ut MN ad MO, ita AB ad BM. Dico vim resistentiæ, quæ exercetur in sectione CAC in hypothesi tensionum æqualium, esse ad vim resistētiæ, quæ in eâdem exercetur sectione, quum tensio-

nes

nes fibrarum proportionem correspondent earundem distantiarum ab hypomochlio CC, ut est sectio ipsa CAC ad novam figuram DBD.

Resistunt namque fibræ sectionis CAC proportionem tensionis. Itaque in hypothese, quod tensiones fibrarum proportionales sint distantiarum ipsarum ab hypomochlio CC, vis resistentiæ fibrarum, exeuntium ex ordinatâ aliquâ NN, habebitur multiplicando ordinatam illam per BM, siue etiam OO per AB: ex quo facile erit inferre, vim resistentiæ totius sectionis in eadem hypothese haberi, multiplicando figuram totam DBD per AB. Jam verò, quum singulæ fibræ tantam patiuntur tensionem, quantam subeunt fibræ exeuntes ex base CC, habetur vis resistentiæ totius sectionis, multiplicando sectionem ipsam per AB. Itaque vis resistentiæ, quæ exercetur in sectione CAC in hypothese tensionum æqualium, erit ad vim resistentiæ, quæ exercetur in eadem sectione in hypothese, quod tensiones proportionales sint distantiarum ab hypomochlio, ut est sectio CAC ad figuram DBD.

Hinc si vis resistentiæ, quæ exercetur in sectione CAC in hypothese tensionum æqualium, designetur per sectionem ipsam CAC; designabit figura DBD vim resistentiæ ejusdem sectionis, quum tensiones fibrarum proportionem correspondent distantiarum suis

fuis ab hypomochlio CC. Et quoniam ordinatæ figuræ DBD habent inter se eandem rationem, ac vires, quibus resistunt fibræ exeuntes ex ordinatis correspondentibus sectionis CAC; erit punctum, in quo omnes istæ vires colliguntur, & coacervantur, idem omninò cum centro gravitatis figuræ DBD: proindeque quemadmodum, quum tensiones sunt æquales, momentum resistentiæ, quæ exercetur in sectione CAC, designatur per productum ex sectione ipsâ in distantiam centri suæ gravitatis ab hypomochlio CC; ita, quum tensiones proportionales sunt distantis ab hypomochlio isto, momentum ejusdem resistentiæ definietur per productum ex figurâ DBD in distantiam sui centri gravitatis ab eodem hypomochlio.

FIG. 52. Ex eo autem, quod figura DBD sit talis naturæ, ut ductâ ex quolibet axis puncto M ordinatâ MON, sit semper, ut MN ad MO, ita AB ad BM, duo colligi possunt, si eorum recordemur, quæ superius ostensa sunt de methodo determinandi centrum gravitatis in figuris regularibus, & de centro percussionis. Primum, quod si sectionis CAC sit H centrum gravitatis, sectio CAC habeat ad figuram DBD eandem rationem, quam habet AB ad BH. Et alterum, quod si punctum K sit centrum gravitatis figuræ DBD,

, Idem sit etiam centrum percussionis sectione CAC, quotiescumque circa basin suam CC movetur circulariter. Unde hypothesi quod tensiones fibrarum proportionales sint distantis suis ab hypomocino CC, etiam non descriptâ figurâ DBD, iri poterit, tam vis resistentiæ, quæ setur in sectione CAC, quàm momentum ipsius.

am primò si centrum gravitatis sectionis CAC sit punctum H, definietur vis resistentiæ, multiplicando sectionem CAC per BK & dividendo productum per AB. Et secundò si ejusdem sectionis CAC, quum basin suam CC circulariter movetur, centrum percussionis, definietur momentum ejusdem resistentiæ, multiplicando BK quotientem, qui oritur ex illâ sectione. Unde si solidum, ad quod referretur sectio CAC, habeat figuram prismatis, quando momentum ponderis per faciem ex pondere ipso in longitudinem prismatis, habebitur momentum resistentiæ, multiplicando per BK ipsam sectionem BK: ex quo haud difficile erit inferre, minimum pondus, quod sustineret prisma in suspensione verticali, esse ad maximum pondus, quod sustinet in suspensione horizontali, ut est longitudo prismatis ad BK. hinc siquidem basis prismatis, sive sectio CAC

CAC sit parallelogrammum, erit ejus centrum percussionis K idem omnino cum centro percussionis axis AB: proindeque ex superius ostensis continebit BK duas tertias partes ipsius AB; atque adeò maximum pondus, quod sustineret prisma suspensum verticaliter, erit ad maximum pondus, quod sustinet in suspensione horizontali, ut est longitudo prismatis dimidiata ad tertiam partem suæ altitudinis. Unde si porro supponamus longitudinem prismatis duplicem esse suæ altitudinis; maximum pondus, quod sustinet in suspensione horizontali, non dimidia, ut in hypothese tensionum æqualium, sed tertia pars erit ejus, quod sustineret in suspensione verticali.

Itaque in hypothese, quod tensiones fibrarum sectionis CAC proportionales sint distantis ipsarum ab hypomochlio CC, ad definiendum momentum resistentiæ, multiplicare oportet sectionem CAC, non modò per rectam BH, quæ est distantia centri suæ gravitatis ab hypomochlio illo, verùm etiam per rationem, quam distantia centri percussionis ab eodem hypomochlio BK habet ad altitudinem sectionis AB. Unde facillè colligi potest, eadem illa solida, quæ ostensa sunt æqualis resistentiæ in hypothese tensionum æqualium, esse etiam æquè resistentia in hac aliâ hypothese; quandoquidem in omnibus  
iis



s solidis data est ratio, quam habet BK ad AB.

In eâdem doctrinâ de resistantiâ solidorum horizontaliter suspenforum alia se se obtinet contemplatio Acutissimo Viro Jacobo Bernoullio: nimirum fieri posse, ut non omnes fibræ sectionis, in qua vim resistantiæ consideramus, tendantur, sed superiores eadem tensionem, inferiores verò pressionem patiantur. Sanè dubitari non potest, quin hæc hypothesis sit longè verisimilior præcedentium; sed de cætero idem inde colligitur, ac ex hypothesi, quod omnes fibræ tendantur. Nam, ut ipsemet Bernoullius observavit in Schediasmate, quod servit monumentis Regiæ Scientiarum Academiæ Parisiensis anni 1705., eadem vis, quæ flectit, ex gratiâ, rectangulum ABCD

AB in GF, tendendo fibras superiores quantitate trianguli BSF, & comprimendo inferiores quantitate trianguli ASG, poterit per puncto A tamquam hypomochlio tenere fibras omnes quantitate trianguli BAF. In hanc considerationem descendit Virarissimus, facem præeunte Nobilissimo Christiano Hugenio, qui ei illud opposuit, in curvaturam laminæ elasticæ erudito vi impertivit, ut constet ex Actis Lipsienus anni 1695. Supposuit namque Bernoullius, quod ubi superficies laminæ exte-

FIG. 53.

terior extenditur, interior maneat eadem, & immutata, ita ut unumquodque punctum ejus sumi possit pro hypomochlio vestis, quo mediante agunt in se mutuo vis tendens, & pondus laminam inflectens. Sed objecit Hugenius, verisimile esse, non tantum superficiem externam extendi, verum etiam contrahi internam: cui ultrò adhæsit Bernoullius, quia quicquid extensionis, id etiam compressionis capax esse debet.

Hinc itaque suborta Bernoullio elegans illa consideratio, quod in solidis horizontaliter suspensis, superiores quidem fibræ extendantur, inferiores verò comprimantur, & contrahantur. Sed hoc ipsum eum manuduxit ad contemplationem novi cujusdam centri, de quo nemo adhuc cogitaverat. Nam, quum fibræ superiores extensionem, compressionem inferiores patiantur; aderit procul dubio inter eas fibra aliqua, quæ nec tensionem subibit, nec pressionem. Quocirca punctum sectionis, ex quo egreditur fibra ista, centrum tensionis Vir acutissimus vocitavit; veluti est punctum S in in rectangulo ABCD, quotiescumque ex AB

FIG. 53. flectitur in GF.

Patet autem, punctum istud S facili negotio determinari inventâ ratione, quam habet BS ad AS, sive BF ad AG aut etiam triangulum BAF ad triangulum BAG. Sed  
ad

ad hanc rationem inveniendam, considerare prius oportet, quod sicuti vis, quæ tendit fibras superiores quantitate trianguli BSF, potest super puncto A, velut hypomochlio, tendere fibras omnes quantitate trianguli BAF; ita vis, quæ comprimit fibras inferiores quantitate trianguli ASG, possit super puncto B, tamquam hypomochlio, comprimere fibras omnes quantitate trianguli BAG. Hinc enim sequitur, quod eadem vis, quæ tendit super puncto A fibras omnes quantitate trianguli BAF, potis sit etiam comprimere easdem fibras super puncto B quantitate trianguli BAG: proindeque in hypothesi, quod fibræ tantundem comprimantur per aliquam vim, quantum per eandem extenduntur, fiet semper triangulum BAF ad triangulum BAG in ratione æqualitatis.

Atque hinc retinentes eandem hypothese[m], cognoscemus, curvaturam laminæ elasticæ eandem semper prodire, siue superficies us interior, & concava contrahatur, siue non. Nam in hypothesi, quod interna laminæ superficies contractionem patiatur, non aliud novi inducitur, quàm quod hypomochlium vectis, quo mediante agunt se mutuo vis tendens, & pondus laminæ inflectens, non jam in superficie illâ, sed in ipsâ laminæ crassitie debeat considerari.

P

rari.

rari . Quocirca semper, ac centrum tensionis in medio rectæ lineæ, laminæ crassitiem designantis , reperitur ; erit locus omnium istorum hypomochliorum linea , quæ bisecat laminæ crassitiem ; adeoque illam eandem curvaturam , quam habet linea ista , habebunt quoque ambæ laminæ superficies, quæ ei sunt parallelæ.

Vires tendentes proportionales esse ipsis tensionibus , suadet non parum axioma illud metaphysicum, quod causæ effectibus , quos producunt proportionem semper corresponsdeant . Sed laudatus Jacobus Bernoullius arbitratur, hanc legem tensionum nequaquam posse à naturâ observari , eâ nempe ratione , quia tensiones non ita augeri possunt in infinitum , quemadmodum ipsæ vires tendentes : unde hoc etiam in resistantiâ solidorum horizontaliter suspensorum mutandum esse judicavit . Verum etsi persuasum habeam, nullam constantem tensionum legem in naturâ observari , sed eam pro diversâ corporum texturâ diversam existere ; nihil tamen obstat , quominus assumamus, vires tendentes tensionibus proportionem correspondere; nam quod tensio debeat esse infinita, quum ipsa vis tendens infinita pariter ponitur, id equidem cum infinitâ divisibilitate materiæ nequaquam pugnat.

## C A P. VIII.

*De legibus motuum, quæ in mutuâ corporum collisione observantur.*

**P**ostremum, quod in artificiosâ corporum latione considerandum nobis occurrit, sunt leges motuum, quæ in mutuâ eorum collisione debent observari. Legum istarum basis, & fundamentum sunt hæc duo theorematâ. Primum, quod quantitas motus, quæ producitur, capiendâ summam motuum factorum ad eandem partem, & differentiam factorum ad contrarias, non mutetur ab actione corporum inter se. Alterum, quod eadem quantitas motus, quæ ratione illâ producitur, æqualis sit ei, cui oriretur, si utrumque corpus moveretur velocitate communis centri gravitatis.

Horum theorematum rationem reddere, non arduum erit. Nam quantum ad primum, quia actio, & reactio sunt semper æquales, & contrariæ; necesse est, ut illæ æquales item mutationes efficiant in motibus versûs contrarias partes. Itaque, si motus fiant ad eandem partem, quicquid addatur motui corporis fugientis, subducetur ex motu corporis insequentis sic, ut summa maneat eadem, quæ prius. Si verò cor-

pora sibi mutuo obviam eant, æqualis erit subductio de motu utriusque; adedque differentia motuum factorum ad contrarias partes adhuc manebit eadem.

**Fig. 54.** Quantum ad secundum, sint  $A$ , &  $B$  corpora duo, quorum commune centrum gravitatis sit  $C$ . Moveantur primum ad eandem partem, & pergant eodem tempore ad puncta  $a$ , &  $b$ , in qua positione sit  $c$  commune centrum gravitatis eorundem. Et quoniam longitudines  $Aa$ ,  $Bb$ ,  $Cc$  eodem tempore describuntur à punctis  $A, B, C$ ; designabunt longitudines illæ velocitates eorum punctorum. Unde patebit, summam motuum utriusque corporis æqualem esse ei, qui oriretur, si utrumque moveretur velocitate communis centri gravitatis; siquidem ostendi possit pondera corporum  $A$ , &  $B$  ducta in ipsas  $Aa$ ,  $Bb$  tantundem efficere, quantum si utrumque simul duceretur in  $Cc$ .

Id autem ostendemus in hunc modum. Concipiatur super rectâ  $AB$  normaliter insistere planum aliquod  $DE$ . Itaque per ea, quæ superius ostensa sunt de communi centro gravitatis quocumque ponderum, erunt tam facta ex ponderibus corporum  $A$ , &  $B$  in distantias  $AD$ ,  $BD$  æqualia ei, quod fit multiplicando utrumque pondus per  $CD$ , quàm facta ex iisdem ponderibus in distantias

s  $aD$ ,  $bD$  æqualia ei, quod oritur, multiplicando utrumque pondus per  $CD$ . Unde adducendo terminos secundæ æqualitatis sine ex terminis primæ, supererunt facta ponderibus corporum  $A$ , &  $B$  in ipsas,  $Bb$  æqualia ei, quod fit, multiplicando utrumque pondus per  $Cc$ .

Sed eadem corpora  $A$ , &  $B$ , quorum Fig. 55. commune centrum gravitatis est  $C$ , moventur secundò ad partes contrarias, & egressant eodem tempore ad puncta  $a$ , &  $b$ , qua positione sit  $c$  ipsorum commune vitatis centrum. Itaque longitudines  $Aa$ ,  $Bb$ , &  $Cc$ , velut descriptæ eodem tempore à rectis  $A$ ,  $B$ ,  $C$ , designabunt adhuc velocities eorum punctorum. Quare patebit, differentiam motuum utriusque corporis æqualem esse ei, qui oriretur, si utrumque moveretur velocitate communis centri vitatis, siquidem ostendi possit, pondera corporum  $A$ , &  $B$  ducta in ipsas  $Aa$ ,  $Bb$  æqualia facta producere, ut differentia eorum productorum æqualis sit ei, quod fit, multiplicando utrumque pondus per  $Cc$ .

Id verò ostendetur hac ratione. Concipiatur super rectâ  $AB$  ad rectos angulos inere planum aliquod  $DE$ . Igitur ex iis, & superius ostensa sunt de communi centro gravitatis quocumque corporum, erunt æqualia facta ex ponderibus corporum  $A$ , &  $B$

in distantias  $AD$ ,  $LD$  æqualia ei, quod fit, multiplicando utrumque pondus per  $CD$ , quàm facta ex iisdem ponderibus in distantias  $aD$ ,  $bD$  æqualia ei, quod oritur multiplicando utrumque pondus per  $cD$ . Quare subducendo terminos secundæ æqualitatis ordine ex terminis primæ, remanebit differentia factorum ex ponderibus corporum  $A$ , &  $B$  in ipsas  $Aa$ ,  $Bb$  æqualis ei, quod fit, multiplicando utrumque pondus per  $Cc$ .

Sed videamus modò, qua ratione horum theorematum beneficio determinari possint leges motus in mutuo corporum congressu. Hunc in finem distinguenda sunt prius duo corporum congregientium genera; unum nempe eorum, quæ vim habent elasticam, per quam compressa resiliunt; alterum illorum, quæ tali vi sunt penitus destituta, qualia fortè in rerum naturâ sunt nulla. Prioris generis corpora dici possunt elastica, sive actiosa; ea verò, quæ sunt alterius generis, inertia sive otiosa appellabimus. Nec equidem confundenda sunt inter se duo ista corporum genera; quandoquidem aliæ sunt leges motus in congressu corporum inertium, aliæ in collisione corporum elasticorum.

Itaque quantum ad corpora inertia, si supponamus ea ab omnibus aliis ita esse divisa,



sa, ac sejuncta, ut eorum motus à corporibus adjacentibus nec juventur, nec impellantur, eadem post occursum unà cum communi gravitatis centro junctim moveantur. Neque enim corpus fugiens tardius moveri potest, quàm corpus insequens; via sic impedimento esset motui corporis insequentis, atque aded de velocitate istius liquid semper exciperet, usque donec æquè velocia redderentur. Neque etiam moveri potest celerius, quia id, quod temperat, & gubernat motum ejus, est corpus insequens.

Ex eo autem, quod corpora inertia post occursum unà cum communi gravitatis centro junctim moveantur, perspicuum est corpora illa post impactum eadem planè velocitate moveri, qua commune fertur ipsorum gravitatis centrum. Jam velocitas communis centri gravitatis duorum corporum à mutuâ earum actione non mutatur. Nam ex primo theoremate quantitas motus, quæ producitur, capiendo summam motuum factorum ad eandem partem, & differentiam factorum ad contrarias, eadem manet post occursum, quæ erat & ante. Sed huic motus quantitati æqualis est illa, quæ oriretur, si utrumque corpus velocitate communis centri gravitatis moveretur. Itaque hæc alia motus quantitas eadem quoque

semper perseverat : quod profectò fieri non potest , nisi velocitas communis centri gravitatis post actionem corporum maneat eadem , & invariata.

Quum igitur commune centrum gravitatis duorum corporum eandem retineat velocitatem tam ante , quàm post occursum , movebuntur corpora inertia post impactum eadem velocitate , qua commune centrum gravitatis ipsorum ante ferebatur . Unde , quia per theorema secundum velocitas ista tanta est , ut si eâ utrumque corpus moveretur , eadem oriretur motus quantitas , quæ producitur , capiendò summam motuum factorum ad eandem partem , & differentiam factorum ad contrarias ; invenietur velocitas , qua corpora inertia junctim moventur post occursum , si summa motuum factorum ad partem eandem , vel differentia factorum ad partes contrarias per pondus utriusque corporis dividatur.

Ponamus itaque , corpus A duplum habere pondus respectu corporis B , & quod ea ad eandem partem subinde moveantur , ut corpus insequens A septem habeat velocitatis gradus interea , ac fugiens B uno tantum gradu movetur . Et quoniam corporis A quatuordecim sunt gradus motus , dum alterum B uno tantum motus gradu agitur , erit summa motuum ad eandem partem

gra-

aduum quindecim . Unde, quia numerus ternarius designat pondus utriusque corporis simul, dividendo 15 per 3, designabitur quotiens 5 velocitatem utriusque corporis post occursum : & propterea, quum utrumque corpus quinque gradibus velocitatis fectatur post occursum ; erunt corporis A decem gradus motus, & corporis B quinque similiter post impactum.

Habeat corpus A duplum pondus respectu corporis B, sed ponamus B quiescere interea, ac alterum A sex gradibus velocitatis movetur versus ipsum . Et quoniam dum B quiescit, alterum A duodecim habet gradus motus ; erit summa motuum utriusque corporis similiter graduum duodecim . Unde, quia pondus utriusque corporis simul hic etiam per numerum ternarium designatur ; dividendo 12 per 3 exhibebit quotiens 4 velocitatem utriusque corporis post occursum : proindeque, quia utrumque corpus post occursum fertur quatuor gradibus velocitatis ; erunt corporis A octo gradus motus, & corporis B quatuor post mutuam ipsorum collisionem.

Ponamus denique eadem corpora A, & B sibi mutuo obviam ire, sed ita tamen, ut corpus A septem habeat gradus velocitatis interea, ac alterum B duplici tantum gradu movetur . Et quoniam motus corporis  
A est

A est graduum quatuordecim, dum alterum B duos dumtaxat habet gradus motus; erit differentia motuum factorum ad contrarias partes graduum duodecim. Sed pondus utriusque corporis simul designatur per numerum ternarium. Itaque dividendo 12 per 3, dabit quotiens 4 velocitatem utriusque corporis post impactum: & propterea, quum ambo corpora A, & B quatuor gradibus velocitatis ferantur post occursum; erunt corporis A octo, & corporis B quatuor gradus motus post mutuam eorum collisionem.

Atque hæc quidem pro corporibus inertibus, sibi mutuo occurrentibus; videamus modò, qua ratione definiendæ sint leges motuum in occursum eorum corporum, quæ dicuntur elastica, sive actiosa. Et quoniã huiusmodi corpora illa sunt, quæ vim habent elasticam, qua agente compressa resiliunt; id primò videndum est, quid corporibus addat hæc vis elastica, & quem pariat effectum in ipso corporum congressu.

Nimirum quemadmodum corpora inertia post occursum debent eadem velocitate junctim moveri unà cum communi centro gravitatis ipsorum, quia nulla datur causa, per quam à se mutuo debeant separari; ita præcipuus elasticitatis effectus est, ut corpora congrediventia à se mutuo æqualiter, hoc est æqualibus viribus resiliant, & di-

ver-

erfis velocitatibus aliquando ad eandem, aliquando ad partes contrarias moveantur.

Sit enim corpus aliquod elasticum quiescens, & immobile, cujus superficies vi alterius corporis occurrentis introrsum comprimatur. Et quoniam statim, ac cessat vis comprimens, sive motus corporis occurrentis, alterum vi suâ insitâ elateris in pristinam figuram se restituet, & cum eâ vi urgebit corpus primum; reflectetur hinc corpus occurrens, vel eâdem omninò velocitate, quam priùs habebat, vel etiam datâ parte illius velocitatis. Sed si utrumque corpus sit elasticum, eo casu vis elastica in utroque corpore æqualiter âget, & æquales motus mutationes ad contrariam partem producet; propter eam naturæ legem, quod actio, & reactio sint semper æquales, & contrariæ.

Exinde autem, quod corpora elastica post occursum ratione elateris æqualibus viribus à se mutuo resiliant, facile erit leges congressuum pro corporibus elasticis unâ similiter regulâ definire. Si enim supponamus corpora esse perfectè elastica, hoc est eâdem vi resilire à se invicem, qua comprimuntur; jam utriusque velocitas post reflexionem ratione elasticitatis eadem erit cum illâ, qua accesserunt ad se mutuo, hoc est cum summâ suarum velocitatum,

tum, si movebantur ad plagas contrarias, cum differentiâ verò, si motus fiebant ad eandem plagam. Unde, quum à se invicem debeant æqualibus viribus resilire, dividenda erit iplis hæc velocitas in reciproca suorum ponderum ratione: proindeque definientur leges congressuum pro corporibus perfecte elasticis, si præter illam velocitatem, qua junctim moverentur post occursum, si velut inertia considerentur, habeantur quoque ratio velocitatum, quibus ratione elasticitatis à se mutuo reflectuntur.

Verumtamen, ut generalis hæc regula melius intelligatur, non abs re erit, eam aliquibus exemplis illustrare. Itaque sint A, & B duo corpora perfecte elastica, & supponamus primò, corpus A ratione ponderis duplum esse corporis B, eademque ita quidem ad eandem partem moveri, ut corpus insequens A septem habeat velocitatis gradus interea, ac alterum B uno tantum gradu movetur: aded, ut si corpora illa inertia essent, utrumque post occursum versus eandem quoque partem quinque gradibus velocitatis moveri debeat. Et quoniam velocitas, qua accedunt ad se mutuo, utpote æqualis differentiæ suarum velocitatum, est graduum sex; divisâ quidem eâ iplis corporibus in reciproca suorum ponderum ratione, obtingent corpori A gradus duo,

o, & corpori B gradus quatuor velocitatis, iisque velocitatibus à se mutuo resilient. Unde jam, quia ipsa corpora A, & B propter regulam corporum inertium moventur quoque junctim versus eam partem, in quam resilit corpus B cum quinque gradibus velocitatis; habebit post occursum corpus B novem gradus velocitatis, & corpus A tantummodo tres, iisque velocitatibus adhuc versus eandem partem moventur.

Supponamus secundò, quod corpus A sit quidem duplum corporis B ratione ponderis, sed tamen, ut ipsum corpus B quiescat interea, ac alterum A sex gradibus velocitatis movetur: aded, ut si corpora illa inertia essent, utrumque post occursum versus eandem partem quatuor gradibus velocitatis moveri debeat. Et quoniam velocitas, qua corpora accedunt ad se mutuo, utpote illa eadem, qua corpus A impingit in aliud B, est graduum sex; divisâ quidem eâ ipsis corporibus in reciproca suorum ponderum ratione, habebit corpus A gradus duos, & corpus B gradus quatuor velocitatis, iisque velocitatibus à se mutuo resilient. Unde jam, quia ipsa corpora A, & B, propter regulam corporum inertium, moventur quoque junctim versus eam partem, in quam resilit corpus B, cum quatuor gradibus veloci-

locitatis ; erunt post occursum in corpore B octo gradus velocitatis , & in corpore A duodumtaxat , eaque cum istis velocitatibus versus eandem quoque partem movebuntur.

Supponamus denique, quod eadē corpora A , & B moveantur ad partes contrarias, hoc est sibi mutuo obviam eant , A quidem gradibus septem , & B duplici tantum gradu velocitatis : ita ut si ea corpora inertia essent , utrumque post occursum versus eandem partem quatuor gradibus velocitatis moveri debeat . Et quoniam velocitas , qua accedunt ad se mutuo , utpote æqualis summae suarum velocitatum , est graduum novem ; divisâ quidem eâ ipsis corporibus in reciproca suorum ponderum ratione , obtinent corpori A gradus tres , & corpori B sex gradus velocitatis , iisque velocitatibus à se mutuo resilient. Unde jam, quia ipsa corpora A , & B , propter regulam corporum inertium , moventur quoque junctim versus eam partem , in quam resilit corpus B, cum quatuor gradibus velocitatis ; habebit post occursum corpus B decem gradus , & corpus A unicum dumtaxat gradum velocitatis , iisque velocitatibus versus eandem quoque partem movebuntur.

Iam in occursum corporum elasticorum illud , quod vel præcedit, quum motus fiunt  
ad



eandem partem , vel minorem habet  
 tantitatem motus , quum fiunt ad plagas  
 contrarias , vel denique quiescit , versus eam  
 imper plagam movebitur post occursum , ad  
 eam fieret motus ejus , si utique ve-  
 rit iners consideretur ; sed non item cor-  
 pus alterum , quippe quod modò versus  
 plagam illam , modò versus partem con-  
 trariam moveri potest , quin etiam in-  
 erdum manere potest quiescens , & immo-  
 tum . Si enim velocitas , qua per vim ela-  
 sticam reflectitur , minor sit velocitate , qua  
 movetur ratione inertiae , ut evenit in om-  
 nibus allatis exemplis ; non mutabitur di-  
 rectionis ejus , sed perget adhuc moveri ver-  
 sus eandem plagam . Quod si verò fuerit  
 major , mutabitur ejus directio , & tendet  
 ad plagam contrariam . Ac denique si eidem  
 fuerit æqualis , tunc ad neutram partem  
 tendet , sed manebit quiescens , ac immo-  
 tum .

Quum corpora congregientia A , & B non  
 modò sunt perfectè elastica , verum etiam  
 pondera habent æqualia , leges suorum mo-  
 tuum sunt multò quidem simpliciores . Po-  
 namus etenim primò moveri illa versus  
 eandem partem , ita ut insequens A majore-  
 rem habeat velocitatem , quàm fugiens B .  
 Jamque si  $2a$  sit velocitas corporis insequen-  
 tis , &  $2b$  velocitas corporis fugientis ; erit

$2a \rightarrow 2b$  velocitas, qua corpora accedunt à se mutuò; adeòque ratione elasticitatis resilient à se invicem velocitate designatâ per  $a \rightarrow b$ . Unde, quum ratione inertiae moveri debeant junctim versus eam partem, in quam resilit corpus B, velocitate  $a \uparrow b$ ; erit post occursum  $a \uparrow b \uparrow a \rightarrow b$ , hoc est  $2a$  velocitas corporis B, &  $a \uparrow b \rightarrow a \uparrow b$ , hoc est  $2b$  velocitas corporis A, iisque velocitatibus versus eandem quoque partem movebuntur. Ex quo patet, quod, quum corpora perfectè elastica ejusdem sunt ponderis, & versus eandem partem moventur, post occursum tendant ad eandem plagam velocitatibus permutatis.

Ponamus secundò, eadem corpora A, & B sibi mutuò obviam ire, ita ut major quoque sit velocitas in corpore A, quàm in corpore B. Jamque posito adhuc, quod  $2a$  sit velocitas corporis A, &  $2b$  velocitas corporis B; erit  $2a \uparrow 2b$  velocitas, qua corpora accedunt ad se mutuò: proindeque ratione elasticitatis resilient à se invicem velocitate designatâ per  $a \uparrow b$ : sed ratione inertiae moveri debent junctim versus eam partem, in quam resilit corpus B, velocitate  $a \rightarrow b$ . Quare post occursum erit  $a \uparrow b \uparrow a \rightarrow b$ , hoc est  $2a$  velocitas corporis B, &  $a \uparrow b \rightarrow a \uparrow b$ , hoc est  $2b$  velocitas corporis A, iisque velocitatibus ad contrarias quoque partes move-

ve-

ebuntur. Ex quo liquet, quod, quum corpora perfectè elastica ejusdem sunt ponderis, & sibi mutuò obviam sunt, post occursum moveantur ad plagas contrarias, velocitatibus permutatis.

Ponamus denique, quod corpus B quiescat interea, ac alterum A movetur versus ipsum velocitate designatâ per  $2a$ . Et quoniam velocitas, qua corpora accedunt ad se mutuò, est  $2a$ ; resiliunt illa à se invicem actione elasticitatis velocitate designatâ per  $a$ . Jam verò ratione inertiae eadem corpora moveri debent junctim versus eam partem, in quam resilit corpus B, velocitate designatâ per eandem litteram  $a$ . Quare erit post occursum  $a + a$ , hoc est  $2a$  velocitas corporis B, &  $a - a$ , hoc est nulla velocitas corporis B. Ex quo colligi potest, quod quum corpora perfectè elastica ejusdem sunt ponderis, & unum quiescit interea, ac alterum versus ipsum urgetur; post occursum velocitatem corporis moti excipiat corpus quiescens, ipsumque corpus, quod antea movebatur, maneat immotum.

Quum corpora sunt inertia, summa motuum factorum ad eandem partem, & differentia factorum ad partes contrarias, ut antea vidimus, per occursum corporum non mutatur. Sed non perinde res est, quum corpora sunt elastica; quandoquidem, ratio-

Q

ne

ne elasticitatis, quantitas illa motus augeri, & minui potest. Interim etiam in corporibus elasticis aliquid constantis, & immutabilis ante, & post occursum reperitur; nam id, quod efficitur, ducendo singulorum pondera in quadrata suarum velocitatum, simul additum, tantum erit post occursum, quantum erat & ante.

**Fig. 54.** Sint enim duo quævis corpora elastica A, & B, quæ moveantur primum ad eandem partem, sitque A corpus insequens, & B corpus fugiens. Designent rectæ AB, AC pondera eorum corporum, & rectæ AD, AE velocitates eorundem, ita ut motus ipsorum ante occursum sint, ut rectangula BD, CE. Referat porro AF velocitatem, qua utrumque corpus post occursum ratione inertiae junctim moveri debet. Itaque motus corporum post occursum, quum considerantur tamquam inertia, representabuntur per rectangula BF, CF: proindeque per legem corporum inertium rectangula ista BF, CF simul sumpta ipsis BD, CE simul sumptis æqualia erunt.

Hinc, quum rectangulum DG æquale fiat rectangulo EH, erit ut DF ad FE, ita FH ad FG, sive AC ad AB. Quocirca, quia recta DE, quæ designat velocitatem, qua corpora accedunt ad se mutuo, subinde dividitur in puncto F, ut DF sit ad FE in reciproca ratione ipsa-

rum AB, AC, quæ pondera corporum designant; erunt DF, FE velocitates, quibus actione elasticitatis moveri debent corpora A, & B post occursum: proindeque corpus aperiens B movebitur post impactum velocitate designatâ per summam rectarum AF, FE; & corpus insequens A velocitate designatâ per differentiam rectarum AF, DF.

Ponatur jam  $AB = a, AC = b, AD = c, AE = d, \& AF = e$ . Erit igitur  $DF = c - e$ , &  $FE = e - d$ ; atque aded summa rectarum AF, FE erit  $2e - d$ , differentia verò rectarum AF, DF erit vel  $2e - c$ , vel  $c - 2e$ . Et quoniam rectæ AB, AC designant pondera corporum A, & B; & rectæ AD, AE designant velocitates eorundem ante occursum: id, quod efficitur ducendo singulorum pondera per quadrata suarum velocitatum ante occursum, erit  $acc + bdd$ . Est autem post occursum summa rectarum AF, FE velocitas corporis B, & differentia rectarum AF, DF velocitas corporis A. Itaque id, quod fit, multiplicando eadem corporum pondera per quadrata suarum velocitatum post occursum, erit  $4aee - 4ace + acc + 4bee - 4bde + bdd$ .

Ex quo patet, eò rem redire, ut ostendamus, subsistere æqualitatem istam  $acc + bdd = 4aee - 4ace + acc + 4bee - 4bde + bdd$ , sive etiam, deletis quantitatibus, quæ se

mutuò destruunt, hanc aliam  $4ace + 4bee$   
 $= 4ace + 4bde$ , quæ divisis terminis omni-  
 bus per  $4e$ , reducitur ad istam  $ae + be =$   
 $ac + bd$ : id quod perspicuum est, quum re-  
 ctangula BD, CE simul sumpta æqualia sint  
 rectangulis BF, CF simul etiam acceptis.

**FIG. 55.** Eadem corpora elastica A, & B sibi mutuò  
 obviam eant, sitque in corpore A major  
 quantitas motus. Designent quoque rectæ  
 AB, AC pondera corporum A, & B, & rectæ  
 AD, AE velocitates eorundem: ita, ut motus  
 ipsorum ante occursum designentur per re-  
 ctangula BD, CE. Referat porrò AF veloci-  
 tatem, qua utrumq; corpus post occursum mo-  
 veri debet junctim ratione inertia. Itaq; mo-  
 tus corporum post occursum, quum consi-  
 derantur tamquam inertia, representabun-  
 tur per rectangula BF, CF: proindeque per  
 legem corporum inertium rectangula ista  
 BF, CF simul sumpta æqualia erunt exces-  
 sui, quo rectangulum BD superat rectangu-  
 lum CE.

Hinc, quum rectangulum DG æquale fiat  
 rectangulo EH, erit ut DF ad FE, ita FH ad  
 FG, sive AC ad AB. Quocirca, quia recta DE,  
 quæ designat velocitatem, qua corpora ac-  
 cedunt ad se mutuò, subinde dividitur in  
 puncto F, ut DF sit ad FE in reciproca  
 ratione ipsarum AB, AC, quæ pondera  
 corporum designant; erunt DF, FE ve-  
 lo-

citates, quibus ratione elasticitatis moveri debent corpora A, & B post occursum: indeque corpus B movebitur post impactum velocitate designatâ per summam rectarum AF, FE; & corpus A velocitate designatâ per differentiam rectarum AF, DF.

Ponatur jam  $AB = a$ ,  $AC = b$ ,  $AD = c$ ,  $AE = d$ , &  $AF = e$ . Erit igitur  $DF = c - e$ , &  $FE = d + e$ ; atque aded summa rectarum AF, FE erit  $d + 2e$ , differentia vero rectarum AF, DF erit vel  $2e - c$ , vel  $c - 2e$ . Et quoniam rectæ AB, AC designant pondera corporum A, & B; & rectæ AD, AE designant velocitates eorundem ante occursum: id, quod efficitur, ducendo singulorum pondera per quadrata suarum velocitatum ante occursum, erit  $acc + bdd$ . Est autem post occursum summa rectarum AF, FE velocitas corporis B; & differentia rectarum AF, DF velocitas corporis A. Itaque id, quod fit, multiplicando eadem corporum pondera per quadrata suarum velocitatum post occursum, erit  $4ace - 4ace + acc + bdd + 4bde + 4bee$ .

Ex quo patet, eò rem redire, ut ostendamus, subsistere æqualitatem istam  $acc + bdd = 4ace - 4ace + acc + bdd + 4bde + 4bee$ , sive etiam deletis quantitatibus, quæ se mutuo destruunt, hanc aliam  $4ace + 4bde + 4bee = 4ace$ , quæ, divisis terminis

omnibus per 4<sup>e</sup>, reducitur ad istam  $ae + bd + be = ac$ : id, quod perspicuum est, quum rectangula BF, CF simul sumpta æqualia sint excessui, quo rectangulum BD superat rectangulum CE.

FIG. 56. Quod si unum ex corporibus quiescat, non dissimiliter res ostendetur. Designent etenim rectæ AB, AC velocitates corporum A, & B, & quiescat corpus B interea, ac alterum A movetur versus ipsum velocitate designatâ per rectam AD. Referat porrò AF velocitatem, qua corpora ratione inertie moventur junctim post occursum. Et quoniam rectangula duo BF, CF simul sumpta æqualia sunt rectangulo BD, dempto communi BF, supererit rectangulum CF æquale rectangulo DG: adedque, quum DF sit ad FA in reciproca ratione ipsarum AB, AC, & AD sit velocitas, qua corpora accedunt ad se mutuo; designabunt rectæ DF, FA velocitates, quibus corpora resiliunt à se invicem ratione elasticitatis.

Hinc post occursum movebitur corpus B velocitate designatâ per duplum rectæ AF, & corpus A velocitate designatâ per differentiam rectarum DF, FA. Unde positis  $AB = a$ ,  $AC = b$ ,  $AD = c$ , &  $AF = e$ , erit  $DF = c - e$ ; adedque, quia id, quod fit multiplicando pondera corporum per velocitates ipsorum ante occursum, est  $acc$ ; & id, quod fit



et multiplicando eadem corporum pondera  
 et velocitates eorundem post occursum, est  
 $cc = 4ace + 4aee + 4bee$ : res ed reducetur,  
 ut ostendamus, subsistere æqualitatem istam  
 $cc = acc = 4ace + 4aee + 4bee$ , sive etiam  
 hanc aliam  $ae + be = ac$ : id, quod perspi-  
 cuum est; quum rectangula duo BF, CF  
 simul sumpta æqualia sint rectangulo BD.

Ex ipsâ autem pulcherrimæ hujus pro-  
 prietatis demonstratione, patet leges mo-  
 tum in corporibus elasticis definiri pos-  
 se, etiam si non considerentur tamquam  
 inertia. Nam primò, quum corpora A, &  
 B moventur ad eandem partem, posito quod  
 AD designet velocitatem corporis insequen-  
 tis A, AE velocitatem corporis fugien-  
 tis B, & AF velocitatem, qua utrumque  
 corpus post occursum moveri debet junctim  
 ratione inertæ; designabunt ex ostensis DF,  
 FE velocitates, quibus resiliunt à se mu-  
 tuo propter elasticitatem. Quocirca corpus  
 fugiens B movebitur post occursum veloci-  
 tate suâ AE, auctâ duplo ejus, qua resilit  
 ratione elasticitatis; & corpus insequens A  
 velocitate suâ AD, diminutâ duplo ejus,  
 per quam resilit ratione elateris.

FIG. 54.

Secundò, quum corpora A, & B sibi mu-  
 tuo obviâ eunt, posito quod AD designet  
 velocitatem corporis A, majorem quantita-  
 tem motus habentis, AE velocitatem alte-  
 rius

FIG. 55.

rius corporis B, & AF velocitatem, quâ utrumque corpus post occursum moveri debet juncim ratione inertiae; erunt ex ostensis DF, FE velocitates, quibus resiliunt corpora à se mutud propter elasticitatem. Unde similiter corpus B, in quo minor erat quantitas motus ante occursum, movebitur post impactum velocitate suâ AE, auctâ duplo ejus, qua resilit ratione elateris; & corpus A velocitate suâ AD, diminutâ duplo ejus, per quam resilit ratione elasticitatis.

**Fig. 56.** Denique, quum corpus B quiescit interea, ac alterum A movetur versus ipsum, posito, quod AD designet velocitatem corporis mobilis A, & AF velocitatem, qua utrumque corpus ratione inertiae moveri debet juncim post occursum; erunt ex ostensis DF, FA velocitates, quibus corpora propter elasticitatem resiliunt à se mutud. Quare corpus quiescens B movebitur post occursum duplo ejus velocitatis, qua resilit ratione elasticitatis; & corpus mobile A perget moveri velocitate suâ AD, diminutâ duplo ejus, per quam resilit ratione elateris.

Itaque corpus illud, quod vel præcedit, quum motus fiunt ad eandem partem, vel minorem habet quantitatem motus, quum fiunt ad plagas contrarias, vel denique quiescit, movebitur post occursum veloci-  
tate

suâ, auctâ duplo ejus, qua resilit ratione elateris; vicissim verò corpus alterum get moveri velocitate suâ, diminutâ du-ejus, per quam resilit ratione elasticitatis. Unde corpus hoc alterum movebitur. sus eandem plagam cum corpore primo, actâ subductione, id quod remanet velotis sit positivum; sed si utique fuerit ativum, tunc movebitur ad plagam trariam; & si denique nihil ex subduone illâ superfit, eo casu quiescet, & ad tram partem movebitur.

Quum corpora sibi mutud obviâ eunt, uimus semper quantitatem motus major esse in uno, quàm in altero. Sed fieri que potest, ut eadem sit in utroque cor-e quantitas motus: nimirum si velocita-s moveantur, quæ sint in reciproca-rum ponderum ratione. Jam hoc casu, si pora sint inertia, necesse est, ut ambo escant post occursum; quia differentia tuum ante collisionem est nulla. Unde m si fuerint perfectè elastica, movebun-tantum velocitatibus, quibus resiliunt; mutud: proindeque lex occursum talis, ut reflectantur à se invicem iisdem ve-tatibus, quibus ad se mutud accesserunt. n occursum corporum illud etiam tacitè posuimus, ut corpora sint sphærica, & tæ sibi mutud occurrant. Sed si corpora  
vel

vel non sphaerica, vel diversis in rectis se  
 moventia occurrant sibi invicem oblique,  
 & requirantur eorum velocitates post occur-  
 sum; cognoscendus est situs plani, à quo  
 • corpora concurrentia tanguntur in pun-  
 cto concursus; deinde corporis utriusque  
 velocitas resolvenda est in duas alias, unam  
 huic plano perpendicularem, alteram eidem  
 parallelam. Nam retentis velocitatibus pa-  
 rallelis, quippe quibus nequaquam corpo-  
 ra agunt in se mutuo; satis erit mutationes  
 considerare, quæ ex velocitatibus perpen-  
 dicularibus, & directè oppositis subnascun-  
 tur.

**FIG. 57.** Atque hac ratione facile erit ostendere,  
 quod si corpus perfectè elasticum A incidat  
 in firmum obicem DE oblique secundum li-  
 nearum AB, ab illo ita reflectatur secundum  
 lineam BC, ut angulus reflexionis CBE æ-  
 qualis sit angulo incidentiæ ABD. Etenim  
 si compleatur rectangulum ADBF, & expo-  
 natur velocitas corporis incidentis per re-  
 ctam AB, resolvetur ea in duas alias latera-  
 les, quas designabunt rectæ AD, AF. Sed  
 corpus A per velocitatem AF nequaquam  
 impingit in obicem, quum hæc velocitas  
 urgeat corpus secundum lineam superficiem  
 obicis parallelam. Itaque omnis impactus  
 fiet per velocitatem AD, sive BF, quæ ur-  
 get corpus directè versum obicem. Jam verò,  
 quum

im corpus sit perfectè elasticum, idem  
 exitur post impactum eâdem omninò ve-  
 litate, qua in obicem impegit. Itaque si  
 : BE ipsi BD æqualis, movebitur cor-  
 s post reflexionem velocitatibus BE, BF.  
 are, completo rectangulo BECF, reflecte-  
 r per diagonalem BC, eritque aded angu-  
 s reflexionis CBE æqualis angulo inciden-  
 æ ABD.

Patet autem, hanc legem in reflexione  
 orporum observari, quotiescumque corpus,  
 quod impingit in firmum obicem, ponitur  
 perfectè elasticum, ita ut post impactum re-  
 iliat eâdem omninò velocitate, qua impegit  
 in obicem. Sed longe secus res erit, si utique  
 corpus perfectè elasticū non sit; quia eo casu  
 angulus reflexionis minor sit semper angulo  
 incidentiæ. Interim datâ ratione, quam  
 vis comprimens habet ad vim resilientem,  
 facile quoque erit lineam definire, per quam  
 reflectitur corpus post impactum. Designet  
 enim ut antea AD, sive BF vim compri-  
 mentem, hoc est velocitatem, qua corpus  
 impingit in obicem, dum in eum obliquè  
 incidit per rectam AB. Itaque si BG referat  
 vim resilientem, hoc est velocitatem, qua  
 resilit corpus ratione elateris; movebitur  
 corpus post reflexionem velocitatibus BE,  
 BG: proindeque, completo rectangulo  
 BEHG, reflectetur per diagonalem BH, erit-  
 que

que angulus reflexionis HBE minor angulo incidentiæ ABD .

Hinc etiam id , quod superius assumpsimus , corpora elastica resilire à se invicem eadem velocitate , qua accedunt ad se mutuo , locum sibi vindicat tantum , quum corpora congregientia perfecte elastica sunt ; nam si utique perfecto isto elatere non gaudeant , velocitas , qua resiliunt à se mutuo , minor semper erit velocitate , qua ad se invicem accedunt . Unde rursus , ad definiendas leges congressuum pro hujusmodi corporibus , nota esse debet ratio , quam in iis vis resiliens habet ad vim comprimentem . Ita , si vis resiliens fuerit ad vim , qua corpora comprimuntur , ut 2 ad 3 ; oportebit ratione elasticitatis dividere corporibus in reciproca suorum ponderum ratione , non quidem velocitatem totam , qua accedunt ad se mutuo , sed tantum duas tertias partes illius .

Nonnulli erunt , quibus allatae leges motuum vel idem minus placebunt , quia cum regulis à Cartesio traditis pugnare videntur . Sed advertant velim , regulas suas deduxisse Cartesium ex duobus principiis , quæ cum ratione , & experientia pugnant omnino . Primum est , quod corpora propter quietem vim habeant ad resistendum . Alterum , quod in corporibus congregientibus eadem semper

perseveret quantitas motus. Horum enim utrumque falsum esse, liquiddò patet. n. enim resistere possunt corpora propter inertem; quia vis in corpore mobili minuitur proportionaliter cum ipso motu, & corpora tunc demum quiescere dicuntur, quum suum motum amittunt. Neq; etiam semper perseverat in corporibus conedientibus quantitas motus; quandoquidem motus contrarii se mutuo destruunt, si per vim elasticam denuò nascantur.

Hinc falsum est etiam, quod contendunt artesiani, corpora resilire à se invicem non iâ de causâ, quàm quia ratione obstaculi mutatur in corporibus directio ejus motus, qui destrui non potest. Unica enim causa reflexionis est vis elasticitatis, & corpora hac vi restituta sistuntur, quotiescumque æqualibus motibus sibi mutuo obviam eunt. Atq; hoc quidem experiundo comprobari poterit, si duo pendula æqualia ex æqualibus altitudinibus ita sint dimissa, ut rectâ in se invicem incurrant. Si enim pendula illa sint ex plumbo, vel argillâ molli; jam motum suum omnem, vel ferè omnem amittent. Quod si autem ex materiâ aliquâ elastica sint; jam motus tantum dumtaxat retinebunt, quantum à vi illâ elasticâ denuò acceperint.

Cæterum leges corporum inertium superius

rius allatas tradidit primus omnium Johannes Wallisius in Actis Philosophicis Londinensibus, qui primus etiam veram causam reflexionis in aliis corporibus aperuit, eamque ab elasticitate docuit proficisci. Sed leges, quas corpora perfectè elastica observant, invenerunt seorsim, & eodem ferè tempore cum Societate Regiâ Anglicanâ communicarunt Christophorus Wrennus, & Christianus Hugenius. Possent autem circa postremas has leges plura alia observari; sed quoniam iis, qui sedulò considerare velint, quæ hactenus dicta sunt, sponte illa sese offerent, supervacaneum erit ulterius super hac re labores nostros extendere.

### SECTIO III.

#### *De Mota Gravium Naturali.*

**Q**uemadmodum gravia dicuntur ferri artificiosè, quotiescumque machinarum ope aliâ ratione moventur, quàm secundum directionem gravitatis; ita naturaliter moveri dicuntur, quum subinde quidem feruntur, ut in latione gravitatis sequantur directionem. Possunt autem corpora gravia naturaliter moveri, non modò in planis verticalibus, sive perpendiculariter ad



horizontem erectis, verum etiam in planis obliquis, & utcumque ad horizontem inclinatis. Unde de motu gravium naturali, primum quidem considerabimus eorum descensum per plana verticalia; tum inde casum eorundem per plana ad horizontem inclinata expendemus.

## C A P. I.

*De descensu gravium per plana verticalia, sive recta ad horizontem.*

**V**idimus superius, vim gravitatis non eandem esse in omnibus à telluris centro distantibus; sed decrescere in recessu à centro illo in duplicatâ distantiae ratione. Id autem nihil obstat, quominus in examinandis motibus gravium rectâ descendentium assumamus cum Galilæo, vim gravitatis eandem semper, & constanti ratione in corpora gravia operari; quandoquidem motus corporum gravium prope telluris superficiem à nobis considerantur, ubi major, minorve corporis gravis à telluris centro distantia nequaquam efficere potest, ut actio gravitatis eadem ubique non deprehendatur.

Ex eo autem, quod vis gravitatis agat in corpora gravia eandem, & cōstanti ratione, consequitur motum gravium rectâ descendentium

tium esse æquabiliter acceleratum . Nam diviso tempore , quo grave corpus descendit , in particulas æquales , & indefinitè parvas , propter continuam , & constantem gravitatis actionem , si primâ temporis particulâ unum excipiat impulsus à gravitate , habebit secundâ temporis particulâ impulsus alium priori æqualem ; adedque corporis velocitas post hos duos impulsus prioris dupla erit . Unde etiam , quia tertiâ temporis particulâ impulsus alter , cuique priorum æqualis , ei per gravitatem imprimitur , fiet ipsius velocitas tripla ejus , quàm primâ temporis particulâ habebat ; & sic de cæteris . Quocirca gravi rectâ cadenti æqualibus temporibus æqualia semper accedent velocitatis incrementa ; proindeque motus ejus erit æquabiliter acceleratus .

Id colligi quoque potest ex theoremate generali superius à Nobis ostêso , scilicet quod planum virium sit , ut velocitas , quam corpus habet in fine temporis , cui planum correspondet . Sit enim gravis rectâ descendens

**Fig. 58.** AQNB planum virium ; ita ut designatis temporibus per abscissas AP , AQ , referant ordinatæ correspondentes PM , QN vires , quæ agunt in grave corpus in fine eorum temporum . Et quoniam propter constantem gravitatis actionem vires , quæ agunt in corpus , sunt semper æquales , terminabitur pla-

planum virium  $AQNB$  rectâ  $BN$ , ipsi  $AQ$  parallelâ: proindeque areæ  $APMB$ ,  $AQNB$ , quæ referunt velocitates, quas corpus habet in fine temporum  $AP$ ,  $AQ$ , velut parallelogramma duo in iisdem parallelis constituta, erunt ut ipsa tempora  $AP$ ,  $AQ$ . Est igitur velocitas gravis, rectâ descendens, semper ut tempus, in quo acquiritur: quare æqualibus temporibus æqualia ei accedent velocitatis incrementa; atque adeo motus ejus erit uniformiter acceleratus.

Hinc si recta  $QR$  designet velocitatem, quam grave corpus rectâ descendens habet in fine temporis  $AQ$ , & per quodlibet aliud punctum  $P$  ducatur recta  $PO$ , ipsi  $QR$  parallela, quæ conveniat cum  $AR$  in puncto  $O$ ; designabit  $PO$  velocitatem, quam idem corpus habet in fine temporis  $AP$ , eritque adeo triangulum  $AQR$  platum suæ velocitatis. Nam, propter similitudinem triangulorum  $AQR$ ,  $APO$ ,  $QR$  est ad  $PO$ , ut  $AQ$  ad  $AP$ . Sed velocitates gravis rectâ descendens in fine temporum  $AQ$ ,  $AP$  sunt, ut ipsa tempora  $AQ$ ,  $AP$ . Quare ex æquali eadem velocitates erunt inter se, ut rectæ  $QR$ ,  $PO$ ; & propterea designante  $QR$  velocitatem, quam grave corpus habet in fine temporis  $AQ$ , designabit  $PO$  velocitatem, quam idem corpus habet in fine temporis  $AP$ .

R

Jam

Jam demonstravimus superius, spatium à corpore mobili utcumque descriptum plano suæ velocitatis proportionem correspondere. Erit igitur spatium descriptum in tempore AP ad spatium descriptum in tempore AQ, ut est triangulum APO ad triangulum AQR. Sunt autem hæc duo triangu-  
 gula similia inter se, adeoque rationem habent duplicatam laterum homologorum AP, AQ. Quare spatia, quæ grave describit temporibus AP, AQ, erunt inter se, ut ipsorum temporum quadrata: proindeque motus gravium rectâ descendentium tali lege fiet, ut spatia, quæ ab initio descensus describuntur, sint semper, ut quadrata temporum descriptionis.

Hoc idem ostendi quoque potest ope illius theorematis, quod scala virium sit, ut quadratum velocitatis, quam reperitur corpus habere, postquam peragravit spatium, ad quod scala refertur. Sit enim AQNB scala virium gravis rectâ descendentis, ita ut designatis spatiis per abscissas AP, AQ, referantur ordinatæ PM, QN vires, quæ agunt in corpus in fine temporum, quibus spatia illa percurruntur. Et quoniam, propter constantem gravitatis actionem, vires, quæ agunt in corpus, sunt semper æquales; terminabitur scala virium AQNB rectâ BN ipsi AQ parallela: proindeque area APMB  
 AQLB,

**AQNB.** quæ referunt quadrata velocitatum, quas corpus habet in fine temporum, quibus describuntur spatia  $AP$ ,  $AQ$ , velut parallelogramma duo in iisdem parallelis constituta, erunt ut ipsa spatia  $AP$ ,  $AQ$ . Sunt igitur spatia  $AP$ ,  $AQ$ , ut quadrata velocitatum, quas spatiis iis descriptis grave corpus acquirit; & consequenter eadem spatia erunt quoque, ut quadrata temporum descriptionis, quum velocitates sint semper temporibus proportionales.

Itaque spatia, quæ grave corpus rectâ descendens describit, computata ab initio descensus, sunt semper tam ut quadrata temporum descriptionis, quàm ut quadrata velocitatum, quas in fine eorum temporum corpus acquirit. Hinc siquidem  $AQTVC$  sit scala reciproca suæ velocitatis, hoc est figura, in qua designatis spatiis per abscissas  $AP$ ,  $AQ$ , referant ordinatæ correspondentes  $PS$ ,  $QT$  reciprocè velocitates, quas spatiis iis descriptis grave corpus acquirit; erit ut  $AP$  ad  $AQ$ , ita  $QT$  quadratum ad  $PS$  quadratum: proindeque solidum, quod fit ex  $AP$  in  $PS$  quadratum, æquale erit solidum, quod fit ex  $AQ$  in  $QT$  quadratum. Unde patet, lineam curvam  $TSV$ , quæ terminat scalam reciprocâ velocitatis, esse hyperbolam, uno gradu altiore hyperbolâ Apollonianâ, nimirum eandem illam, quàm

Recentiores hyperbolam cubicam vocant ;  
ejusque Asymptotos esse rectas AC, AQ.

Et quoniam ostensum est superius, scalam  
reciprocam velocitatis proportionalem esse  
tempori, quo describitur spatium, cui sca-  
la correspondet ; erunt tempora, quibus  
describuntur spatia AP, AQ, ut areae cor-  
respondentes APSVC, AQTVC. Unde,  
quia tempora illa sunt, ut velocitates in fi-  
ne eorum acquisitæ, hoc est, ut rectæ QT,  
PS, sive etiam ob naturam hyperbolæ TSV,  
ut rectangula APS, AQT ; erit ex æquali,  
ut area APSVC ad aream AQTVC, ita re-  
ctangulum APS ad rectangulum AQT, aded-  
que permutando, convertendo, & iterum  
permutando, erit area SVCH ad aream  
TVCK, ut rectangulum APS, sive AHS ad  
rectangulum AQT, sive AKT. Ex quo se-  
quitur, differentiam duarum hujusmodi  
arearum HSTK proportionem semper corre-  
spondere differentiæ rectangulorum AKT,  
AHS ; atque aded esse reciprocè, ut id, quod  
oritur, applicando rectangulum HAK ad  
KH ; quum rectangula AKT, AHS sint in re-  
ciprocâ ratione ipsarum AK, AH.

Ex eo porrò, quod spatia à gravi rectâ  
cadente descripta, computata ab initio ca-  
sus, sint in duplicatâ ratione temporum ;  
sequitur, quod si tempora sumantur, ut  
numeri naturales 1, 2, 3, 4, 5, 6, &c. spa-  
tia

a hisce temporibus descripta, computando ab initio motus, sint ut quadrata numerorum naturalium 1, 4, 9, 16, 25, 36 &c. unde liquet ulterius, quod si tempora sumantur æqualia, spatia, quæ grave corpus describit in singulis temporibus æqualibus, ut ut numeri impares 1, 3, 5, 7, 9, 11, &c.; quum notum sit, ex continuâ horum numerorum collectione oriri quadrata numerorum naturalium. Quare gravia inter descendendum subinde motum suum accelerabunt, ut spatia temporibus æqualibus scripta eam inter se rationem retineant, quam habent numeri impares ab unitate sequeutes.

Circa motum gravium rectâ descendendum illud etiam præteriri non debet, quod spatium, à gravi è quiete cadente dato tempore descriptum, dimidium sit ejus, quod tali velocitate æquabiliter eodem tempore describeretur. Ostensum est enim, quod si  $Q$  referat tempus; quo grave corpus è quiete cadens rectâ descendit, &  $QR$  referat locitatem in fine illius temporis acquisitam, spatium interea temporis descriptum ut triangulum  $AQR$ . Jam verò spatium eod tempore  $AQ$  describitur æquabiliter locitate  $QR$ , est ut rectangulum  $AQR$ . atque, quemadmodum triangulum  $AQR$  dimidium est rectanguli  $AQR$ , ita quoque

spatium, quod grave è quiete cadens describit tempore  $AQ$ , dimidium erit ejus, quod finali velocitate æquabiliter eodem tempore percurreret.

**FIG. 56.** Hæc omnia consequuntur ex hypothesi illâ, quod vis gravitatis agat in corpora gravia eadem semper, & constanti ratione. Non abludere autem à vero illiusmodi hypothesim, confirmant experimenta Galilæi, Ricciolii, & Hugonii, quippe quibus evincitur, spatia, quæ grave corpus rectâ descendens describit, ab initio descensus computata, esse inter se in duplicatâ temporum ratione, saltem aeris resistentiâ sublatâ. Interim, quia vera gravitatis theoria est, ut decrescat in recessu à tellure in duplicatâ ratione distantiae à centro ejus, quemadmodum solidè collegit Eques Auratus Isaac Newtonus ex totius mundani systematis cognitione; non abs re erit inquirere, quid in hac aliâ hypothesi contingere debeat gravibus rectâ descendantibus.

Et primò quidem in hac aliâ hypothesi, quod vis gravitatis sit reciprocè, ut quadratum distantiae à centro telluris, scala virium terminabitur eadem illâ hyperbolâ cubicâ, qua terminatur in hypothesi gravitatis constantis scala reciproca velocitatis, sed relatè ad alteram suam asymptotum consideratâ. Etenim si  $C$  sit centrum telluris, & defi-



ignatis spatiis per abscissas  $AP$ ,  $AQ$ , re- FIG. 59.  
 ant ordinatæ correspondentes  $PM$ ,  $QN$

res, quæ agunt in corpus in fine tempo-  
 ri, quibus spatia illa percurruntur; erit

$PM$  ad  $QN$ , ita  $CQ$  quadratum ad  $CP$   
 quadratum: proindeque, quia solidum,  
 hoc fit ex  $CP$  quadrato in  $PM$ , æquale est  
 solido, quod fit ex  $CQ$  quadrato in  $QN$ ;  
 sit curva  $BMN$  illa eadem hyperbola cubi-  
 ca, de qua paulò ante locuti sumus, nisi  
 quod illic cõsiderabatur relatè ad asymptò-  
 tum  $CD$ , hìc verò puncta ejus omnia refe-  
 rantur ad asymptotum alterum  $AC$ .

Hinc area  $APMB$ , quæ est ut quadratum  
 velocitatis, quam corpus acquirit percursò  
 spatio  $AP$ , erit reciprocè, ut rectangulum  
 $ACP$  applicatum ad  $AP$ , hoc est, ob datam  
 $AC$ , ut  $AP$  directè, &  $PC$  inversè. Atque  
 ita quoque area  $AQNB$ , quæ est ut quadra-  
 tum velocitatis, quam corpus nanciscitur  
 descripto spatio  $AQ$ , erit reciprocè, ut re-  
 ctangulum  $ACQ$  applicatum ad  $AQ$ , hoc  
 est, ob datam  $AC$ , ut  $AQ$  directè, &  $QC$  in-  
 versè. Unde liquet, in hypothesi, quod  
 vis gravitatis decreseat in recessu à tellure  
 in duplicatâ ratione distantie à centro ejus,  
 quadrata velocitatum, quas corpus in fine  
 duorum quorumvis temporum reperitur  
 habere, esse in ratione compositâ ex directâ  
 spatorum temporibus illis descriptorum, &

reciproca eorum, quæ remanent describenda, quò ad telluris centrum grave corpus perveniat.

Itaque in hac aliâ hypothesi, si grave corpus decidat ex  $A$ , & tempore aliquo describat spatium  $AP$ , velocitas in fine illius temporis acquisita tanta erit, ut quadratum ejus sit, ut spatium descriptum  $AP$  directe, & spatium describendum  $PC$  inverse. Unde modò si super  $AC$  tamquam diametro, describatur semicirculus  $AOC$ , & producta ordinata rectangula  $PM$  usque in  $O$ , agatur per punctum  $O$  recta  $CR$ , quæ abscindat ex  $AB$  protracta portionem  $AR$ , designabit portio ista  $AR$  velocitatem, quam grave corpus reperitur habere in puncto  $P$ ; quandoquidem propter triangula similia  $CAR$ ,  $CPO$ ,  $AR$  quadratum est ad  $AC$  quadratum, ut  $PO$  quadratum ad  $PC$  quadratum, sive etiam ut  $AP$  ad  $PC$ ; adeoque, ob datam  $AC$ , erit  $AR$  quadratum, ut  $AP$  directe, &  $PC$  inverse.

Sit jam  $FACST$  scala reciproca velocitatis. Itaque tempus, quo describitur spatium  $AP$ , erit ut area  $FAPST$ . Et quoniam ipsi  $PS$  est reciprocè proportionalis  $AR$ , erit areola  $SPps$ , ut  $Pp$  directe, &  $AR$  inverse: proindeque, quia  $Pp$  adæquat rectangulum  $POo$  applicatum ad radium semicirculi, &  $AR$  adæquat rectangulum  $CAO$  applicatum

tum ad  $CO$ ; neglectis datis, erit areola  $SPps$ , ut solidum, quod fit ex tribus  $PO$ ,  $CO$ ,  $Oo$ , applicatum ad  $AO$ . Sed demisso super  $CO$  perpendiculo  $ob$ ,  $AO$  est ad  $PO$ , ut  $Oo$  ad  $ob$ ; atque aded solidum, quod fit ex tribus  $PO$ ,  $CO$ ,  $Oo$  applicatum ad  $AO$  adæquat rectangulum ex  $CO$  in  $ob$ , hoc est duplum trianguli  $COo$ . Itaque eadem areola  $SPps$  erit, ut triangulum  $COo$ : proindeque, quia area tota  $FAPST$  proportionalis fit segmento circulari  $ACO$ , designabit segmentum istud circulare tempus, quo describitur spatium  $AP$ .

Ex quibus liquet, in hypothesi, quod vis gravitatis decreseat in recessu à tellure in duplicatâ ratione distantie à centro ejus, posse ope solius circuli determinari, tum tempus, quo spatium aliquod describitur, tum velocitatem in fine illius temporis acquisitam. Nam si  $A$  sit locus, unde decedit grave corpus, dum ad telluris centrum  $C$  conatur accedere, &  $AP$  sit spatium, quod in suo descensu rectilineo tempore aliquo describit; erectâ perpendiculari  $PO$ , quæ semicirculum  $AOC$  secet in  $O$ , ductâque per punctum  $O$  rectâ  $CR$ , abscindente ex  $AB$  ipsi  $PO$  parallelâ portionem  $AR$ , designabit segmentum circulare  $ACO$  tempus, quo describitur spatium  $AP$ , & recta  $AR$  velocitatem in fine illius temporis acquisitam.

tam . Nec reticebimus , quod quum segmentum illud circulare prodeat multiplicando quartam partem diametri AC per summam ex arcu AO , ejusque sinu recto PO , idem tempus descensus designari quoque possit per ordinatam correspondentem cycloidis , quæ oritur ex revolutione semicirculi AOC super rectâ CD .

Circa vim gravitatis aliam olim hypothesein invexit magnus ille Senator Tolosanus Petrus Fermatius: nimirum, quod ea esset distantia à centro telluris directe proportionalis : qua in re acerrima inter ipsum , & Dominum Robervallium contentio fuit, ut constat ex epistolis , quæ inter ejus opera posthuma editæ reperiuntur . Hæc hypothesis , si paucos quosdam excipias , qui eam amplexi sunt , communiter rejicitur; quum vis gravitatis in accessu ad tellurem augeatur potius , quàm minuatur . Interim Vir eximius Isaac Newtonus in corporibus , quæ à superficie telluris deorsum pergunt , arbitratur posse eam sibi locum vindicare . Unde , quæ sint leges descensus in hac etiam hypothese, non gravabimur expendere .

FIG. 60. Itaque si A sit locus , unde decidit grave corpus , & C centrum telluris , terminabitur scala virium AQNB corporis rectâ descendente lineâ rectâ BN , per telluris centrum

trum  $C$  transeunte; quandoquidem ordinatæ  $PM$ ,  $QN$ , quæ referunt vires agentes in corpus in locis  $P$ , &  $Q$ , distantis  $CP$ ,  $CQ$  proportionales esse debeant. Ex quo sequitur, quadrata velocitatum iisdem in locis  $P$ , &  $Q$  esse, ut trapetia  $APMB$ ,  $AQNB$ ; hoc est, ut excessus trianguli  $ACB$  super triangulis  $PCM$ ,  $QCN$ ; vel etiam, ut excessus quadrati  $AC$  super quadratis  $CP$ ,  $CQ$ ; proindeque, si centro  $C$ , intervalloque  $CA$  describatur quadrans circuli  $AORD$ , erit quadrans iste scala velocitatum directâ, hoc est figura, quæ ordinatis suis designat directè velocitates à corpore acquisitas in locis correspondentibus.

Sit jam  $FACEST$  scala reciproca velocitatum, hoc est figura, quæ ordinatis suis designat reciprocè easdem corporis velocitates. Itaque tempus, quo grave corpus describit spatium  $AP$ , designabitur per aream correspondentem  $FAPST$ . Et quoniam  $PS$  ipsi  $PO$  est reciprocè proportionalis; erit areola  $PSp$ , ut  $Pp$  directè, &  $PO$  inversè. Sed, quum  $Oo$  sit ad  $Pp$ , ut  $CO$  ad  $PO$ ; erit  $Oo$ , ut  $Pp$  directè, &  $PO$  inversè. Igitur areola  $PSp$  ipsi  $Oo$  directè proportionem correspondebit: proindeque, quum fiat area tota  $FAPST$  proportionalis arcui  $AO$ ; tempus descensus per  $AP$  designari quoque poterit per arcum correspondentem  $AO$ .

Un-

Unde patet in hypothefi, quod vis gravitatis fit, ut distantia à centro telluris, poffe folius quadrantis ope determinari, tum tempus, quo fpatium aliquod defcribitur, tum velocitatem in fine illius temporis acquifitam. Etenim, fi A fit locus, unde decidit grave corpus, dum conatur accedere ad centrum telluris C, & AP fit fpatium, quod in fuo defcenfu rectilineo tempore aliquo defcribit; erectâ perpendiculari PO, quæ fecet quadrantem AORD in puncto O, defignabit arcus AO tempus, quo defcribitur fpatium AP, & finus rectus PO velocitatem in fine illius temporis acquifitam. Hinc ficuti fcala temporum in hypothefi, quod vis gravitatis fit reciproce proportionalis quadrato distantie, eft cyclois, quæ defcribitur per revolutionem femicirculi, qui in hypothefi illâ confiderari debet; fic eadem fcala temporum erit figura, quæ oritur, applicando arcus quadrantis AORD ad fuos finus verfos, quum vis gravitatis distantie à centro directe proportionalis affumitur.

Sed in hac gravitatis hypothefi plura alia notatu digna occurrunt confideranda. Nimirum primò, quod tempus defcenfus per altitudinem totam AC fit ad tempus, quo poffit corpus percurrere eandem viam cum uniformi velocitate, & æquali ei, quam in fine defcenfus reperitur habere, ut eft qua-

quadrantis circumferentia AORD ad radium AC. Nam si figura FACEST sit scala reciproca velocitatis corporis descendents, sit rectangulum ACEG scala reciproca velocitatis, dum idem corpus prædictâ ratione fertur æquabiliter: proindeque tempus primum ad tempus secundum erit, ut figura FACEST ad rectangulum ACEG: Unde eodem modo redit, ut ostendamus, figuram FACEST esse ad rectangulum ACEG, ut est quadrantis circumferentia AORD ad radium AC.

Id autem ostendemus in hunc modum. Quoniam PS, CE designant reciprocè velocitates corporis descendents in punctis P, & C; erit: ut PS ad CE, ita CD, sive CO ad PO. Jam verò PS est ad CE, ut areola SPps ad areolam correspondentem rectanguli ACEG; itemque CO est ad OP, ut Oo ad Pp. Quare erit ex æquali, ut areola SPps ad rectanguli ACEG areolam correspondentem, ita Oo ad Pp. Unde, quia hujus analogiæ, quocumque in loco consideretur, duo consequentes, hoc est secundus, & quartus terminus, tales sunt, ut dato uno, detur etiam & alter; erit quoque ut figura FACEST ad rectangulum ACEG, ita circumferentia AORD ad radium AC.

Secundò, quod si corpus feratur æquabiliter velocitate ultimò acquisitâ eodem tempore, quo cecidit per altitudinem totam AC, descri-

scribat tempore illo longitudinem æqualem circumferentiæ quadrantis AORD, Oñsum est enim, tempus descensus per AC esse ad tempus, quo eadem AC describeretur æquabiliter velocitate finali, ut est circumferentia quadrantis AORD ad radium AC. Sed, quum corpus fertur æquabiliter, tempus, quo describitur AC, est ad tempus, quo percurritur longitudo æqualis circumferentiæ AORD, ut est AC ad circumferentiam AORD. Igitur ex æquali ordinando tempus descensus per AC erit ad tempus, quo velocitate ultimò acquisitâ describitur longitudo æqualis circumferentiæ quadrantis AORD in ratione æqualitatis.

FIG. 60.  
61:

Hoc idem ostendi quoque potest ope illius theorematis, quod spatium à mobili utrumque descriptum plano suæ velocitatis proportionem corresponsdeat. Si enim circumferentia quadrantis AORD distendatur in directum, eique maneant sinus perpendiculariter applicati, erit figura, quæ inde oritur ADG planum velocitatis corporis descendens per altitudinem totam AC: proindeque spatium plano illo descriptum erit ad spatium, quod eodem tempore describeretur æquabiliter velocitate finali, ut est figura ADC ad rectangulum circumscriptum ADCH. Unde eò res redit, ut ostendamus, figuram ADC esse ad rectangulum ADCH,



ADCH, veluti est radius quadrantis AC ad  
 ius circumferentiam AORD; vel quia re-  
 ctangulum ADCH fit multiplicando ra-  
 dium AC per circumferentiam AORD, ut  
 area figuræ ADC æqualis sit quadrato, quod  
 fit ex radio AC.

Id verò ostendetur hac ratione, Quoniam  
 in quadrante ACD radius AC, sive CO est  
 ad sinum PO, ut est arcus indefinitè par-  
 vus Oo ad correspondentem radii portionem  
 Pp; erit rectangulum POo æquale rectangu-  
 lo ex AC in Pp. Sed hæc æqualitas in om-  
 ni quadrantis loco reperitur. Quare super-  
 ficies, quæ oritur applicando ad singula  
 puncta circumferentiæ quadrantis AORD  
 sinus correspondentes, æqualis erit quadra-  
 to, quod fit ex radio AC. Est autem super-  
 ficies eâ ratione genita area ipsius figuræ  
 ADC. Itaque eidem AC quadrato æqualis  
 quoque erit area figuræ ADC.

Denique, quod grave corpus ad telluris  
 centrum C eodem semper tēpore perveniat,  
 sive descendat per altitudinem AC, sive  
 per aliam quamvis BC. Nam descriptis ex  
 puncto C tamquam centro quadrantibus  
 AD, BE, designabit CD velocitatem fina-  
 lem in descensu per AC, & CE velocita-  
 tem finalem in descensu per BC. Quocirca  
 eadem altitudines AC, BC finalibus illis  
 velocitatibus eodem tempore æquabiliter

FIG. 62.

deq

describentur . Unde describentur etiam eodem tempore , dum corpus per vim gravitatis urgetur ; quandoquidem tempus descensus per quamlibet ex iis altitudinibus ad tempus , quo eadem altitudo velocitate finali æquabiliter percurritur , datam habet rationem .

Id ipsum ostendi quoq; potest hac aliâ ratione . Concipiantur in punctis  $A$  , &  $B$  duo mobilia æqualia , quæ describât eodem tempore spatiola duo  $Aa$  ,  $Bb$  . Itaque velocitates acquisitæ erunt , ut sinus  $aM$  ,  $bN$  , qui ab ipsis arcibus  $AM$  ,  $BN$  sensibilibiter non differunt . Sed eadem velocitates , velut eodem tempore genitæ , sunt etiam , ut vires , quibus eadem mobilia urgentur . Itaque , quia vires istæ designantur per rectas  $AC$  ,  $BC$  , erit ut  $AC$  ad  $BC$  , hoc est ut  $AD$  ad  $BE$  , ita  $AM$  ad  $BN$  ; adedque permutando  $AD$  erit ad  $AM$  , ut  $BE$  ad  $BN$  .

Jam , quum grave corpus decidit ex  $A$  , tempus per  $AC$  est ad tempus per  $Aa$  , ut  $AD$  ad  $AM$  . Atque ita quoque , quum grave corpus decidit ex  $B$  , tempus per  $BC$  est ad tempus per  $Bb$  , ut  $BE$  ad  $BN$  . Quare erit ex æquali , ut tempus per  $AC$  ad tempus per  $Aa$  , ita tempus per  $BC$  ad tempus per  $Bb$  : proindeque permutando tempora per  $AC$  ,  $BC$  erunt inter se , ut tempora per  $Aa$  ,  $Bb$  . Unde , quemadmodum æqualia sunt tem-

tempora per  $Aa$ ,  $Bb$ , ita quoque æqualia erunt tempora per  $AC$ ,  $BC$ .

## CAP. II.

*De descensu gravium per plana ad horizontem inclinata.*

**E**T si superiori capite circa descensum gravium per plana verticalia varias gravitatis hypotheses assumpserimus; hinc tamen, ubi agendum nobis erit de descensu gravium per plana inclinata ad horizontem, in eâ tantum hypothese consistemus, quæ gravitatem ponit constantem, & invariantam. Sed, priusquam leges descensus expendendas aggrediamur, memores ejus, quod prætermisimus, dum de artificiosâ gravium latione egimus, vires plani inclinati in ponderibus sursum elevandis oportet definiamus.

Planum inclinatum vocamus, quod cum plano horizontali obliquos angulos constituit, veluti est  $AB$  respectu plani horizontalis  $BC$ . Hujusmodi planum conferre in ponderibus sursum elevandis, ex ipsâ, quavis gravitatis operatur, ratione deducitur. Accedunt etenim gravia ad telluris superficiem secundum rectas lineas horizonti perpendiculares: proindeque grave aliquod cor-

FIG. 63.

S

pus

pus majore vi descendit per planum verticale, quam per planum inclinatum. Jam verò, quum corpus aliquod grave sursum à potentiâ per planum trahitur; quod potentiæ opponitur, & reluctatur est vis ipsa, qua corpus per planum illud nititur descendere. Itaque major exigitur potentia ad trahendum pondus per planum verticale, quam per planum inclinatum.

Hinc, ut vires plani inclinati possint definiri, determinanda prius est ratio, quam habet gravitas absoluta ad gravitatem relativam, hoc est vis, qua corpus aliquod grave descendere conatur per planum verticale, ad vim, qua idem grave corpus descendere nititur per planum inclinatum. Hunc in finem sequens theorema demonstrandum nobis proponimus: nimirum, quod si grave corpus descendat per planum aliquod inclinatum, gravitas ejus absoluta sit ad gravitatem relativam, ut est longitudo plani inclinati ad ejusdem altitudinem.

FIG. 63. Referat itaque BC planum aliquod horizontale, ad quod inclinetur planum AB; descendat autem per longitudinem ejusdem plani corpus M, & designetur gravitas ejus absoluta per rectam MN, perpendicularem ad horizontem, secundum quam agit vis, illa gravitatis. Itaque demisso super AB perpendiculo NO, poterit vis illa resolvi  
in

in duas laterales  $MO$ ,  $NO$ . Sed harum virium posterior  $NO$  nihil confert ad corporis descensum, quum agat secundum lineam longitudini plani perpendicularem; & corpus descendit tantum per vim priorem  $MO$ , quippe quæ suam exercet actionem secundum longitudinem ipsius plani. Quare vis absoluta gravitatis erit ad vim relativam, ut  $MN$  ad  $MO$ , hoc est propter triangula similia  $MNO$ ,  $ABC$ , ut longitudo plani inclinati  $AB$  ad ejus altitudinem  $AC$ .

Hinc si fuerint plura plana inclinata  $AB$ ,  $DB$  ejusdem longitudinis; vires, quibus grave aliquod corpus per plana illa descendere nititur, erunt, ut altitudines eorum planorum  $AC$ ,  $DE$ . Nam vis absoluta gravitatis illius corporis est ad vim, qua nititur descendere per planum  $AB$ , ut est  $AB$  ad  $AC$ . Et similiter vis absoluta gravitatis ejusdem corporis est ad vim, qua nititur descendere per planum  $DB$ , ut est  $DB$ , five  $AB$  ad  $DE$ . Quare ex æquali ordinando vis, qua corpus nititur descendere per planum  $AB$ , erit ad vim, qua descendere conatur per planum  $DB$ , ut est  $AC$  ad  $DE$ . Ex quo patet, vires illas non esse inter se in ratione angulorum, quibus plana ad horizontem inclinantur, sed in ratione sinuum illorum angulorum. Patetque etiam, quod sicuti vis, qua corpus nititur descendere, est

FIG. 64.

maxima, quum planum est verticale, sic etiam sit minima, & prorsus evanescat, quum planum horizontale est.

FIG. 63.

Hinc etiam, si pondus  $M$  super longitudine plani inclinati  $AB$  sustineatur à potentia  $Q$  secundum directionem  $MR$ , quæ ipsi  $AB$  sit parallela; erit pondus  $M$  ad potentiam  $Q$ , ut longitudo plani  $AB$  ad altitudinem ejus  $AC$ . Nam potentia  $Q$ , quum agat in pondus  $M$  secundum lineam  $MR$  parallelam ipsi  $AB$ , adæquabit vim, qua grave corpus  $M$  nititur descendere per longitudinem  $AB$ . Quare pondus  $M$  ad potentiam  $Q$  erit, ut gravitas absoluta ad gravitatem relativam; atque adeo ex ostensis, ut longitudo plani inclinati  $AB$  ad altitudinem ejus  $AC$ . Ex quo patet, momentum potentia  $Q$ , sustinentis pondus  $M$  super longitudine plani inclinati  $AB$ , augeri posse, non modò auctâ potentia ipsâ, verum etiam diminutâ plani altitudine  $AC$ .

Verumtamen, si potentia  $Q$ , sustinens pondus  $M$  super plano inclinato  $AB$ , agat secundum directionem  $MK$  horizonti parallelam; eo casu erit, ut potentia  $Q$  ad pondus  $M$ , ita altitudo plani  $AC$  ad basim ejusdem  $BC$ . Etenim, si vis absoluta ipsius potentia  $Q$  exponatur per rectam  $MT$ , ductâ quidem  $TS$  ipsi  $MR$  perpendiculari, resolvetur vis illa  $MT$  in duas alias vires late-

rales MS, TS. Sed harum virium sola prior MS impedit descensum corporis in plano, quum agat secundum lineam longitudini plani parallelam; altera verò TS descensui nequaquam opponitur, utpote quæ directè corpus versus ipsum planum impellit. Itaque vis absoluta potentiae Q erit ad vim, qua impedit descensum corporis in plano, ut MT ad MS, sive etiam ut AB ad BC. Jam verò vis, qua potentia Q impedit descensum corporis in plano, æqualis est vi, qua idem corpus per planum illud nititur descendere; & vis ista est ad pondus absolutum ejusdem corporis, ut AC ad AB. Igitur erit ex æquali perturbando, ut vis absoluta potentiae Q ad pondus absolutum corporis M, ita altitudo plani AC ad ejusdem basim BC.

Atque hæc de viribus, quibus retinentur pondera super planis inclinatis. Videamus modò quæ leges observentur in descensu gravium per eadem plana in hypothefi, quod vis gravitatis agat in corpora gravia eadem, & constanti ratione. Et quidem tamen si vis gravis descendentis per planum aliquod inclinatum minor sit vi suâ absolutâ, qua agente rectâ descenderet; nihilominus, quemadmodum motus gravis rectâ descendentis est æquabiliter acceleratus, & æqualibus temporibus æqualia ei semper

accedunt velocitatis incrementa; ita quoque, quum grave corpus per planum aliquod inclinatum descendit, accelerabitur inter descendendum uniformiter, ejusque velocitas pro ratione temporis semper augebitur.

Descendat etenim grave corpus *M* per planum inclinatum *AB*. Ostendendum est igitur, motum ejus in hoc descensu esse æquabiliter acceleratum, vel quod idem est, æqualibus temporibus æqualia ei semper accedere velocitatis incrementa. Nam per ea, quæ paulò ante ostensa sunt, vis, qua corpus grave *M* conatur descendere per planum inclinatum *AB*, est ad vim suam absolutam in datâ ratione, scilicet, ut altitudo plani *AC* ad longitudinem ejusdem *AB*. Itaque quemadmodum vis absoluta gravitatis eâdem semper, & constanti ratione agit in corpora; ita quoque eodem semper tenore aget vis illa, qua ipsum corpus *M* descendere nititur per planum inclinatum *AB*. Quocirca, quemadmodum gravi rectâ descendentem, propter constantem gravitatis actionem, æqualibus temporibus æqualia semper accedunt velocitatis incrementa; ita quoque necesse est, ut velocitas gravis obliquè descendentis augeatur pro ratione temporis, quum similiter ad descensum urgeatur à vi, cujus constans, & uniformis est actio.



Ex eo autem, quod descensus gravis per planum utcumque ad horizontem inclinatum sic motus æquabiliter acceleratus, sequitur, ut quæcumque de spatiis, quæ à gravi rectâ descendente describuntur, superius ostensa sunt, eadem vera sint quoque de spatiis, quæ percurruntur à gravi descendente per planum aliquod utcumque ad horizontem inclinatum. Itaque primò spatia, quæ grave corpus descendens per planum inclinatum describit, computata ab initio descensus, sunt, ut quadrata temporum, quibus describuntur. Unde secundò si tempora ab initio sint, ut numeri naturales 1, 2, 3, 4, 5, 6, &c., spatia descripta iis temporibus, ab initio semper computata, erunt, ut quadrata numerorum naturalium. Adedque tertio, si tempora sumantur æqualia, spatia æqualibus hisce temporibus descripta, erunt ut numeri impares ab unitate se consequentes. Et quartò demum spatium percursum à gravi in dato tempore dimidium est ejus, quod in eodem tempore velocitate finali æquabiliter describeretur.

Quum itaque leges descensus per plana inclinata eadem sint cum legibus descensus per plana verticalia; facile erit inquirere, num ea omnia, quæ à Nobis ostensa sunt, cum experientiis conveniant. Nam, etsi in

descensu verticali non ita facile fit experimenta instituire, quum in eo pernecitas motus accuratis observationibus locum non relinquat; attamen in planis non admodum declivibus facile erit rei periculum facere, quum motus haud admodum veloces exactè in iis mensurari queant. Cæterum in experimentis capiendis aeris resistentia nonnihil aberrare facit; verum hoc è minus, quò corpora plus gravitatis pro superficie magnitudine continent, quòque in minoribus spatiis periculum facimus. Sed & planum, per quod descendit grave corpus, quàm fieri potest politum esse debet, ut ejus motus super eo nullà scabritie impediatur.

Uti doctrinam de descensu gravium ulterius cum Galilæo prosequamur, placet descensum gravium obliquum conferre cum descensu eorundem gravium verticali. Hujus autem comparationis theorema fundamentale in primis ostendemus: scilicet, quod si grave corpus descendat per planum aliquod, utcumque ad horizontem inclinatum AB, velocitas, quam in dato tempore acquirit, sit ad velocitatem, quam acquireret eodem tempore, si rectâ descenderet, ut est altitudo plani AC ad ejusdem longitudinem AB.

Nam incrementa velocitatum, quæ in  
gra-

gravibus descendantibus per plana AB, AC eodem tempore indefinitè parvo producuntur, sunt ut vires, quibus urgentur. Sed vires istæ sunt inter se, ut AC ad AB. Quare in eadem hac ratione erunt incrementa illa velocitatum. Est autem hæc ratio ubique eadem, & constans. Itaque summa incrementorum unius gravis erit ad summam incrementorum alterius in eadem ratione: proindeque velocitas, quam grave corpus in dato tempore acquirit super AB, erit ad velocitatem, quam acquirit eodem tempore super AC, ut est AC ad AB.

Ex hoc autem theoremate plura quidem ad rem nostram spectantia deducuntur: nempe primò, quod si portio plani inclinati AD eodem tempore percurratur à gravi, quo perpendiculum AC, tres rectæ lineæ AB, AC, AD sint in continuâ proportionē. Nam velocitatibus acquisitis in punctis C, & D percurruntur eodem tempore æquabiliter dupla ipsarum AC, AD. Quare, quum spatia motu æquabili eodem tempore percurra sint, ut velocitates, quibus percurruntur; erunt velocitates acquisitæ in punctis C, & D, ut dupla ipsarum AC, AD, sive etiam ut ipsæ longitudines AC, AD. Jam verò eadem velocitates, utpote eodem acquisitæ tempore sunt inter se, ut AB ad AC. Itaque erit ex æquali, ut AB  
ad

ad AC, ita AC ad AD.

Vicissim autem per impossibile facile erit ostendere, longitudines AC, AD eodem tempore percurri, si sint continuè proportionales tres rectæ lineæ AB, AC, AD. Unde, quemadmodum si quæratür portio plani inclinati AD, quæ percurratur eodem tempore, quo perpendiculum AC, invenitur ea, demittēdo super AB perpendiculararem CD; ita quoque si quæratür perpendiculum AC, quod describatur eodem tempore, quo portio plani inclinati AD, habebitur erigendo super AB perpendiculararem DC. Ex quo etiam datis duobus planis inclinatis AB, AE facilè erit super AE invenire portionem AG, quæ percurratur eodem tempore, quo portio AD alterius plani: nimirum si erectâ super AB perpendiculari DC plano verticali occurrente in C, demittatur ex C super AE perpendicularis altera CG.

FIG. 66.

Atque hinc sequitur ulteriùs, quod si circuli ADC ad horizontem erecti ex puncto supremo A demittantur quotcumque plana inclinata AB, interceptæ ipsorum portiones AD eodem tempore percurrantur, quo percurritur diameter verticalis AC, quæ est communis eorum omnium planorum altitudo; quandoquidem junctis rectis CD, quia anguli ADC, velut in semicir-

cu-

culo existentes, sunt recti, erunt rectæ illæ  $CD$  ipsis planis  $AB$  perpendiculares. Unde si fuerit circulus alter  $AEF$ , qui contingens priorem in  $A$ , secet eadem plana inclinata  $AB$  in punctis  $E$ , diametrum verò verticalem  $AC$  in puncto  $F$ , fiatque motus initium à puncto supremo  $A$ ; planorum portiones utroque circulo interceptæ  $DE$  percurrentur eodem tempore, quo portio diametri verticalis  $CF$ , inter utrumque quoque circulum comprehensa.

Sed non modò portiones planorum exeuntium ex puncto circuli supremo percurrentur eodem tempore, quo communis omnium altitudo, sive diameter ad horizontem erecta; verùm etiam portiones planorum, quæ ad punctum imum terminantur. Maneat siquidem, ut priùs, circulus  $ADC$  ad FIG. 67. horizontem erectus, & per punctum infimum  $C$  transeant plura plana inclinata  $DB$ . Ostendendum est igitur interceptas ipsorum portiones  $DC$  eodem tempore percurri, quo diameter  $AC$ . Id autem abundè liquet; nam completis parallelogrammis  $AB$ , quemadmodum recti sunt anguli  $ADC$ , ita quoque recti erunt anguli  $DCB$  iis alterni: adedque portiones  $DC$  percurrentur eodem tempore, quo perpendiculara  $DB$ . Est autem unumquodque ipsorum æquale diametro  $AC$ : Quare eadem por-

portiones DC percurrentur eodem tempore cum diametro AC.

**Fig. 65.** Consequitur etiam ex ostensis, tempus descensus per planum aliquod inclinatum AB esse ad tempus descensus per altitudinem ejus plani AC, ut sunt ipsæ longitudines AB, AC. Nam demissâ super AB perpendiculari CD, percurreretur abscissa portio AD eodem tempore, quo altitudo AC. Sed tempora descensus per longitudines AB, AD sunt in ipsarum AB, AD ratione subduplicatâ, hoc est propter continuè proportionales AB, AC, AD, ut est AB ad AC. Itaq; tempus descensus per AB erit ad tempus descensus per AC, ut est AB ad AC. Ex quo facile colligi potest, quod si plura fuerint plana inclinata, eandem altitudinem habentia, tempora descensus per plana illa sint, ut ipsæ planorum longitudines.

Consequitur demum, velocitatem acquisitam in descensu per AB esse ad velocitatem acquisitam in descensu per AC in ratione æqualitatis. Nam demissâ adhuc super AB perpendiculari CD, propter spatia AC, AD, quæ eodem tempore percurruntur, velocitas acquisita in descensu per AD erit ad velocitatem acquisitâ in descensu per AC, ut est AC ad AB. Jam verò velocitas, quæ acquiritur in descensu per AD, est ad velocitatem, quæ acquiritur in descensu per AB,

AB, ut est tempus per AD, five AC ad tempus per AB, hoc est ut AC ad AB. Itaque velocitas acquisita in descensu per AC æqualis erit velocitati, quæ acquiritur in descensu per AB. Ex quo haud difficile erit inferre, velocitates gravium finales per diversa plana descendendum æquales esse inter se, quum ex eâdem altitudine ad eandem lineam horizontalem gravia perveniunt.

## C A P. III.

*De descensu gravium per plura plana contigua; ubi etiam de casu eorundem per plana curvilinea.*

**C**onsideravimus huc usque descensum gravium per unum, idemque planum, idque tum rectum ad horizontem, tum ad eum utcumque inclinatum; sed fieri quoque potest, ut grave corpus descendat vi gravitatis per plura plana contigua, quæ connectantur quidem inter se, sed diversimodè ad horizontem inclinentur. Itaq; quæ sint leges descensus per hujuscemodi plana hoc alio capite oportet expendamus: quibus equidem cognitis, innotescant quoque nobis leges descensus per plana curvilinea, quippe quæ considerari possunt velut composita ex infinitis planis rectilineis indefinitæ parvitatis.

Et

FIG. 68.

Et quidem Galilæus, aliique quamplures supposuerunt, concursum planorum non impedire motum gravis descendens, sed tantum ipsius directionem mutare. Unde crediderunt, quod si grave corpus descendat per plura plana contigua AB, BC, CD continuato motu, semper eandem in fine velocitatem acquirat, ac si descenderet ex pari altitudine DE. Nam continuatis planis usque donec conveniant cum lineâ horizontali AG in punctis F, & G, quia in B eadem acquiritur velocitas, descendendo grave per AB, ac si descendisset per FB, erit velocitas acquisita in C, descendendo per AB, BC tanta, quanta acquiritur in descensu per FC, siue GC; atque aded velocitas acquisita in D, descendendo per AB, BC, CD, eadem quoque erit, ac si descendisset corpus per GD, siue DE.

Atque hinc in definiendo tempore descensus per secundum planum BC, considerant grave corpus velut dimissum ex pūcto F, in quo planum illud occurrit lineæ horizontali AG: aded quidem, ut inventâ inter FB, FC mediâ proportionali FH, & designato tempore descensus per planum primum AB per ipsam AB, debeat BH designare tempus descensus per planum secundum BC. Nam eo ipso, quod AB designat tempus descensus per AB, designabit FB tempus de-



descensus per FB. Sed tempus per FB est ad tempus per FC in subduplicatâ ratione ipsarum FB, FC, hoc est ut FB ad FH. Itaque exprimet FH tempus descensus per FC; atque aded BH tempus descensus per BC.

Nec dissimiliter determinarunt tempus descensus per planum tertium CD: nimirum considerando grave corpus velut dimissum ex puncto G, in quo planum illud secat lineam horizontalem AG, & ductâ HI ipsi AC parallelâ, faciendo, ut GL quadratum sit ad GI quadratum, veluti est GC ad GD. Nam designato per AB tempore descensus per ipsum planum primum AB, designabit FB tempus descensus per FB, FH tempus descensus per FC, GI tempus descensus per GC, & GL tempus descensus per GD. Unde quemadmodum BH exprimit tempus descensus per planum secundum BC, ita quoque exprimet IL tempus descensus per planum tertium CD.

Speciatim autem, si post descensum per aliquod planum AB, sequatur motus per FIG. 69. planum horizontale, in quo describat spatium quodlibet BD; designato tempore descensus per AB mediante ipsâ AB, crediderunt, tempus motus per BD designari posse per semissem ipsius BD. Nam, quum fiat motus horizontalis velocitate acquiritâ in B, sumptâ BC ipsius AB duplâ, erit tempus

pus descensus per AB æquale tempore motus per BC. Sed tempus per BC est ad tempus per BD, ut BC ad BD, five etiam, ut AB ad semissem ipsius BD. Itaque in hac eadem ratione erit etiam tempus descensus per AB ad tempus motus per BD; & propterea designato per AB tempore descensus per AB, designabit semissis ipsius BD tempus motus per BD.

Primus, quem sciam, Petrus Varignonius in Monumentis Regiæ Scientiarum Academiæ Parisiensis anni 1693, & rursus in iis, quæ referuntur ad annum 1704, Mechanicos commonefecit, falsum esse, quod grave corpus in ingressu per planum alterum eandem retineat velocitatem, quam in descensu per planum primum sibi comparavit, quodque adeò descendendo grave corpus continuato motu per plura plana contigua eandem in fine velocitatem acquirat, ac si ex pari altitudine descenderet: simulq; rationē determinavit, quā velocitas in descensu per planum primum acquisita habet ad eam, cum qua ingreditur corpus planum alterum: nempe quod sit, ut radius, five sinus totus ad sinum complementi ejus anguli, quem mutuo occurso plana constituunt.

FIG. 70.

Sint enim AB, BC plana duo contigua, & facto initio motus ex A, descendat grave aliquod corpus continuato motu per ipsa AB, BC.

BC. Demittatur ex puncto A super BC perpendicularum AD; jamque si AB fit radius, sive sinus totus, erit BD sinus complementi anguli ABD, sive ABC. Ostendendum est igitur, velocitatem, quam grave corpus acquirit in descensu per planum primum AB, esse ad velocitatem, cum qua ingreditur planum alterum BC, ut est AB ad BD.

Nimirum si AB designet velocitatem, acquisitam in descensu per AB, resolvi ea poterit in duas alias laterales AD, BD. Sed harum velocitatum priori AD nequaquam ingreditur grave corpus planum alterum BC, quum urgeat illud directe versus planum. Itaque ingredietur dumtaxat velocitate alterâ BD, eaque tota quanta est hunc effectum producet, utpote quæ pellit corpus secundum ipsam illius plani longitudinem; adedque velocitas acquisita in descensu per planum primum AB erit ad velocitatem, cum qua ingreditur corpus planum alterum BC, ut est AB ad BD.

Quum ergo in ingressu per planum alterum BC nequaquam retineat corpus velocitatem acquisitam in descensu per planum primum AB; perspicuum est, fieri nullo pacto posse, ut descendendo corpus continuato motu per plana contigua AB, BC, eandem in fine acquirat velocitatem, ac si descenderet per altitudinem parem AE. Et

par est ratio, quum plana contigua sunt .  
 plura, quàm duo; quandoquidem semper  
 verum erit, quod corpus in ingressu per  
 novum planum, nequaquam retineat ean-  
 dem illam velocitatem, quam descende-  
 do per priora plana sibi comparavit.

Demittatur jam ex puncto D super AB  
 perpendicularis DF. Et quoniam AB est ad  
 BD in subduplicatâ ratione ipsarum AB, BF;  
 erit etiam in hac eâdem ratione subduplica-  
 tâ velocitas acquisita in descensu per pla-  
 num primum AB ad velocitatem, cum qua  
 ingreditur corpus planum alterum BC. Ex  
 quo patet, in ingressu per planum alterum  
 BC tantam corpus retinere velocitatem,  
 quantam sibi comparasset, si utique descen-  
 disset per planum FB; quandoquidem velo-  
 citas acquisita in descensu per AB est ad ve-  
 locitatem acquisitam in descensu per FB si-  
 militer in subduplicatâ ratione ipsarum  
 AB, FB; proindeque in fine descensus, hoc est  
 in puncto C, eandem habebit velocitatem,  
 ac si descendisset per altitudinem FG.

Itaque corpus descendens per planum  
 primum AB tantam retinebit velocitatem  
 in ingressu per planum alterum BC, quan-  
 tam sibi comparasset, si utique descendisset  
 per FB. Atque hinc facile modò erit, defi-  
 nire rationem, quam habet tempus descen-  
 sus per planum primum AB, ad tempus de-  
 scen-

scensus per planum secundum  $BC$ , quum per utrumque planum continuato motu corpus descendit. Nam tempus per  $AB$  ad tempus per  $FB$  est in subduplicatâ ratione ipsarum  $AB$ ,  $FB$ , hoc est, ut  $DB$  ad  $FB$ . Jam verò, ductâ horizontali  $FH$ , & positâ  $IH$  mediâ proportionali inter  $BH$ , &  $CH$ , ostensum est tempus per  $FB$  esse ad tempus, quo corpus continuato motu, & nihil per flexum  $B$  ei de velocitate acquisitâ detractò describit  $BC$ , ut est  $FB$  ad  $BI$ . Quare erit ex æquo ordinando, tempus per  $AB$  ad tempus, quo continuato motu describitur  $BC$ , ut est  $DB$  ad  $BI$ .

Speciatim autem, si planum alterum  $BC$  fuerit horizontale, & corpus continuato motu utrumque planum describat; erit tempus per  $AB$  ad tempus per  $BC$ , ut est  $DB$  ad semissem ipsius  $BC$ . Nam tempus per  $AB$  est ad tempus per  $FB$  in subduplicatâ ratione ipsarum  $AB$ ,  $FB$ , hoc est, ut  $DB$  ad  $FB$ . Ostensum est autem, tempus per  $FB$  esse ad tempus, quo corpus velocitate acquisitâ per  $FB$  describit æquabiliter  $BC$ , ut est  $FB$  ad semissem ipsius  $BC$ . Quare erit ex æquo ordinando, ut tempus per  $AB$  ad tempus, quo continuato motu describitur  $BC$ , ita  $DB$  ad semissem ipsius  $BC$ .

Sit  $BE$  semissis iste. Itaque tempus per  $AB$  ad tempus per  $BC$  erit, ut  $DB$  ad  $BE$ ; atque

adeo componendo tempus per AB erit ad tempus per AB, BC, ut est DB ad DE, sive etiam, assumptâ communi altitudine AB, ut est rectangulum ABD ad rectangulum ex AB in DE. Jam autem tempus per AB est ad tempus per AC, ut est AB ad AC, hoc est, communem capiendo altitudinem BD, ut est rectangulum ABD ad rectangulum ex AC in BD. Igitur ex æquali ordinando tempus per AC erit ad tempus per AB, BC, ut est rectangulum ex AC in BD ad rectangulum ex AB in DE, hoc est in ratione compositâ ex AC ad AB, & ex BD ad DE.

Erigatur jam ex puncto E perpendicularis EG, quæ conveniat cum AB productâ in puncto G. Et quoniam, propter similitudinem triangulorum BDA, BEG, BD est ad BE, ut AB ad BG; erit componendo, ut BD ad DE, ita AB ad AG. Oñsum est autem tempus per AC esse ad tempus per AB, BC in ratione compositâ ex AC ad AB, & ex BD ad DE. Quare erit etiam tempus per AC ad tempus per AB, BC in ratione compositâ ex AC ad AB, & ex AB ad AG; atque aded in simplici illâ ratione, quam habet AC ad AG.

Hinc siquidem AC æqualis fuerit AG, tempus descensus per AC æquale erit tempori, quo continuato motu describerentur plana duo AB, BC. Fieri autem posse, ut  
AC

**AC** adæquet **AG**, facile patebit, si consideremus, locum puncti **G** esse in hyperbolâ positione datâ. Sectis enim **AD**, **CD** bifariam in **H**, & **I**, ductisque **HM**, **LN** iisdem **CD**, **AD** parallelis, dabitur positione hyperbola, quæ habens pro suis asymptotis rectas **LM**, **LN** transibit per punctum positione datum **C**: atqui in istâ hyperbolâ punctum **G** suum quoque locum habebit.

Etenim, quum **CI** sit semissis ipsius **CD**, & **CE** semissis ipsius **BC**; erit **EI**, siue **GN** semissis reliquæ **DB**. Jam verò, propter similitudinem triangulorum **BDA**, **BEG**, **AD** est ad **EG**, siue **IN**, ut **DB** ad **BE**, siue **EC**. Quare sumptis antecedentium semissibus, erit ut **DH**, siue **LI** ad **IN**, ita **EI**, siue **GN** ad **EG**. Unde, quia componendo **LI** est ad **LN**, ut **GN** ad **CI**; erit rectangulum **LIC** æquale rectangulo **LNG**: proindeque punctum **G** erit in hyperbolâ, quæ habens pro suis asymptotis rectas **LM**, **LN** transibit per punctum **C**.

Ex eo autem, quod punctum **G** sit in huiusmodi hyperbolâ, facile erit ostendere, fieri quandoque posse, ut **AC** adæquet **AG**. Etenim, si **AD** minor fuerit, quàm **CD**, circulus, qui describitur centro **A**, intervalloque **AC**, non modò occurret hyperbolæ in puncto **C**, verum etiam portionem ejus existentem intra angulum **CLN** in alio puncto

secabit. Unde, si fuerit  $G$  aliud hoc punctum sectionis, ob naturam circuli erit  $AC$  æqualis  $AG$ .

Neceſſe eſt verò, ut  $AD$  minor ſit, quàm  $CD$ . Nam primò ſi fuerit  $AD$  æqualis  $CD$ , fiet  $AC$  axis hyperbolæ; quia tranſiens per punctum  $L$ , biſecabit angulum  $MLN$ ; atque aded, quum  $AC$  ſit minima omnium linearum, quæ à puncto  $A$  ad hyperbolæ perimetrum ducuntur, circulus centro  $A$ , & intervallo  $AC$  deſcriptus continget hyperbolam in vertice principali  $C$ , nec eam ſecabit. Et ſecundò, ſi fuerit  $AD$  major, quàm  $CD$ , prædictus circulus ſecabit in alio puncto portio- nem hyperbolæ exiſtenteſ intra angulum  $CLM$ ; atque aded ad eam, quæ exiſtit intra angulum  $CLN$ , nulla recta linea duci poterit ex puncto  $A$ , quæ ſit æqualis ipſi  $AC$ .

Itaque tunc demum  $AC$  ipſi  $AG$  æqualis eſſe poteſt, quotieſcumque  $AD$  minor eſt quàm  $CD$ . Sed hoc caſu perſpicuum eſt, fieri quoque poſſe, ut  $AC$  major ſit, quàm  $AG$ ; atque aded, ut breviori tempore percurrat corpus continuato motu plana duo  $AB$ ,  $BC$ , quàm planum ſolum  $AC$ . Ex quo patet, quod quum grave corpus ex puncto ſublimi  $A$  deſcendere debet ad punctum  $C$ , eſtque  $AD$  minor, quàm  $CD$ , inveniri ſemper poſſit tale aliud planum  $AB$ , ut breviori tempore accedat corpus ad datum locum  
per



per plana duo  $AB$ ,  $BC$ , quam per planum solum  $AC$ .

Positio autem huius plani multiplex esse potest; nam si centro  $A$ , intervalloque  $AC$  circulus describatur, omnes rectæ lineæ, quæ à puncto  $A$  ad interceptam intra circum-  
tum portionem hyperbolæ ducuntur, minores erunt, quàm  $AC$ ; adeoque quælibet harum linearum quæsi-  
ti plani positionem determinabit. Quod si verò planum  $AB$  tale esse debeat, ut accedendo corpus ad datum locum per plana duo  $AB$ ,  $BC$  minus temporis impendat, quàm si per alia duo ejusmodi plana ad eundem locum accederet; perspicuum est, eò rem redire, ut ex puncto  $A$  ad hyperbolam  $CG$  perpendicularis demittatur, quandoquidem velut minima omnium linearum, quæ à puncto  $A$  ad hyperbolæ perimetrum ducuntur, quæsi-  
ti plani positionem exhibebit.

Hoc problema de ducendâ rectâ lineâ ex puncto extra hyperbolæ perimetrum dato, quæ hyperbolam ipsam ad rectos angulos offendat, solutionem accepit à Domino de La Hire, mediante ipsâ hyperbolâ datâ, & circuli circumferentiâ: qua in re imitatus est doctissimum Christianum Hugenum, qui idè problema solvit olim in parabolâ intersectione datæ parabolæ, & circuli circumferentiæ. Verùm solutio Hiriana, utpo te ge-

neralis, nonnihil difficilis, & involuta deprehenditur. Unde aliam hinc exhibebimus, quæ nostro casui tantum accomodata, facilis erit, ac expedita.

Nimirum sit  $AG$  recta linea, quæ hyperbolam  $CG$  ad rectos angulos secat, & ducta ad punctum  $G$  tangente  $GO$ , protrahatur  $GE$  usque in  $R$ . Quia ergo angulus  $KGO$  rectus est, erunt  $KR$ ,  $RG$ ,  $RO$  continuè proportionales; adeoque erit, ut  $KR$  ad  $RO$ , si vè  $LR$ , ita  $KR$  quadratum ad  $RG$  quadratum, si vè etiam, ita  $DB$  quadratum ad  $AD$  quadratum. Jam verò, quum  $DB$  dupla sit tam ipsius  $HK$ , quàm ipsius  $EI$ , si vè  $LR$ , est  $HK$  æqualis  $LR$ , atque adeò  $HL$  æqualis  $KR$ . Quare erit, ut  $HL$  ad  $LR$ , hoc est ut  $DI$  ad  $IE$ , ita  $DB$  quadratum ad  $AD$  quadratum. Sunt autem  $DC$ ,  $DB$  dupla ipsarum  $DI$ ,  $IE$ ; & consequenter  $DI$  est ad  $IE$ , ut  $DC$  ad  $DB$ . Itaque erit ex æquali, ut  $DC$  ad  $DB$ , ita  $DB$  quadratum ad  $AD$  quadratum; & propterea  $DB$  erit prima ex duabus mediis proportionalibus inter  $AD$ , &  $DC$ .

Hinc, quum positio rectæ  $AG$  determinetur per punctum  $B$ , solvetur problema, faciendum, ut recta  $DB$  sit prima ex duabus mediis proportionalibus inter  $AD$ , &  $DC$ . Neque verò id factu difficile erit per ipsam hyperbolam datam, & circuli circumferentiam. Nam  
liqui-

siquidem super rectâ  $LC$  velut diametro circulus describatur, hic hyperbolam secabit nō solum in  $C$ , verum etiam in alio puncto. Unde si ex hoc altero puncto perpendicularis ad asymptotum  $LN$  demittatur, erit ista prima ex duabus mediis proportionalibus inter  $LI$ , &  $IC$ ; adeoque ejus duplum dabit primam ex duabus mediis proportionalibus inter  $AD$ , &  $DC$ .

Itaque, si  $AC$  designet tempus descensus per  $AC$ , ductâ  $AG$ , quæ descriptam hyperbolam secet in  $G$ , designabit  $AG$  tempus, quo continuato motu describeret corpus plana duo  $AB, BC$ . Ex quo liquet, hujusmodi tempus esse semper finitum, quotiescumq; plana duo  $AB, BC$  mutuo occurſu obliquum angulum cōstituunt, quum recta  $AG$  sit semper finitæ magnitudinis. Verum si angulus sub iis planis comprehensus fuerit rectus, tunc ad peragrandâ plana illa tempus requireretur infinitum; quandoquidem recta  $AG$ , velut parallela asymptoto  $LN$ , in infinitâ distantia occurreret hyperbolæ: id, quod etiam exinde colligi potest, quia quum rectus est angulus  $ABC$ , sinus complementi ejus anguli sit nullus, adeoque nulla est etiam velocitas, cum qua ingreditur corpus planum alterum  $BC$ .

Verum enim verò, etsi falsum omnino sit, quod grave corpus in ingressu per planum

num alterum eandem retineat velocitatem, quam in descensu per planum primum sibi comparavit, neque aded dici possit, quod descendendo grave corpus continuato motu per plura plana contigua eandem in fine velocitatem acquirat, ac si ex pari altitudine descenderet: attamen notante eodem Petro Varignonio res secus se habet, quum agitur de planis curvilineis; quandoquidem si grave corpus per unum idemque planum curvilineum descendat, nihil velocitatis acquiritæ amittet unquam, eandemque aded in fine velocitatem retinebit, quam sibi comparasset, si ex pari altitudine rectâ descendisset.

**FIG. 72.**

Id autem mirum videri non debet. Colligitur enim ex ipso theoremate generali, quod si grave corpus describat plana duo AB, BC continuato motu, velocitas in descensu per planum primum AB acquisita sit ad velocitatem, cum qua ingreditur corpus planum alterum BC, ut est radius, sive sinus totus ad sinum complementi anguli ABC, sive ABD. Nam quemadmodum, quum angulus ABD rectus est, sinus sui complementi evanescit, atque aded nulla est velocitas, cum qua ingreditur corpus planum alterum BC; ita quoque quum angulus ABD minuitur in infinitum, sinus sui complementi differt à radio, sive sinu toto quantitate indefinitè parvâ, adeoque illa eandem  
ferè

ferè velocitate , quam sibi comparavit corpus descendendo per planum primum AB, ingredietur planum alterum BC.

Hunc verò casum sibi locum vindicare in planis curvilineis , perspicuum quidem est ; quandoquidem lineæ curvæ non aliter considerari solent à Geometris , quam velut polygoni laterum infinitorum , quorum unumquodque sit indefinitè parvum , quæque ita quidem ad se mutuo inclinentur , ut anguli exteriores sint indefinitè parvi : adeoque quum grave corpus descendit per planum aliquod curvilineum , perinde erit , ac si descenderet continuato motu per infinita plana rectilinea indefinitæ parvitatæ , quæ mutuo occursu tales angulos constituunt , ut qui iis deinceps sunt , velut indefinitè parvi debeant haberi.

Sed hic facilè alicui difficultas haud contemnenda orietur : nimirum , quod etsi verissimum sit , grave corpus eadem ferè velocitate ingredi secundum planum BC, quam sibi comparavit in descensu per planum primum AB , quotiescumque angulus ABD est indefinitè parvus ; non hinc tamen colligi possit , quod descendendo idem grave corpus per planum aliquod curvilineum , debeat in fine eandem velocitatem retinere , quam sibi comparasset , si ex pari altitudine descendisset : quum in isto casu non quidem per duo ,  
sed

sed per infinita plana rectilinea descendam  
adedque, tametsi in unoquoque concursu  
eorum planorum exiguum velocitas acqui-  
sita decrementum patiatur; attamen, quia  
decrementa ista sunt numero infinita, sum-  
ma omnium eorum aliquid finitum, & sen-  
sibile tandem constituet.

Verum huic difficultati facile fiet satis, si  
consideremus decrementum, quod patitur  
velocitas acquisita in unoquoque concursu  
eorum planorum, esse infinitesimam secun-  
di generis. Sint enim  $AB$ ,  $BC$  duo ex illius-  
modi planis, ita ut angulus exterior  $ABD$   
sit indefinitè parvus. Describatur ex puncto  
 $B$  tamquam centro semicirculus  $CAE$ , &  
demittatur super  $CE$  perpendicularis  $AD$ ,  
quæ propter angulum indefinitè parvum  
 $ABD$  erit itidem indefinitè parva. Itaque  
velocitas acquisita in descensu per planum  
primum  $AB$  erit ad velocitatem, cum qua  
ingreditur corpus planum alterum  $BC$ , ut  
est  $AB$  ad  $BD$ : proindeque, si  $AB$  designet ve-  
locitatem acquisitam in descensu per  $AB$ ,  
designabit  $DE$  decrementum, quod illa pa-  
titur in concursu planorum. Sed  $DE$  est in-  
finitesima secundi generis, quum propter  
circulum  $CD$  sit ad  $AD$ , ut est  $AD$  ad  $DE$ .  
Itaque ipsum illud decrementum erit etiam  
infinitesima secundi generis; adeoque sum-  
ma ex infinitis illiusmodi decrementis erit in-

infinitesima generis primi; nec proinde aliquid finitum, & sensibile constituet.

Cæterum, quemadmodum quum grave corpus descendit per planum aliquod curvilineum, nihil de velocitate acquisitâ unquam amittit, adeoque in fine eandem retinet velocitatem, quam sibi comparasset, si ex pari altitudine rectâ descendisset; ita hoc idem obtinet quoque, si corpus continuato motu ex tangente transeat in planum curvilineum, aut vice versâ; quum angulus contactus in curvis omnibus omni angulo acuto rectilineo minor à Geometris ostendatur. Unde colligere pronum est, quod vis, qua grave acceleratur in descensu per aliquam curvam lineam, eadem sit, ac si per tangentem ejus curvæ, aut etiam per aliam rectam lineam tangenti parallelam descenderet.

#### C A P. IV.

*De motu pendulorum per arcus circulares  
oscillantium.*

**P**endulum vocatur grave aliquod corpus, quod filo tenuissimo ex puncto aliquo suspenditur, & circa idem fixum, & FIG. 73. immobile revolvitur: veluti est grave A, quod ex puncto B suspensum mediante filo AB,

AB, ita redituque describit circa idem punctum, tamquam centrum, arcum CAD. Per-  
spicuum est autem huic gravi eundem pla-  
nè motū accidere, ac si in superficie sphericâ  
CAD perfectè durâ, ac levigatâ idem gra-  
ve corpus moveretur; quandoquidem hîc  
supponimus, nec aerem pendulorum motui  
obstare, nec ullam esse frictionem circa cen-  
trum rotationis B. Unde ex iis, quæ superius  
ostensa sunt, facile erit pendulorum per cir-  
culares arcus excurrentium affectiones deri-  
vare.

Et primò quidem semotis, ut dictum est,  
omnibus impedimentis pendulum AB eun-  
do, & redeundo continuas oscillationes per-  
ficiet in peripheria CAD. Id autem ut me-  
lius intelligatur, notandum est prius, quod  
in hypothese gravitatis constantis, quemad-  
modum descensus gravium est motus æqua-  
biliter acceleratus, ita ascensus eorundem  
gravium est motus æquabiliter retardatus.  
Nam vis gravitatis continuè, & æqualiter  
agens, sicuti motum inceptum gravis de-  
scendentis æqualibus temporibus æqualiter  
auget, quum suam exercent actionem secun-  
dum eandem directionem, qua perficitur  
motus gravis descendentis; ita vicissim mo-  
tum inceptum gravis ascendentis minuit  
semper pro temporis ratione, quum in isto  
casu agat contra directionem illius motus.

Hinc



Hinc siquidem grave corpus post descensum per planum aliquod  $BA$ , siue rectum, siue obliquum ad horizontem, sursum convertat motum suum, ascendet ad eandem, unde venit altitudinem. Nam, quum gravitas eodem semper tenore agat in corpus, siue ascendat, siue descendat; eadem erit ejus efficacia ad corporis velocitatem minuendam in ascensu, quæ est ad ipsam in descensu augendam. Ex quo sequitur, decrementum velocitatis in puncto aliquo  $E$ , dum ascendit mobile ab  $A$  ad  $E$  tantum esse, quantum fuit incrementum velocitatis acquisitum in descensu ab  $E$  ad  $A$ ; ac proinde eadem erit velocitas in  $E$  post ascensum per  $AE$ , quæ erat prius in eodem puncto post descensum per  $BE$ . Unde, quum eadem sic demonstratio in omni alio loco, tolletur corpori ascendenti in puncto  $B$  velocitas omnis; adeoque terminus, ad quem mobile ascendendo perveniet, erit illud idem punctum, ex quo prius descenderat.

Ex ipsâ autem demonstratione perspicuum est, id non modo verum esse, quum vis gravitatis ponitur ubique eadem, & constans, verum etiam in omni possibili gravitatis hypothese. Nam semper gravia ascendentia cum velocitatibus ultimò acquisitis successivè omnes velocitatis gradus servabunt in locis illis, in quibus cadendo eos

acquifiverunt : proindeque femotis omnibus impedimentis ad eam ipsam altitudinem affurgent , ex qua prius descensum inchoarunt . Sed patet quoque , id non solum sibi locum vindicare , quum corpora rectè in altum feruntur , verum etiam , quum in curvis quibuscumque ascendunt ; enim verò quemadmodum curvitas nihil officit descensui gravium , ita neque etiam potest esse impedimento eorundem ascensui .

Ex quibus modò facile erit ostendere , pendulum AB eundo , & redeundo continuas oscillationes in peripheria CAD perficere debere , quotiescunque nec aer ejus motui obstat , nec circa punctum rotationis B ulla sit frictio . Nam , delato pendulo ad situm BC , & exinde demisso , describet grave descendendo arcum CA , & in puncto A eam habebit velocitatem , quæ acquiritur , cadendo per EA . Hac autem velocitate , etsi per tangentem in A exire conetur , attamen quum detineatur per filum in peripheriâ CAD , ascendet ope illius velocitatis per arcum AD ad eandem altitudinem , ex qua decidit , scilicet ad punctum D . Unde , quum suâ gravitate rursus incipiat descendere , acquirat in puncto A denuò priorem velocitatem , cum qua ascendet ad C : proindeque ascendendo , & descendendo per arcum CAD continuò pendulum oscillabitur ,

Forent autem in æternum duraturæ penduli oscillationes, si, ut dictum est, nec aer ejus motui obstatet, nec ulla fieret frictio circa punctum rotationis B. Verùm hisce de causis, tametsi insensibiliter, minuitur aliquantulum singulis oscillationibus penduli velocitas in puncto infimo A: ex quo fit, ut non ad idem præcisè punctum redeat grave corpus, ex quo priùs discesserat, sed arcus, in quos excurrit continuò, reddantur breviores, donec tandem insensibiles evadant. Unde rectè observavit Vir Eximius Isaac Newtonus in Principiis Philosophiæ Mathematicis, quòd ut experimentum pendulorum congruat admissim cum theoriis de congressu corporum, habenda sit ratio resistantiæ aeris, per quam pendula in descensu retardantur.

Secunda proprietas penduli, per arcus circulares oscillantis, hæc est, quòd velocitas ejus in puncto infimo sit, ut subtenfa arcus, quem descendendo describit. Sit enim pendulum BA, quòd motu suo describat circulum ACDG. Dico, velocitatem acquisitam in descensu per arcum CA esse ad velocitatem acquisitam in descensu per arcum DA, ut est chorda arcus prioris ad chordam arcus alterius. Demittantur namque super BA perpendiculara CE, DF; jamque velocitates acquisitæ in descensu per

FIG. 74.

V

re-

arcus  $CA$ ,  $DA$  illæ eædem erunt, quæ acquiruntur in descensu per altitudines  $EA$ ,  $FA$ . Unde eò res redit, ut ostendamus, velocitatem acquisitam in descensu per  $EA$  esse ad velocitatem acquisitam in descensu per  $FA$ , ut est chorda arcus  $CA$  ad chordam arcus  $DA$ .

Id autem ostendetur hac ratione. Quoniam angulus  $ACG$ , velut in semicirculo existens, rectus est, erit chorda  $CA$  media proportionalis inter  $AG$ , &  $AE$ : proindeq; quadratum ex  $CA$  æquale erit rectangulo  $EAG$ . Similiter ostendemus, quadratum ex  $DA$  æquale esse rectangulo  $FAG$ . Quare erit, ut quadratum ex  $CA$  ad quadratum ex  $DA$ , ita rectangulum  $EAG$  ad rectangulum  $FAG$ . Sed propter communem altitudinem  $AG$ , rectangulum  $EAG$  est ad rectangulum  $FAG$ , ut  $EA$  ad  $FA$ . Itaque erit ex æquali, ut quadratum ex  $CA$  ad quadratum ex  $DA$ , ita  $EA$  ad  $FA$ . Sunt igitur chordæ  $CA$ ,  $DA$  in subduplicatâ ratione ipsarum  $EA$ ,  $FA$ . Atqui in earundem subduplicatâ ratione sunt etiam velocitates, quæ acquiruntur in descensu per ipsas  $EA$ ,  $FA$ . Quare ex æquali velocitates istæ erunt quoque inter se, ut chordæ  $CA$ ,  $DA$ .

Ex hac proprietate illud perspicuum fit, quod si capiantur arcus  $A_1$ ,  $A_2$ ,  $A_3$ ,  $A_4$  &c. talis longitudinis, ut eorum subtensæ sint,

sint, ut numeri naturales 1, 2, 3, 4, &c. respectivè; & pendulum diversis viribus sursum impellatur per arcus illos, hoc est ab unâ vi per arcum A1, ab aliâ per arcum A2, atque ita deinceps; quod inquam velocitates ab iis viribus pendulo impressæ in puncto A sint in ratione numerorum naturalium. Unde modò facillè erit, machinam conficere, in qua per experimenta pendulorum comprobari possint leges, quæ in congressu corporum observantur.

FIG. 75.

Construatur namque triangulum ligneum ABC, & prope angulum A capiantur duo puncta D, & E ita quidem distantia inter se, ut pendula duo DF, EG, quæ ex illis liberè pendent, se mutuo contingant. Tum ex punctis illis D, & E velut centris, intervallisque DF, EG describantur arcus FH, GI, & sumantur tam in arcu FH portiones F1, F2, F3, F4 &c., quàm in arcu GI portiones G1, G2, G3, G4 &c. talis longitudinis, ut earum subtensæ sint, ut numeri naturales 1, 2, 3, 4, &c. respectivè; jamque ope hujus machinæ facillè erit, experientiæ subicere leges congressuum, quas superiùs demonstratas exhibuimus.

Etenim si grave F in arcu suo FH ad punctum 5 attollatur, & grave G in arcu suo GI trahatur ad punctum 3, eaque simul demittantur; per quartam pendulorum

V. 2 in

in arcus circulares oscillantium proprietatem mox ostendendam perveniēt simul, & eodem tempore ad puncta infima; & velocitates, quibus sese percutiunt, per proprietatem secundam jam demonstratam, erunt ut numeri 5, & 3. Quod si post ictum grave *F* ascendat in arcu suo *FH* ad punctum 3, & grave *G* in arcu suo *GI* ad punctum 5; concludendum erit, velocitates gravium post congressum esse, ut 3, & 5 respectivè, & motus eorundem esse contrarios, perinde ac erant ante congressum.

Fig. 76.

Tertia proprietas pendulorum per arcus circulares oscillantium est, quod tempora oscillationum duorum pendulorum in similes arcus excurrentium sint in subduplicatâ ratione suarum longitudinum: nimirum si *AB*, *AC* sint duo pendula, quæ suas oscillationes perficiant in arcubus similibus *DE*, *FG*; erit tempus oscillationis penduli *AB* ad tempus oscillationis penduli *AC* in subduplicatâ ratione ipsarum *AB*, *AC*. Id autem ut ostendamus, præmittendum est prius hoc lemma, quod si duo gravia descendant super duobus, aut pluribus planis proportionalibus, & similiter ad horizontem inclinatis; tempora, quæ in iis percurrendis impenduntur, sint in subduplicatâ eorundem ratione.

Percurrat etenim grave aliquod plana  
AB,

AB, BC, quæ sint proportionalia, & similiter ad horizontem inclinata cum planis DE, EF, quæ ab altero gravi percurrantur: ita, ut AB sit ad BC, ut est DE ad EF, ductisque horizontalibus AG, DH æquales sint tum anguli BAG, EDH, tum anguli AGB, DHE. Dico tempus, quo percurruntur plana duo AB, BC, esse ad tempus, quo alia duo plana DE, EF peragrantur, in subduplicatâ ratione longitudinum eorundem planorum.

Ponamus primò, concursus planorum non impedire motus gravium descendantium, sed tantùm eorundem directionem mutare. Quia igitur triangula ABG, DEH æquiangula sunt, erit ut AB ad BG, ita DE ad EH. Est autem ex hypothesi ut AB ad BC, ita DE ad EF. Quare erit ex æquali, ut BG ad BC, ita EH ad EF; atque aded componendo, & permutando GC erit ad HF, ut BG ad EH, sive etiam, ut AB ad DE.

Et quoniam plana AB, DE velut similiter ad horizontem inclinata eodem prorsus modo percurruntur, ac si partes essent ejusdē plani; erit tempus per AB ad tempus per DE in subduplicatâ ratione ipsarum AB, DE. Est autem ob eandem rationem in hac eadem subduplicatâ ratione, tam tempus per GC ad tempus per HF, quàm tempus per BG ad tempus per EH. Quare, quum divi-

dendo in eâdem adhuc subduplicatâ ratione fit tempus per BC post descensum ex G, vel A ad tempus per EF post descensum ex H, vel D; erit ex æquali, ut tempus per AB ad tempus per DE, ita tempus per BC ad tempus per EF.

Hinc permutando, componendo, & rursus permutando erit, ut tempus per AB, BC ad tempus per DE, EF, ita tempus per AB ad tempus per DE. Sed tempus per AB est ad tempus per DE in subduplicatâ ratione ipsarum AB, DE; & AB est ad DE, ut AB, BC ad DE, EF. Igitur ex æquali tempus, quo percurruntur continuato motu plana duo AB, BC, erit ad tempus, quo motu similiter continuato peragantur alia duo plana DE, EF, in subduplicatâ ratione longitudinum ipsorum planorum.

Ponamus secundò, concursus planorum impedimento esse motibus gravium, jamque demissis super BG, EH perpendicularibus AI, DK, æquiangula adhuc erunt triangula ABI, DEK; adedque erit, ut AB ad BI, ita DE ad EK. Est autem ex hypothesis, ut AB ad BC, ita DE ad EF. Quare erit ex æquali ut BI ad BC, ita EK ad EF; atque aded componendo, & permutando IC erit ad KF, ut BI ad EK, sive etiam, ut AB ad DE.

Unde modò facile erit in hac etiam hypothesis.



pothesi lemma propositum ostendere. Nam quemadmodum, quum concursus planorum nequaquam impediunt motus gravium, plana BC, EF, perinde percurruntur à gravibus post descensum ex A, & D; ac si descendissent ex G, & H; ita quoque, quum concursus planorum impedimento sunt motibus gravium, eadem plana BC, EF perinde percurrentur post descensum ex A, & D, ac si descendissent gravia ex I, & K.

Idem autem eadem ratione ostendetur, si plura essent utrobique plana proportionalia, & similiter ad horizontem inclinata. Ex quo illud colligi potest, quod si fuerint duo plana curvilinea DB, FC similia, & similiter posita, tempora descensus per plana illa sint in subduplicatâ ratione suarum longitudinum; quandoquidem plana illa curvilinea considerari possunt, velut infinita numero plana rectilinea indefinitæ parvitatîs, proportionalia, & similiter ad horizontem inclinata.

Atque hinc modò sponte suâ sequitur proprietas pendulorum superius posita. Nam, quum arcus DB, FC sint similes, & similiter positi, erit ex ostensis tempus descensus per DB ad tempus descensus per FC in subduplicatâ ratione ipsorum DB, FC, sive etiam DE, FG. Sed tempus descensus per DB est dimidium temporis, quo

Fig. 76.

perficitur oscillatio integra in arcu DE; atque ita quoque tempus descensus per FC est dimidium temporis, quo in arcu FG integra absolvitur oscillatio. Quare tempus oscillationis penduli AB erit ad tempus oscillationis penduli AC in subduplicatâ ratione arcuum DE, FG, in quibus oscillationes absolvuntur; atque aded in subduplicatâ ratione ipsarum longitudinum AB, AC; quum propter arcus similes DE, FG, AB sit ad AC, ut est DE ad EG.

Ex hac pendulorum proprietate haud difficile erit, dato numero oscillationum, quæ ab uno pendulo AB notæ longitudinis in dato tempore perficiuntur, invenire numerum oscillationum, quæ ab alio quovis pendulo AC notæ similiter longitudinis in eodem tempore perficientur. Est quippe tempus unius oscillationis reciprocè, ut numerus oscillationum dato tempore peractarum. Ostensum est autem, idem tempus esse, ut longitudo penduli oscillantis subduplicatè. Quare numeri oscillationum, quæ à duobus quibuscvis pendulis in dato tempore perficiuntur, erunt in ratione reciproca subduplicatâ suarum longitudinum; & propterea si inventâ mediâ proportionali inter AB, & AC, fiat ut media ista ad AB, ita numerus oscillationum penduli AB ad quartum, habebitur numerus oscillationum penduli AC.

Vi.

Vicissim verò datis numeris oscillationum, quæ perficiuntur in eodem tempore à pendulis AB, AC, datâque longitudine penduli unius, velut AB, licebit invenire longitudinem alterius penduli AC: nimirum faciendo, ut quadratum numeri oscillationum penduli AC ad quadratum numeri oscillationum penduli AB, ita longitudo data AB ad longitudinem quæsitam GD.

Cæterum hæc pendulorum proprietas, ut liquet ex ipsâ demonstratione, propriè sibi locum vindicat, quum oscillationes fiunt in arcibus similibus. Interim, si arcus, in quibus pendula oscillantur, non sint nimis magni, obtinebit præter propter proprietas ista, tametsi arcus oscillationum non sint similes: idque ob quartam, & ultimam pendulorum proprietatem, quod ejusdem penduli vibrationes exiguæ, etsi inæquales, ad sensum sint isochronæ, sive æquiditurnæ.

Sic namque pendulum BA, quod oscillando describat arcus inæquales CAD, EAF. Dico æqualia ferè tempora in illis describendis insumi, hoc est oscillationem in arcu CAD fieri eodem ferè tempore, quo perficitur oscillatio in arcu EAF, dummodo arcus illi non sint nimis magni. Nam, propter exiguitatem arcuum CA, EA, ii nec longitudine, nec declivitate multum à chordis suis deflectunt: proindeque grave paria  
ferè

FIG. 78

ferè infumet tempora, five per arcus CA, EA, five per chordas illorum feratur. Sed tempora descensus per eorum arcuum chordas ex superiùs ostensis æqualia sunt. Quare æqualia fere erunt etiam tempora per arcus CA, EA. Sunt autem horum temporum dupla illa, quibus pendulum oscillando describit arcus inæquales CAD, EAF. Igitur & ista quoque tempora ferè æqualia erunt.

Postremam hanc pendulorum proprietatem confirmat etiam experientia. Si enim capiantur pendula duo æqualis longitudinis, eaque ad motum concitentur subiinde, ut unum in multò majores excurrat arcus, quàm alterum; comperietur hujusmodi pendula ferè æqualia habere tempora oscillationum: adeò, ut in centum oscillationibus vix erit discrepantia temporis unius oscillationis. Ejusdem autem proprietatis beneficio adhibuit primus omnium Galilæus pendula in observationibus physicis, & astronomicis, quæ accuratam temporis mensuram requirunt; cujus exemplo ductus Hugenus horologia ipsa automata pendulis instruxit, & experientia comprobavit hujuscemodi horologia longe superare priora illa, quorum libratores horizontales erant.

Et si autem hujusmodi horologia pendulis

lis instructa iis, quæ prius in usu erant, valdè essent accuratiora, quin & aliqua fuissent aded affabrè elaborata, ut temporis mensuram exhiberent motu Solis multò iustiore, qui monstrat solummodò tempus apparens, ac relativum, non autem verum & absolutum; nihilominus non eò res redacta erat, ut exacta temporis mensura haberetur. Quamvis enim ejusdem penduli oscillationes exiguæ fere, & ad sensum sint æquidiuturnæ; quia tamen non sunt omnimodè & geometricè tales, sed majores minoribus sunt aliquantulum diuturniores, erit semper inter singulas oscillationes exigua quædam differentia, ex quibus omnibus differentiis conflatur tandem differentia satis magna, ut ipsa evincit experientia.

Quocirca, ut pendulorum oscillationes ad omnimodam æqualitatem redigerentur, & tam majorum, quàm minorum tempora perfectè essent æqualia, novum protulit inventum laudatus Hugenius numquam satis commendandum: nimirum, quum demonstraverit, tempora descensus per arcus cycloidis, cujus vertex est punctum imum, inter se æqualia esse; collegit isochronas esse pendulorum oscillationes omnes, si utique non in circumferentiæ circuli, sed in cycloidis arcubus perficerentur. Unde methodum excogitavit, qua mediante posset gra-

ve pendulum per cycloidis perimetrum ferri. Quæ tamen omnia ut meliùs intelligantur à Tyronibus, quibus hæc scribimus, præmittenda sunt priùs nonnullâ de naturâ & proprietatibus cycloidis.

## C A P. V.

*De naturâ, & proprietatibus cycloidis; ubi etiam de epicycloide, tum internâ, cum externâ.*

**Fig. 79.** **U**T curvæ, cyclois dictæ, claram distinetamque ideam Lectoribus nostris hoc loco exhibeamus, concipiatur in plano aliquo circulus AEB, cujus centrum sit punctum C; diameter recta AB. Revolvatur circulus iste super rectâ positione datâ DBD, quam in primâ sui positione unâ diametri extremitate A contingat in D, idque usque donec eidem occurrat puncto B, diametri extremitate alterâ. Et quoniam circulus prædictus super rectâ illâ duplici motu fertur, uno progressivo, & altero circulari; prior diametri extremitas A, subiens utrumque motum, designabit in eodem illo plano lineam curvam DNA, quæ erit cycloidis pars dimidia. Et siquidem idem circulus super eâdem rectâ ulteriùs pergat revolvî, donec integram revolutionem perficiat; habea-

habebitur cyclois integra DAD, cujus basis dicetur recta DD, vertex punctum A, axis recta AB normalis ad basim, & circulus genitor ipse ille, per cujus revolutionem cyclois describitur, quique circa cycloidis axem, velut diametrum, describi solet.

Jam verò sicuti ex ipsâ curvæ genesi ulterò liquet, rectam BD, basim semicycloidis AND, æqualem esse circumferentiæ semicirculi genitoris AEB, ita quoque non obscure colligi potest, quod si ex quovis axis puncto M perpendicularis erigatur MN, portio ejus EN, circumferentiâ, & semicycloide comprehensa, adæquet arcum correspondentem AE. Nam, si semicirculus AEB concipiatur perventus ad positionem NFB, erit arcus BF æqualis rectæ BF, & arcus FN æqualis rectæ DF. Sed erectâ ex puncto contactus F perpendiculari FG, quia ea transit per centrum semicirculi C, æquales erunt tam rectæ BC, FC, quàm rectæ CM, CG; & consequenter æquales etiam erunt tam rectæ ME, GN, quàm rectæ MG, EN. Itaque erit quoque, tum EN æqualis BF, tum chorda FN æqualis chordæ BE; atque adeò æquales etiam inter se, tam arcus BE, FN, quàm arcus AE, BF. Est autem arcus BF æqualis rectæ BF, sive EN. Et igitur eadem EN adæquabit quoque arcum AE.

Unde patet, descriptæ semicycloidis AND  
hanc

FIG. 80.

hanc esse proprietatem præcipuam, ut quælibet ejus ordinata  $MN$  adæquet arcum correspondentem  $AE$  unà cum sinu ejus  $ME$ : proindeque circuli rectificatione suppositâ, facile erit, semicycloidem in plano per puncta describere. Sed patet etiam, cycloidem esse ex numero curvarum, quæ mechanicæ, sive transcendentes, aut geometricè irrationales dicuntur; quandoquidem ratio, quam habet in eâ abscissa  $AM$  ad ordinatam correspondentem  $MN$ , inveniri nequit, nisi inventâ priùs relatione, quam habet eadem abscissa  $AM$  ad arcum correspondentem  $AE$ , quæque per æquationem ad infinitas dimensiones ascendente definitur. Quod exinde quoque colligi potest, quia circulus genitor, completâ suâ primâ revolutione, potest circumvolutiones alias super eâdem rectâ lineâ continuò efficere, atque ita alias, atque alias cycloides in infinitum describere. Etenim, quum omnes istæ cycloides, unicam constituentes curvam lineam, in infinito punctorum numero à rectâ secari possint; erit curva ex iis composita generis infinitesimi, atque adeò localis ejus æquatio ad infinitas dimensiones ascendet.

Ex præcipuâ autem semicycloidis proprietate sequitur, quod si recta  $NT$  contingat cycloidem in  $N$ , eique perpendicularis demittatur  $FN$ , tangens quidem  $NT$  parallel-



rallela sit chordæ AE, perpendicularis autem FN parallela chordæ BE. Etenim, si ad circumferentiæ punctum E ducatur tangens TE, quæ conveniat cum NT in puncto T, & concipiatur ordinata alia PQR, priori MN indefinitè proxima, ita ut portiones indefinitè parvæ QE, RN sumi possint, velut portiones tangentium TE, TN; ductâ quidem ex puncto R rectâ RS ipsi TE parallela, erit ob proprietatem cycloidis QE, sive RS æqualis SN, atque aded TE æqualis EN, quum similia sint triangula TEN, RSN. Unde, quum angulus TEM, tamquam exterior, duplus fiat anguli TNE, idemque propter tangentem DE duplus etiam sit anguli AEM; erit angulus AEM æqualis angulo TNE, & consequenter recta TN ipsi AE parallela erit. Est autem uterque angulorum AEB, TNF rectus. Quare erit etiam angulus BEM æqualis angulo FNE, atque adeo recta FN ipsi BE parallela erit.

Unde modò facile erit, omnes alias cycloidis proprietates, quæ ad ejus rectificationem & quadraturam spectant, derivare. Ordinemur autem à rectificatione: nempe, quod quælibet cycloidis portio AN dupla sit chordæ correspondentis AE, atque aded semicyclois ipsa AND dupla sit diametri circuli genitoris AB. Nam iisdem, ut supra, positis, quum ELRN sit parallelogrammum, erit  
por-

portio cycloidis indefinitè parva  $NR$  æqualis exiguæ rectæ  $EL$ . Jam verò propter angulum  $TEM$  bisectum per chordam  $AE$ , æquicruræ est triangulum indefinitè parvum  $EQL$ ; atque aded si centro  $A$  intervalloque  $AQ$  describatur arculus  $QX$ , vel quod idem est demittatur ex puncto  $Q$  super  $EL$  perpendicularis  $QX$ , hæc dividet bifariam in  $X$  ipsam  $EL$ . Itaque eadem cycloidis portio  $NR$  dupla erit portionis  $EX$ , quæ est differentia chordarum  $AE$ ,  $AQ$ ; & consequenter, quum hæc ratio dupla inveniatur, quocumque in loco capiatur ordinata  $MN$ , erunt singulæ portiones indefinitè parvæ, ex quibus componitur portio cycloidis  $AN$ , duplæ singularum differentiarum, quæ inter chordas correspondentes existunt. Unde faciliè erit colligere, ipsam cycloidis portionem  $AN$  duplam esse chordæ correspondentis  $AE$ ; nam quum ultima chorda evanescat, omnes illæ chordarum differentiæ simul sumptæ priorem  $AE$  adæquabunt.

Ostensâ cycloidis rectificatione, ad ejus quadraturam gradum facimus, circa quam plura à Geometris theoremata sunt inventa. Et primo iisdem, ut suprà, semper

FIG. 81. manentibus, si compleatur rectangulum  $AMNK$ , erit spatium cycloidale externum  $ANK$  æquale spatio circulari correspon-

den.

denti  $\triangle AEM$ . Nam si per punctum  $R$  ducatur recta  $IO$ , axi  $AB$  parallela, triangula  $RON$ ,  $AME$  similia fient inter se; eritque aded, ut  $RO$ , five  $PM$  ad  $ON$ , ita  $AM$ , five  $KN$  ad  $ME$ . Quare erit rectangulum  $KNO$  æquale rectangulo  $PME$ ; & propterea, quia ab hisce rectangulis non differunt sensibilter areolæ  $KNRI$ ,  $PMEQ$ , erit etiam areola  $KNRI$  æqualis areolæ  $PMEQ$ . Sed hæc areolarum æqualitas reperitur quocumque in loco ducatur ordinata  $MN$ . Itaque componendo erit totum spatium cycloidale externum  $ANK$  æquale spatio circulari correspondenti  $AEM$ .

Jam completo rectangulo  $ABDH$ , ob eandem rationem erit totum spatium cycloidale externum  $ADH$  æquale semicirculo  $AEB$ . Unde, quia rectangulum  $ABDH$ , veluti factum ex diametro semicirculi  $AB$  in circumferentiam ejus  $AEB$ , est quadruplū ipsius semicirculi; erit spatium cycloidale internum  $ADB$  triplum semicirculi genitoris  $AEB$ . Ex quo sequitur, spatium cycloidale intermedium duplum esse ejusdem semicirculi, vel etiam æquale semicirculo genitori  $AEB$  unà cum spatio cycloidali externo  $ADH$ .

Præterea, si compleatur rectangulum  $ABGK$ , quia istud fit ex  $AB$  in  $MN$ , hoc est ex  $AB$  in  $ME$ , & ex  $AB$  in  $EN$ , five ar-

cum  $AE$ , estque rectangulum ex  $AB$  in  $ME$  quadruplum trianguli  $BCE$ , & rectangulum ex  $AB$  in arcum  $AE$  quadruplum sectoris  $ACE$ ; erit idem rectangulum  $ABGK$  quadruplum segmenti circularis  $ABE$ , ad chordam  $BE$  terminati. Unde, quia spatium cycloidale externum  $ANK$  est æquale spatio circulari correspondenti  $AEM$ , & triangulum  $NFG$  est æquale triangulo  $BEM$ ; his hinc inde ablati, supererit spatium cycloidale internum  $ABFN$  terminatum ad rectam  $FN$  triplum segmenti circularis  $ABE$ , quod ad chordam  $BE$  terminatur; atque aded reliquum spatium cycloidale internum  $DNF$  triplum quoque erit reliqui segmenti circularis  $BEB$ .

Ex quibus omnibus jam liquet, quadraturam indefinitam spatii cycloidalis tam interni, quam externi ex circuli quadraturâ pendere, & nonnisi eâ suppositâ posse exhiberi. Sed nihilominus dantur nonnullæ portiones spatii cycloidalis interni absolute quadrabiles. Nam primò, quum ostensum sit, spatium cycloidale internum  $ABFN$  triplum esse segmenti circularis correspondentis  $ABE$ , si ponamus  $AB$  quadruplam esse ipsius  $AM$ , fiet hoc casu parallelogrammum  $EF$  triplum sectoris correspondentis  $ACE$ , atque aded spatium cycloidale internum  $ABEN$  triplum trianguli  $BEC$ .

SEC. Et secundò, quia spatium cycloidale externum ANK ostensum est æquale spatio circulari correspondenti AEM, si ponamus ordinatam MN occurrere axi cycloidis AB in ipso centro C, ita ut fiat rectangulum totum AN æquale quadrato radii AC, unà cum duplo quadrantis ACE, erit spatium cycloidale intermedium AEN æquale quadrato radii AC.

Horum spatiorum, quorum valor independenter à quadraturâ circuli invenitur, primum exhibuit Hugenius, alterum notavit Leibnitius. Sed infinita alia protulit Geometra insignis Johannes Bernoullius in suo Schediasmate, quod anno 1699 inseruit Monumentis Regiæ Scientiarum Academiæ Parisiensis, quorum quidem spatiorum nonnisi casus sunt speciales spatia illa, quæ Hugenius, & Leibnitius considerarunt. Sunt autem hæc spatia Bernoulliana duplicis speciei. Etenim si in radio AC capiantur duo quævis puncta P, & M, ab ipsis A, & C æqualiter distantia, & ducantur ordinatæ MN, PR sive ad eandem, sive ad partes contrarias; exhibet laudatus Geometra quadraturam, tam spatii cycloidalis interni AMR, quàm segmenti cycloidalis RNR à rectâ NR, & cycloide ipsâ comprehensi; illud nimirum ostendendo æquale triangulo BPQ; hoc verò æquale differentiæ triangulorum BPQ, BME.

FIG. 82.

Et quidem quod attinet ad primum, nempe quod spatium cycloidale internum AMR æquale sit triangulo BPQ, ostendemus illud in hunc modum. Quoniam AP, CM ex hypothefi sunt æquales, erit semisumma rectarum AP, AM æqualis dimidio radii AC: proindeque trapetium AMRI, quum fiat ex semisummâ rectarum AP, AM in rectam AI, five PR, erit æquale rectangulo, quod fit ex dimidio radii AC, & ordinatâ PR; five etiam duobus rectangulis, quorum alterum fit ex dimidio radii AC in rectam PQ, alterum ex dimidio radii AC in arcum AQ; hoc est triangulo BCQ, & sectori ACQ simul sumptis; five etiam soli segmento circulari ABQ. Est autem spatium cycloidale externum ARI æquale spatio circulari correspondenti APQ. Itaque hisce ablatis, erit reliquum spatium cycloidale internum AMR æquale triangulo BPQ.

Quod verò spectat ad secundum, nempe quod segmentum cycloidale RNR, à rectâ NR, & cycloide ipsâ comprehensum sit æquale differentię triangulorum BPQ, BEM, demonstrari potest illud hac ratione. Quoniam semisumma rectarum AP, AM est æqualis dimidio radii AC, erit trapetium RNKI æquale rectangulo, quod fit ex dimidio radii AC in differentiam ordinatarum MN, PR. Sed, per naturam cycloidis

hu-

hujusmodi ordinatarum differentia est æqualis arcui intercepto  $QE$  unà cum differentia rectarum  $ME, PQ$ . Igitur, quia rectangulum ex dimidio radii  $AC$  in arcum  $QE$  est æquale sectori  $CQE$ , & rectangulum ex dimidio radii  $AC$  in differentiam rectarum  $ME, PQ$  est æquale differentie triangulorum  $BCE, BCQ$ ; erit idem trapezium  $RNKI$  æquale sectori  $CQE$  unà cum differentia triangulorum  $BCE, BCQ$ , si ve etiam soli spatio circulari  $BEQ$ : proindeque, quum segmentum spatii cycloidalis externi  $IRNK$  sit æquale spatio circulari correspondenti  $PQEM$ ; erit reliquum segmentum cycloidale internum  $RNR$  æquale differentie spatorum circularium  $BEQ, PQEM$ , & consequenter differentie triangulorum  $BEM, BPQ$ .

Sed notandum hoc loco est, quod si ordinatæ  $PR, MN$  ad contrarias partes ducantur, eo casu spatium cycloidale internum, quod cum ipsâ cycloide comprehendit recta  $NR$ , non quidem differentiam, sed summam adæquet triangulorum  $BEM, BPQ$ . Nec dissimilis est hujus rei demonstratio à præcedente. Etenim, quum semisumma rectarum  $AP, AM$  sit æqualis dimidio radii  $AC$ , erit trapezium  $RNKI$  æquale rectangulo, quod fit ex dimidio radii  $AC$  in summam ordinatarum  $MN, PR$ . Sed per natu-

ram cycloidis summa ordinatarum  $MN$ ,  $PR$  est æqualis arcui intercepto  $QAE$  unà cum summa rectarum  $ME$ ,  $PQ$ . Igitur, quia rectangulum ex dimidio radii  $AC$  in arcum  $QAE$  est æquale sectori  $CQAE$ , & rectangulum ex dimidio radii  $AC$  in summam rectarum  $ME$ ,  $PQ$  est æquale duobus triangulis  $BCE$ ,  $BCQ$  simul sumptis; erit idem trapezium  $RNKL$  æquale sectori  $CQAE$  unà cum duobus triangulis  $BCE$ ,  $BCQ$ , hoc est toti spatio circulari  $BQAE$ : proindeque, quum spatia cycloidalia externa  $ARI$ ,  $ANK$  ostensa sint æqualia spatiis circularibus correspondentibus  $AQP$ ,  $AEM$ ; erit reliquum spatium cycloidale internum  $NAR$  æquale summæ triangulorum  $BME$ ,  $BPQ$ .

FIG. 83.

Ad instar cycloidis aliam curvam lineam considerarunt Geometræ, quam epicycloidem appellarunt, utpote quæ ortum habet ex revolutione circuli super circulo alio immobili. Sit itaque  $DAD$  curva ista, quæ nempe describitur per punctum  $A$ , dum circulus  $AEB$  revolvitur super altero immobili  $DBD$ . Habeat autem circulus mobilis  $AEB$  positionem talem, ut recta  $AB$ , quæ ducitur ex puncto describente  $A$  ad punctum contractus  $B$  transeat per utriusque circuli centra  $C$ , &  $O$ . Et siquidem ex puncto  $O$ , tamquam centro, & intervallo quovis describatur arcus  $EN$ , proprietas

de-



descriptæ curvæ principalis erit, ut arcus AE sit ad arcum EN, velut est radius OB ad dium OE, sive ON.

Nam, si semicirculus AEB intelligatur ad eam positionem perventus, ut circulum alium immobilem contingat in puncto F, & punctum describens A incidat super puncto N; quia recta OF producta transit per centrum C, atque adedè triangula NOC, EOC habent singula latera singulis lateribus æqualia, erit angulus NOF æqualis angulo BOE, & consequenter angulus NOE æqualis angulo BOF. Unde, quum similes sint sectores BOF, EON, erit ut arcus BF ad arcum EN, ita radius OB ad radium OE. Sed per genesim ipsius curvæ arcus circuli immobilis BF est æqualis arcui circuli mobilis BF, sive AE. Igitur erit, ut arcus AE ad arcum EN, ita radius OB ad radium OE. Ex quo patet, quod si centrum O abeat in infinitum, ita ut arcus concentrici BF, EN evadant lineæ rectæ, ipsaque curva AND cyclois ordinaria; quia hoc casu radii OB, OE fiunt æquales, erit etiam arcus AE æqualis ipsi EN, quæ est proprietas principalis prædictæ cycloidis.

Ex eo autem, quod proprietas præcipua epicycloidis sit, ut arcus AE sit ad arcum EN, velut est radius OB ad radium OE, facile erit epicycloidem in plano per puncta

describere: scilicet, si constituto ad centrum C angulo quovis ACE, fiat ad centrum O angulus alter EON, qui sit ad illum, ut est radius AC ad radium OB, & ex puncto O tamquam centro, intervalloque OE describatur arcus EN, qui secet rectam ON in puncto N. Nam, quum arcus AE sit ad arcum EN in ratione compositâ ex angulo ACE ad angulum EON, & ex radio AC ad radium OE, sitque ex constructione angulus ACE ad angulum EON, ut est radius OB ad radium AC; habebit idem arcus AE ad arcum EN rationem compositam ex radio OB ad radium AC, & ex radio AC ad radium OE, adedque rationem simplicem, quam habet OB ad OE; & consequenter punctum N erit in epicycloide quæsitâ.

Unde liquet, epicycloidem non esse semper mechanicam, ac naturæ transcendens. Nam primò est geometrica, quum circulus mobilis AEB æqualis est circulo immobili DBD: etenim, quum in hoc casu æquales etiam sint radii AC, OB, invenientur epicycloidis puncta omnia semper geometricè, nimirum faciendo angulum EON æqualem angulo ACE. Et secundò est etiam naturæ geometricæ, quotiescumque radii AC, OB non quidem sunt æquales, sed rationem habent ejusmodi, quæ numeris exprimi possit: quippe tametsi hoc casu ad inveniendâ  
 ipsius

ipsius puncta omnia, fieri debeat angulus EON, qui sit ad angulum ACE, non quidem in ratione æqualitatis, sed ut est radius AC ad radium OB; attamen id semper fieri potest beneficio alicujus curvæ geometricæ, quotiescumque ratio radiorum AC, OB in numeris exhibetur.

Itaque reliquum est, epicycloidem DAD tunc demum esse machanicā, ac naturæ transcendētis, quum ratio radiorum AC, OB nullis numeris exprimi potest. Nam, ut omnes Geometræ norunt, angulum constitutere, qui ad alium angulum rationem habeat incommensurabilem, est problema mechanicum, nec ullis lineis geometricis perfici potest. Quod exinde etiam colligere licet, quia existente incommensurabili ratione radiorum AC, OB, est etiam incommensurabilis proportio circumferentiarum: proindeque, si circulus genitor, ac mobilis AEB, completâ primâ revolutione, intelligatur adhuc revolvi super circumferentiâ alterius circuli immobilis DBD, ut faciat secundam, tertiam, quartamve revolutionem, numquam perveniet ad primum illud punctum, unde cæperat moveri, describetque aded lineam curvam, quam recta linea in infinitis numero punctis secabit.

Quemadmodum autem ex commensurabilitate, aut incommensurabilitate rationis, que

quæ est inter radios circularum AC, OB, fit ut ipsa epicyclois DAD modò sit geometrica, modò mechanica; ita quoque pro triplici diversâ ratione, quæ inter eosdem radios esse potest, fit, ut eadem curva tres diversas configurationes habere possit. Nam primò, si ratio illa sit æqualitatis, ita nempe

FIG. 83.

ut æquales sint radii AC, OB; quia æquales sunt etiam ipsorum circularum circumferentiæ, circulus mobilis revolutione suâ emetietur integram circumferentiam circuli immobilis: proindeque quum in fine revolutionis incidat in illud idem punctum, unde cæperat moveri, figura epicycloidis spatium claudet, ejusque partes in cuspidem sursum spectantem conjungentur. Quod si

FIG. 84.

subinde ut radius AC major sit radio OB, quia circumferentia circuli mobilis major erit quoque circumferentiâ circuli immobilis, ipse circulus mobilis revolutione suâ non modò emetietur integram circumferentiam circuli immobilis, verùm etiam aliquam ejus portionem; & propterea, quia in fine revolutionis incidit ultra punctum, unde cæperat moveri, epicyclois non modò claudet spatium, ut in primo casu, sed habebit quoque aliam parvam ovalem dimidiatam, cuspidi inhaerentem, erique aded figura nodata. Ac denique si eadem illa ratio fuerit mino-

ris

inæqualitatis, ita ut radius AC minor sit **Fig. 85.**  
 lio OB; quia circumferentia circuli mobi-  
 minor quoque erit circumferentiâ circu-  
 immobilis, ipse circulus mobilis integrâ  
 revolutione suâ dumtaxat partem aliquam  
 circumferentiæ circuli immobilis emetie-  
 r, atque aded epicyclois ambitu suo spa-  
 m non claudet.

Hanc epicycloidem vocant Geometræ ex-  
 nam, ad differentiam alterius epicycloi-  
 s, quam appellant internam; utpote quæ  
 circuli intra circulum revolutione suam  
 nesim trahit. Habet autem hæc altera epi-  
 clois eandem omnino proprietatem cum  
 icycloide externâ. Sit enim AND epi-  
 ois descripta ex revolutione semicirculi  
 EB super concavitate arcus BD, cujus cen-  
 um est punctum O, & concipiatur ipse se-  
 icirculus AEB perventus ad eâ positionem,  
 contingat in F arcum BD, punctumque  
 scribens A incidat super puncto N. Et  
 oniam, junctâ rectâ OF, hæc transit per  
 ntrum semicirculi C, fit hinc, ut descri-  
 o ex puncto O velut centro arcu EN, sint  
 nilia, & æqualia tam triangula OCN,  
 CE, quàm triangula OFN, OBE: proinde-  
 ne, quum æquales sint anguli BOE, FON,  
 ldito communi EOF, erunt etiam æquales  
 anguli BOF, EON: & propterea, quia similes  
 ant sectores OBF, OEN, erit ut arcus BF  
 ad

**Fig. 86.**

ad arcum EN, ita radius OB ad radium OE. Jam verò per ipsam curvæ genesim arcus circuli immobilis BF est æqualis arcui circuli mobilis FB, sive AE. Igitur erit etiam, ut arcus AE ad arcum EN, ita radius OB ad radium OE, quæ est etiam proprietas principalis epicycloidis externæ.

Hinc epicyclois internâ eâdem planè ratione in plano per puncta describetur, ac epicyclois externa, nimirum si constituto ad centrum circuli mobilis C angulo quovis ACE, fiat ad centrum circuli immobilis O angulus alter EON, qui sit ad priorem ACB, ut est AC ad OB, & ex puncto O velut centro describatur arcus EN, qui secet rectam ON in puncto N. Unde etiam Epicyclois interna non semper erit ex numero curvarum mechanicarum, sed tunc tantum, quum ratio, quæ est inter radios AC, OB nullis numeris potest designari. Interim circa figuram alterius hujus epicycloidis nequaquam distinguendi sunt tres illi casus, quos ad determinandam figuram epicycloidis externæ superiùs distinximus. Nam, quum hæc alia epicyclois oriatur ex revolutione circuli intra circulum, profectò radius circuli mobilis minor semper esse debet radio circuli immobilis.

Id potiùs circa hanc alteram epicycloidem observandū hîc venit, quod si diameter  
cir-

circuli mobilis adæquet radium circuli immobilis, epicyclois ipsa evadat linea recta per centrum immobilis circuli transiens, & axi suo perpendiculariter insistens. Nam, quum ad inveniendum unumquodque epicycloidis punctum  $N$  fieri debeat ad centrum  $O$  angulus  $EON$ , qui sit ad angulum  $OCE$  constitutum ad centrum  $C$ , ut est radius  $OC$  ad radium  $OB$ ; proculdubio semper ac  $OC$  semissis erit ipsius  $OB$ , erit etiam angulus  $EON$  semissis anguli  $OCE$ : & propterea punctum  $N$  locabitur in rectâ  $OD$ ; quandoquidem angulus  $EOD$ , velut æqualis angulo  $EOB$ , semissis est anguli  $OCE$ .

FIG. 87.

Sed, ut alias utriusque epicycloidis proprietates prosequamur, consideremus adhuc semicirculum  $AEB$  ad talem positionem perventum esse, ut contingat in  $F$  circumferentiam circuli immobilis, punctumque describens  $A$  incidat super puncto  $N$ . Et quoniam portio indefinitè parva epicycloidis, quæ puncto  $N$  adjacet, considerari potest descripta à rectâ  $FN$ , revolutâ circa punctum  $F$  tamquam centrum, erit ipsa recta  $FN$  radius, aut etiam portio radii circumferentis epicycloidem in puncto  $N$ : roindeque, quia radius cujusque circuli circumferentiam ad rectos angulos se habet, secabit eadem  $FN$  epicycloidem  $ND$  ad rectos angulos in puncto  $N$ . Unde  
facili



facili negotio ducemus rectam lineam, quæ epicycloidem in dato puncto  $N$  perpendiculariter secet: nimirum si descripto ex puncto  $O$  tamquam centro arcu  $EN$ , constitutur angulus  $FON$  æqualis angulo  $BOE$ , aut etiam si inter epicycloidem, & basim aptemus rectam  $FN$  æqualem chordæ correspondenti  $BE$ . Ex quo etiam nullo negotio ducetur recta linea, quæ epicycloidem contingat in  $N$ : nimirum si fiat angulus  $ONR$  æqualis angulo  $OEA$ .

FIG. 88.  
89.

Quod attinet ad rectificationem utriusque epicycloidis, determinabimus eam, inveniendò rationem, quam habet unaquæque portio  $AN$  ad correspondentem portionem  $An$  cycloidis vulgaris, descriptæ per revolutionem ejusdem semicirculi  $AEB$  super recta  $Bd$ . Quem in finem hoc theorema demonstrandum nobis proponimus, quod quælibet portio epicycloidis  $AN$  sit ad cycloidis correspondentem portionem  $An$ , ut est  $OC$  ad  $OB$ . Id autem ostendemus hac ratione. Constituatur angulus  $NRT$  æqualis angulo  $nrs$ , ipsique  $RT$  perpendicularis demittatur  $NT$ : quibus peractis oriatur triangulum  $RNT$  simile triangulo  $rns$ , & simile etiam triangulo  $AEM$ ; eritque aded angulus  $TRN$  æqualis angulo  $BAE$ , sive  $Ebd$ , & angulus  $TNR$  æqualis angulo  $AEM$ .

Hinc quia, propter tangentem epicycloidis



, angulus  $ONR$  æqualis est angulo  $OEA$ ,  
 etiam angulus  $ONT$  æqualis angulo  
 $DEM$ , & consequenter angulus  $TNS$  æqua-  
 angulo  $BOE$ . Sed, quum circulus super  
 à  $NR$  descriptus transeat etiam per pun-  
 $S$ , &  $T$ , angulus  $TNS$  æqualis est angulo  
 $TRS$ , & anguli  $TNR$ ,  $TSR$  vel sunt æqua-  
 inter se, vel simul duos rectos adæquantur  
 erit quoq; angulus  $TRS$  æqualis angulo  
 $BOE$ , & angulus  $TSR$  æqualis angulo  
 $O$ : proptereaque, quum similia sint trian-  
 la  $SRT$ ,  $BOE$ , erit ut  $TR$  ad  $RS$ , ita  $EO$  ad  
 $BO$ . Jam verò, ut mox ostendemus,  $RS$  est  
 $PM$ , sive  $rs$ , ut est  $OC$  ad  $OE$ . Quare erit  
 æquali perturbando, ut  $TR$  ad  $rs$ , ita  
 $EO$  ad  $OB$ ; atque adeò quia  $TR$  est ad  $rs$ , ut  
 $EO$  ad  $nr$ , erit ex æquali, ut  $NR$  ad  $nr$ ,  
 $OC$  ad  $OB$ ; & consequenter, quum  
 ubique reperiatur, erit  $OC$  ad  $OB$ , ita  
 ratio epicycloidis  $AN$  ad corresponden-  
 tem cycloidis portionem  $An$ , sive etiam ad  
 plura chordæ  $AE$ .

Quod autem  $RS$ , sive  $QH$  sit ad  $PM$ , sive  
 $rs$ , ut est  $OC$  ad  $OE$ , ostendemus in hunc  
 modum. Quoniam enim rectus est tam  
 angulus  $OEI$ , quam angulus  $CEQ$ , ad-  
 dito vel dempto communi  $CEI$ , erit angulus  
 $OEC$  æqualis angulo  $QEI$ : proindeque,  
 etiam angulus  $PQE$  æqualis est angulo  $BCE$ ,  
 ita ut sinus anguli  $OEC$  ad sinum anguli  
 $BCE$ ,

BCE, ita sinus anguli QEI ad sinum anguli PQE. Jam verò sinus anguli OEC est ad sinum anguli BCE, sive OCE, ut est OC ad OE; & assumptâ EQ pro radio, sive sinu toto, sinus anguli QEI, sive QEH est ad sinum anguli PQE, ut QH ad PM. Quare erit ex æquali ut QH, sive RS ad PM, ita OC ad OE.

Quod attinet ad quadraturam spatii epicycloidalis, determinabimus quoque illam, inveniendo rationem, quam habet unumquodque spatium epicycloidale AEN ad correspondens spatium cycloidale AEn. Quem in finem hoc aliud theorema demonstrandum nobis proponimus: nimirum spatium epicycloidale AEN esse ad spatium cycloidale correspondens AEn, ut est OC ad OB. Id autem ostendemus in hunc modum: quoniam spatiolum epicycloidale EQRN non differt sensibiliter à rectangulo, quod fit ex EN in RS, itemque spatiolum cycloidale EQrn sensibiliter non differt à rectangulo, quod fit ex En in rs, sive PM; spatiolum primum erit ad spatiolum secundum in ratione compositâ ex EN ad En, & ex RS ad PM. Jam verò, propter cycloidis proprietatem, recta En æqualis est arcui AE, & ob naturam epicycloidis arcus EN est ad arcum AE, ut est OE ad OB. Igitur, quum ex mox ostensis RS sit ad PM, ut est OC ad OE, idem

dem spatiolum epicycloidale  $EQRN$  erit ad spatiolum cycloidale correspondens  $EQRn$  in ratione compositâ ex  $OC$  ad  $OE$ , & ex  $OE$  ad  $OB$ , atque aded in simplici illâ ratione, quam habet  $OC$  ad  $OB$ . Unde, quum hæc ultima ratio sit constans, eaque ubique reperiatur, spatium epicycloidale  $AEN$  erit ad correspondens spatium cycloidale  $AEn$  similiter, ut  $OC$  ad  $OB$ .

Hinc quoque, quum integrum spatium epicycloidale  $AEBD$  sit ad integrum spatium cycloidale  $AEBd$ , ut est  $OC$  ad  $OB$ ; erit in hac eâdem ratione idem spatium epicycloidale  $AEBD$  ad duplum semicirculi  $AEB$ . Unde jam, quia spatium epicycloidale  $AEBD$  est ad semicirculum  $AEB$ , ut est  $2OC$  ad  $OB$ ; erit quoque componendo, ut totum spatiū epicycloidale  $ACBD$  ad semicirculum  $AEB$ , ita  $2OC + OB$  ad  $OB$ . Quin, etiam, quia descripto ex puncto  $O$  velut cetro arcu  $AV$ , spatium interceptū  $ABDV$  est ad sectorem  $OBD$ , ut est quadruplum rectanguli  $ACO$  ad  $OB$  quadratum; & aliunde, propter arcus æquales  $BFD, AEB$ , sector  $OBD$  est ad semicirculum  $AEB$ , ut est  $OB$  quadratum ad rectangulum  $CBO$ ; erit ex æquali ordinando, ut spatium  $ABDV$  ad semicirculum  $AEB$ , ita quadruplum rectanguli  $ACO$  ad rectangulum  $CBO$ , sive  $4OC$  ad  $OB$ : proindeque, quia ordinando rursus cum superiore

Y

riori

riori analogiâ spatium  $ABDV$  est ad totum spatium epicycloidale internum  $ACBD$ , ut est  $4OC$  ad  $2OC + OB$ ; erit dividendo, ut spatium epicycloidale externum  $ADV$  ad spatium epicycloidale internum  $ACBD$ , ita  $2OC - OB$  ad  $2OC + OB$ , & consequenter idem spatium epicycloidale externum  $ADV$  ad semicirculum  $AEB$ , erit, ut  $2OC - OB$  ad ipsam  $OB$ .

Sed illud etiam à Geometris circa spatia epicycloidalia ostensum est: scilicet, quod si recta  $FN$  secet epicycloidem ad rectos angulos in puncto  $N$ , portio spatii epicycloidalis interni  $ABFN$  sit ad portionem correspondentem spatii circularis  $ABE$ , ut est  $2OC + OB$  ad  $OB$ . Hoc autem facile demonstrabimus, si consideremus, eandem semper manere rationem inter spatia epicycloidalia  $ABFN, FDN$ , cujuscumq; magnitudinis assumatur radius circuli immobilis  $OB$ . Hinc enim fiet, ut si radius iste evadat infinitus, & consequenter epicyclois  $AD$  abeat in cycloidem vulgarem  $Ad$ , ratio spatiorum  $ABfn, fdn$  eadem maneat, ac prius; sitque aded ut spatium  $ABFN$  ad spatium  $FDN$ , ita spatium  $ABfn$  ad spatium  $fdn$ . Ostensum est autem, spatium  $ABfn$  ad spatium  $fdn$  eandem habere rationem, quam spatium circulare  $ABE$  ad chordam  $BE$  terminatum ad reliquum segmentum  $BEB$ . Igitur erit ex æquali, ut spatium

um circulare ABE ad segmentum reli-  
um BEB, ita spatium ABFN ad spatium  
DN, atque adeo componendo, & permu-  
ndo erit, ut semicirculus ABE ad spatium  
tum ABD, hoc est, ut OB ad  $2OC + OB$ , ita  
patium circulare ABE ad chordam BE ter-  
minatum ad spatium epicycloidale ABFN.

Ex quibus liquet, quadraturam spatio-  
um epicycloidalium ex circuli quadraturâ  
endere, & nonnisi eâ præsuppositâ posse  
exhiberi. Sed nihilominus, perinde ac ac-  
cidit in cycloide vulgari, dantur nonnulla  
patia epicycloidalia, quæ quadrari possunt  
absque eo, quod ad circuli quadraturam  
recurrare sit opus. Nam primò si punctum  
M incidat super centro C, erit spatium epi-  
cycloidale AEN ad quadratum semidiametri  
AC, ut est OC ad OB. Nam in hoc casu  
correspondens spatium cycloidale AEN o-  
stensum est æquale quadrato semidiametri  
AC. Est autem ex generali nostro theore-  
mate, ut spatium AEN ad spatium AEN,  
ita OC ad OB. Et igitur erit quoque, ut  
spatium AEN ad quadratum semidiametri  
AC, ita OC ad OB.

Secundò, si idem punctum M taliter ca-  
piatur, ut erectâ perpendiculari ME, se-  
cante circuli circumferentiam in E, sit OE  
media proportionalis inter ipsas OA, OC,  
spatium epicycloidale ABEN erit ad trian-

gulum CBE, ut est  $2OC \mp OB$  ad  $OB$ . Ostensum est enim in hac ratione esse spatium epicycloidale ABFN ad correspondens spatium circulare ABE. Atqui in casu, de quo agimus, eandem quoque rationem habet spatium epicycloidale BENF rectis BE, FN terminatum ad sectorem ACE. Itaque in eadem etiam, dividendo, ratione erit reliquum spatium epicycloidale ABEN ad triangulum CBE.

Quod autem existente OE mediâ proportionali inter OA, OC, spatium BENF sit ad sectorem ACE, ut est  $2OC \mp OB$  ad  $OB$ , ostenditur sic. Quoniam enim arcus AE æqualis est arcui BF, sector ACE erit ad sectorem BOF, ut est rectangulum CBO ad BO quadratum: proindeque, quia propter similitudinem arcuum BF, EN, sector BOF est ad spatium BENF, ut BO quadratum ad differentiam quadratorum OE, OB; erit ex æquali ordinando, ut sector ACE ad spatium BENF, ita rectangulum CBO ad differentiam quadratorum OE, OB. Jam verò OE quadratum est æquale rectangulo AOC, & differentia inter rectangulum AOC, & OB quadratum est rectangulum aliud, quod fit ex BC in  $2OC \mp OB$ . Igitur erit ut rectangulum CBO ad rectangulum ex BC in  $2OC \mp OB$ , hoc est, ut  $OB$  ad  $2OC \mp OB$ , ita sector ACE ad spatium BENF.

Sed

Sed notatu hîc dignum existimo, quod nemadmodum primum spatium epicycloïdale, quod absolutè quadrabile demonstra-  
 imus, correspondet spatio cycloïdali, cu-  
 is valorem independentè à quadraturâ  
 circuli exhibuit Leibnitius; ita quoq; secun-  
 dum spatium epicycloïdale, quod etiam  
 bsolutè quadrabile ostensum fuit, corre-  
 pondeat spatio cycloïdali, cujus valorem  
 ndependenter etiam à quadraturâ circuli  
 letexit Hugenius. Quod facilè quidem sua-  
 letur, si quemadmodum clarè liquet, pri-  
 mum spatium epicycloïdale abire in spa-  
 tium cycloïdale Leibnitianum, quum epi-  
 cycloïis in cycloïdem vertitur; ita quoque  
 ostendi possit, secundum spatium epicycloi-  
 dale mutari in spatium cycloïdale Hûge-  
 nianum, quum epicycloïis abire in cycloïdem  
 vulgarem. Id autem per proprietates in-  
 finiti facillimè præstabitur.

Nam, quum OE quadratû sit æquale duo-  
 bus quadratis OM, EM, erit etiam iisdem  
 quadratis æquale rectangulum AOC. Sed  
 quum centrum O abire in infinitum, qua-  
 dratum EM est indefinitè parvum respectu  
 alterius OM, & consequenter negligi potest.  
 Igitur, quum epicycloïis abire in cycloïdem,  
 erit rectangulum AOC æquale quadrato so-  
 lius OM: proindeque erit, ut OC ad OM, ita  
 OM ad OA. Jam verò dividendo habetur, ut

OC ad CM, ita OM ad MA. Igitur, quia lineæ OC, OM, utpote infinitæ, sunt æquales; erunt etiam æquales ipsæ CM, MA; atque aded punctum M bisecabit radium CA, qui est casus ab Hugenio consideratus.

## C A P. VI.

*De motu pendulorum isochrono in quacunque gravitatis hypotbesi.*

**V**idimus superius, quod ut pendula ad horologiorum usum aptari possint absque ullo sensibili errore, debeant eorum oscillationes, utcumque inæquales, esse isochronæ, hoc est eodem tempore fieri, ut scilicet ex numero oscillationum colligi possit tempus elapsum. Sed innuimus etiam, id nequaquam haberi posse, quum pendulorum oscillationes fiunt per arcus circulares. Nam etsi hujusmodi oscillationes, ubi exiguæ sunt, ad sensum sint etiam æquiditurnæ; quia tamen non sunt omnimodè, ac geometricè tales, erit semper inter singulas oscillationes exiguum aliquod discrimen: unde demum necesse est, ut differentia satis magna oriatur.

Jam diximus quoque, Clarissimum Virum Christianum Hugenum primum omnium præmonstrasse, qua ratione fieri possit,



t, ut penduli oscillationes sint isochronæ, imirum si oscilletur pendulum in cycloïdis circumferentiâ; quum ab eodem nec fuerit ostensum, tempora descensus per reus cycloïdis, cujus vertex est punctum mum, inter se æqualia esse. Igitur ut prælarum hoc theorema ante omnia ostendamus, oportet recordemur nonnullarum propositionum, quas superiùs demonstratas exhibuimus.

Nempe primò, quod vis, qua grave acceleratur in descensu per aliquam curvam lineam, eadem sit planè, ac si per tangentem ejus curvæ, aut etiam per aliam rectam lineam tangenti parallelam descenderet. Secundo, quod vis, qua grave descendit per planum utcumque ad horizontem inclinatum, sit ad vim absolutam gravitatis, qua agente verticaliter descenderet, ut est altitudo plani ad ejusdem longitudinem. Et tertio, quod si vires motrices sint in homologâ spatorum describendorum ratione, spatia illa eodem tempore à corpore iis viribus agitato describantur.

His præmissis propositionibus, facili negotio ex ostensis cycloïdis proprietatibus propositum theorema deducemus: nempe grave eodem tempore descendere ex puncto cycloïdis N ad punctum infimum A, quo descendit ex quovis alio cycloïdis puncto R

Fig. 90

Y 4

ad

ad idem punctum infimum A. Nam ductis ordinatis MN, PR, junctisque chordis AE, AQ, quia chordis hisce ostensæ sunt parallelæ tangentes in punctis N, & R, erunt per propositionem primam vires, quibus grave acceleratur in punctis illis, eadem, ac si descenderet per chordas AE, AQ.

Jam verò per propositionem secundam vires, quibus grave acceleratur in descensu per chordas AE, AQ, sunt ad vim gravitatis absolutam, ut sunt rectæ AM, AP ad ipsas AE, AQ, sive etiam, propter circuli naturam, ut sunt chordæ AE, AQ ad eandem diametrum AB. Et igitur erit ex æquali, ut vis, qua grave acceleratur in puncto N, ad vim, qua idem grave acceleratur in puncto R, ita chorda AE ad chordam AQ: proindeque, quia spatia iis viribus describenda AN, AR ostensa sunt dupla chordarum AE, AQ; erunt eadem vires acceleratrices in punctis N, & R, ut ipsa spatia describenda AN, AR; & consequenter per propositionem tertiam æqualia erunt tempora descensus per arcus cycloidis AN, AR.

Hanc cycloidis proprietatem, ut dictum est, detexit primus omnium Clarissimus Geometra Christianus Hugenius in suo Opere nunquam satis laudando de Horologio Oscillatorio. Sed & tempus idem Auctor defini-

nivit, quo grave corpus unūquemq; cycloidis arcum usque ad punctum infimum terminatum describeret; ostendendo nimirum tempus descensus per semicycloidem DNA, & consequenter per quemlibet ejus arcum, esse ad tempus, quo idem grave descenderet per axem cycloidis AB, ut est circumferentia semicirculi genitoris AEB ad ipsum cycloidis axim AB.

Quod ut etiam hoc loco ostendamus, recordemur prius oportet trium aliarum propositionum, superius quoque à nobis ostensarum, nempe primò, quod si vires, quibus grave corpus continuò acceleratur, proportionales sint spatiis describendis, tempus descensus per aliquam longitudinem sit ad ad tempus, quo eadem longitudo velocitate finali æquabiliter percurri potest, ut est quadrantis circumferentia ad radium. Secundò, quod velocitas, quam acquirit grave in descensu per aliquam longitudinem nullis angulis interruptam, æqualis sit ei, quæ acquiritur descendendo verticaliter ex eadem altitudine. Et tertio, quod si grave per longitudinem aliquam descendat, & æquali tempore velocitate ultimò acquisitâ moveatur, duplum illius longitudinis percurrat.

His namque præmissis propositionibus, ostendemus nullo negotio, quod tempus descen-

scen-

scensus per semicycloidem DNA, aut etiam per quemlibet ejus arcum NA fit ad tempus, quo idem grave descenderet per cycloidis axim AB, ut est circumferentia semicirculi genitoris AEB ad ipsum axim AB. Nam, quum vires, quibus grave acceleratur in descensu per cycloidem, ostensæ sint proportionales arcibus ad punctum infimum A terminatis; tempus descensus per semicycloidem DNA, per propositionem primam, erit ad tempus, quo eadem longitudo percurri potest æquabiliter velocitate finali, ut est quadrantis circumferentia ad semidiametrum, sive etiam ut est circumferentia semicirculi AEB ad axim AB.

Jam verò, per propositionem secundam, velocitas ultimò acquisita in descensu per semicycloidem DNA est æqualis velocitati, quæ ultimò acquiritur in descensu per altitudinem AB, & ex superiùs ostensis semicyclois DNA est æqualis duplo sui axis AB. Igitur tempus descensus per semicycloidem DNA est ad tempus, quo percurritur duplum axis AB velocitate ultimò acquisitâ in descensu per ipsum axim AB, ut est circumferentia semicirculi AEB ad eundem axim AB. Est autem per propositionem tertiam tempus, quo percurritur duplum axis AB velocitate ultimò acquisitâ in descensu per ipsum axim AB, æquale tempori descen-

sus

sus prædicti . Quare erit tempus descensus per semycycloidem DNA ad tempus descensus per cycloidis axim AB, ut est circumferentia semicirculi genitoris AEB ad ipsum cycloidis axim AB.

Exinde igitur, quod tempora descensus per quosvis arcus cycloidis usque ad punctum infimum A terminatos sint semper æqualia, ultrò liquet, quod si pendulum oscilletur in perimetro totius cycloidis DAD, cujus vertex sit semper punctum infimum A, illud sive in magnos excurrat arcus, sive etiam in minores, æqualibus semper temporibus singulas suas oscillationes perficiat. Unde jam, quia ut horologia oscillatoria sint omnibus suis numeris absoluta, necesse est, ut singulæ oscillationes sint isochronæ, hoc est æqualibus temporibus fiant; perspicuum est, ejusmodi horologiorum perfectionem facili negotio obtineri, si pendulum suas oscillationes in perimetro cycloidis absolveret.

Modum autem, quo fiet, ut pendulum non modò in cycloide, sed in quavis aliâ datâ curvâ lineâ oscilletur, primus omnium demonstravit idem Hugenius in laudato suo tractatu de Horologio Oscillatorio: nimirum inveniendò curvam aliam, per cujus evolutionem proposita describatur, & deinde duas laminas in eandem curvaturam inflectendo.

Ita

Ita, si DAD sit curva proposita, & AH axis ejus, inventis duabus aliis curvis DH, per quarum evolutionem partes propositæ curvæ describantur, substituendæ sunt in locum earum curvarum duæ laminæ eodem planè modo incurvatae. Nam hoc pacto si penduli filum suspendatur ex puncto H, in quo prædictæ duæ laminæ conveniunt, sitque ejus longitudo æqualis axi AH, & consequenter longitudini cujusque laminæ DH; quia pendulum oscillando circa punctum H efficit, ut filum ipsum parte sui superiore continuò applicetur ad laminam, versus quam peragitur motus, & circa eam ceu obstaculum flectatur, parteque reliquâ, cui lamina non dum subjicitur, in lineam rectam protendatur: fiet hinc, ut per continuam istam fili ad laminas illas applicationem impediatur motus penduli in circumferentiâ circuli, atque aded absolvatur in perimetro propositæ curvæ DAD, cujus partium evolutæ laminæ illæ repræsentant.

Quocirca, ut pendulum in datâ cycloide oscilletur, inveniendâ est curva linea, per cujus evolutionem cyclois ipsa describatur. Eam autem facile quidem determinabimus, si recordemur, puncta evolutæ inveniri, quærendo punctum concursus duarum linearum, quæ ad rectos angulos in duobus punctis indefinitè proximis secant curvam, cujus

cujus quæritur evoluta. Hinc enim fiet, ut si AND sit semicyclois descripta ex revolutione semicirculi AEB super rectâ positione datâ BD, & sumptis in ejus perimetro duobus punctis N, & R indefinitè proximis, ducantur ad puncta illa duæ perpendiculares FN, GR, quæ protractæ convenient in puncto K; punctum istud K sit in quæsitâ semicycloidis evolutâ DH.

FIG. 914

Hoc autem punctum facile determinabimus, si ductis ordinatis MN, PR, junctisque chordis BE, BQ, consideremus, quod propter perpendiculares FN, GR parallelas chordis BE, BQ, angulus NKR æqualis sit angulo EBQ, & consequenter ipsum triangulum NKR æquiangulum triangulo EBX. Etenim, quum portio cycloidis NR ostensa sit dupla rectæ EX, quæ est differentia chordarum AE, AQ, erit quoque recta NK dupla chordæ correspondentis BE; & propterea invenietur punctum K, si statuatur NK dupla chordæ BE. Quumque eadem sit demonstratio de quovis alio puncto cycloidis, palam est unumquemque radium suæ evolutæ duplum esse chordæ correspondentis, atque aded recta AH dupla quoque erit diametri AB.

Hinc facile erit, naturam ipsius evolutæ DKH speciatim definire. Etenim, si compleatur rectangulum DBHL, semicirculus

DIL

DIL, descriptus super rectâ DL tamquam diametro, æqualis erit semicirculo genitori AEB: proindeque, si ducatur chorda DI parallela radio evolutæ NK, quia ea est etiam parallela chordæ BE, erit angulus IDL æqualis angulo ABE, atque aded æquales erunt inter se tam arcus IL, AE, quàm arcus DI, BE. Unde jam, quum æquales sint etiam chordæ DI, BE, & BE sit æqualis FN, sive FK; erit quoque DI ipsi FK æqualis, & consequenter æquales etiam rectæ DF, IK. Est autem, per naturam cycloïdis, DF æqualis arcui BE, sive DI. Igitur erit quoque rectâ IK æqualis arcui DI; & propterea evoluta cycloïdis DKH erit cyclois altera priori æqualis, sed inverso modo posita, quemadmodum ipse Hugenius, & plerique alii multifariam demonstrarunt.

Quocirca in priori schemate, si laminæ  
 FIG. 90. DH repræsentet duas semicycloïdes inverso modo positas, ita nempe, ut vertex ipsarum sint puncta D, sintque axes earundem æquales dimidio longitudinis penduli AH; curva DAD, in cujus perimetro pendulum oscillabitur, fiet cyclois integra, ejusque axis erit similiter æqualis dimidio longitudinis penduli AH. Cæterum laminas in cycloïdis formam incurvare, facile quidem erit; quandoquidem, ut vidimus capite antecedenti, cyclois facili negotio tam motu con-



continuo, quàm in plano per puncta describi potest.

Quod de cycloide ostensum fuit ab Hugenio, demonstravit etiam Newtonus in Principiis Philosophiæ Mathematicis de epicycloide internâ: nempe, quod vertice deorsum spectante æqualia sint tempora descensus per quosvis ejus arcus ad verticem, sive punctum infimum terminatos; verùm in hypothesi, quod grave descendens viribus urgeatur, quæ undique tendentes ad centrum circuli immobilis, proportionales sint distantis ab eodem centro. Quin etiam si fieri possit, ut vis gravitatis sursum tendat ad datum punctum eadem lege, obtinebit idem in epicycloide externâ, quæ per circuli supra circumvolutionem describitur.

Sit enim utriusque epicycloidis DNA vertex punctum infimum A, & per ejus perimetrum descendat grave aliquod viribus tendentibus ad centrum circuli immobilis O, & proportionalibus distantis ab eodem centro. Ducatur ad punctum N, in quo corpus versari suppono, tangens TR, ad quam agantur perpendiculares FN, OT; jamque vis corporis descendens ON, per notissimam virium resolutionem, resolvetur in duas alias vires, rectis OT, TN designatas. Et quoniam prior harum virium OT directe

FIG. 92.

93.

COR.

corpus à centro  $O$  impellendo, nihil confert ad corporis descensum, omnisq; acceleratio profluit ex vi alterâ  $TN$ , quippe quæ urgendo corpus versus  $R$ , directè accelerat descensum ejus in curvâ; fiet hinc, ut acceleratio corporis huic vi acceleratrici proportionalis sit singulis momentis, ut longitudo  $TN$ .

Jam verò, junctâ rectâ  $OF$ , quæ secet tangentem  $TN$  in puncto  $R$ , habetur ut  $TN$  ad  $NR$ , ita  $OF$  ad  $FR$ . Igitur, quia propter æqualitatem, tam linearum  $FN$ ,  $BE$ , quàm angulorum  $NFR$ ,  $EBA$ , æquales sunt etiam tam lineæ  $FR$ ,  $BA$ , quàm lineæ  $NR$ ,  $AE$ ; erit quoque ut  $TN$  ad  $AE$ , ita  $OF$ , sive  $OB$  ad  $BA$ ; & consequenter quum hæc secunda ratio ubique sit constans, acceleratio corporis in loco  $N$  erit, ut chorda  $AE$ , sive etiam ut arcus epicycloidis  $AN$ , quippe qui ad chordam  $AE$  ex ostensis constantem quoque habet rationem. Unde, quum eadem sit demonstratio de quovis alio epicycloidis puncto; consequens est, ut accelerationes corporis in duobus quibuscvis punctis epicycloidis sint, ut arcus describendi, & propterea per propositionem illam superiùs memoratam æqualibus temporibus per arcus illos grave corpus descendet.

Hinc, si vires acceleratrices penduli oscillantis per perimetrum epicycloidis  $DAD$  tendant ubique ad centrum circuli immobili-

bilis  $O$ , sintque etiam ubique proportionales distantis ab eodem centro, æqualia erunt tempora, quibus oscillationes utcumque inæquales absolvuntur. Etenim, quum ascensus corporis de loco infimo  $A$  per eodẽ arcus epicycloidales motu retrogrado fiat, aut etiam per alios æquales, in aliã epicycloidis parte sumptos; retardabitur pendulum ascendendo, in locis singulis à viribus iisdem, à quibus descendendo accelerabatur. Unde, quum æquales sint velocitates ascensuum, & descensuum per eosdem, aut æquales arcus factorum; fiet hinc, ut quemadmodum in descensu inæquales arcus æqualibus temporibus describuntur, ita quoque æqualia sint tempora, quibus arcus utcumque inæquales in ascensu percurruntur.

Oscillabitur autem pendulum in epicycloide  $DAD$ , si filum suspendatur ex tali puncto  $H$ , ut rectæ  $OA$ ,  $OB$ ,  $OH$  sint continuè proportionales, & lamina  $DH$  ita quidem inflectantur, ut repræsentent duas alias semiepicycloides ejusdem speciei cum illâ, in qua pendulum debet oscillari, ita ut in iis  $OH$  sit semidiameter circuli immobilis, &  $BH$  diameter circuli mobilis. Has etenim esse curvas, ex quarum evolutione propositæ epicycloidis partes, hinc inde ab axi existentes, describuntur, facillè demonstrabimus, si rursus recordemur, puncta evolutæ alicujus

Z

cur-

FIG. 94.

95.

curvæ esse concursus duarum rectarum, quæ curvam ipsam in duobus punctis indefinitè proximis ad rectos angulos secant.

Sint enim FN, GR duæ rectæ lineæ, quæ occurrant epicycloidi AND in duobus punctis indefinitè proximis N, & R ad rectos angulos, æque convenient in ipsius evolutæ puncto aliquo K. Describantur ex puncto O, velut centro, arcus concentrici EN, QR, & jungantur chordæ AE, AQ, BE, BQ, quemadmodum etiam ex puncto K tamquam centro describatur arcus indefinitè parvus FS. Et quoniam per genesim epicycloidis arcus AQ, AE æquales sunt arcubus BG, BF; erit quoque differentia illorum QE æqualis differentiæ istorum FG. Pariterque, quia perpendiculares FN, GR sunt æquales chordis BE, BQ; erit etiam differentia illarum GS æqualis differentiæ istarum QX.

Hinc, quum triangula rectangula FSG, QXE habeant duo latera FG, GS æqualia duobus lateribus QE, QX, habebunt etiam tertium latus FS æquale tertio lateri EX; & proinde, quum propter similitudinem sectorum KNR, KFS, KN sit ad KF, ut NR ad FS; erit quoque, ut KN ad KF, ita NR ad EX. Jam verò, quia portiones epicycloidis AN, AR sunt ad chordas AE, AQ, ut est 2OC ad OB, erit etiam in hac eadem ratione

ne

ne differentia illarum portionum NR ad differentiam chordarum EX. Igitur erit ex æquali, ut KN ad KF, ita 2OC ad OB: & proinde punctum evolutæ K invenietur, si fiat, ut OA ad OB, ita FN ad FK. Quumque eadem sit demonstratio de quovis alio puncto evolutæ, invenietur similiter punctum H, si fiat ut OA ad OB, ita AB ad BH, hoc est, si rectæ OA, OB, OH continuè proportionales capiantur.

Atque hinc faciliè etiam ipsius evolutæ DKH natura determinabitur. Etenim, si centro O, intervallo OH describatur inter rectas OB, OD arcus HI, & super portione DI, tamquam diametro, semicirculus constitutur DLI; invenietur, eam esse aliam epicycloidem, descriptam ex revolutione semicirculi DLI super concavitate, aut convexitate arcus IH. Nam ductâ ad punctum F rectâ OF, quæ tangenti TN occurrat in R, quia NF est ad FK, ut AB ad BH, sive etiam ut RF ad FG; erit triangulum NFR simile triangulo KFG, & consequenter si in semicirculo DLI inscribatur recta DL æqualis ipsi FK, jungaturque IL, æqualia erunt, & similia, tam triangula DLI, FKG, quàm triangula IOL, GOK. Unde, quum æquales sint rectæ OL, OK; arcus, qui centro O, & intervallo OL describitur, transibit per punctum K. Quumque æquales sint

FIG. 92.  
93.

etiam anguli  $IOI$ ,  $GOK$ ; erunt similes sectorum  $IOG$ ,  $LOK$ ; & propterea erit, ut  $OI$  ad  $OL$ , ita arcus  $IG$  ad arcum  $LK$ .

Jam verò, propter similitudinem sectorum  $DOP$ ,  $IOG$ , arcus  $DF$  est ad arcum  $IG$ , ut  $OB$  ad  $OH$ ; itemque propter æqualitatem angulorum  $DIL$ ,  $EAB$ , arcus  $BE$  est ad arcum  $DL$ , ut est  $AB$  ad  $BH$ , sive etiam, ut  $OB$  ad  $OH$ . Igitur erit ex æquali, ut arcus  $DF$  ad arcum  $IG$ , ita arcus  $BE$  ad arcum  $DL$ : ac proinde, quia, propter epicycloidem  $AND$ , arcus  $DF$  æqualis est arcui  $BE$ , erit etiam arcus  $IG$  æqualis arcui  $DL$ . Quare, quum ostensum sit,  $OI$  esse ad  $OL$ , ut est arcus  $IG$  ad arcum  $LK$ ; erit quoque, ut  $OI$  ad  $OL$ , ita arcus  $DL$  ad arcum  $LK$ ; & propterea punctum  $K$  erit ex superius ostensis in aliâ epicycloide descriptâ ex revolutione semicirculi  $DLI$  super arcu  $IH$ , quæ proinde similis erit priori  $AND$ ; quandoquidem diametri circulorum mobilium  $AB$ ,  $BH$  eandem inter se habent rationem, ac radii circulorum immobilium  $OB$ ,  $OH$ .

Itaque, ut pendulū in internâ epicycloide subinde possit oscillari, ut oscillationes omnes, utcumque inæquales, sint isochronæ, necesse est, ut viribus urgeatur, tendentibus ad centrum circuli immobilis, quod infra epicyloidem existit, & præterea proportionalibus distantis ab eodem centro. Unde,

de, si talis sit terræ constitutio, qualis demonstratur à Newtono in libro tertio admirandi sui operis, quod Philosophiæ Naturalis Principia Mathematica inscripsit: nimirum, ut vis gravitatis tendat ad centrum terræ, & in progressu ab ejus superficie sursum quidem decreascit in ratione duplicatâ distantiarum à centro, deorsum verò in ratione simplici, liquet, pendula in fodinis, & terræ cavernis inferius suspensa in internâ quidem epicycloide oscillari debere, ut non modò oscillationes omnes evadant isochronæ, verùm etiam, ut per ipsam vim gravitatis oscillationes obsolvantur.

Cæterùm, si in pendulorum oscillationibus sola temporum æqualitas desideretur, & parum referat, num vires pendulorum oscillantium dependeant à gravitate, aut ab aliâ quavis causâ; poterunt oscillationes illæ in qualibet aliâ curvâ lineâ peragitur enim verò semper inveniri poterunt vires, quibus pendula in datis curvis oscillari debeant, ut oscillationes utcumque inæquales æqualibus temporibus absolvant. Oscilletur namque pendulum HA in quavis datâ curvâ DAD ope laminarum DH, quæ repræsentent curvas, ex quarum evolutione partes propositæ curvæ describuntur, & quæratür vis, qua pendulum in hac curvâ oscillari debeat, ut oscillationes om-

Fig. 96.

nes evadant isochronæ.

Sint AK curvæ lineæ, quæ ex evolutione partium propositæ curvæ describuntur, sitque NT radius evolutæ, correspondens puncto N, in quo pendulum versari suppono. Et siquidem vires omnes penduli oscillantis convergant ad centrum O, per quod transit axis datæ curvæ AH, erectâ ex puncto T perpendiculari TR, quæ occurrat rectæ NO in puncto R, designabit portio NR vim penduli oscillantis in loco N, ad hoc ut oscillationes omnes, utcumque inæquales, evadant isochronæ.

Nam hæc vis resolvitur in duas alias vires, per rectas TN, TR designatas. Atqui harum posterior TR, utpote perpendicularis radio evolutæ TN, nihil confert ad penduli descensum, quum trahat illud secundum longitudinem sui fili, nec proinde mutationem aliquam in ejus motum inducat; omnisque acceleratio profuit ex vi alterâ TN, quippe quæ urgendo pendulum secundum suam directionem, directè accelerat descensum ejus in curvâ. Itaque acceleratio penduli, huic vi acceleratrici proportionalis, erit singulis momentis, ut radius evolutæ TN.

Est autem ob naturam evolutarū radius TN æqualis arcui describendo AN. Quare eadem acceleratio penduli in loco N erit, ut



arcus describendus AN. Quumque eadem sit demonstratio in quocumque alio loco pendulum reperiatur; consequens est, ut accelerationes penduli in duobus quibuscumque curvæ arcibus sint, ut ipsi arcus describendi; proptereaque per superius memoratam propositionem arcus illos æqualibus temporibus pendulum describet.

Jam verò, ut exempli hujus problematis exemplum aliquod proferamus, quod in horologiis oscillatoriis usui nobis esse possit; supponamus curvam DAD esse portionem circuli circumferentiæ, cujus centrum sit ipsum punctum suspensionis H, ita ut duæ laminæ DH sint totidem plana rectilinea; centrumque virium O esse ipsum telluris centrum, ad quod dirigitur vis gravitatis, decrescens in progessu à superficie telluris deorsum in ratione simplici distantiarum à centro ejus, prout demonstravit Newtonus.

Et quoniam recta ON exponit vim penduli, quam habet ex gravitate, & recta NR designat vim ejusdem penduli, quam habere debet, ut oscillationes omnes evadant isochronæ; vis gravitatis penduli erit ad vim ejusdem penduli pro isochronismo requisitam, ut est ON ad NR: proindeque, quia producta TR usque ad S, ON est ad NR, ut OH ad HS; erunt eadem vires penduli

duli ipsis OH, HS respectivè proportionales.

Et quoniam radius evolutæ TN contin-  
git circuli circumferentiam in puncto N,  
HS est ad TN, five AN, ut semidiameter  
circuli HN, five AH ad perpendicularum  
MN. Igitur, quia recta HS est æqualis re-  
ctangulo HAN ad perpendicularum MN ap-  
plicato, erit quoque, ut vis gravitatis pen-  
duli ad vim ejusdem penduli pro isochro-  
nismo requisitam, ita OH ad lineam, quæ  
oritur, applicando rectangulum HAN ad  
perpendicularum MN.

Hinc si vis gravitatis constans, & unifor-  
mis ponatur, quia constantis est etiam, &  
determinatæ longitudinis recta OH; erit vis  
penduli pro isochronismo requisita, ut linea,  
quæ oritur applicando rectangulum HAN  
ad perpendicularum MN, hoc est, ut arcus  
AN directè, & sinus ejus MN inversè. Quo-  
circa in horologiis oscillatoriis si vires, à  
machinâ impressæ in pendulum ad motum  
conservandum, ita cum uniformi vi gravi-  
tatis componi possint, ut vis tota deorsum  
sit continuè, ut arcus describendus directè,  
& sinus ejus inversè, oscillationes omnes,  
utcumque inæquales, erunt isochronæ.

Sed quemadmodum datâ curvâ, in qua  
pendulum debet oscillari, semper invenire  
licet vim, quæ requiritur ad hoc, ut oscilla-  
tiones omnes sint isochronæ; ita vicissim da-

tâ lege virium, inveniri semper poterit curva talis, ut in eâ pendulum oscillando æqualibus temporibus inæquales arcus describat.

Sit itaque  $O$  punctum, ad quod vires diriguntur, & circa axim  $AO$  describatur scala virium  $ABCO$ , hoc est figura talis, quæ ordinatis suis  $PM$ ,  $QN$  designet vires, quibus grave corpus urgetur in distantis  $OP$ ,  $OQ$ ; & invenienda sit curva isochrona, hoc est illa, in qua pendulum iis viribus agitatæ oscillationes inæquales æqualibus temporibus perficiat. FIG. 97.

Terminetur pendulum ad punctum  $Q$ , & circa eundem axim  $AO$  describatur primò curva  $QHI$  talis naturæ, ut ordinatæ ejus  $AI$ ,  $PH$  sint in subduplicatâ ratione arearum  $AQNB$ ,  $PQNM$ ; tum curva altera  $QRS$ , cujus ea sit natura, ut portiones  $QR$ ,  $QS$  abscissæ per arcus concentricos  $PR$ ,  $AS$ , ex puncto  $O$  tamquam centro descriptos, datam servant rationem cum ordinatis correspondentibus curvæ prioris  $PH$ ,  $AI$ . Dico secundam hanc curvam eam esse, quam quærimus.

Capiatur enim in axi  $AO$  portio  $Pp$  indefinite parva, & ex eodem pñcto  $O$  velut centro describatur arcus alter  $pr$ . Itaque, quia à centro virium  $O$  tantundem distant puncta  $S$ , &  $R$ , quantum puncta  $A$ , &  $P$ ; ac-

qui-

quiret grave corpus in descensu per arcum SR tantam velocitatem, quantam sibi comparasset, si utique descendisset per AP; & propterea quadratum ejus velocitatis erit, ut area correspondens APMB.

Describatur porro centro A, intervalloque AI quadrans circuli IKF, & ex punctis H, & b agantur rectæ HK, bk axi AO parallelae, quæ convenient cum descripti quadrantis circumferentiâ in punctis K, & k. Itaque, quia area AQNB est, ut AI, sive AK quadratum, & area PQNM est, ut PH, sive AL quadratum; erit dividendo area APMB, ut KL quadratum: proindeque velocitas acquisita in descensu per arcum SR proportionalis erit rectæ KL.

Præterea, quia arcus QR datam servat rationem cum PH, servabit Rr eandem datam rationem cum EH, sive GK: & propterea, quia tempus per Rr est, ut Rr directè, & velocitas, qua describitur, inversè; erit idem tempus per Rr, ut GK directè, & KL inversè; adeoque erit, ut exponens rationis quam habet GK ad KL. Sed GK est ad KL, ut Kk ad AK. Quare idem tempus per Rr erit, ut exponens rationis, quam habet Kk ad AK; atque adeo, quum eadem sit demonstratio in singulis curvæ punctis, fiet tempus per totam curvæ longitudinem SRQ, ut exponens rationis, quam habet quadrans

IKF

IKF ad radium AK, sive AI.

Descendat jam grave pendulum non quidem ex puncto S, sed ex alio quovis puncto R; et pari ratiocinio ostendetur, tempus per arcum RQ proportionale esse exponenti rationis, quam habet circumferentia quadrantis descripti radio PH, sive AL ad ipsum radium AL. Unde, quia ratio ista æqualis est rationi, quam habet quadrans IKF ad radium AI; erit tempus per totam curvæ longitudinem SRQ æquale tempori per arcum RQ; & propterea ipsa curva SRQ erit isochrona.

Quæ autem debeat esse data illa ratio, quam portiones inventæ curvæ isochronæ QR, QS servare debeant cum ordinatis correspondentibus PH, AI alterius curvæ, haud difficile erit definire. Sit enim DQ longitudo penduli oscillantis, atque aded radius circuli, osculantis isochronam in puncto infimo Q, sintque quadrata ordinatarum PH, AI dupla arearum correspondentium PQNM, AQNB. Dico rationem illam subduplicatam esse ejus, quam habet rectangulum DQO ad rectangulum ex DO in QN.

Capiatur enim prope punctum Q portio indefinitè parva QX, & ex puncto O tamquam centro descripto arcuulo XY, agatur per punctum Y ordinata YZW. Ostendendum est igitur QX quadratum esse ad YZ  
qua-

quadratum, five etiam ad duplum areae  $NQYW$ , quæ sensibilibiter non differt à rectangulo  $NQY$ , ut est rectangulum  $DQO$  ad rectangulum ex  $DO$  in  $QN$ .

Est enim  $QY$  summa ex sinibus versis arcuum  $QX$ ,  $XY$ , qui tamquam æquales considerari possunt. Quare erit  $QY$  æqualis duabus lineis, quarum altera oritur, applicando  $QX$  quadratum ad duplum ipsius  $DQ$ , altera applicando idem  $QX$  quadratum ad duplum ipsius  $QO$ . Unde, quum fiat solidum ex  $QX$  quadrato in  $DO$  æquale duplo ejus, quod sub tribus  $DQ$ ,  $QO$ ,  $QY$  continetur, erit ut  $QX$  quadratum ad  $2QY$ , ita rectangulum  $DQO$  ad  $DO$ ; atque adeò ut  $QX$  quadratum ad duplum rectanguli  $NQY$ , ita rectangulum  $DQO$  ad rectangulum ex  $DO$  in  $QN$ .

## C A P. VII.

*De motu pendulorum compositorum, five  
de centro oscillationis.*

**E**Gimus huc usque de motu pendulorum simplicium, quæ sui extremitate unicum pondus getunt; agendum est modò de motu pendulorum compositorum, quæ pluribus ponderibus, immutabiles distantias servantibus, instructa sunt: qua in re explican-

candæ sunt prius nonnullæ voces, quibus in posterum utemur, ad imitationem aliorum, qui hanc materiam expendentes illiusmodi voces usurparunt.

Et primò quidem, quemadmodum in pendulo tum simplici, cum composito, vocatur punctum suspensionis illud, circa quod totum pendulum reciproco motu eundo, & redeundo oscillatur; ita vocatur axis penduli compositi recta illa linea, quæ ex puncto suspensionis transit per commune centrum gravitatis ponderum omnium, quibus compositum pendulum instruitur; & axis oscillationis linea illa, quæ transiens per punctum suspensionis, perpendicularis est ad ipsum penduli axem.

Præterea pendulum simplex dicitur isochronum alteri pendulo composito, quum æqualibus temporibus oscillationes per arcus similes peragunt; sive etiam, quum demissa ex situ horizontali, vel quolibet alio similiter ad horizontem inclinato æquales constanter angulos simul oscillando faciunt. Et denique in pendulo composito vocatur centrum oscillationis, punctum in axe penduli, cujus distantia ab axe oscillationis æquatur longitudini penduli simplicis, composito isochroni.

Hac ratione, si ABC sit pendulum compositum, ita ut consideratis lineis AB, BC, CA

FIG. 98.

**CA** velut gravitatis expertibus, gerat in punctis **B**, & **C** duo quævis pondera, dum convertitur circa punctum suspensionis **A**; dicetur axis penduli recta **AD**, quæ ex puncto suspensionis **A** ducitur ad punctum **D**, commune centrum gravitatis ponderum **B**, & **C**; itemque dicetur axis oscillationis recta **EE**, quæ per punctum **A** ipsi **AD** perpendiculariter ducitur.

Porro si fuerit **AF** pendulum aliud simplex, quod demissum ex situ horizontali devenit ad situm, in quo reperitur eodem omnino tempore, quo axis penduli compositi ex eodem situ horizontali pervenit ad eundem, quem cum pendulo simplici retinet situm; dicetur simplex hoc pendulum isochronum pendulo composito. Et siquidem longitudo hujusmodi penduli simplicis transferatur super axe penduli compositi **AD** ex **A** in **F**; dicetur punctum **F** centrum oscillationis. Nec sanè alio redit universa, quam ostendendam aggredimur, de motu pendulorum compositorum doctrina, quàm ut determinetur in pendulis compositis centrum istud oscillationis.

Hujusmodi problema de inveniando centro oscillationis celebre fuit inter Geometras usque ab ætate Cartesii, illudque Christiano Hugenio, ferè adhuc puero, aliisque multis proposuit doctissimus Mersennus.

Sed



Sed à nemine id, quod desiderabat, tunc obtinuit. Non enim ab Hugenio, quippe qui, ut ipsemet fatetur parte quartâ sui horologii oscillatorii, quum nihil repererit, quo vel primus aditus ad contemplationem eam patefceret, velut à limine repulsus, à longiori investigatione tunc se abstinuit. Neque etiam ab aliis; nam etsi Viri insignes Cartesius, Honoratus Fabrus, aliique rem se confecisse crediderint, scopum tamen nequaquam attigerunt, nisi in paucis quibusdam facilioribus, quorum neque etiam demonstrationem ullam idoneam attulerunt.

Quum Clarissimo Viro Christiano Hugenio ex pendulorum horologii sui temperandorum ratione ad idem problema denuò tentandum occasio oblata fuerit, melioribus auspiciis, atque à primâ origine rem exorsus, tandem difficultates omnes superavit. Postulavit autem, ut sibi hoc principium concederetur: commune centrum gravitatis quocumque ponderum, quæ vi gravitatis suæ junctim moventur, non posse altius ascendere, quàm ubi incipiente motu reperiebatur: idque tam si pondera illa junctim etiam ascendant, quàm si diffractò vinculo sursum velocitatem acquisitam unumquodque convertat.

Hoc principium, quominus scrupulum  
mo-

moveret, nihil aliud sibi velle notavit, quàm quod nemo unquam vocavit in dubium, gravia nempe sursum non ferti. Nam primò si unum tantùm sit corpus grave, illud vi gravitatis suæ altiùs ascendere non posse extra dubium est; ascendere autem tunc intelligitur, quum ejus centrum gravitatis ascendit. Sed & idem de quotlibet ponderibus, inter se per lineas inflexiles conjunctis concedi necesse est; quoniam nihil vetat ipsa tamquam unum aliquod considerari. Idemque verum etiam esse debet, si plura illa pondera non junctim ascendant, sed diffractò vinculo unumquodque sursum convertat motum suum; quandoquidem nulla videtur esse ratio, quæ possit contrarium efficere.

Ex hoc porrò principio sequentem elicit propositionem, quod si pendulum è pluribus ponderibus compositum, atque è quiete dimissum partem quamcumque oscillationis integræ confecerit, atque inde porrò intelligantur pondera ejus singula, relicto communi vinculo, velocitates acquisitas sursum convertere, ac quousque possunt ascendere; quod inquam commune centrum gravitatis eorum ponderum ad eandem præcisè altitudinem revertatur, quam ante inceptam oscillationem obtinebat.

Non enim altiùs ascendere potest ob principi-

ci-

cipium, quod sibi concedi postulavit; sed neque etiam humilius. Nam, si pondera illa intelligantur ex iisdem, ad quas ascenderunt, altitudinibus recidere; eadem velocitates ipsis acquirerentur, quas habebant ante ascensum, & acquisierant motu penduli; adedque, si rursus simul connectantur, & motum continuent, absolvet hoc modo restitutum pendulum oscillationis partem reliquam æquè ac, si absque ullâ interruptione motum continuasset.

Jam verò commune centrum gravitatis eorum ponderum in integrâ penduli oscillatione descendendo, & ascendendo æquales arcus describere debet. Itaque, completa oscillatione reperietur centrum illud in eadem altitudine, in qua reperiébatur, priusquam pendulum dimitteretur; atque aded paulò altius, quàm ubi ascenderat, quum sursum pondera diffracto vinculo velocitates acquisitas converterunt, & ex quo delapsa easdem velocitates sibi compararunt: quod equidem assumpto principio rursus refragatur.

Propositionem istam ex posito illo principio sic solidè deductam falsam esse putavit Dominus Abbas Catelanus, & consequenter corruiere totum oscillationis systema Hugenianum, quod ut mox patebit huic innititur propositioni. Arbitratus est autem, fal-

litate ejus ostendi posse, hac unicâ observatione, quod vis, quam vocamus gravitatē, longè aliter agat in pondera inter se juncta, quàm in pōdera à se invicem separata. Nam

FIG. 99. inquit, si pondera duo æqualia B, & A descendant separatim per arcus BG, AF, acquirerent velocitates tales, ut harum quadrata sint, ut altitudines BI, AH, sive etiam ut distantia BD, AD. Sed, si eadem pondera virgâ inflexili jungatur, & pendulum compositum constituent; acquireretur quidem pendulo composito tantum velocitatis, quantum sibi comparabant pendula duo simplicia, sed velocitas distribuetur ponderibus B, & A pro ratione arcuum BG, AF, atque adeò pro ratione simplici distantiarum BD, AD, & non jam pro ratione subduplicatâ.

Ex quo patet, falsitatem propositionis Hugenianæ exinde collegisse Dominum Abbatem Catelanum, quia non perinde distribuitur ponderibus velocitas tota, quum moventur inter se juncta, quàm quum moventur à se mutuo separata. Priori etenim casu distribuitur pro ratione duarum magnitudinum simplici; in secundo verò casu pro ratione earundem magnitudinum subduplicatâ. Unde, si pendulum compositum ex ponderibus B, & A peragat partem oscillationis, exempli gratiâ, usque ad DFG, & oc-

& occurrat plano, ad quod frangatur, ut pondera à lineâ inflexili separentur, & tendat sursum eorum unumquodque cum velocitate acquisitâ ad maximam, quam potest, altitudinem, velut ad M, & L super planis inclinatis, si velimus, GM, FL, quæ tangant arcus BG, AF; altitudines MO, LN, ad quas duo pondera soluta ascendunt, diversæ erunt ab iis, unde descenderunt, BI, AH.

Et ut clariùs objectionis momentum intelligatur, pateatque qua ratione diffractio vinculo non possit per ea, quæ dicta sunt, ponderum commune centrum gravitatis, ad eandem præcisè altitudinem reverti; recordemur oportet ejus, quod superiùs ostensum est: nimirum altitudinem perpendicularem ad horizontem, unde descendit, vel ad quam ascendit commune centrum gravitatis multorum ponderum æqualium, æqualem esse summæ altitudinum, quarum respectu pondera ascendunt, vel descendunt, divisæ per numerum eorundem. Hinc itaque fit, ut si capiamus dimidium linearum BI, AH, & dimidium linearum MO, LN; ab unâ parte habeatur altitudo, unde commune centrum gravitatis descendit, ab alterâ altitudo, ad quam idem centrum ascendit; atque aded, semper ac lineæ MO, LN diversæ sunt à lineis BI, AH, numquam ab utrâque parte eadem oriri poterit altitudo.

A a 2

Huic,

Huic objectioni in hunc modum responsum primò fuit ab Hugenio, quod etsi altitudines  $MO$ ,  $LN$  diversam habeant rationem inter se, quàm altitudines  $BI$ ,  $AH$ ; non hinc tamen colligi debeat, summas primarum, & secundarum differre à se mutuo. Neque enim semper verum est, quod datis duabus lineis, & præter has duabus aliis, quæ diversam, quam primæ, inter se rationem habeant, summæ primarum, & secundarum inter se sint inæquales. Concipe namque priores esse 5, & 10 pedum, & alteras pedum 3, & 12; jamque summa istarum, æquè ac illarum, erit pedum 15. Itaque tametsi lineæ  $MO$ ,  $LN$  diversæ sint à lineis  $BI$ ,  $AH$ , fieri tamen potest, ut summæ ex utrâque parte sint æquales; atque aded, ut æquales sint etiam semisses summarum, quæ duas altitudines communis centri gravitatis ponderum æqualium  $A$ , &  $B$  nobis exhibent.

Verùm Dominus Abbas Catelanus neque etiam summas illarum linearum æquales esse posse demonstravit: eâ nempe ratione, quod velocitas totalis, quæ oritur, capiendo velocitates utriusque ponderis, est eadem, tam in pendulo composito, quàm in pendulis simplicibus; ea autem distribuatur ponderibus ipsis in ratione duarum magnitudinum simplici, quum simul

mul per pēdulum compositum descendunt, & in ratione earundem magnitudinum subduplicatā, quum diffracto vinculo seorsim ascendunt; altitudines verò, per quas eadem pondera ascendunt, vel descendunt, sive conjunctim, sive divisim, sint semper ut quadrata velocitatum.

Etenim, si  $a + b$  referat totalem illam velocitatem, eāque divisā in duas partes  $a$ , &  $b$ , dividatur deinde in duas alias  $x$ , &  $y$ , quæ sint, ut quadrata ipsarum  $a$ , &  $b$ ; designabunt  $x^2$ ,  $y^2$  altitudines, unde pondera B, & A pendulo alligata dimittantur, &  $a^2$ ,  $b^2$  altitudines, ad quas eadem pondera redeunt, postquam percussione fuerint separata. Non esse autem  $x^2 + y^2 = a^2 + b^2$ , nisi in casu, quo  $a$ , &  $b$  sunt æquales, facile quidem per calculum ostendi potest; quum  $x$ , &  $y$  prodeant duæ magnitudines: quæ habent communem denominatorem  $a^2 + b^2$ , numeratores verò diversos  $a^3 + a^2b$ , &  $b^3 + ab^2$ .

Hinc aliā ratione objectionem Domini Abbatis Catelani excepit Hugenius, nimirum quod falso huic inniteretur principio: velocitatem totalem penduli compositi, quæ in singula pondera distribuitur proportionaliter ad arcus, quos ipsa describunt, æqualem esse summæ velocitatum, quas eadem pondera acquisivissent, si sejuncta sin-

A 2 3                      gula

gula separatim ex iisdem altitudinibus, & in eâdem distantia ab axe descendissent. Quod utique principium falsum esse demonstravit deinceps Dominus Jacobus Bernoullius in litteris Lipsiam missis anno 1686, continentibus narrationem controversiæ hujus inter Hugenum, & Abbatem Catelanum, afferendo causam physicam, omissam ab Hugenio, qua fit, ut penduli compositi velocitas perpetuò minor sit velocitate partium ejus separatarum.

FIG.  
100.

Concepta est autem Domini Bernoullii demonstratio in hunc, qui sequitur, modum. Ponamus majoris evidentiae ergo, pondera penduli A, & B in lineâ inflexili DB liberè hinc inde moveri posse, sic ut lineâ hæc dum rotatur circa axem D, quàmvis secum rapiat pondera, non tamen impediat descensum illorum in lineâ rectâ versus terræ centrum. Quo posito constat, utrumlibet pondus, sigillatim dimissum, eâdem velocitate latum iri, qua ferretur absque virgâ DB, utpote nec à virgâ, nec ab ejus axe ullo modo impeditum: proindeque si pondus A absque virgâ certo tempore conficit spatium AH, & pondus B spatium æquale BN, utrumque etiam cum virgâ, sed sigillatim, dimissum eodem tempore idem spatium AH, vel BN conficiet.

Constat insuper, quod si gravitas in utrum-



trumque pondus ageret viribus, quæ proportionatæ forent ipsorum respectivè ab axe distantis, virgâ nullum adhuc ipsorum descensui afferret impedimentum, quandoquidem exacto certo tempore unum eorum reperiretur in H, & alterum in I, vel prius in L, posterius in N, sive absque virgâ, sive cum virgâ, sive sigillatim, sive conjunctim dimitterentur. Verumtamen, quia gravitas in utrumque pondus agit viribus æqualibus, sic ut pondera eodem tempore æqualia spatia AH, BN transigere annuntantur, & tamen dum pondus B jam est in N, alterû A junctim dimissum, ob inflexilem virgam, nequit interea pertingere nisi ad L; hinc sequitur, gravitatis vim in pondere A non esse exhaustam, adedque residuum harum virium ex unâ parte urgere debere corpus B, ex alterâ ipsum axem D, eundemque premendo, aliquam sui partem ibidem insumere, & deperdere; nam virgam in hoc casu instar vectis considerari posse extra dubium est. Non igitur vis gravitatis corporum A, & B agit tota in ipsa corpora, quum simul per inflexilem virgam dimituntur, sed portio transfertur in axem D: unde consequens fit, velocitatem penduli compositi perpetuò minorem esse velocitate partium ejus separatarum.

Præterea contra Dominum Abbatem Ca-

telanum illud etiam objecit Hugenius, quod quum ex ejus principiis commune centrum gravitatis revertatur altiùs, quàm unde descenderat, jam hinc detectum haberetur perpetuum mobile, doctis Viris existimatum impossibile. Et quamquam Dominus Bernoullius in laudatis suis litteris advertat in favorem Domini Catelani, id nequaquam sequaturum; quoniam in istis abstrahi solet ab aeris resistentiâ, à diminutione velocitatis, quæ necessariò sequitur disruptionem vinculi, quo connectabantur partes penduli, aliorumque obstaculorum. Nihilominus, ut ipsemet Hugenius alibi deinde observavit, considerare debuisset Vir Clarissimus, quod quum altitudo illa major, quam acquirit centrum gravitatis, sit semper determinatæ quantitatis, & effectus obstaculorum non sit determinatus, imò minui magis, magisq; possit; facile construi queat machina ejuscemodi, in qua commodum ex elevatione centri gravitatis derivatum præponderaret impedimento obstaculorum, atque ita motum perpetuum efficeret.

Sed videamus modò, qua ratione Hugenius ex eo, quod commune centrum gravitatis ponderum, pendulum componentium, ad eandem præcisè altitudinem diffractò vinculo ascendere debeat, quam ante incipiam penduli oscillationem obtinebat, deter-

terminaverit in pendulo composito centrum oscillationis, hoc est longitudinem penduli simplicis, composito isochroni. Rem igitur exposuit hoc theoremate: nimirum, quod si singula pondera, pendulum componentia, ducantur in quadrata suarum distantiarum ab axe oscillationis, & summa productorum dividatur per id, quod fit, ducendo ponderum summam in distantiam communis centri gravitatis ab eodem axe oscillationis, oriatur longitudo penduli simplicis, composito isochroni, hoc est distantia inter axem, & centrum oscillationis ipsius penduli compositi.

Theorematis hujus demonstrationem negativam attulit Hugenus, sed nihil vetat, quominus eadem demonstratio positivè concipiatur. Itaque sint  $A, B, C$  pondera, pendulum componentia, quorum nec figura, nec magnitudo, sed gravitas tantum consideretur; eaque suspendantur ab axe, qui transiens per punctum  $D$ , rectus sit ad planum, quod conspicitur. Sit etiam in hoc eodem plano ponderum commune centrum gravitatis  $E$ ; ipsa namque pondera in diversis planis esse nihil refert. Tum in axe penduli  $DE$  referat punctum  $L$  centrum oscillationis, ita ut  $DL$  sit longitudo penduli simplicis, composito isochroni. Et designatis ipsis ponderibus litteris minusculis  $a, b,$

$c, \text{ \&c.}$

Fig.  
101.

*c*, referant eorum ab axe distantias *AD*, *BD*; *CD* litteræ *e*, *f*, *g*; & præterea vocetur *d* recta *DE*, quæ est distantia communis centri gravitatis ab eodem axe, & *x* recta *DL*, quæ est longitudo penduli simplicis, composito isochroni.

Jam id, quod fit, ducendo singula pondera in quadrata suarum distantiarum, est *aeē + bff + cgg*, & id, quod fit, ducendo summam ponderum in distantiam communis centri gravitatis est *ad + bd + cd*. Unde eò res redit, ut ostendamus quotientem, qui oritur, dividendo productum primum per secundum, æqualem esse incognitæ *x*, vel, quod idem est, subsistere æquationem istam *adx + bdx + cdx = aeē + bff + cgg*. Id autem ostendemus in hunc modum.

Quoniam enim punctum *L* est centrum oscillationis, perficiet illud suam oscillationem eodem tempore cum puncto *E*, in quo collecta concipitur gravitas ponderum omnium: proindeque dum punctum *L* descripto arcu *LP* pervenit ad *P*, punctum alterum *E* perveniet ad *Q* descripto arcu *EQ*, simili ipsi *LP*. Quocirca ductis à punctis *P*, & *Q* perpendicularibus fursum *PS*, *QR*, quæ occurrant subtensis arcuum integrorum *LN*, *EL* in punctis *S*, & *R*, positæque *PS = y*; quia *DL* est ad *DE*, ut *PS* ad *QR*, inveniatur altitudo, unde decidit commune centrum gravitatis,

*QR*

$$QR = \frac{dy}{x}.$$

Porro, quia pondera A, B, C communi vinculo continentur, fiet hinc, ut dum L transit ad P, pondera ipsa percurrant arcus AT, BV, CX similes ipsi LP, eorumque velocitates in punctis T, V, X sint ad velocitatem, quam habet L in P, ut sunt distantiae AD, BD, CD ad distantiam DL. Jam vero eadem velocitates sunt, ut radices altitudinum, quæ iis mediantibus percurri possunt. Igitur ex æquali altitudo, ad quam ascenditur velocitate puncti L, quum est in P, erit ad altitudines, ad quas ascenditur velocitatibus acquisitis à ponderibus A, B, C in punctis T, V, X, ut est quadratum distantiae DL ad quadrata distantiarum AD, BD, CD.

Hinc, quia punctum L eam habet velocitatem in P, qua valet ad eandem, unde decidit, altitudinem ascendere, nempe per arcum PN, vel etiam per perpendicularem

*eeey ffy ggy*

PS; proinde, inito calculo, erunt —, —, —

*xx xx xx*

altitudines, ad quas ascenderent pondera A, B, C velocitatibus acquisitis in punctis T, V, X. Quocirca, si eadem altitudines multiplicentur per sua pondera, & summa-

pro

productorum dividatur per summam ponderum, designabit quotiens inde ortus  
 $aey + bffy + cgy$

altitudinem, ad quam  
 $axx + bxx + cxx$

ascendit commune centrum gravitatis eorum ponderum.

Ostensum est autem, altitudinem istam æqualem esse altitudini, unde descenderat.

Igitur, quia altitudo descensus est  $\frac{dy}{x}$ , erit  

$$\frac{aey + bffy + cgy}{axx + bxx + cxx} = \frac{dy}{x}$$
 Unde, divisis

partibus æquationis hujus per  $y$ , iisdemque multiplicatis per  $axx + bxx + cxx$ , orietur loco ejus hæc altera æquatio  $aee + bff + cgg = adx + bdx + cdx$ , quæ est ipsissima illa, ad quam Hugonii theorema reduximus.

Quoniam autem hujusmodi demonstratio illi innititur fundamento, quod commune centrum gravitatis ponderum, pendulum componentium, ad eandem præcisè altitudinem, diffracto vinculo, ascendere debeat, quam ante inceptam penduli oscillationem obtinebat; videamus num idem theorema possit absque illo principio aliter ostendi: quod equidem agentes, Hugoniam de centro oscillationis theoriam jam ab  
 omni

omni scrupulo vindicabimus . Id præstitit primus omnium Jacobus Bernoullius in suo Schediasmate , inserto Monumentis Regiæ Scientiarum Academiæ Parisiensis anni 1703 . Tum methodis non multum diversis hoc idem perfecerunt Bernoullius frater in monumētis anni 1714 , Hermannus in suâ Phoronomiâ , & Volphius in suâ Mechanicâ . Sed horum omnium demonstrationes paulò perplexas , ac intricatas in hunc modum leniemus .

Sit pendulum ABC, compositum ex duobus ponderibus B, & C, quod moveatur circa axem EE rectum ad planum, quod conspiciatur, ita ut AB, AC sint distantie ponderum ab axe oscillationis, sitque AD axis ejus, & F centrum oscillationis . Dico pondera B, & C, multiplicata per quadrata suarum ab axe oscillationis distantiarum AB, AC tantum efficere, quantum summa eorundem ponderum multiplicata per rectangulū DAF. FIG. 98.

Ducatur per punctum A linea horizontalis AK, ad quam demittantur perpendiculara BG, CH, DI, FK . Tum intelligatur pendulum percurrere angulum indefinitè parvum, ita ut pondera B, C, F describant arcus BN, CN, FN similes inter se, & proportionales distantis AB, AC, AF . Itaque, nisi retinaculum obstaret, vis gravitatis eodem modo ageret in pondera B, & C,

**C**, ac in id, quod concipitur applicatum puncto **F**, sed propter obstaculum illud impulsus, quos pondera illa **B**, **C**, **F** excipiunt à gravitate, erunt inter se, ut arcus eodem tempore descripti **BN**, **CN**, **FN**.

Jam designatis per arcus istos **BN**, **CN**, **FN** inæqualibus impulsibus, quos pondera **B**, **C**, **F** simul per pendulum mota excipiunt à gravitate; designentur per exiguas rectas verticales, & æquales **BM**, **CM**, **FM** æquales impulsus, quos iisdem ponderibus imprimeret vis gravitatis, si seorsim absque ullo impedimento moverentur. Et quoniam pondera **B**, & **C** in revolvendis radiis **AB**, **AC** datum angulum continentibus tantundem possunt viribus **BM**, **CM**, ac si eos traherent viribus **BN**, **CM**; erit ob generale principium æquilibrii  $B.BM.AG \div C.CM.AH = B.BN.AB \div C.CN.AC$ . Atque ita quoque, quum pondus **F** perinde possit in revolvendo radio **AF** per vim **FM**, ac si eum traheret per vim alteram **FN**, erit  $F.FM.AK = F.FN.AF$ , hoc est  $FM.AK = FN.AF$ .

Atque hinc porro erit, ut  $B.BM.AG \div C.CM.AH$  ad  $FM.AK$ , sive etiam propter æquales **BM**, **CM**, **FM**, ut  $B.AG \div C.AH$  ad  $AK$ , ita  $B.BN.AB \div C.CN.AC$  ad  $FN.AF$ . Sunt autem arcus **BN**, **CN**, **FN** proportionales distantiiis **AB**, **AC**, **AF**; itemque propter **D**, commune centrum gravitatis

pon-



ponderum B, & C, est  $B.AG \dagger C.AH = B.AI \dagger C.AI$ . Quare erit etiam, ut B. AI  $\dagger$  C. AI ad AK, hoc est propter rectas AD, AF ipsis AI, AK proportionales, ut B.AD  $\dagger$  C. AD ad AF, ita  $B.AB^2 \dagger C.AC^2$  ad  $BF^2$ . Unde eruitur  $B.AB^2 \dagger C.AC^2 = B.AD.AF \dagger C.AD.AF$ , hoc est summam productorum, quæ fiunt ex ponderibus B, & C in quadrata suarum distantiarum AB, AC, æqualem esse ei, quod fit multiplicando summam eorundem ponderum per rectangulum DAF.

Patet autem, eandem esse demonstrationem, si pondera pendulum componentia sint plura, quàm duo. Sed ex iisdem principiis facile quoque erit ostendere, commune centrum gravitatis ponderum, pendulum componentium, ad eandem præcisè altitudinem, diffracto vinculo ascendere debere, quam ante inceptam penduli oscillationem obtinebat. Ascendant enim pondera B, & C velocitatibus acquisitis in descensu, inchoato à rectâ horizontali AK, ad puncta *b*, & *c*, & eorum commune centrum gravitatis D ascendat in *d*.

Itaque, quia velocitates ponderum B, C, F proportionales sunt distantis AB, AC, AF, & velocitas ponderis F tanta est, cum qua possit rursus ascendere per eandem altitudinem FK, unde descenderat; erunt altitudines B*b*, C*c*, FK, ut quadrata distantiarum AB,

AB, AC, AF. Erat autem ut  $B.AD \dagger G.AD$  ad AF, ita  $B.AB^2 \dagger C.AC^2$  ad  $AF^2$ . Quare erit quoque ut  $B.AD \dagger C.AD$  ad AF, ita  $B.Bb \dagger C.Cc$  ad FK, atque adeò permutando  $B.AD \dagger C.AD$  erit ad  $B.Bb \dagger C.Cc$ , ut AF ad FK, five etiam, ut AD ad DI. Jam verò, propter D commune centrum gravitatis ponderum B, & C, est  $B.Bb \dagger C.Cc = B.Dd \dagger C.Dd$ . Itaque erit etiam, ut  $B.AD \dagger C.AD$  ad  $B.Dd \dagger C.Dd$ , hoc est, ut AD ad Dd, ita AD ad DI. Est igitur Dd æqualis DI, & propterea ascensus communis centri gravitatis æqualis erit descensui.

Sed nolim hìc silentio præterire id, quod idem Hugenius observavit, nimirum quod si pondera, pendulum componen-  
tia, æqualia fuerint, tunc faciliùs inve-  
niatur centrum oscillationis, hoc est longi-  
tudo penduli simplicis, composito isochroni:  
scilicet, si summa quadratorum, factorum  
à distantis, quibus unumquodque pondus  
abest ab axe oscillationis, applicetur ad  
distantiam communis centri gravitatis ab  
eodem suspensionis puncto, multiplicem se-  
cundùm ipsorum ponderum numerum.  
Quod equidem suffecerit adnotasse, quum  
nemo non sit, qui intellecto theoremate ge-  
nerali veritatem ejus non agnoscat.

*De oscillatione planorum, & solidorum, ubi  
etiam de identitate centri oscillationis  
cum centro percussionis.*

**Q**Uæ de motu pendulorum simplicium  
superiùs ostensa sunt, tunc tantùm  
in praxi vera reperiuntur, quum filum, ex  
quo pondus suspenditur, est valde tenue,  
ipsumque pondus est globus exiguus, ex  
materiâ perquàm gravi conflatus; quan-  
doquidem in eorum demonstrationibus, &  
filum gravitatis expers, & totius ponderis  
gravitatem ad merum punctum redactam  
supposuimus. Hinc, siquidem filum sit alicu-  
jus sensibilis crassitie, & pondus valde ma-  
gnum; ostensæ illæ leges de motu pendulo-  
rum simplicium valde turbabuntur; quia  
hac ratione pendulum non amplius ut sim-  
plex, sed veluti compositum debet confide-  
rari.

Multò minus eadem illæ leges veræ com-  
perientur, si ad oscillationes peragendas fi-  
gura aliqua, sive plana, sive solida ca-  
piatur: Nam figura ista considerari debet  
velut pendulum ex infinitis pondusculis  
compositum; adeoque, ut legibus penduli  
simplicis subjici possit, determinari debet

in eâ centrum oscillationis, hoc est longitudo penduli simplicis, quod illi sit isochronum. Jam autem, qua ratione in figuris tum planis, cum solidis determinari possit centrum oscillationis, colligitur ex theoremate generali, superiori capite à nobis ostenso.

Nimirum demonstravimus in capite antecedenti, distantiam centri oscillationis ab axe prodire, si singula pondera, pendulum componentia, multiplicentur per quadrata suarum ab axe distantiarum, & summa productorum dividatur, per id, quod oritur, multiplicando eorundem ponderum summam per distantiam communis centri gravitatis ab eodem axe. Itaque, si duo tantum B, & C, fuerint pondera pendulum componentia, quorum commune centrum gravitatis sit D, invenietur in axe penduli AD centrum oscillationis F, sive distantia ejus ab axe AF, si multiplicatis ponderibus illis B, & C per quadrata suarum ab axe distantiarum AB, AC, dividatur summa productorum per id, quod gignitur, multiplicando utrumque pondus per AD: adeò, ut

$$\text{erit } AF = \frac{B.AB^2 + C.AC^2}{B.AD + C.AD}.$$

Quod si autem pondera B, & C fuerint indefinitè parva, & indefinita paria ex iis pendulum component, tunc, ut fractio illa pos-

possit nobis exhibere valorem ipsius  $AF$ , capiendum est integrale, tam numeratoris  $B.AB^2 + C.AC^2$ , quam denominatoris  $B.AD + C.AD$ : adeò, ut valor ipsius  $AF$  erit integrale numeratoris applicatum ad integrale denominatoris. Et ratio est, quia in hoc casu numerator ejus fractionis est differentia quantitatis, quæ oritur, multiplicando pondera omnia, pendulum componentia, per quadrata suarum ab axe distantiarum; denominator verò est differentia ejus, quæ gignitur, multiplicando summam ponderum omnium per distantiam communis centri gravitatis ab eodem axe.

Ponamus jam ponduscula  $B$ , &  $C$  inter se æqualia esse, itemque rectam  $BC$  perpendicularem esse super  $AD$ . Et quoniam in hoc casu distantia  $BC$  secatur bifariam in  $D$ ; erit, cum  $DB$  æqualis  $DC$ , cum  $AB$  æqualis  $AC$ . Unde si vocetur  $AD$   $x$ , &  $DB$ , sive  $DC$   $y$ ; fiet tam  $AB$  quadratum, quam  $AC$  quadratum  $= xx + yy$ : adeoque, si unumquodque ex pondusculis æqualibus  $B$ , &  $C$  dicatur  $dp$ ; erit  $B.AB^2 + C.AC^2 = 2xxdp + 2yydp$ , &  $B.AD + C.AD = 2xdp$ : proindeque, capiendo integrale quantitatis  $xxdp + yydp$ , illudque dividendo per integrale alterius quantitatis  $xxdp$ , habebitur valor ipsius  $AF$ ;

$$S. xxdp + yydp$$

eritque adeò  $AF = \frac{S. xxdp + yydp}{S. xxdp}$ , designan-

B b 2

S. xdp

guan-

gnando, ut vulgò fieri solet, litterâ S integrale quantitatis, cui ea præfigitur: quæ quidem est ipsissima formula, quam ex methodo suâ elicuit Jacobus Bernoullius in schediasmate, inserto Monumentis Regiæ Scientiarum Academiæ Parisiensis anni 1703.

Jam ope hujus formulæ facile erit, definire centrū oscillationis in figuris, tum planis, cum solidis. Ut autem à planis ordiamur, in iis duplicem oscillationis motū consideravit Hugenius; unum nempe circa axem in eodem cum figurâ plano jacentē, quem proinde vocavit agitationem in planum; alterum circa axem ad figuræ planum erectum, quem idcirco agitationem in latus appellavit. Sit itaque figura plana MON, quæ suspensa ex puncto A, existente in axe ejus OD sursum producto, agitetur primò in planum, ita ut suas peragat oscillationes circa axem EE, in eodem cum figurâ plano jacentem. Et oporteat figuræ hujus sic oscillantis oscillationis centrū definire.

FIG.  
102.

Capiatur in axe figuræ propositæ OD punctum aliquod D, per quod agatur ordinata MN, bisecta propter axem in ipso puncto D. Et quoniam ordinata ista MN parallela est axi oscillationis EE, singula ejus puncta, dum figura oscillabitur, eadem velocitate movebuntur: proindeque perinde erit, ac si totum pondus ejus, sive etiam  
exi-

exigui rectanguli ei adjacentis collectum sit, & coacervatum in puncto D. Unde, quum distantia ipsius ab axe oscillationis designetur per  $AD = x$ , habebitur in hoc casu  $xxdp + yydp = xxdp$ , quum ignotæ  $y$  nulla ratio sit habenda. Jam verò  $dp$  designat pondus exigui rectanguli  $DMmd$ , sive  $DNnd$ . Itaque, quia positâ  $DM$ , sive  $DN$

S.  $uxxdx$

$= u$ , fit  $dp = udx$ , erit  $AF = \frac{u}{2}$ ;

S.  $uxdx$

adedque, si in formulâ istâ speciali substituaturs valor ipsius  $u$ , qui eruitur ex æquatione datæ figuræ, & quantitates differentiales debitâ ratione integrentur, habebitur pro datâ illâ figurâ valor ipsius  $AF$ .

Eadem figura plana  $MON$ , suspensa adhuc ex puncto A, agitetur secundò in latus, ita ut suas perficiat oscillationes circa axem  $EE$ , erectum ad planum figuræ. Et oporteat figuræ hujus in hunc alium modum oscillantis oscillationis centrum determinare. Quoniam in hoc casu ordinata  $MN$  non est parallela axi oscillationis  $EE$ , fit hinc, ut singula ejus puncta, sive elementa in oscillatione figuræ nequaquam eâdem velocitate moveantur. Unde procul est, ut supponi possit gravitatem totam ordinatæ  $MN$ , sive potius exigui rectanguli ei adjacentis collectam esse, & coacervatam in puncto D;

B b 3 sed





quum in integratione omnia  $dydx$  sunt cō-

prehendenda. Quare erit  $uxxdx + \frac{1}{3} u^3 dx$

$= xxdp + yydp$ ; & propterea in casu,  
de quo agimus, erit AF æqualis integrali  
quantitatis  $\frac{1}{3} uxxdx + \frac{1}{3} u^3 dx$  applicato ad  
integrale alterius hujus quantitatis  $\frac{1}{3} uxxdx$ .  
Unde, si in duabus istis quantitativibus differ-  
entialibus substituatur loco  $u$  valor, qui  
eruitur ex æquatione datæ figuræ, & ipsæ  
quantitates debitâ ratione integrentur; di-  
videndo integrale prioris per integrale alte-  
rius, habebitur valor ipsius AF pro datâ il-  
lâ figurâ.

Atque hæc pro inveniendō centro oscil-  
lationis in figuris planis, sive eæ agitentur  
in planum, sive etiam in latus. Videamus  
modo, qua ratione idem centrum oscillatio-  
nis determinari possit in figuris solidis, in  
quibus duæ illæ species agitationum distin-  
gui nequaquam possunt. Hunc in finem  
præmittendum est prius hoc lemma, quod  
si fuerit circulus aliquis BCF, cujus cen-  
trum sit punctum D, diameter recta BC,  
omnia ejus elementa EFsc, multiplica-  
ta per quadrata suarum à centro distanti-  
arum DE, tantundem simul efficiant, quan-  
tum efficit tota circuli area, multiplicata  
per quadratum, quod sit ex semisse radii BD.

B b 4

Po-

FIG.  
103.

Ponatur enim  $BD = 2a$ ,  $DE = x$ , &  $EF = y$ . Erit igitur  $Ee = dx$ , areola  $EFfe = ydx$ , & id, quod gignitur, multiplicando areolam  $EFfe$  per  $DE$  quadratum,  $= yxxdx$ . Unde eò res redit, ut differentialis hujus quantitatis debitum integrale inveniamus. Ad hoc autem inveniendum, considerare prius oportet, quod, quum propter circulum sit  $4aa - xx = yy$ , erit  $a^2$

$$= \frac{1}{4}yy + \frac{1}{4}xx. \text{ Adedque, quia } yxxdx$$

idem est, ac  $a^2ydx - a^2ydx + yxxdx$ ; posito in termino  $-a^2ydx$  loco  $a^2$  valore ejus,

$$\text{fiet } yxxdx = a^2ydx - \frac{1}{4}y^3dx - \frac{1}{4}yxxdx$$

$$+ \frac{1}{4}yxxdx, \text{ hoc est } yxxdx = a^2ydx -$$

$$- \frac{1}{4}y^3dx + \frac{3}{4}yxxdx. \text{ Jam verò, quum ha-}$$

beat  $4aa - xx = yy$ , habebitur differen-

tiando  $-x dx = y dy$ , sive  $x dx = -y dy$ . Itaq;

si in æquatione illâ loco  $x dx$  hic ejus valor

substituatur, fiet tandem  $yxxdx = a^2ydx$

$$- \frac{1}{4}y^3dx - \frac{3}{4}xyydy.$$

Iam quantitatis hujus differentialis  $a^2ydx$

$\overset{1}{-} \overset{2}{y} \overset{3}{dx} - \overset{4}{x} \overset{5}{y} \overset{6}{dy}$  posteriores duo ter-  
 mini sunt perfectè integrabiles, quum o-  
 riantur, differentiando quartam partem  
 hujus quantitatis  $-xy^3$ . Itaque tantum  
 restat, ut inveniatur integrale termini prio-  
 ris  $a^2 y dx$ . Et quidem, quum  $y dx$  sit valor  
 areolæ EFfe, erit integrale ejus termini spa-  
 tium circulare BEF multiplicatum per  $aa$ ,  
 hoc est per quadratum, quod sit ex semissè  
 radii BD. Quocirca, si ex eo, quod oritur,  
 multiplicando spatium circulare BEF per  
 quadratum ex radio BD dimidiato, subdu-  
 catur quarta pars quætitatis  $xy^3$ , habebitur  
 integrale quantitatis differentialis  $yxxdx$ .

Ex quo patet, elementa singula spatii cir-  
 cularis BEF, multiplicata per quadrata sua-  
 rum à centro distantiarum, tantum efficere,  
 quantum valet productum ex ipso spatio  
 circulari BEF in quadratum ex semissè ra-  
 dii BD, multatum quartâ parte quantitatis  
 $xy^3$ . Jam verò, quum loco spatii circularis  
 BEF sumitur ipse quadrans BDH, tunc e-  
 vanescente  $DE=x$ , evanescit quoque quan-  
 titas  $xy^3$ . Itaque elementa singula quadran-  
 tis BDH, multiplicata per quadrata suarum  
 à centro distantiarum, tantundem efficient,  
 quantum ipse quadrans BDH ductus in  
 quadratum ex radio BD dimidiato, & pro-  
 pte-

pterea, si elementa singula totius circuli BCF multiplicentur per quadrata, quæ sunt ex distantis suis à centro, tantundem simul efficient, quantum si ipsius circuli area multiplicetur per quadratum ex semisse radii BD.

FIG.  
102.

Hoc lemmate præmissio, haud difficile modo erit generalis illius formulæ usum ostendere, pro inveniendò centro oscillationis figurarum solidarum. Sit enim MON figura aliqua plana, quæ revoluta circa axem suum OD producat figuram aliam solidam. Suspendatur solida ista figura ex puncto A, & suas efficiat oscillationes circa axem EE. Capiatur in axe figuræ OD punctum aliquod D, per quod agatur primò recta HL parallela axi oscillationis EE, tum planum horizontale, sive parallelum plano basis, efficiens sectionem circularem MHNL, & denique recta MN, quæ existens in hoc plano perpendicularis sit ad ipsam HL.

Itaque, quia recta HL parallela est axi oscillationis EE, singula ejus puncta, dum figura oscillabitur, eadem velocitate movebuntur: proindeque perinde erit, ac si totum pondus ejus, sive etiam exigui rectanguli ei adjacentis collectum sit, & coacervatum in puncto D. Quumque eadem sit ratio de singulis rectis eidem EE, sive HL parallelis; idcirco pondera omnium elementorum se-

Ratio

tionis circularis MHNL supponi possunt collecta, & coacervata in punctis correspondentibus diametri MN. Verum, quia diametri hujus MN puncta omnia nequaquam eadem velocitate moventur, quum diameter ista non sit parallela axi oscillationis EE; nequeunt ulterius singula illa elementa considerari veluti collecta, & unita in centro D, ita ut haberi possit AD pro cuiusque distantia ab axe oscillationis, sed consideranda sunt ea in correspondentibus punctis diametri BC, quo eorum ab axe oscillationis distantia habeantur.

Hinc si  $dp$  designet unumquodque ex iis elementis, ponaturque ut supra  $AD = x$ , & distantia cuiusque eorum elementorum à centro D  $= y$ : quia omnia  $dp$  uni eidemque  $x$  correspondent, erit summa omnium  $x dp$  productum, quod oritur, multiplicando totam sectionem circulearem MHNL per AD, & summa omnium  $xx dp$  id, quod produci-  
tur ex multiplicatione ejusdem sectionis circularis MHNL per AD quadratum. Sed quoniam eadem  $dp$  non uni, sed diversis  $y$  correspondent; summa omnium  $yy dp$  habebitur, si capiantur producta omnia, quae sunt ex singulis elementis sectionis circularis MHNL in quadrata suarum distantiarum à centro D; hoc est, per ostensum lemma, si ipsa sectio circularis MHNL multiplicetur

per

per quadratum, quod fit ex semisse radii DM, five DN.

Quocirca si ponatur ulterius DM, five DN  $= u$ , & ratio, quam habet diameter ad circuli circumferentiam statuatur, ut 1 ad  $a$ ; erit circumferentia sectionis circularis MHNL  $= 2au$ , & ipsa ejus sectionis area  $= auu$ . Unde erit porro summa omnium  $x dp$ , hoc est S.  $x dp = axuu$  summa omnium  $xx dp$ , hoc est S.  $xx dp = axxuu$ , & summa omnium  $yy dp$ , hoc est S.  $yy dp = \frac{1}{4} au^4$ .

Inventis summis quantitatum differentialium  $x dp$ ,  $xx dp$ , &  $yy dp$  in ordine ad sectionem circularem MHNL, si earum porro unaquæque multiplicetur per  $dx$ , valorem altitudinis exigui cylindri insistentis super sectione illâ circulari, integralia quantitatum differentialium, quæ inde oriuntur, designabunt easdem illas summas in ordine ad figuram solidam, de qua agitur. Unde quemadmodum in sectione circulari MHNL distantia centri oscillationis ab axe habetur,

dividendo  $axxuu \div \frac{1}{4} au^4$  per  $axuu$ , hoc est  $4xx \div uu$  per  $4x$ ; ita in totâ figurâ solidâ eadem distantia habebitur, dividendo

$S. axxuudx \div a^4 dx$  per  $S. axuudx$ , hoc est

$S. 4xxuudx \div a^4 dx$  per  $S. 4xuudx$ .

Atque hæc quidem est applicatio formulæ illius generalis ad determinandum centrum oscillationis in figuris, tum planis, cum solidis. Res nunc uno, aut uno altero exemplo majoris evidentiae ergo esset ostendenda. Sed quoniam totum hoc negotium pendet ex calculo integrali, cuius regulas, ac præcepta qui benè callet, nullam in exemplis sibi fingendis difficultatem inveniet; ab hoc labore penitus nos abstinemus, existimantes illud potius operæ pretium esse, identitatem, quæ est inter centrum oscillationis, & centrum percussionis, paulò breviter hoc loco ostensam exhibere.

Sanè identitatem istam non melius ostendi posse crediderim, quàm demonstrando distantiam centri percussionis ab axe, circa quem perficitur motus, eadem omninò ratione determinari, ac definitur distantia centri oscillationis ab eodem axe: nimirum multiplicando singula pondera per quadrata suarum distantiarum ab axe prædicto, & dividendo summam omnium productorum, quæ inde oriuntur, per id, quod producitur ex multiplicatione eorundem ponderum per distantiam communis eorum gravitatis centri ab eodem axe.

Sint

FIG.

204.

Sint igitur B, & C duo quævis pondera, quæ mediantibus virgis AB, BC, CA gravitatis expertibus componant machinam, quæ revolvatur subinde circa punctum A, ut axis motus, sive oscillationis EE, rectus sit ad planum, quod conspicitur. Erunt itaque AB, AC distantiae eorum ponderum ab axe motus. Quocirca, si ponatur ulterius, D esse commune centrum gravitatis eorum ponderum, & F centrum percussione, hoc est id, in quo colligitur, & coacervatur momentum eorundem ponderum; res eò redibit, ut ostendamus pondera B, & C, multiplicata per quadrata, quæ fiunt ex AB, & AC, tantundem simul efficere, quantum si eadem pondera B, & C multiplicentur per rectangulum DAF.

Id autem in hunc modum ostendemus. Erigantur ex punctis B, & C rectæ BM, CM, ipsis AB, AC perpendiculares, quæ productæ si opus conveniant cum AD in punctis I, & L. Tum factis IM, LM æqualibus ipsis AB, AC, excitentur ex punctis illis super AD perpendiculares aliæ IN, LN, quæ conveniant in N cum rectis MN eidem AD parallelis. Et denique ex puncto F demittantur super ipsis BM, CM perpendiculares FG, FH.

Itaque per machinæ revolutionem pondera B, & C moventur velocitatibus, designatis



tis per rectas AB, AC, siue etiam per rectas IM, LM, iisque suas exercent actiones secundum rectas BM, CM. Est autem ex hypothesis punctum F centrum percussionis, hoc est id, in quo æquilibrata manent momenta eorum ponderum. Igitur ob generale principium æquilibrii erit  $B. IM. FG = C. LM. FH$ : proindeque, quum ob triangula IMN, LMN similia triangulis FIG, FLH, sit  $IM. FG = IN. FI$ , itemque  $LM. FH = LN. FL$ ; erit  $B.IN.FI = C.LN.FL$ .

Et quoniam est  $B.IN.FI = B.IN.AI - B.IN.AF$ , itemque  $C.LN.FL = C.LN.AF - C.LN.AL$ ; erit  $B.IN.AI - B.IN.AF = C.LN.AF - C.LN.AL$ ; atque aded  $B.IN.AI + C.LN.AL = B.IN.AF + C.LN.AF$ . Jam verò demissis super AD perpendicularibus BO, CR, propter triangula ABO, ACR similia, & æqualia triangulis IMN, LMN, rectæ AO, AR æquales sunt rectis IN, LN. Quare erit  $B.AO.AI + C.AR.AL$ , hoc est  $B.AB^2 + C.AC^2 = B.AO.AF + C.AR.AF$ .

Porro, quia D est commune centrum gravitatis ponderum B, & C; erit  $B.AO + C.AR = B.AD + C.AD$ ; atque aded multiplicatâ utrâque parte æquationis per AF, erit  $B.AO.AF + C.AR.AF = B.AD.AF + C.AD.AF$ . Ostensum est autem, esse  $B.AB^2 + C.AC^2 = B.AO.AF + C.AR.AF$ . Quare erit quoque  $B.AB^2 + C.AC^2 = B.AD.AF + C.AD.AF$ .

AD.AF; & propterea pondera B, & C multiplicata per quadrata, quæ fiunt ex AB, & AC, tantundem efficient, quantum eadem pondera, multiplicata per rectángulum DAF.

Est igitur centrum percussionis idem omnino cum centro oscillationis; quandoquidem utriusque distantia ab axe motus unâ, eâdemque ratione definitur. Hinc iisdem illis formulis, quibus determinatur in figuris sive planis, sive solidis centrum oscillationis, determinabitur etiam in iisdem figuris centrum percussionis. Et sicuti quum figuræ elementa omnia eâdem velocitate moventur, tunc centrum percussionis confunditur cum centro gravitatis; ita si fieri possit, ut figura aliqua subinde suas peragat oscillationes, ut ejus elementa singula eâdem velocitate ferantur: (id quod non aliter contingere potest, quàm si punctum suspensionis abeat in infinitum;) tunc etiam inter centrum gravitatis, & centrum oscillationis nulla erit differentia.

Verum, quod dicimus centrum oscillationis unum, idemque esse cum centro percussionis, id tunc demum obtinet, quum gravitas ponitur constans, & uniformis, ita ut pondera corporum eorundem massis, sive quantitatis materiæ evadant proportionalia; nam in omni aliâ gravitatis hypothese, ut rectè adnotavit Hermannus

nus in suâ Phoronomiâ semper different ab invicem centrum oscillationis, & centrum percussionis; nec parum errant, qui duo ista centra, nullâ habitâ ratione gravitatis, statim identificant, atq; confundunt. Quod satis liquere potest, si fiat, ut pendulum compositum, cujus partes sint diversæ specificæ gravitatis, in fluido homogeneo suas perficiat oscillationes.

Circa centrum oscillationis illud etiam notatû dignum existimamus, quodd ipsum convertatur cum puncto suspensionis; aded nempe, ut si pendulum compositum ex ponderibus B, & C, habeat in F centrum oscillationis, quum suspenditur ex A; existat deinde centrum illud in A, quum vicissim pendulum suspenditur ex F. Ad hoc autem ostendendum, præmittimus primùm hoc theorema, quodd si per commune centrum gravitatis ponderum, pendulum componentium, ducatur recta linea axi oscillationis parallela, & singula pondera multiplicentur per quadrata suarum distantiarum ab hac rectâ lineâ; quæ inde oriuntur producta simul sumpta applicata ad id, quod oritur, multiplicando summam ponderum omnium per distantiam inter axem oscillationis, & prædictam rectam lineam, dent intervallum, quo centrum oscillationis inferius est communi centro gravitatis eorum ponderum,

Cc

Sic

Fig.  
105.

Sit itaque pendulum ABC, instructum ex duobus ponderibus B, & C, quorum commune centrum gravitatis sit D. Ponatur axis oscillationis EE rectus ad planum, quod conspicitur, ita ut sicuti AB, AC sunt distantiae ponderum ab hoc axe, ita DB, DC sint distantiae eorundem ponderum à rectâ lineâ, quæ ducitur per punctum D æquidistantè ipsi EE. Jamque, si F sit centrum oscillationis, ostendendum erit id, quod producit, multiplicando pondera B, & C per quadrata rectarum DB, DC, applicatum ad id, quod oritur, multiplicando eadem pondera B, & C per AD, exhibere distantiam inter comune centrum gravitatis D, & centrum oscillationis F, adedque esse  $B. DB^2 + C. DC^2 = B. AD. DF + C. AD. DF$ .

Istud igitur ostendemus hac ratione. Quoniam F est centrum oscillationis; erit  $B. AB^2 + C. AC^2 = B. AD. AF + C. AD. AF$ . Est autem (demissis super AD perpendicularibus BO, CR)  $AB^2 = BD^2 + AD^2 + 2ADO$ , itemque  $AC^2 = CD^2 + AD^2 - 2ADR$ . Itaque, quum sit etiam  $AD. AF = AD^2 + AD. DF$ , erit, debitis substitutionibus peractis,  $B. BD^2 + AD^2 + 2ADO + C. CD^2 + AD^2 - 2ADR = B + C. AD^2 + AD. DF$ ; hoc est  $B. BD^2 + B. 2ADO + C. CD^2 - C. 2ADR = B. AD. DF + C. AD. DF$ .

Et

Et quoniam D est commune centrum gravitatis ponderum B, & C; erit  $B.DO = C.DR$ : adedque multiplicatâ utrâque parte æquationis per  $2AD$ , erit  $B.2ADO = C.2ADR$ . Unde, quum in æquatione  $B.BD^2 + B.2ADO + C.CD^2 = C.2ADR = B.AD.DF + C.AD.DF$  duo termini æquales  $B.2ADO = C.2ADR$  contrarietate signorum se mutuò destruant, supererit  $B.BD^2 + C.GD^2 = B.AD.DF + C.AD.DF$ , hoc est id, quod fit, multiplicando pondera B, & C per quadrata ipsarum BD, CD, æquale ei, quod oritur, multiplicando summam eorundem ponderum per rectangulum ADF.

Idem autem verum est quoque, si axis oscillationis EE non sit rectus ad planum, quod conspicitur, sed in eo jaceat totus. Nam, quum in hoc casu distantie ponderum ab axe oscillationis EE jaceant in directâ cum distantiis eorundem ponderû à rectâ, quæ ducitur per punctum D æquidistanter ipsi EE, & cum iis constituent duas rectas æquales tum inter se, cum ipsi AD; id, quod evincitur per duodecimam, & decimam tertiam secundi Elementorum Euclidis, ostendetur per quartam, & septimam ejusdem libri, in quas vertuntur duæ illæ propositiones, quum vertex trianguli ad basim accedit.

Hoc posito theoremate haud difficile mo-

dò erit id, quod erat præcipuum, ostendere:  
 nimirum, punctum suspensionis A, & cen-  
 trum oscillationis F ad invicem converti.  
 Nam quemadmodum, si pendulum suspen-  
 datur ex A, invenietur intervallum, quo  
 centrum oscillationis F humilius est com-  
 muni centro gravitatis D, dividendo B.  $BD^2$   
 $\div C.CD^2$  per B. AD  $\div C.AD$ ; ita quoque si  
 idem pendulum suspendatur ex F, habebi-  
 tur intervallum, quo centrum oscillationis  
 depressius est communi centro gravitatis  
 D, dividendo B.  $BD^2 \div C.CD^2$  per B. DF  $\div$   
 $C.DF$ . Est autem  $B.BD^2 \div C.CD^2 = B.AD$ ,  
 $DF \div C.AD.DF$ . Itaque id, quod oritur, di-  
 videndo B.  $BD^2 \div C.CD^2$  per B. DF  $\div C.DF$   
 erit AD; & consequenter, quum pendulum  
 suspenditur ex F, erit A centrum oscilla-  
 tionis.

Sed ex ostenso theoremate illud etiam  
 colligi potest, quod si idem pendulum com-  
 positum nunc brevius, nunc longius sus-  
 pensum agitetur, distantiae punctorum su-  
 sensionis à communi centro gravitatis sint  
 inter se in ratione reciproca ejus, quam ha-  
 bent distantiae centrorum oscillationis ab  
 eodem communi gravitatis centro. Sit enim  
 centrum oscillationis penduli, ex ponderi-  
 bus A, & B compositi, F quidem, quum  
 suspenditur ex A, f verò, quum suspendi-  
 tur ex a, Dico AD esse ad aD, ut est Df ad  
 DF.

Quo-

Quoniam enim , quum pendulum ex *A* suspenditur, *F* est centrum oscillationis, erit  $B.BD^2 + C.CD^2 = B.AD.DF + C.AD.DF$ . Atque ita quoque , quia penduli ex *a* suspensi *f* est oscillationis centrum, erit  $B.BD^2 + C.CD^2 = B.aD.Df + C.aD.Df$ . Unde erit  $B.AD.DF + C.AD.DF = B.aD.Df + C.aD.Df$ : proptereaque , quia divisâ utrâque æquationis per  $B + C$ , habetur  $AD.DF = aD.Df$ , erit ut *AD* ad *aD*, ita *Df* ad *DF*.

## C A P. IX.

*De lineâ celerrimâ descensus, in quacunque gravitatis hypotbesi.*

**C**Irca descensum gravium proposita sunt, & resoluta à Recentioribus Geometris plura alia , eaque valde elegantia problemata . Inter hæc celebre est illud , à Galilæo primum quæsitum , tum deinde Geometris propositum à Johanne Bernoullio ineunte anno 1696 , & à Viris Celeberrimis Newtono , Leibnitio , Jacobo Bernoullio , & Hospitalio sequenti anno solutum: nimirum, ut inter duo data puncta , in eâdem rectâ verticali non existentia, inveniatur linea, per quam grave corpus proprio pondere descendens, brevissimo tempore eam percurrat.

FIG.  
106.

Ut hoc problemâ resolvamus, præmittendum est prius hoc theorema ; quodd si mobile ab A ad C percurrere debeat spatia duo, per rectam KF à se mutuò divisa, primum quidem velocitate X, alterum velocitate Z, sintque rectæ duæ AB, BC taliter ad illam inclinatæ, ut erecto per punctum B perpendicularo PQ sit, ut X ad Z, ita sinus anguli ABP ad sinum anguli CBQ ; quodd inquam iter à mobili faciendum, quod breviori tempore illud absolvat, sit per rectas AB, BC.

Hoc theoremate usus est olim Petrus Fermatius, Senator Tolosanus, ad inveniendam legem, qua radii lucis refranguntur, ratus naturam in suis functionibus peragendis brevissimum semper tempus impendere. Sed hoc idem in simili negotio usurpavit quoque Christianus Hugenius in tractatu suo de lumine gallicè scripto, cujus hanc attulit demonstrationem. Ponamus primò mobile ab A ad C iter suum instituere per alias quasvis rectas AF, FC, ita ut punctum F sit magis distans ab A, quàm punctum B.

Ducatur FO ipsi AB parallela, & fiat AO perpendicularis super AB, BH perpendicularis super FO, & FG perpendicularis super BC. Itaque, quia rectus est tam angulus KBP, quàm angulus ABH, erit angulus ABK æqualis angulo PBH, adeoque angulus

106



lus  $ABP$  æqualis angulo  $HBQ$ . Est autem, propter perpendicularem  $FG$ , angulus  $CBQ$  æqualis angulo  $BFG$ . Quare erit, ut  $X$  ad  $Z$ , ita sinus anguli  $HBQ$  ad sinum anguli  $BFG$ . Jam verò sinus horum angulorum, assumptâ  $BF$  pro radio, sive sinu toto, sunt rectæ  $FH$ ,  $BG$ . Itaque erit, ut  $X$  ad  $Z$ , ita  $FH$  ad  $BG$ , & propterea eodem tempore percurretur  $FH$  velocitate  $X$ , ac  $BG$  velocitate  $Z$ . Est autem tempus per  $AB$  æquale tempori per  $OH$ , & tempus per  $GC$  brevius tempore per  $FC$ . Quare erit tempus per  $AB$ ,  $BC$  brevius tempore per  $OF$ ,  $FC$ , & consequenter multò brevius tempore per  $AF$ ,  $FC$ .

Ponamus secundò, mobile ab  $A$  ad  $C$  instituere iter suū per rectas  $AK$ ,  $KC$ , ita ut punctum  $K$  sit minus distans ab  $A$ , quàm punctum  $F$ . Ducatur  $KN$  ipsi  $BC$  parallela, sitque  $CN$  perpendicularis super  $BC$ , &  $BM$  perpendicularis super  $KN$ , &  $KL$  perpendicularis super  $AB$ . Itaque, quia rectus est tam angulus  $KBQ$ , quàm angulus  $MBC$ , dempto communi  $MBQ$ , erit angulus  $MBK$  æqualis angulo  $CBQ$ . Est autem, propter perpendicularem  $KL$ , angulus  $BKL$  æqualis angulo  $ABP$ . Quare erit, ut  $X$  ad  $Z$ , ita sinus anguli  $BKL$  ad sinum anguli  $MBK$ . Jam verò sinus horum angulorum, assumptâ  $BK$  pro radio, sive sinu toto, sunt rectæ  $BL$ ,  $KM$ . Itaque erit, ut  $X$  ad  $Z$ , ita  $BL$  ad  $KM$ .

& propterea eodem tempore percurreretur BL velocitate X; ac KM velocitate Z. Est autem tempus per BC æquale tempori per MN, & tempus per AL brevius tempore per AK. Quare erit tempus per AB, BC brevius tempore per AK, KM, atque adeò multò brevius tempore per AB, BC.

Non dissimili ratiocinio ostendetur idem theorema, si plura, quàm duo, fuerint spatia diversis velocitatibus à mobili peragēda. Ex quo patet; iter obliquū brevissimo tempore expediendum à puncto ad punctum tunc tantum per rectam punctis illis interceptam institui debere, quum per totum iter eādem semper velocitate corpus mobile fertur. Veruntamen, si in itinere illo peragendo debeat corpus per plura media diversæ constitutionis transire; ita ut diversimodè mobili resistentia efficiant, ut non eādem sed diversis velocitatibus per ea feratur; tunc quò brevissimum tempus ad iter illud absolvendum impendatur, consultius erit motum subinde inflectere, ut in unoquoque medio sinus anguli, quem linea motus constituit cum perpendiculari ad medii superficiem erectā, sit ut velocitas, cum qua per medium illud corpus mobile fertur.

FIG.

107.

Atque hinc etiam, quum corpus à puncto A ad punctum N obliquè descendere debet, quia singulis momentis nova acquirat

vea.

velocitatis incrementa, fiet descensus tempore brevissimo, si decidat per talem curvam AMN, ut velocitas, quam reperitur habere in quolibet loco M, sit ut sinus anguli, quem cum verticali MO constituit portio curvæ AM, sive etiam tangens ejus MT. Unde datâ specie gravitatis, vel quod idem est, datâ lege accelerationis, facile erit naturam ejus curvæ definire; & vicissim datâ curvæ naturâ, nullo negotio determinari poterit lex accelerationis, quæ requiritur, ad hoc, ut curva illa brevissimo tempore percurratur.

Uti si ponamus, exempli gratiâ, curvâ AMN esse semicycloidem; aut etiam portionem semicycloidis AMB, descriptæ per revolutionem semicirculi BEC super rectâ horizontali AC; quia tangens MT parallela est chordæ BE erit angulus TMO æqualis angulo CBE; adeoque velocitas, quam grave habet in puncto M, erit, ut sinus anguli CBE, hoc est, ut recta CE, si BC velut radius, sive sinus totus assumatur. Est autem, propter semicirculum, recta CE, ut radix altitudinis MO. Itaque eadem velocitas in loco M erit in subduplicatâ ratione ipsius MO; proindeque erit semicyclois curva celerissimi descensus in hypothesis gravitatis constantis, nempe quum grave subinde motum suum, accelerat, ut velocitas acquisita sit,

fit, ut radix altitudinis, per quam descendendo velocitatem illam sibi comparavit.

Similiter si curva AMN sit quadrans, aut portio quadrantis AMB, cujus centrum sit punctum C, quia angulus TMO æqualis est angulo ACM, erit velocitas in loco M, ut sinus anguli ACM, hoc est ut altitudo MO; adedque erit quadrans circuli linea celerrimi descensus, si grave subinde motum suum acceleret, ut velocitas acquisita sit, ut altitudo, per quam descendendo velocitatem illam acquisivit. Ex quo patet, deceptum esse magnum Galilæum, qui in constanti suâ gravitatis hypothese lineam celerrimi descensus putavit esse circumferentiam maximi circuli.

Itaque posito, quod vis gravitatis agat in corpora gravia eâdem, & constanti ratione, linea celerrimi descensus erit semicyclois, aut etiam portio semicycloidis, verticem deorsum spectantem habentis. Sed notatu hîc dignum existimamus, semicycloidem AMB, aut quamlibet ejus portionem, (quæ etiam semicycloide ipsâ major esse potest,) tunc demum huic problemati inservire, quum ab A sit motus initium, aut etiam à quolibet ejus puncto M, sed cum eâ velocitate, quæ acquiritur cadendo per MO. Nam si utique ab M ad B ferri debeat grave corpus, & ex M nullâ velocitate incipiat descen-

scendere ; tunc oportebit semicycloidem  
 aliam describere , quæ incipiens à puncto  
 M transeat per punctum B .

Id autem qua ratione fiat , docuit Johan-  
 nes Bernoullius in actis Lipsiensibus anni  
 1696 : nimirum , si ductâ horizontali MH,  
 describatur super eâ , tamquam basi , semi-  
 cyclois MKL , cujus HIL sit semicirculus  
 genitor ; nam , si deinde jungantur puncta  
 M , & B per rectam MB , quæ secet descri-  
 ptam semicycloidem in K , & fiat , ut MK  
 ad MB , ita MH ad MP , aut etiam ita HL  
 ad PR , semicyclois MR , quæ descriptus  
 per revolutionem semicirculi PQR , transi-  
 bit per punctum B .

FIG.  
103.

Neque verò difficile id erit ostendere .  
 Nam , quum sit , ut MK ad MB , ita MH  
 ad MP , & ita HL ad PR ; recta MR transi-  
 bit per punctum L . Unde , quum porro ha-  
 beatur , ut MK ad MB , ita ML ad MR ; pa-  
 rallelæ erunt rectæ lineæ KL , BR ; adeoque  
 ductis horizontalibus KS , BT , similia erunt  
 triangula KLS , BRT ; eritque proinde , ut  
 KL ad BR , hoc est , ut MK ad MB , sive etiam  
 ut HS ad PT , ita KS ad BT . Jam verò , quum  
 HL , PR sectæ sint proportionaliter in pun-  
 ctis S , & T , HS est ad PT , ut SI ad TQ . Itaque  
 erit ex æquali , ut KS ad BT , ita SI ad TQ ,  
 atque adeò permutando , dividendo , & ite-  
 rum permutando erit , ut KI ad BQ , ita SI  
 ad

ad  $TQ$ . Est autem, ut  $SI$  ad  $TQ$ , ita arcus  $LI$  ad arcum  $RQ$ . Quare erit rursus ex æquali, ut  $KI$  ad  $BQ$ , ita arcus  $LI$  ad arcum  $RQ$ ; & propterea, quum propter semicycloidem  $MKL$  arcus  $LI$  æqualis sit rectæ  $KI$ , erit etiam arcus  $RQ$  æqualis rectæ  $BQ$ ; adedque punctum  $B$  erit in semicycloide  $MBR$ .

Obiter autem notetur hoc loco velim, quod si fuerint duæ semicycloides  $MKL$ ,  $MBR$ , quæ incipientes ab eodem puncto  $M$  habeant bases suas super eâdem rectâ  $MP$ , & ducatur ex puncto  $M$  recta aliqua  $MKB$ , quæ secet utramque semicycloidem in punctis  $K$ , &  $B$ , quodd inquam interceptæ semicycloidum portiones  $MK$ ,  $MB$  sint similes inter se, ita nempe, ut portio  $MK$  sit ad portionem  $MB$ , veluti est semicyclois  $MKL$  ad semicycloidem  $MBR$ . Sunt enim semicycloides  $MKL$ ,  $MBR$  duplæ diametro-  
rum  $HL$ ,  $PR$ , & portiones  $KL$ ,  $BR$  duplæ chordarum  $IL$ ,  $QR$ . Itaque, quia  $HL$  est ad  $PR$ , ut  $IL$  ad  $QR$ ; erit etiam, ut  $MKL$  ad  $MBR$ , ita  $KL$  ad  $BR$ , & ita  $MK$  ad  $MB$ .

Jacobus Bernoullius, postquam problematis à Fratre propositi solutionem exhibuerit, aliud circa eandem materiam protulit, quod illius conscriptarium esse videtur: nimirum omnium cycloidum, quæ incipientes ab eodem puncto  $M$  secant eandem lineam verticalem  $HV$  determi-  
nare

nare eam, per quam grave corpus descendendo, perveniat à puncto  $M$  ad lineam illam verticalem tempore brevissimo. Solutum porro fuit hoc problema ab utroque Bernoulliorum, quorum in speculationibus hisce geometricis alter alteri, ut ita dicam, invidebat; & uterque invenit cycloidem quæsitam esse illam, quæ incipiens à puncto  $M$  habet positionem sui axis super ipsâ rectâ verticali datâ  $HV$ , veluti est cyclois  $MKL$ . Verum Johannes problema à Fratre propositum ad maiorem universalitatem evexit, nimirum etiam, quum recta data non est verticalis, sed utcumque ad horizontem inclinata.

Quocirca, ut in majori istâ universalitate problema hoc alterum resolvamus, ostendendum est prius hoc theorema; quod tempus descensus per quemlibet cycloidis arcum, sit ut arcus correspondens circuli genitoris directè, & radix diametri ejusdem circuli inversè. Sit itaque semicyclois  $AMB$  cujus basis sit recta horizontalis  $AC$ , axis recta verticalis  $BC$ , &  $BEC$  semicirculus genitor. Capiatur in perimetro semicyclois portio  $Mm$  indefinite parva, & ductis  $ME$ ,  $me$  ipsi  $AC$  parallelis, jungantur chordæ  $BE$ ,  $CE$ ,  $Ce$ . Igitur, quum grave corpus descendit per  $AM$ , velocitas, quam in puncto  $M$  reperitur habere, erit ut radix altitudinis  $MO$ ,  
hoc

FIG.  
107.

hoc est propter semicirculum, ut chorda  $CE$  directè, & radix diametri  $BC$  inversè, Est autem tempus per  $Mm$ , ut  $Mm$  directè, & velocitas illa inversè. Itaque, quia  $Mm$  in omni cycloide datam habet rationem cum  $EX$ , idem tempus per  $Mm$  erit, ut  $EX$  directè, radix ipsius  $BC$  etiam directè, &  $CE$  inversè.

Jam angulus  $EXe$ , nihil vetat, quominus tamquam rectus consideretur, Quare, quum angulus  $EeX$  æqualis sit angulo  $EBC$ , similia erunt triangula rectangula  $EXE$ ,  $CEB$ ; eritque aded, ut  $Ee$  ad  $BC$ , ita  $EX$  ad  $CE$ . Tempus itaque per  $Mm$ , quod est ut  $EX$  directè, radix ipsius  $BC$  etiam directè, &  $CE$  inversè, erit ut  $Ee$  directè, & radix ipsius  $BC$  inversè. Quumque eadem sit demonstratio de singulis portionibus, quæ in semicycloidis perimetro sumuntur; consequens est, ut tempus descensus per arcum cycloidis  $AM$ , sit ut arcus correspondens semicirculi genitoris  $CE$  directè, & radix diametri  $BC$  inversè.

FIG.  
108.

Huic verò consequens est, ut tempora descensus per arcus similes cycloidum  $MB$ ,  $MK$  sint, ut radices diametrorum  $PR$ ,  $HL$ . Nam ex theoremate mox ostenso tempora per  $MB$ ,  $MK$  sunt, ut arcus  $PQ$ ,  $HI$  directè, & radices diametrorum  $PR$ ,  $HL$  inversè. Jam verò, propter arcus cycloidum similes



miles MB, MK, similes sunt etiam arcus circulorum PQ, HI; adeoque, ut est PQ, ad HI, ita est PR ad HL. Quare ex æquali tempora descensus per arcus similes cycloidum MB, MK erunt, ut diametri PR, HL directè, & radices earundem diametrorum inversè, hoc est ut ipsæ radices diametrorum PR, HL directè.

His præmissis, esto nunc MH linea horizontalis, & HB linea alia, ad eam utcumque inclinata. Sint porro MKL, MBR plures cycloides, quæ incipientes à puncto M, habeant omnes bases suas super eadem MH; & oporteat inter cycloides istas determinare eam, per quam grave corpus ex M descendens, accedat ad lineam positione datam HB breviori tempore, quàm si per cycloidem aliam descenderet.

Sit MKL cyclois talis, cujus basis sit ipsa recta MH; secet autem circumferentiam sui circuli genitoris HIL recta linea positione data HB in puncto I, per quod agatur recta KS parallela ipsi MH, quæ cycloidi MKL occurrat in K. Tum jungantur puncta M, & K per rectam MK, quæ producta occurrat ipsi HB in puncto B. Dico cycloidem MBR, quæ transit per punctum B, eam esse, quam quærimus.

Est enim maximorum, & minimorum ea natura, ut quum nec illa augeri, nec minui

nui ista amplius possint, amborum differentialis expressio debeat nihilum adæquare. Notum est autem, eas tantum quantitates differentiatas nihilo æquales esse, quæ magnitudinibus datis, sive constantibus exprimentur. Itaque inter omnes ejusdem speciei quantitates, quæ maximum, vel minimum admittunt, si aliqua sit, eaque sola, quæ per magnitudines datas, sive constantes exprimitur, ea erit omnium maxima, vel minima.

Hinc igitur fit, ut accedet grave corpus ex puncto M ad rectam positione datam HB breviori tempore per cycloidem MBR, quam per aliam quamvis, si utique ostendi possit datum esse tempus per arcum MB, nec tempus per alterius cycloidis arcum datum esse. Id autem ostendemus in hunc modum. Quoniam recta MH basis semicycloidis MKL magnitudine, & positione data est; dabitur etiam magnitudine, & positione ejus semicirculus genitor HIL: proindeque, quia recta HB data est positione, dabitur etiam positione tam punctum I, quam punctum K, adeoque dabuntur magnitudine tam arcus HI, IL, quam rectæ MK, MB.

Et quoniam tempus per arcum cycloidis MK est, ut arcus semicirculi genitoris HI directe, & radix suæ diametri HL inverse, dabitur tempus per arcum MK. Sed tempus per

per arcum  $MK$  est ad tempus per arcum similem  $MB$  in subduplicatâ ratione diameterum  $HL$ ,  $PR$ , sive etiam in subduplicatâ ratione rectarum  $MK$ ,  $MB$ . Quare, quum data sit ratio ista subduplicata, dabitur etiam ratio, quam habet tempus per arcum  $MK$  ad tempus per arcum  $MB$ . Ostensum est autem, datum esse tempus per arcum  $MK$ . Et igitur erit quoque datum tempus per arcum  $MB$ : proptereaque, quia tempus per alterius cycloidis arcum consimilem nequaquam est datum, ut rem attentè consideranti liquidò patet; ex antea dictis illud omnium brevius erit.

Ponamus jam rectam  $HB$  verticalem esse, adedque erectam ad horizontalem  $MH$ , ita ut coïncidat cum ipsâ  $HV$ . Accedent igitur ad invicem puncta tria  $B$ ,  $K$ ,  $I$ , & singula coincident cum puncto  $L$ . Unde, quum in hoc casu cyclois  $MBR$  coïncidat cum cycloide  $MKL$ ; erit ipsa cyclois  $MKL$  ea, per quam problemati fit satis. Cæterùm, si concipiamus, rectam positione datam  $HP$  revolvi circa punctum  $H$  ab  $HP$  usq; ad  $HM$ , ita ut omnes positiones possibiles referat; locus omnium punctorum  $B$ , in quibus eam secant in omni positione arcus celerrimi descensus, erit spiralis  $HOBM$ , cujus ea est proprietas, ut radius  $HB$  sit ad ejus portio-

Q d

nem

nem circulo interceptam  $HI$ , veluti est semicircumferentia  $HIL$  ad arcum  $HI$ : cujus rei, à Domino Saurin in Schediasmate suo inserto Monumentis Regiæ Scientiarum Academiæ Parisiensis anni 1709 primum adnotatæ, demonstrationem velut facillimam, & cuique obviam præmittendam existimamus.

Hoc idem problema clarissimi Fratres ad majorē adhuc universalitatem perduxerunt; nimirum etiam in casu, quum linea positione data non est recta, sed curva quævis geometrica. Quin imò, quia numquam novit naturæ limitem, eò etiam progressi sunt, ut quod de cycloidibus primum quærebat, deinde ad curvas alias, quæ similes essent inter se, extenderetur. Verū nescio, num ad rem sit, Tyrones nostros ad subtiliores hæc inquisitiones manuducere. Quocirca rem experiemur in unico tantum casu, eoq; omnium simplicissimo, nimirum, quum lineæ datæ sunt rectæ, & ea, ad quam accedere debet grave corpus, est etiam recta.

FIG. Detur itaque in lineâ horizontali  $MH$   
 109. punctum aliquod  $M$ , sitque  $HB$  recta positione data; & oporteat, determinare rectam  $ML$ , per quam grave corpus descendens perveniat ex  $M$  ad ipsam  $HB$  breviori tempore, quàm si per aliam rectam lineam descenderet. Ducatur verticalis  $MB$ , quæ conveniat

niat cum rectâ positione datâ HB in puncto B, tum super MB describatur semicirculus MNB, qui eandem rectam HB secet in N. Dico rectam ML, quæ dividet angulum BMN bifariam, eam esse, quam quærimus.

Ponamus enim rectam ML reverà talem esse, ut portio ejus MI percurratur tempore brevissimo. Itaque, quia tempus per MI est omnium minimum, exprimetur illud quantitativis datis, sive constantibus. Est autem tempus per MI ad tempus per ML in subduplicatâ ratione rectarum MI, ML. Itaque, quum datum sit tempus per ML, dabitur quoque ratio subduplicatâ rectarum MI, ML; proindeque, si ducatur recta alia *Mi* priori indefinitè proxima, subduplicata ratio rectarum *Mi*, *ML* adhuc manebit eadem. Est igitur, ut MI ad ML, ita *Mi* ad *ML*. Quare tangens in puncto L, quæ habetur producendo *Li*, parallela erit chordæ BN; adedque, quum æquales sint arcus hinc inde positi BL, LN, secabitur angulus BMN bifariam per rectam, quam quærimus, ML.

Sit jam recta HB verticalis, adedque erecta ad horizontalem MH, ita ut parallela fiat ipsi MB. Et quoniam in hoc casu punctum B abit in infinitum, augebitur etiam in infinitum semicirculus MNE. Unde, quum portio ejus MN fiat indefinitè parva, evanescet angulus HMN; adedque recta, quam

quærimus,  $ML$  secabit bifariam totum angulum  $BMH$ ; id quod etiam exinde colligi potest, quia ex constructione generali angulus  $MIH$  æqualis oritur angulo  $IMH$ . Hinc enim fit, ut quotiescumque rectus ponitur angulus  $MHI$ , ad conservandam eorum angulorum æqualitatem, debeat uterque illorum esse semirectus.

Cæterum, si hic quoque concipiamus, rectam positione datam  $HB$  revolvi circa punctum  $H$ , ita ut revolutione istâ omnes positiones possibiles acquirat, locus omnium punctorum  $I$  invenietur esse circuli circumferentia, descripta ex puncto  $H$  tamquam centro, intervalloque  $HM$ . Neque etiam difficilis erit hujus rei demonstratio; quandoquidem, propter æquales angulos  $MIH$ ,  $IMH$ , æquales sunt semper rectæ  $HM$ ,  $HI$ .

## S E C T I O IV.

### *De Motu Graviorum Violento.*

**R**eliquum jam est, ut de motu gravium violento sermonem institueremus. Dicuntur autem violento motu gravia moveri, quotiescumque ita quidem feruntur, ut cum vi centripetâ gravitatis agat etiam vis centrifuga, ex motu projectili

or-

orta . De hoc gravium motu tractavit magnus Galilæus, sub titulo de motu projectorum . Verum , quum in eâ tantum hypothesi constiterit, quæ gravitatem ponit constantem , & invariata ; Recentiores , ulterius progressi , generaliter in quacumque gravitatis hypothesi eandem materiam pertractarunt . Quod etsi etiam à Nobis hoc loco præstandum sit ; ad rem tamen existimamus ea , quæ obtinent circa motum projectorum in hypothesi gravitatis constantis, speciatim primum definire.

## C A P. I.

*De motu projectorum in hypothesi gravitatis constantis.*

**G**Rave corpus si sursum, vel deorsum directè projiciatur, in quacumque gravitatis hypothesi , movebitur semper in rectâ lineâ ; quia secundum eandem lineam verticalem agit , tam vis centripeta gravitatis, quàm vis centrifuga , quæ oritur ex motu projectili . Sed non perinde res est , si secundum directionem horizontalem , vel aliam quamvis ad horizontem inclinatam projiciatur ; nam quum in hoc casu duæ illæ vires agant in corpus , secundum diversas rectas lineas, per notissimam earum compositio-

tionem, curvam quandam motu suo grave describet.

FIG.  
110.

Projiciatur etenim grave corpus ex A secundum directionem AC. Jam si nulla alia vis adesset, in eâdem rectâ, eâdem velocitate, per leges naturæ notas, semper progredieretur; & æqualibus temporibus describeret æqualia spatia AB, BC. Diviso itaque tempore in particulas æquales, agat vis gravitatis post primam temporis particulam, ubi corpus in B pervenit, efficiatque, ut eodem tempore, quo describeret BC, rectâ descendat per BD. Quia ergo eodem tempore urgetur corpus duobus motibus BC, BD, completo parallelogrammo BCED feretur corpus tempore illo per diagonalem parallelogrammi hujus BE.

Eâdem ratione, si vis gravitatis desisteret, corpus tertiâ temporis particulâ describeret rectam EF æqualem ipsi BE. Quocirca, si in puncto E agat vis gravitatis secundâ vice, faciatque, ut corpus rectâ descendat per EG eodẽ tempore, quo describeret EF; completo parallelogrammo EFHG, movebitur corpus per diagonalem EH. Atque ita quoque, si in puncto H iterum agat vis gravitatis, & efficiat, ut corpus rectâ descendat per HL eodem tempore, quo vi illâ desistente describeret rectam HI æqualem ipsi EH; feretur corpus quartâ temporis particulâ per dia-



gonalem HK parallelogrammi HIKL.

Hac igitur lege movebitur grave corpus per perimetrum polygoni ABEHK. Diminuantur jam in infinitum singulæ temporis particulæ, quibus vim gravitatis agere posuimus, & augeatur etiam in infinitum ipsorum numerus. Quumque hac ratione latera polygoni in infinitum minuantur, eorumque numerus in infinitum etiam augeatur; vertetur polygoni perimenter in curvam, adeoque grave corpus continuâ gravitatis actione per curvam istam movebitur.

Jam primum, quod quæritur circa motum projectorum, est determinatio ejus curvæ, per quam mobile fertur, quum projicitur secundum lineam, vel horizontalem, vel utcumque ad horizontem inclinatam. Hæc curva, in hypothese gravitatis constantis, quæ efficit, ut spatia, ab initio motus computata, sint ut quadrata temporum, quamque dumtaxat hoc capite expédendam nobis proposuimus, est semper linea parabolica. Projiciatur etenim grave corpus secundum rectam AC, quæ sit vel horizontalis, vel utcumque ad horizontem inclinata. Dico gravis semitam fore curvam semiparabolicam.

FIG.  
111.

Namque, si vis gravitatis non adesset, nec aer motui projecti obstaret, (quod postre-

mun semper supponitur;) projectum pergeret motu æquabili eadem semper directione, essentque tempora, quibus percurruntur spatii partes  $AB$ ,  $AC$ ,  $AD$ ,  $AE$ , ut ipsa spatia percurfa respectivè. Jam accedente vi gravitatis, ob continuam ejus actionem, grave indefinenter deflectet à rectâ  $AE$ , & spatia descensus, seu deviationes à lineâ illâ  $AE$  eadem erunt, ac si descenderet per verticalem  $AI$ .

Sint itaque  $AF$ ,  $AG$ ,  $AH$ ,  $AI$  spatia, quæ per vim gravitatis describit corpus interea, ac motu projectili percurrit æquabiliter spatia  $AB$ ,  $AC$ ,  $AD$ ,  $AE$ , eruntque spatia  $AF$ ,  $AG$ ,  $AH$ ,  $AI$ , ut quadrata temporum, sive etiam, ut quadrata rectarum  $AB$ ,  $AC$ ,  $AD$ ,  $AE$  temporibus illis proportionalium, hoc est completis parallelogrammis  $AK$ ,  $AL$ ,  $AM$ ,  $AN$ , ut quadrata ordinarum  $FK$ ,  $GL$ ,  $HM$ ,  $IN$ .

Est autem, per compositionem motuum,  $AKLMN$  semita, per quam fertur projectum; quum nec motus projectilis impediat vim gravitatis, nec vis gravitatis impedimento sit motui projectili. Quare semita projecti erit talis naturæ, ut quadrata ordinarum  $FK$ ,  $GL$ ,  $HM$ ,  $IN$  sint, ut abscissæ correspondentes  $AF$ ,  $AG$ ,  $AH$ ,  $AI$ : proindeque erit curva semiparabolica, quum soli parabolæ competat, ut ordinatæ sint inter se

se in subduplicatâ ratione abscissarum correspondentium.

Obtinet porro demonstratio, siue linea AC, secundum quam projicitur grave corpus, sit horizontalis, siue utcumque ad horizontem inclinata. Id tantum notatu dignum existimamus, quod quum linea AC est horizontalis, ordinatæ parabolæ rectos angulos constituunt cum suis abscissis, adeoque AI est axis parabolæ. Sed non perinde res est, quum AC inclinatur ad horizontem, quia hoc casu ordinatæ cum suis abscissis constituunt angulos obliquos, adeoque AI est tantum diameter parabolæ. Verum utroque casu AC contingit parabolam in A, utpote quæ parallela est ordinatis ipsius AI.

Liquet etiam ex ipsâ demonstratione, parabolæ projecti motu descriptæ majorem, vel minorem amplitudinem pendere à majori, vel minori velocitate, quacum mobile à projiciente manu projicitur. Nam major, aut minor parabolæ amplitudo dependet ex majori, aut minori longitudine ordinarum FK, GL, HM, IN, quæ correspondent datis abscissis AF, AG, AH, AI: & profecto ordinatæ istæ, quum sint æquales ipsis AB, AC, AD, AE, quæ datis temporibus projectili motu describuntur, eò evadunt majores, quò majori velocitate projicitur mobile; nam spatium dato tempore descriptum eò

ma-

majus est, quò major est velocitas, qua mobile movetur.

Quum itaque parabolæ amplitudo dependeat ex velocitate mobili impressâ, non abs re erit inquirere, quænam velocitas imprimi debeat mobili, ut possit datam parabolam describere. Quocirca datâ parabolâ  $AMN$ , cujus diameter fit recta verticalis  $AI$ , parameter hujus diametri recta  $AE$ , datum quemvis angulum constituens cum  $AI$ , & ordinatæ ejusdem diametri æquidistantes ipsi  $AE$ , sequens problema resolvendum nobis proponimus: invenire altitudinem  $AO$ , per quam grave descendens acquirat in  $A$  talem velocitatem, ut si eâ projiciatur secundum rectam  $AE$ , describat motu suo parabolam datam.

Hoc autem problema facili negotio resolvemus, si ejus recordemur, quod de descensu gravium superiùs à nobis ostensum est: nimirum spatium à gravi in dato tempore cadendo descriptum dimidium esse ejus, quod eodem tempore describeret, si velocitate finali æquabiliter moveretur. Hinc enim fit, ut si problema jam resolutum supponamus, fitque  $AO$  altitudo quæsitâ, & ponamus insuper spatium super rectâ  $AE$  velocitate acquisitâ æquabiliter eodem tempore percursum esse rectam  $AB$ ; erit  $AB$  dupla ipsius  $AO$ .

Jam

Jam verò in eodem tempore, per solam vim gravitatis, describi debet spatium alterum æquale ipsi  $AO$  in rectâ lineâ verticali  $AI$ . Itaque si compleatur parallelogrammum  $ABKF$ , erit  $AF$  æqualis  $AO$ , atque adeò  $FK$  dupla ipsius  $AF$ . Est autem ob parabolæ naturam, ut  $AE$  ad  $FK$ , ita  $FK$  ad  $AF$ . Quare erit etiam  $AE$  dupla ipsius  $FK$ , sive  $AB$ , & consequenter quadrupla altitudinis quæsitæ  $AO$ . Ex quo patet, altitudinem  $AO$  inventam iri, si constituatur æqualis quartæ parti ipsius  $AE$ .

Hinc, si gravia sursum obliquè projiciantur, & sitatur motus ipforum ad eandem lineam horizontalem, ex qua initium habuit, facile erit id omne determinare, quod ad motum spectat istiusmodi projectorum. In hac siquidem projectione quatuor considerari possunt, velocitas, amplitudo, altitudo, & angulus projectionis. Ita, si  $AKL$  sit semita talis projecti, designabit recta  $AO$  altitudinem, per quam grave corpus descendere debet, ut velocitatem acquirat, quæ in projectione requiritur; recta  $AL$  amplitudinem projectionis; recta  $IK$ , quæ bisecat ipsam  $AL$ , altitudinem ejusdem projectionis, &  $CAL$  angulum, quem constituit cum horizonte linea, per quam grave corpus projici debet. Unde patet, circa talium projectorum motum sex principaliora problemata institui posse.

FIG.  
112.

Pri-

Primum est, quum datis velocitate, & amplitudine projectionis, quæritur altitudo unà cum angulo. Secundum, quum datis velocitate, & altitudine projectionis, quæruntur angulus, & amplitudo. Tertium, quum datis velocitate, & angulo projectionis, quæruntur altitudo, & amplitudo. Quartum, quum datis amplitudine, & altitudine, quæritur velocitas unà cum angulo. Quintum, quum datis amplitudine, & angulo, quæruntur velocitas, & altitudo. Ac sextum denique, quum datis angulo, & altitudine, velocitatem, & amplitudinem oportet invenire.

Jam si ex puncto L perpendicularis erigatur LC, quæ ipsi AC occurrat in C, atq; huic porro ad rectos angulos excitetur CD, quæ conveniat cum AO in puncto D, erit AD, quadrupla ipsius AO. Nam quum AO sit quarta pars parametri, quæ refertur ad punctum A, erit AC, sive GL quadratū æquale rectángulo, quod fit ex AG, sive CL in quadruplum ipsius AO. Sed, propter triangulum rectangulum ACD, idem AC quadratum est æquale rectángulo, quod fit ex CL in AD. Itaque erit AD æqualis quadruplo ipsius AO.

Sed, quemadmodum in triangulo rectángulo ACD hypotenusa AD est quadrupla rectæ lineæ AO, quæ determinat velocitatem projectionis, ita si demittatur perpendicu-  
lum

lum  $CF$ , erit portio  $AF$  quadrupla rectæ  $IK$ , quæ ejusdem projectionis altitudinem definit. Nam sicuti  $AL$  est dupla ipsius  $AI$ , ita erit  $CL$  dupla ipsius  $BI$ . Sed, quum  $CL$  sit ad  $BK$ , ut est  $AC$  quadratum ad  $AB$  quadratum, sive etiam, ut est  $CL$  quadratum ad  $BI$  quadratum, eadem  $CL$  est quadrupla ipsius  $BK$ . Itaque bisecta erit  $BI$  in  $K$ ; & propterea sicuti  $CL$ , sive  $AF$  est quadrupla portiois  $BK$ , ita quoque erit quadrupla alterius portiois  $IK$ .

Hinc, quia in eodem triangulo rectangulo  $ACD$  designat perpendicularum  $CF$  amplitudinem, &  $ADC$  angulum projectionis, liquet sex illa problemata ad alia totidem purè geometrica, posse revocari. Primum etenim erit, quum datis hypotenusâ  $AD$ , & perpendicularo  $CF$ , quæritur segmentum  $AF$  unâ cum angulo  $ADC$ . Secundum, quum datis hypotenusâ  $AD$ , & segmento  $AF$ , quæritur perpendicularum  $CF$  unâ cum angulo  $ADC$ . Tertium, quum datis hypotenusâ  $AD$ , & angulo  $ADC$ , quæritur perpendicularum  $CF$  unâ cum segmento  $AF$ . Quartum, quum datis perpendicularo  $CF$ , & segmento  $AF$ , quæritur hypotenusâ  $AD$  unâ cum angulo  $ADC$ . Quintum, quum datis perpendicularo  $CF$ , & angulo  $ADC$ , quæritur hypotenusâ  $AD$  unâ cum segmento  $AF$ . Et sextum denique, quum datis segmento  $AF$ ,

AF, & angulo ADC, quæritur hypothenusa AD unâ cum perpendicularo CF.

Hæc problemata facili negotio resolveret quicumque, vel leviter in trigonometricis, & analyticis versatus est, nec hominis otio abutentis notam effugere possem, si eorum resolutionem hîc vellem afferre. Cæterum, quum amplitudo projectionis designetur per perpendicularum CF, patet veritas ejus, quod primus omnium prodidit Galilæus: nimirum amplitudinem projectionis maximam esse, quum angulus est semirectus, sive graduum quadragintaquinque, Nam, quum CF sit semper una ex ordinatis semicirculi descripti super AD, tamquam diametro; perspicuum est, CF fieri maximam omnium ordinatarum istius semicirculi, quotiescumque angulus ADC, sive CAL semirectum adæquat.

Sed illud etiam exinde non obscure colligi potest, eandem futuram esse projectionis amplitudinem, sive angulus fuerit minor quadraginta quinque gradibus, sive major, sed qui unum rectum cum priori constituat; quandoquidem perpendicularum CF ejusdem semper invenietur quantitatis, sive angulus CAL fuerit graduum, exempli gratiâ, triginta, sive graduum sexaginta, qui unâ cum iis nonaginta gradus constituunt. Unde datis velocitate, & amplitudine pro-  
je-



jectionis, si quærat<sup>ur</sup> angulus cum altitudine, problema duplicem solutionem admittet: quod exinde etiam liquere potest, quia æquatio, quæ invenitur in resolutione problematis, ad duplicem dimensionem ascendit.

Ponatur etenim  $AD$ , quæ designat quadruplum altitudinis, unde cadendo data velocitas acquiritur,  $= 4a$ , amplitudo projectionis  $AL$ , sive  $CF = b$ , &  $AF$ , quæ designat quadruplum altitudinis ejusdem projectionis,  $= x$ . Erit itaque  $DF = 4a - x$ . Et quoniam, propter triangulum rectangulum  $ACD$ ,  $AF$  est ad  $CF$ , ut  $CF$  ad  $DF$ , erit in terminis analyticis, ut  $x$  ad  $b$ , ita  $b$  ad  $4a - x$ : unde orietur æquatio  $4ax - xx = bb$ , hoc est  $xx - 4ax + bb = 0$ , quæ quum ad duplicem dimensionem ascendat, consequens est, ut altitudo projectionis, & angulus, ei correspondens, duplicem valorem habere possit.

Quod verò duo isti anguli, qui problemati satisfaciunt, simul unum rectum adæquent, ex ipsâ etiam æquatione deducitur. Nam, quum in eâ coefficientis secundi termini sit  $4a$ , adæquabit summa radicum incognitæ  $x$  ipsam  $AD$ ; adedque si  $AF$  sit radix una, erit  $DF$  radix altera. Est autem  $ADC$  angulus projectionis, qui correspondet ipsi  $AF$ , &  $CAD$  angulus, qui correspondet ipsi  $DF$ .

si DF . Itaque duo anguli , qui problemati satisfaciant , sunt ADC , CAD , quos simul sumptos perspicuum est unum rectum adæquare.

Jam igitur datâ velocitate , cum qua grave corpus projicitur , non eadem semper parabola est semita projecti , sed alia , atque alia erit , prout alius , atque alius est angulus projectionis , ejusque amplitudo augebitur usque ad gradum quadragesimum quintum , post quem minuetur ordine retrogrado , tamen si altitudo semper augeatur . Quod , si autem quærat locus , in quo reperiuntur vertexes principales omnium istarum parabolarum , invenietur esse ellipsis AEOV , cujus axis minor est recta AO , quæ designat altitudinem , unde cadendo acquiritur velocitas data , axis verò major est recta EV , dupla ipsius AO .

Neque verò difficile id erit ostendere . Nam , si AKL sit una ex iis parabolis ; ejus vertex principalis erit punctum K , quod invenitur bisecando amplitudinem AL in puncto I , & erigendo perpendicularem IK . Unde demisso super AO perpendiculo KH , si ponatur  $AO = a$  ,  $AH = x$  , &  $KH = y$  , erit  $AD = 4a$  ,  $AF = 4x$  ,  $DF = 4a - 4x$  , &  $CF = 2y$  . Est autem , propter triangulum rectangulum ACD , ut AF ad CF , ita CF ad DF , hoc est , in terminis analyticis , ut  $4x$  ad

ad  $2y$ , ita  $2y$  ad  $4a - 4x$ . Quare erit  $4yy = 16ax - 16xx$ , hoc est  $yy = 4ax - 4xx$ ; quæ quidem æquatio quum resolvatur in hanc analogiam, ut  $yy$  ad  $ax - xx$ , ita  $4$  ad  $1$ , erit ut  $KH$  quadratum ad rectangulum  $AHO$ , ita  $EV$  quadratū ad  $AO$  quadratum; & propterea punctum  $K$  erit in ellipsi, quæ describitur axibus conjugatis  $EV$ ,  $AO$ .

Verumtamen, ut melius intelligatur, qua ratione omnia puncta istius ellipsis possint esse vertices principales omnium illarum parabolarum; notetur velim, grave corpus non modò projici posse obliquè sursum, verum etiam obliquè deorsum. Itaque, quum grave corpus projicitur obliquè sursum, tum vertex principalis parabolæ, quæ describitur, erit in semiellipsi  $AEO$ . Quotiescumque verò idem grave corpus deorsum projicitur obliquè, tunc locus verticis principalis describendæ parabolæ erit in semiellipsi  $AVO$ ; quum axis ejus reperiatur ad alteram partem ipsius  $AN$ .

Quemadmodum autem ipsum punctum  $A$  est vertex principalis parabolæ, quæ describitur, quotiescumque grave corpus projicitur horizontaliter; ita quoque, si projiciatur verticaliter sursum, erit punctum  $O$  describendæ parabolæ vertex, quæ in hoc casu vertitur in lineam rectam. Sed si idem grave corpus verticaliter deorsum fuerit proje-

E e ctum

ctum, tunc vertex principalis semitæ suæ abibit in infinitum, nec ullibi reperietur; quum in hoc casu punctum A, unde incipit projectio, sit, ut ita dicam, ultimus vertex parabolæ, quæ describitur.

FIG.  
113.

Præterea notatu hîc etiam dignum existimamus, quod sicuti ellipsis, quæ describitur axibus conjugatis EV, AO, est locus, in quo reperiuntur vertexes principales omnium illarum parabolarum; ita circuli circumferentia, quæ describitur centro A, intervalloque AO, sit locus, in quo collocantur foci, sive umbilici earundem parabolarum. Etenim si parabolæ AKL fuerit R focus, sive umbilicus, erit parameter diametri AN æqualis quadruplo ipsius AR. Sed eadem parameter, ex superius ostensis, est æqualis etiam quadruplo ipsius AO. Itaque erit AO æqualis AR; adeoque si centro A, intervalloque AO describatur circuli circumferentia, hæc transibit per punctum R.

Sed illud quoque nolim hîc silentio præterire, quod si per umbilicum R cujuscunque parabolæ ducatur recta AR, quæ producta secet parabolam ipsam in M, locus omnium punctorum M, quæ hac ratione determinantur, sit parabola alia OM, cujus vertex principalis est punctum O, axis recta ON, umbilicus punctum A, atque adeo parameter axis recta æqualis quadruplo ipsius AO.

AO . Nec obscura est hujus rei demonstratio . Nam, quum R sit umbilicus parabolæ AKM, demisso super AN perpendiculo MHN, erit tam  $AR = KR + KI$ , quàm  $MR = KR + KH$ ; adedque erit  $MR - AR = KR + KH - KR - KI$ , hoc est  $MR - AR = AN$ . Unde, quum sit  $MR = AN + AR$ , hoc est  $MR = ON$ , erit  $AM = ON + AO$ : id quod indicat punctum M esse in parabolâ OM, cujus vertex principalis est punctum O, axis recta ON, umbilicus verò punctum A.

Quin etiam, ne aliquid hîc missum faciamus, quod scitu sit dignû, notabimus tandem, novam istam parabolam OM contingere parabolas omnes ALM in ipso puncto M, quod eis commune est. Id autem non aliâ meliori ratione demonstrari poterit, quàm ostendendo, rectam MT, quæ contingit parabolam OM in puncto M, contingere etiam parabolam ALM in eodem puncto M: quod quidem præstabimus in hunc modum. Quoniam punctum A est umbilicus parabolæ OM, & MT tangens ejus; erit AM æqualls AT. Jam verò, propter similitudinem triangulorum MAT, MRS, AM est ad AT, ut RM ad RS. Itaque erit etiam RM æqualis RS: & propterea, quum punctum R sit umbilicus parabolæ ALM, continget eam in puncto M recta MT.

Verum enim verò, ut ad motum proje-

FIG.

112.

etorum revertamur, non aliud superest, quàm ut problemata quædam resolvamus, quæ institui solent circa projecta, quorum motus non sistitur ad eandem lineam horizontalem, unde suum initium habuit. Hæc problemata, saltem quæ usum habent in arte ballisticâ, duo sunt. Primum, ut dato angulo projectionis  $CAL$  inveniaturs altitudo  $AO$ , unde talis cadendo velocitas acquiratur, ut si eâ grave corpus projiciatur, pergat ad datum locum  $M$ . Alterum, ut vicissim datâ altitudine  $AO$ , unde cadendo acquiritur velocitas projecto, inveniaturs angulus projectionis  $CAL$ , ut in descensu suo obliquo transeat grave per punctum  $M$ .

Quantum ad primum, ejus solutio nullam difficultatem involvit. Nam semper ac datus est angulus projectionis  $CAL$ , datumque punctum  $M$ , per quod grave transire debet; dabitur parabola, sive semita projecti  $AKM$ , quum detur, tam diameter ejus  $AN$  cum angulo, quem ordinatæ cum abscissis constituunt, quàm punctum  $M$ , per quod transit parabola illa. Jam verò datâ parabolâ, datur etiam parameter diametri  $AN$ ; quum ductâ  $MQ$  ipsi  $AC$  parallelâ, inveniaturs parameter illa, faciendo, ut  $AQ$  ad  $MQ$ , ita  $MQ$  ad quartam. Quare si  $AO$  constituatur quarta pars hujus parametri, habebitur altitudo quæsita.

Quan-

Quantum ad secundum, ejus solutio est paulò difficilior, sed analyticè resolvemus illud in hunc modum. Ponatur altitudo data  $AO = a$ , recta  $MN$ , quæ est distantia puncti dati  $M$  à verticali  $AN$ ,  $= b$ ,  $AN = c$ , &  $AQ$ , quæ determinat positionem rectæ  $MQ$ , sive  $AC$ ,  $= x$ . Erit itaque  $NQ = x - c$  (sive etiam  $c - x$ ), & quadratum ex  $MQ = xx - 2cx + cc + bb$ . Est autem propter parabolam  $MQ$  quadratum æquale rectangulo, quod fit ex  $AQ$  in quadruplum ipsius  $AO$ . Quare erit in terminis analyticis  $xx - 2cx + cc + bb = 4ax$ , hoc est  $xx - 2cx - 4ax + cc + bb = 0$ , ex cujus æquationis resolutione orientur pro incognitâ  $x$  duo valores, quorum alter erit  $c + 2a + \sqrt{4aa + 4ac - bb}$ , alter  $c + 2a - \sqrt{4aa + 4ac - bb}$ .

Sed notetur hoc loco velim, quod si fuerit  $bb = 4ac$ , hoc est  $MN$  quadratum æquale rectangulo quater contento sub  $AO$ , &  $AN$ ; tunc æquatio futura erit  $xx - 2cx - 4ax + cc + 4ac = 0$ , & radices duæ incognitæ  $x$ , erunt  $c + 2a + \sqrt{4aa}$ , &  $c + 2a - \sqrt{4aa}$ , hoc est  $c + 4a$ , &  $c$ . Quod si verò punctum  $M$ , fuerit in horizontali  $AL$ , tunc quia recta  $AN$  fit æqualis zero, sive nihilo, delendi sunt in inventâ æquatione termini omnes, in quibus  $c$  reperitur. Quare habebitur  $xx - 4ax + bb = 0$ , atque aded duo valores incognitæ

$\alpha$ , erunt  $2a \mp \sqrt{4aa - bb}$ , &  $2a - \sqrt{4aa - bb}$ .

Caterum generalis constructio pro omni casu hæc est. Ducatur per datum punctum  $M$  recta verticalis  $MP$ , & æqualis duplo ipsius  $AO$ ; tum centro  $P$ , & intervallo mediæ proportionalis inter  $ON$ , & quadruplum ejusdem  $AO$ , describatur circuli circumferentia, quæ quidem, secando rectam  $AN$ , determinabit positionem ipsius  $MQ$ , sive  $AC$ .

Jam si istius sectionis duo sint puncta: (id, quod accidit, quum media illa proportionalis est major, quàm  $MN$ ;) problema duobus modis solvi poterit. Quod si autem descripta circuli circumferentia tangat rectam  $AN$  in unico puncto: (id, quod contingit, quum eadem illa media proportionalis est æqualis ipsi  $MN$ ;) problema unicam tantum solutionem admittet. Et denique si sectio nullibi reperiatur: (quod quidem contingit, quum media proportionalis prædicta minor est, quàm  $MN$ ;) tunc problema solutu impossibile erit.

### C A P. II.

*De motu projectorum in quacumque gravitatis hypothesis.*

**Q**Uæ de motu projectorum superiori capite ostensa sunt, locum sibi vindicant



caut in hypothesi, quod vis gravitatis eadem, & constanti ratione agat in corpora gravia, quodque tendat ad punctum indefinitè distans, ita ut gravium directiones possint tamquam parallelae considerari. Nunc eadem de motu projectorum disputatio ad suam universalitatem est deducenda, deque eo agendum in quacumque gravitatis hypothesi, tendentis ad punctum, cujus distantia à corpore gravi sit finita. Et primò quidem ostendendum est nobis elegans illud theorema, quod primus omnium protulit Acutissimus Newtonus in Principiis suæ Philosophiæ Mathematicis: nimirum areas, quas projecta describunt circa centrum virium, radiis ad idem ductis, consistere in planis immobilibus, & esse temporibus proportionales.

Sit itaque S centrum virium, & projiciatur grave corpus secundum rectam AC. Dividatur tempus in partes æquales, & primâ temporis parte describat grave motu projectili rectam AB. Idem igitur secundâ temporis parte, si nihil impediret, per notas naturæ leges rectâ pergeret ad C, describeretque rectam BC æqualem ipsi AB: aded, ut radiis ad centrum actis AS, BS, CS confectæ forent æquales areæ ASB, BSC. Verùm ubi corpus venit ad B, agat vis gravitatis, faciatque, ut corpus de rectâ BC declinet,

FIG.  
114.

E e 4 & per-

& pergat in ipsâ  $BD$ ; jamque ductâ  $CD$  ipsi  $BS$  parallelâ, per notissimam virium compositionem, completâ secundâ temporis parte, reperietur corpus in  $D$ , in eodem plano cum triangulo  $ASB$ , describetque adeò parte illâ temporis triangulum  $BSD$ , quod velut æquale triangulo  $BSC$ , quum sint in eâdem basi  $BS$ , & in iisdem parallelis  $BS$ ,  $CD$ , erit etiam æquale triangulo  $ASB$ .

Simili argumento, si vis gravitatis successivè agat in  $D$ ,  $F$ ,  $H$ , &c. faciens, ut grave corpus singulis temporis particulis declinando à rectis  $DE$ ,  $FG$ ,  $HI$  describat rectas  $DF$ ,  $FH$ ,  $HK$ ; jacebunt istæ omnes in eodem plano, & triangulum  $BSD$  ipsi  $DSF$ , &  $DSF$  ipsi  $FSH$ , &  $FSH$  ipsi  $HSK$  æquale erit. Æqualibus igitur temporibus æquales areæ in plano immoto describuntur; & componendo erunt arearum summæ quævis, ut tempora descriptionum. Augeatur jam numerus, & minuatur latitudo triangulorum in infinitum: id, quod fit, quum vis centripeta gravitatis agit indefinenter; & eorum ultima perimeter  $ABDFHK$  erit linea curva, eruntque adhuc areæ quævis  $ASD$ ,  $ASF$  temporibus proportionales, & in plano immoto consistent.

Ex hoc autem theoremate illud colligi potest, quod velocitas projecti in quolibet suæ orbitæ loco, sit reciprocè, ut perpendi-

cu-

culum, demissum à centro virium in rectam, quæ orbitam in loco illo contingit. Sunt enim velocitates in locis A, B, D, F, H, ut sunt bases æqualium triangulorum AB, BD, DF, FH, HK, quæ æqualibus temporibus describuntur. Jam verò bases istæ, propter æqualia triangula, sunt reciprocè, ut perpendicularia, quæ à centro virium S in ipsas demittuntur. Itaque eædem velocitates erunt inter se reciprocè, ut perpendicularia ista.

Atque hinc datis velocitatibus, quas corpus habet in tribus quibuscumque orbitæ locis, facile erit, centrum virium invenire. Sit enim PQR orbita projecti, quam tangent in punctis P, Q, R rectæ PT, TV, VR. Ad tangentes istas erigantur perpendicularia PA, QB, RC velocitatibus corporis in punctis P, Q, R reciprocè proportionalia, & ductis per terminos eorum A, B, C rectis AD, DE, EC tangentibus PT, TV, VR respectivè parallelis, dabit concursus rectarum TD, VE centrum virium quæsitum.

Sit enim S centrum virium, & demittantur tangentibus PT, TV tum perpendicularia SM, SN ex centro S, tum perpendicularia DF, DG ex puncto D. Itaque velocitas in P ad velocitatem in Q erit ex ostensis, ut SN ad SM. Sed ex constructione velocitas in P est ad velocitatem in Q, ut QB ad PA, hoc est,

FIG.

115.

est, ut  $DG$  ad  $DF$ . Quare erit ex æquali, ut  $SN$  ad  $SM$ , ita  $DG$  ad  $DF$ ; atque adeò permutando, ut  $SN$  ad  $DG$ , ita  $SM$  ad  $DF$ .

Et quoniam completis parallelogrammīs  $SHTK$ ,  $DITL$ ,  $SN$  est ad  $DG$ , ut  $SK$  ad  $DL$ ; itemq;  $SM$  est ad  $DF$ , ut  $SH$  ad  $DI$ ; erit proinde ex æquali  $SK$  ad  $DL$ , ita  $SH$  ad  $DI$ . Sunt igitur parallelogramma  $SHTK$ ,  $DITL$  similia, & similiter posita. Quare puncta  $S$ ,  $D$ ,  $T$  erunt in eādē rectā lineā. Simili argumento ostendemus, puncta  $S$ ,  $E$ ,  $V$  esse in unā rectā. Et igitur centrum virium  $S$  reperietur in concursu rectarum  $TD$ ,  $VE$ .

Elegantis illius theorematis obtinet etiam conversum: nimirum, quod si projectum vi suā gravitatis subinde moveatur circa punctum aliquod, ut radiis ad illud actis areas describat in plano immoto, & temporibus proportionales, vis ipsa gravitatis tendat ad punctum illud tamquam centrum. Describat enim grave corpus, projectum secundum rectam  $AC$ , vi suā gravitatis æqualibus temporibus æquales areas  $ASB$ ,  $BSD$ ,  $DSF$ ,  $FSH$  circa punctum  $S$ , quæ consistat etiam in uno, eodemque plano. Dico  $S$  esse punctum, ad quod tamquam centrum dirigirur vis gravitatis.

Nam grave corpus, descriptā primā temporis particulā rectā  $AB$ , si nulla foret vis gravitatis, particulā secundā temporis re-

ctā

FIG.

114.

Ata pergeret ad  $C$ , describeretque rectam  $BC$  æqualem ipsi  $AB$ . Jam verò per vim gravitatis completâ secundâ temporis particulâ reperitur in  $D$ . Itaque in puncto  $B$  vis gravitatis suam exercet actionem secundum rectam ipsi  $CD$  parallelam. Est autem  $BS$  recta ista parallela; quum propter æqualia triangula  $ASB$ ,  $BSC$ , æqualia sint etiam triangula  $BSC$ ,  $BSD$ , quæ quum habeant eandem basim  $BS$ , debent esse quoque in iisdem patallelis. Quare vis gravitatis agit in puncto  $B$  secundum rectam  $BS$ . Eodem argumento ostendetur, vim gravitatis in punctis  $D$ ,  $F$ ,  $H$  agere secundum rectas  $DS$ ,  $FS$ ,  $HS$ . Unde, quum rectæ istæ omnes conveniant in  $S$ , erit  $S$  punctum, ad quod dirigitur vis gravitatis.

Hinc pro indagando centro virium non aliud criterium certius haberi potest, quàm æquabilis arearum descriptio. Unde, quum in confesso sit apud Astronomos omnes post Keplerum planetas primarios subinde circa solem motus suos attemperare, ut radiis ad illum ductis areas percurrant temporibus proportionales; dicendum est, vim illam, quæcumque ea sit, qua planetæ primarii perpetuò detorquentur à tangentibus rectilineis, & in orbitis curvilineis revolvi coguntur, ad solem tamquam centrum dirigi. Et par est ratio de planetis secundariis

re-

respectu horum primariorum ; quum novissimis observationibus constet , eos quoque circa suos primarios areas percurrere continuè temporibus proportionales.

Verum hic monitum Lectorem velim, quodd si corpus unum percurrat areas temporibus proportionales circa corpus alterum , quod utcumque movetur ; tunc , ut isto quiescente pergat areas temporibus proportionales percurrere , necesse sit , ut urgeatur vi compositâ ex vi propriâ , tendente ad corpus illud alterum , & ex vi , qua corpus illud alterum urgetur , tendente ad plagam contrariam . Et ratio est , quia si duo , aut plura corpora quomodo-cumque moveantur inter se , eademque novis viribus concitentur , non aliâ ratione fieri potest , ut pergant ea omnia eodem modo moveri inter se , ac si viribus illis novis non essent concitata , quàm si novæ illæ vires æqualiter accelerent corpora , eaque urgeant secundum lineas parallelas.

Quantum ad orbitam , quam in qualibet gravitatis hypothesi describere debet grave corpus de loco dato , secundum datam rectam , & cum datâ velocitate projectum ; ea non aliter determinari potest , quàm concessis figurarum curvilinearum quadraturis : adeò , ut problema istud generaliter conceptum tamquam transcendens haberi debeat.

beat, sitque algebraicum in certis tantum virium hypothesibus. Interim pro nobilissimi hujus problematis resolutione, præter id, quod primo loco posuimus, ostendendum est nobis hoc aliud theorema, Newtono similiter ferendum acceptum: scilicet, quod si corpus projiciatur de loco dato secundum rectam aliquam lineam, & cogente vi quacumque gravitatis describat curvam aliquam, interea ac corpus alterum eadem vi concitatum recta ascendat, vel descendat, sintque eorum velocitates in aliquo æqualium altitudinum casu æquales, quod inquam in omnibus æqualibus altitudinibus eorum velocitates æquentur inter se.

Sit itaque centrum virium C, & corpus aliquod projectum ex loco V secundum aliquam rectam lineam, describat cogente vi suâ gravitatis, quam utcumque variabilem assumimus, lineam curvam VIK. Descendat autem corpus alterum ab A per D ad ipsum centrum virium C, cujus eadem sit lex gravitatis. Centro C, intervallis quibuscunque describantur circuli concentrici DI, EK, secantes rectam AC in punctis D, & E, curvam verò VIK in punctis I, & K. Dico, quod si corpora illa habeant in locis D, & I æqualiter distantibus à centro virium C æquales velocitates, etiam in locis E, K, æqualiter quoque distantibus ab eodem centro C, æqua-

FIG.  
116.

les

les velocitates habebunt .

Sit enim intervallum circulorum concentricorum  $DE$  indefinitè parvum , & ductâ  $CI$  occurrente ipsi  $EK$  in  $N$  , demittatur in  $IK$  perpendicularum  $NT$  . Quia igitur æquales sunt distantie  $CD$  ,  $CI$  ; erunt etiam , æquales vires , quibus corpora in locis  $D$  , &  $I$  urgentur versus centrum  $C$  . Exponentur hæ vires per æquales lineolas  $DE$  ,  $IN$  ; jamque si vis una  $IN$  resolvatur in duas alias  $IT$  ,  $NT$  , liquidò patebit , solam vim  $IT$  corpus in curvâ motum accelerare , quum altera  $NT$  agendo secundum lineam corporis cursui perpendiculararem , nil mutet velocitatem corporis in cursu illo , sed tantum retrahat corpus à cursu rectilineo , faciendo ipsum de orbis tangente perpetuò deflectere , inque viâ curvilineâ  $VIK$  progredi . Quare vires corporum acceleratrices in locis  $D$  , &  $I$  erunt inter se , ut est  $DE$  , sive  $IN$  ad  $IT$  .

Et quoniam velocitates , quæ à duabus quibuscvis viribus generantur , sunt ut vires , & tempora conjunctim ; erunt velocitates genitæ per spatia  $DE$  ,  $IK$  in ratione compositâ ex viribus , quæ corpora accelerant in locis  $D$  , &  $I$  , & ex temporibus , quibus ipsa spatia  $DE$  ,  $IK$  describuntur . Ostensum est autem , vires corporum acceleratrices in locis  $D$  , &  $I$  esse in ratione rectarum  $DE$  ,  $IT$  , & tempora , quibus describuntur spatia  $DE$  ,  $IK$  ,



IK, ob æqualitatem velocitatum, sunt ut ipsa spatia descripta DE, IK. Itaque velocitates genitæ in cursu corporum per lineas DE, IK erunt in ratione compositâ ex DE, ad IT, & ex DE ad IK, hoc est, componendo has rationes, erunt inter se, ut DE, sive IN quadratum ad rectangulum TIK; adeoque quum, ob triangulum rectangulum INK, quadratum ex IN æquale sit rectangulo TIK, æquales erunt velocitates, quæ generantur in transitu corporum per lineas DE, IK.

Hinc quemadmodum æquales sunt corporum velocitates in locis D, & I, ita etiam æquales erunt velocitates in locis E, & K; eâdemque ratione semper reperientur æquales in locis singulis, quæ sint æqualiter distantia à centro virium C. Eodem autem argumento ostendetur, corpora æquavelocia, & æqualiter à centro distantia, quum ascendant, æqualiter ad æquales distantias retardari; quandoquidem vis gravitatis, quæcumque sit lex ejus, perinde retardat corpora in ascensu, ac ea accelerat in descensu.

Sit jam CA maxima à centro distantia, ad quam corpus in curvâ motum ascendere possit, si de quovis suæ orbitæ loco eâ, quam ibi habet, velocitate sursum projiciatur; erit itaque A locus, de quo corpus aliud cadere debet, ut in loco D velocitatem acqui-

rat

rat æqualem velocitati corporis prioris in I. Unde si CABFG sit scala virium, hoc est figura, quæ ordinatis suis DF, EG repræsentet vires gravitatis in locis D, & E, aut etiam I, & K; per ea, quæ superius ostensa sunt, velocitas corporis in quolibet suæ orbitæ loco I erit in subduplicatâ ratione areae correspondentis in scalâ virium DABF; atque aded dabitur, quum data sit distantia CA.

His positis, pergamus modò ad solutionem problematis de determinandâ semitâ projecti in quacumque gravitatis hyporhesi. Tendat itaque vis quælibet gravitatis ad centrum C, & inveniendâ sint puncta lineæ curvæ VIK, quam grave corpus projectum ex loco V secundùm rectam VR describit, cogente vi illâ gravitatis. Sit punctum A locus, de quo corpus aliud cadere debet, ut in loco V velocitatem acquirat, æqualem ei, cum qua projicitur corpus primum. Habebunt igitur duo ista corpora, per ostensum theorema, in omnibus locis æquidistantibus à centro virium C æquales velocitates, & propterea si CABFG sit scala virium, velocitas, quàm corpus in curvâ motum habet in loco quolibet I, erit in subduplicatâ ratione areae correspondentis DABF, hoc est, ut quantitas X, si vocetur XX area ipsa DABF.

Jam lineola IK, dato tempore quam minimo

nimo descripta, est ut velocitas, qua describitur, directè. Itaque erit  $IK$ , ut quantitas  $X$ . Et quoniam dato tempore, quo describitur  $IK$ , datur etiam triangulum ei proportionale  $CIK$ ; proinde erit  $KN$ , ut data aliqua quantitas  $Q$  directè, & distantia  $GI$ , sive  $CD$  inversè; hoc est, ut sola quantitas  $Z$ , si vocemus  $Z$  quotientem, qui oritur, dividendo  $Q$  per  $CD$ . Unde, si ponamus quantitatem datam  $Q$  talem esse, ut sit in aliquo casu, ut  $IK$  ad  $KN$  ita  $X$  ad  $Z$ ; erit in omni casu, hoc est ubicumque capiat lineola  $IK$ , quæ dato tempore describitur, ut  $IK$  ad  $KN$ , ita  $X$  ad  $Z$ .

Quia igitur  $IK$  est ad  $KN$ , ut  $X$  ad  $Z$ ; erit etiã, ut  $IK$  quadratum ad  $KN$  quadratum, ita  $XX$  ad  $ZZ$ ; & consequenter erit dividendo ut  $IN$ , sive  $DE$  quadratum ad  $KN$  quadratum, ita  $XX - ZZ$  ad  $ZZ$ . Unde, si ponamus  $XX - ZZ = VV$ , erit ut  $DE$  ad  $KN$ , ita  $V$  ad  $Z$ ; atque adeò, ut  $DE$  ad  $KN$ , ita rectangulum ex  $CD$  in  $V$  ad rectangulum ex  $CD$  in  $Z$ .

Hinc siquidem ex puncto  $D$  erigatur perpendicularis  $Db$ , ita ut rectangulum ex  $CD$  in  $Z$  æquale sit rectangulo ex  $Db$  in  $V$ , idque fiat ubique, & sit  $abz$  linea curva, quam perpetuò tangit punctum  $b$ ; erit ut  $DE$  ad  $KN$ , ita rectangulum ex  $CD$  in  $V$  ad rectangulum ex  $Db$  in  $V$ , hoc est ut  $DE$  ad  $KN$ ,

F f

ita

ita  $CD$  ad  $Db$ . Unde erit rectangulum ex  $DE$  in  $Db$  æquale rectangulo ex  $C'$ , sive  $CI$  in  $KN$ , hoc est areola  $DEzb$  æqualis duplo exigui trianguli  $CKI$ ; atque aded componendo erit area tota  $VDba$  æqualis duplo areæ totius  $VIC$ .

Porro centro  $C$  intervallo, si placet,  $CV$  describatur circulus  $VXY$ , quem secent in  $X$ , &  $Y$  rectæ  $CI$ ,  $CK$ . Itaque, propter sectores similes  $CKN$ ,  $CYX$ , erit ut  $CD$  quadratum ad  $CV$  quadratum, ita rectangulum ex  $CI$  in  $KN$  ad rectangulum ex  $CX$  in  $XY$ . Ostensum est autem, rectangulū ex  $CI$  in  $KN$  æquale esse rectangulo ex  $DE$  in  $Db$ . Quare erit quoque, ut  $CD$  quadratum ad  $CV$  quadratum, ita rectangulum ex  $DE$  in  $Db$  ad rectangulum ex  $CX$  in  $XY$ .

Hinc siquidem  $Db$  extendatur usque in  $c$ , ita ut  $Db$  sit ad  $Dc$ , ut est  $CD$  quadratum ad  $CV$  quadratum, idque fiat ubique, & sit  $dcx$  curva linea, quam perpetuò tangit punctum  $c$ ; erit ex æquali ut  $Db$  ad  $Dc$ , ita rectangulum ex  $DE$  in  $Db$  ad rectangulum ex  $CX$  in  $XY$ . Est autem  $Db$  ad  $Dc$ , ut rectangulum ex  $DE$  in  $Db$  ad rectangulum ex  $DE$  in  $Dc$ . Quare erit rectangulum ex  $CX$  in  $XY$  æquale rectangulo ex  $DE$  in  $Dc$ , hoc est duplum exigui sectoris  $CYX$  æquale areolæ  $DExc$ , atque aded erit componendo duplum totius sectoris  $VCX$  æquale toti areæ  $VDcd$ . Est

Est igitur area  $VDba$  æqualis duplo ipsius  $VIC$ , quæ exprimit tempus per arcum  $VI$ , & area  $VDcd$  æqualis duplo sectoris  $VCX$ , qui determinat angulum  $VCI$ . Unde dato tempore quovis, ex quo corpus discessit de loco  $V$ , dabitur area ipsi proportionalis  $VDba$ , & inde dabitur distantia corporis à centro  $CD$ , sive  $CI$ . Datâ autem  $CD$ , datur quoque area  $VDcd$ , eique proportionalis sector  $VCX$  unâ cum angulo  $VCI$ . Quare dabitur etiam locus  $I$ , in quo corpus completo illo tempore reperietur; quum ex datis angulo  $VCX$ , & distantia  $CI$  facile sit locum illum invenire.

Hæc solutio est ipsissima illa, quam primus omnium exhibuit Acutissimus Newtonus in Principiis Philosophiæ Mathematicis, sed ni fallor, prout à Nobis allata est, Tyronum captui magis accomodata; nec aliud discriminis occurrit, quàm quod in solutione Newtonianâ areæ  $VDba$ ,  $VDcd$  non duplæ, sed æquales prodeunt areis. correspondentibus  $VCI$ ,  $VCX$ : id, quod in problematis solutione nullam efficit mutationem. Sed iisdem Newtoni vestigiis insistendo, excogitari potest solutio alia, quæ puncta curvæ determinat absque ullâ temporis consideratione, quamque mihi olim communicavit Egregius Mathematicus Jacobus Grazini, qui in nostro Lyceo magnâ

Auditorum multitudine Historiam Ecclesiasticam profitetur.

Nimirum, iisdem ut supra manentibus, erigatur ex puncto  $D$  ordinata rectangula  $Db$ , quæ sit ad rectam aliquam datam, puta  $CV$ , ut est  $Z$  ad  $V$ , idq; fiat ubique, & sit  $abz$  linea curva, quam perpetuò tangit punctum  $b$ . Itaque, quia  $Db$  est ad  $CV$ , ut  $Z$  ad  $V$ , & ex superius ostensis  $Z$  est ad  $V$ , ut  $KN$  ad  $DE$ ; erit ex æquali, ut  $Db$  ad  $CV$ , ita  $KN$  ad  $DE$ , eritque adeo rectangulum ex  $Db$  in  $DE$ , hoc est areola  $DEzb$  æqualis rectangulo ex  $CV$  in  $KN$ . Hæc autem æqualitas ubique reperitur. Quare erit componendo area tota  $ADba$  æqualis rectangulo ex  $CV$  in  $DI$ : proindeque invenietur curvæ punctum  $I$ , correspondens puncto  $D$ , si centro  $C$ , & intervallo  $CD$  describatur arcus  $DI$  talis magnitudinis, ut sit æqualis ei, quod oritur, applicando aream correspondentem  $ADba$  ad rectam magnitudinem datam  $CV$ .

In utrâque verò solutione illud requiritur, ut quantitas litterâ  $Q$  designata talis sit, ut si ea dividatur per distantiam  $CD$ , si ve  $CI$ , & dicatur  $Z$  quotiens hujus divisionis, sit semper, ut  $IK$  ad  $KN$ , ita  $X$ , si ve latus quadratum areæ  $DABF$ , ad  $Z$ . Quæ autem sit quantitas ista, quæ hunc præstat effectum, haud difficile erit determinare. Nimirum, quum in omni loco debeat esse,

ut

ut IK ad KN, ita X ad Z, obtinebit etiam hæc proportio, quum punctum I accedit ad V. Jam verò recta VR, secundum quam projicitur corpus, contingit curvam VIK in puncto V; adeoque demisso super eâ perpendiculo CR, fit in puncto V, ut IK ad KN, ita CV ad CR. Quare erit ex æquali, ut CV ad CR, ita X ad Z.

Jam in puncto V quantitas X designat latus quadratum areæ AVHB, & quantitas Z quotientem, qui oritur, dividendo Q per CV. Igitur erit, ut latus quadratum areæ AVHB ad quotientem istum, ita CV ad CR; & propterea quantitas Q æqualis erit rectangulo, quod fit ex CR in latus quadratum areæ AVHB. Ex quo jam tollitur difficultas, quæ alicui subnasce poterat, nempe quod in utrâque problematis solutione nulla ratio habita sit positionis rectæ VR, secundum quam projicitur grave corpus; quandoquidem hujusmodi problematis conditio latebat in quantitate, designatâ per litteram Q, utpote quæ alia, atque alia oritur, prout alia, atque alia est positio rectæ VR.

Determinatâ curvâ VIK, si ducenda sit tangens ad aliquod ejus punctum I, id factu facile erit: scilicet, si ad rectam CI, atque ad datum in eâ punctum I constituantur angulus, cujus sinus sit ad radium, si-

ve sinum totum, ut est  $Z$  ad  $X$ , hoc est in ratione compositâ ex subduplicatâ arearum  $AVHB$ ,  $ADFB$ , & ex simplici rectarum  $CR$ ,  $CD$ . Nam angulus, quem recta  $CI$  constituit cum tangente, est  $CIK$ ; & sinus anguli  $CIK$  est ad radium, sive sinum totum, ut est  $KN$  ad  $IK$ , sive etiam, ut  $Z$  ad  $X$ .

Cæterum hoc problema de determinandâ semitâ projecti in quacumque gravitatis hypothese per concessas curvarum quadraturas, ut dictum est, solutum primò fuit à Viro summo Isaaco Newtono. Eiusdem problematis solutionem aggressus est etiam deinde Geometra Celeberrimus Johannes Bernoullius, qui eam erudito orbi impertivit occasione solutionis cujusdam specialis, quam exhibuit solertissimus Hermannus in hypothese, quod vis gravitatis sit reciprocè proportionalis quadrato distantie à centro virium, ut apparet ex Monumentis Regiæ Scientiarum Academiæ Parisiensis anni 1710. Verum, notante Johanne Keillio in dissertatione suâ de viribus centralibus, solutio Bernoulliana nonnisi in notatione quantitatum differt à Newtonianâ, nec proinde magis ab istâ discrepat, quàm verba latinis litteris expressâ differunt ab iisdem verbis scriptis in græcis characteribus.

Etenim, si cum Johanne Bernoullio ponamus rectam magnitudine datam  $CV = a$ ,

ar-



arcum  $VX = z$ , & distantiam  $CD$  five  $CI = x$ , erit  $XY = dz$ , &  $DE$ , five  $IN = dx$ ; atq; adeo quia, propter sectores similes  $CYX$ ,  $CKN$ ,  $CV$  est ad  $CD$ , ut  $XY$  ad  $KN$ , erit

$$KN = \frac{x dz}{a}, \text{ \& } IK = \frac{\sqrt{a^2 dx^2 + x^2 dz^2}}{a};$$

adedque  $IK$  erit ad  $KN$ , ut  $\sqrt{a^2 dx^2 + x^2 dz^2}$  ad  $x dz$ . Unde, si ponamus ulterius aream totam  $ACOB = ab$ ; vim gravitatis in puncto  $D$ , hoc est ordinatam  $DF = g$ , & rectangulum ex  $CR$  in latus quadratum aree  $AVHB = ac$ ; quia areola  $DEGF$  fit  $g dx$ , erit area  $CDFO = \int g dx$ , hoc est æqualis summæ omnium  $g dx$ , & area  $ADFB = ab - \int g dx$ . Est autem  $IK$  ad  $KN$ , ut  $X$  ad  $Z$ , hoc est in ratione compositâ ex subduplicitatè arearum  $ADFB$ ,  $AVHB$ , & ex simplici rectarum  $CD$ ,  $CR$ . Quare erit, elevando terminos omnes proportionis ad quadratum, ut  $a^2 dx^2 + x^2 dz^2$  ad  $x^2 dz^2$ , ita  $abxx - xx \int g dx$  ad  $a^2 c^2$ ; hoc est dividendo, ut  $a^2 dx^2$  ad  $x^2 dz^2$ , ita  $abxx - xx \int g dx - a^2 c^2$  ad  $a^2 c^2$ , & consequenter erit, ut  $adx$  ad  $x dz$ , ita  $\sqrt{abxx - xx \int g dx - a^2 c^2}$  ad  $ac$ . Unde eruitur ipsissima æquatio, quam pro solutione problematis loco supetius citato protulit Johannes Bernoullius, nisi quod hic dicatur  $g$ , quod ipse vocavit  $\phi$ .

Itaque in quacumque gravitatis hypothesi, si  $C$  sit centrum virium,  $VR$  linea projectionis,  $AV$  altitudo, unde cadendo acquiritur velocitas, cum qua grave projicitur,  $CR$  perpendicularis ad  $VR$ , &  $CABO$  scala virium; curvæ  $VIK$ , quam projectum motu suo describit, hoc erit accidens præcipuum, ut descriptis ex centro  $C$  arcibus  $DI$ ,  $EK$  secantibus curvam in duobus punctis  $I$ , &  $K$  indefinitè proximis, sit semper  $IK$  ad  $KN$  in ratione compositâ ex subduplicatâ arearum  $ADFB$ ,  $AVHB$ , & ex simplici rectorum  $CD$ ,  $CR$ : Verum notetur hoc loco velim, quod quum centrum virium  $C$  abit in infinitum, atque adeò arcus  $DI$ ,  $EK$  evadunt rectæ lineæ perpendiculares ad  $CV$ ; tunc ejusdem curvæ natura hæc erit, ut  $IK$  sit ad  $KN$  in ratione compositâ ex subduplicatâ arearum  $ADFB$ ,  $AVHB$ , & ex eâ, quam habet radius, sive sinus totus ad sinum anguli  $DVR$ . Nam, quum punctum  $C$  abit in infinitum, nihil obstat, quominus pro  $CD$  capiatur  $CV$ , quum differant inter se quantitate  $DV$ , quæ respectu ipsarum est indefinitè parva; & rectæ  $CV$ ,  $CR$  tametsi evadant infinitæ, earum tamen ratio non sit æqualitatis, sed est eadem cum illâ, quam habet radius, sive sinus totus ad sinum anguli  $DVR$ .

Quocirca in hoc casu curvæ differentialis

æqua-

æquatio erit longe simplicior. Etenim, si vo-  
cemus abscissam  $VD$ ,  $x$ , & ordinatam  $DI$ ,  
 $y$ ; erit  $DE$ , sive  $IN = dx$ ,  $KN = dy$ , &  
 $IK = \sqrt{dx^2 + dy^2}$ . Unde, si porrò ponamus  
aream  $AVHB = aa$ , vim gravitatis in  
puncto  $D$ , hoc est ordinatam  $DF = g$ ,  
quia areola  $DEGF$  sit  $gdx$ , erit area to-  
ta  $ADFB = aa + \int gdx$ . Atque aded, si  
statuamus ulterius rationem, quam habet  
radius, sive sinus totus ad finum anguli  
 $DVR$ , esse, ut  $a$  ad  $c$ ; quia  $IK$  est ad  $KN$   
in ratione compositâ ex subduplicatâ area-  
rum  $ADFB$ ,  $AVHB$ , & ex eâ, quam habet  
radius sive sinus totus ad finum anguli  
 $DVR$ ; erit, elevando terminos omnes ad  
quadratum, ut  $dx^2 + dy^2$  ad  $dy^2$ , ita  $a^2 +$   
 $\int gdx$  ad  $c^2$ ; hoc est dividendo, ut  $dx^2$  ad  
 $dy^2$ , ita  $a^2 - c^2 + \int gdx$  ad  $c^2$ ; sive etiam  
ponendo  $a^2 - c^2 = b^2$ , & extrahendo ra-  
dices quadratas ex terminis proportionis,  
ut  $dx$  ad  $dy$ , ita  $\sqrt{b^2 + \int gdx}$  ad  $c$ : proin-  
deque curvæ differentialis æquatio erit  $cdx$   
 $= dy \sqrt{b^2 + \int gdx}$ , quæ etiam mutabitur in  
hanc aliam  $adx = dy \sqrt{\int gdx}$ , quum angu-  
lus  $DVR$  rectus supponitur.

Hinc modò, si manente angulo  $DVR$  re-  
cto, ponamus  $g = a$ , hoc est vim grava-  
tis constantem esse, ac uniformem, linea ter-  
minans scalam virium  $BFO$  fiet recta ipsi  
AD

AD parallela, eritque tam AV, quàm AB, five  $DF = a$ . Unde, quum in hoc casu sit  $gdx = adx$ , erit  $fgdx = ax$ ; atque adeo curvæ differentialis æquatio erit  $adx = dy\sqrt{ax}$ . Quumque ista, secundum regulas artis integrata, det  $2\sqrt{ax} = y$ , hoc est  $4ax = yy$ ; liquet curvam VIK, quam describit projectum in constanti gravitatis hypothefi, quum projicitur secundum rectam lineam horizontalem, esse parabolam, cujus vertex principalis est punctum V, axis recta VD, & parameter axis recta alia quadrupla ipsius AV, quæ designat altitudinem, unde cadendo acquiritur velocitas, cum qua projicitur grave corpus: omnino ut in antecedenti capite ostensum est.

Quod si autem in eadem hypothefi, quod sit  $g = a$ , angulus DVR non fuerit rectus; tunc curvæ differentialis æquatio erit  $cdx = dy\sqrt{b^2 + ax}$ , quæ etsi integrata secundum quantitates, quæ in eâ continentur, det  $2c\sqrt{b^2 + ax} = ay$ , quia tamen posita  $x=0$ ,  $y$  non evanescit, sed remanet  $ay = 2bc$ ; erit verum ejus integrale, secundum regulas notatas,  $2c\sqrt{b^2 + ax} = ay + 2bc$ , atque adeo curvæ æquatio erit  $4b^2c^2 + 4ac^2x = a^2y^2 + 4abcy + 4b^2c^2$ ; hoc est  $4ac^2x = a^2y^2 + 4abcy$ . Quumque positis  $ay = cz$ , &  $cx = ct + by$ , eadem fiat  $4ac^2t + 4acby = c^2z^2 + 4abcy$

†  $4abcy$ , hoc est  $4at = zz$ ; liquet curvam VIK esse etiam parabolam, sed cujus diameter est recta VD, parameter hujus diametri recta alia quadrupla ipsius AV, & ordinatæ ad hanc diametrum rectæ omnes, quæ ipsi VR sunt parallelæ: similiter ut in antecedenti capite ostensum est.

## C A P. III.

*De Inventione virium, quibus corpora moveri possint in curvis datis.*

Circa motum projectorum duo potissimum problemata institui possunt. Primum, ut datâ lege gravitatis inveniatur curva, quam describit projectum motu suo. Alterum, ut datâ vicissim lineâ curvâ, inveniatur lex gravitatis, quæ requiritur ad eam describendam. Duo ista problemata valde inter se mutuo differunt. Illud enim generaliter conceptum est naturæ trascendentis, nec nisi concessis curvarum quadraturis construi potest, ut jam superiori capite demonstravimus. Hoc verò per contrarium est semper algebraicum, nec unquam ad quadraturas recurrere opus est, ut id, quod quæritur, determinetur, quemadmodum ex dicendis in hoc capite abundè patebit.

Ita-

Itaque in hoc loco ostendendum nobis est, qua ratione determinandæ sint vires gravitatis, quæ requiruntur, ad hoc ut projecta moveri possunt in curvis datis. Hunc in finem plura à Recentioribus Geometris excogitata sunt theoremata, sive, ut ipsi loqui amant, formulæ generales, præsertim à Varignonio in Monumentis Regiæ Scientiarum Academiæ Parisiensis. Verùm, ut liberè dicam, quid sentiam, non alia pro hac re faciliora, & Tyronibus magis acomodata theoremata invenio, quàm quæ primò mihi sese obtulerunt, quum subtilissimis hisce speculationibus capi operâ dare. nimirum illa, quæ leguntur in Principiis Philosophiæ Mathematicis Domini Newtoni, qui etsi primus hanc de vi centripetâ doctrinam geometricè pertractaverit, eam tamen ad tantam perduxit perfectionem, ut à subsequētibz Geometris parum admodum ei additum sit.

Consequuntur autem hæc perillustris Newtoni theoremata ex iis, quæ jam à nobis superiùs ostensa sunt. Nimirum primò, quod spatia, quæ ipso motus initio viribus quibuscvis describuntur, sint ut vires, & quadrata temporum conjunctim; adeòque vires ipsæ sint, ut spatia descripta ipso motus initio directè, & quadrata temporum inversè. Et secundò, quod projecta circa centrum

trum virium, in quacumque gravitatis hypothefi, subinde motum suum attemperent, ut radiis ad illud actis areas describant continuè temporibus proportionales. Ex his etenim sequitur, quod si  $APQ$  fit curva data, &  $S$  centrum virium, capiaturque in curvæ perimetro portio indefinitè parva  $PQ$ , quam contingat in  $P$  recta  $PV$ , actoque radio  $PS$ , ducantur ex puncto  $Q$  duæ rectæ  $QR$ ,  $QT$ , prior quidem ipsi  $PS$  parallela, altera eidem perpendicularis; quod inquam vis gravitatis in puncto  $P$ , fit ut  $QR$  directè,  $QT$  quadratum inversè, &  $PS$  quadratum etiam inversè; quandoquidem spatium, quod describitur vi gravitatis, dum grave corpus fertur per  $PQ$ , est translatio corporis de tangente in orbem, hoc est recta  $QR$ , & tempus per  $PQ$ , ut dictum est, designatur per aream  $PSQ$ , sive etiam per rectangulum ex  $PS$  in  $QT$ , quod areæ illius est duplum.

Sed demisso ex centro virium  $S$  ad tangentem  $PR$  perpendiculo  $SY$ , eadem vis gravitatis in puncto  $P$  erit quoque, ut  $QR$  directè,  $PQ$  quadratū inversè, &  $SY$  quadratum etiam inversè. Est enim areæ  $PSQ$  duplum, non modò rectangulum, quod fit ex  $PS$  in  $QT$ , verùm etiam rectangulum, quod fit ex  $PQ$  in  $SY$ . Quocirca eadem illa quantitas, quæ est, ut  $QR$  directè,  $QT$  quadrat-

FIG.  
117.

dratum inversè, & PS quadratum etiam inversè, erit quoque, ut QR directè, PQ quadratum inversè, & SY quadratum etiam inversè.

Verùm notetur hoc loco velim, quod et si in utrâque harum formularum, quas protulit Dominus Newtonus pro determinandâ lege gravitatis, unâ cum quantitatibus finitis, existant etiam quantitates aliæ indefinitè parvæ; attamen tota quantitas, cui proportionē correspondet ipsa vis gravitatis, sit semper finita. Estque hujus rei ratio, quia existente PQ, vel QT infinitesimâ primi generis, sit QR infinitesima generis secundi.

Id clariùs apparebit ex tertiâ formulâ, quam idem Newtonus detexit pro determinandâ lege gravitatis, utpote quæ ex solis quantitatibus finitis constat, nec ullæ occurrunt in eâ quantitates indefinitè parvæ. Nam si PSV sit chorda circuli osculantis curvam datam APQ in puncto P, atque aded habentis eandem curvaturam cum arcu PQ, notat Vir Clarissimus eandem vim gravitatis in loco P esse reciprocè, ut solidum, quod sit ex PV in SY quadratum.

Hujus formulæ non aliam affert demonstrationem, quàm quia hac ratione quotiens, qui oritur, dividendo PQ quadratum per QR, sit æqualis ipsi PV. Id autem ut Ty-



ronibus nostris innotescat, sit  $PX$  diameter circuli oscillantis curvam  $APQ$  in puncto  $P$ , & ducatur per punctum  $Q$  recta  $Qx$  ipsi  $PR$  parallela, quæ secet  $PV$  in  $x$ , &  $PX$  in  $u$ . Itaque, quia  $PV$  est chorda huius circuli, erit angulus  $PVX$  rectus, adedque æqualis angulo  $XPR$ , sive  $Xux$ . Unde, quum similia sint triangula  $Pux$ ,  $PVX$ , erit ut  $Pu$  ad  $Px$ , ita  $PV$  ad  $PX$ ; adedque rectangulum ex  $Pu$  in  $PX$  æquale erit rectangulo ex  $PV$  in  $Px$ , sive  $QR$ .

Et quoniam arcus  $PQ$  non differt sensibilibiter à suâ chordâ, erit propter circulum rectangulum ex  $PX$  in  $Pu$  æquale quadrato, quod fit ex  $PQ$ . Ostensum est autem, rectangulum ex  $PX$  in  $Pu$  æquale esse rectangulo ex  $PV$  in  $QR$ . Itaque rectangulum ex  $PV$  in  $QR$  æquale erit  $PQ$  quadrato; adedque quotiens, qui oritur, dividendo  $PQ$  quadratum per  $QR$ , æqualis erit ipsi  $PV$ . Unde vis gravitatis in puncto  $P$ , quæ est, ut  $QR$  directè,  $PQ$  quadratum inversè, &  $SY$  quadratum etiam inversè, erit quodque reciprocè ut solidum, quod fit ex  $PV$  in  $SY$  quadratum.

Ex tertiâ istâ formulâ Newtonianâ ultrò sequitur theorema, quod Johannes Bernoullius olim communicavit Egregio Mathematico Abrahamo de Moivre, quodque nobis erit veluti altera formula, qua lex gravitatis

tis solis quantitibus finitis possit exhiberi: scilicet, quod iisdem ut supra manentibus, vis gravitatis in quolibet loco  $P$ , sit ut  $PS$  directè, radius vel diameter curvaturæ  $PX$  inversè, & cubus ex perpendicularo  $SY$  similiter inversè.

Nam rectæ  $PX$ ,  $SY$ , velut perpendiculares ad tangentem  $PR$ , parallelæ sunt inter se; adeoque erit angulus  $VPX$  æqualis angulo  $PSY$ . Unde, quum similia sint triangula rectangula  $PVX$ ,  $SYP$ , erit ut  $PV$  ad  $PX$ , ita  $SY$  ad  $PS$ ; & consequenter  $PV$  æqualis erit plano ex  $PX$  in  $SY$ , applicato ad  $PS$ , & solidum ex  $PV$  in  $SY$  quadratum æquale plano-plano ex  $PX$  in cubum ex  $SY$ , applicato similiter ad  $PS$ . Quare vis gravitatis in puncto  $P$ , quæ est reciproce, ut solidum ex  $PV$  in  $SY$  quadratum, erit quoque ut  $PS$  directè, & plano-planum ex  $PX$  in cubum ex  $SY$  inversè.

Habemus ergo quatuor formulas, pro determinandâ lege gravitatis, quæ requiritur ad hoc ut projectum describere possit datam figuram curvilineam; atque ex iis duæ quidem priores exhibent legem gravitatis quantitibus, non modò finitis, verum etiam indefinitè parvis; aliæ verò duæ eandem determinant solis quantitibus finitis. Sed videamus modò, qua ratione formulæ istæ generales applicentur casibus speciali-

bus

bus, incipientes à circuli circumferentiâ, quæ est curva omnium simplicissima.

Itaque si curva  $APQ$  sit circuli circumferentia, & punctum  $S$ , ad quod dirigitur vis gravitatis, sit ipsum circuli centrum, omnes allatæ formulæ ostendent nobis debere esse constantem, & uniformem vim gravitatis, quæ requiritur ad eam describendam. Nam primò, quum in hoc casu perpendiculum  $SY$  coincidat cum  $PS$ , &  $QT$  non differat à  $PQ$ ; tam prima, quàm secunda formula dabit vim gravitatis in puncto  $P$ , ut  $QR$  directè,  $PQ$  quadratum inversè, &  $PS$  quadratum etiam inversè. Jam verò  $PS$  quadratum est idem ubique, adedque negligi potest. Itaque eadem vis gravitatis in puncto  $P$  est, ut  $QR$  directè, &  $PQ$  quadratum inversè, hoc est reciprocè, ut quotiens, qui oritur, dividendo  $PQ$  quadratum per  $QR$ ; & consequenter, quia quotiens iste est ipsa dati circuli diameter, dabitur vis gravitatis in loco  $P$ .

Secundò, quia existente  $APQ$  circuli circumferentiâ, &  $S$  centro ejus, coincidunt inter se non modò rectæ  $PS$ ,  $SY$ , verùm etiam rectæ  $PV$ ,  $PX$ ; tam tertia, quàm quarta formula dabit vim gravitatis in puncto  $P$  reciprocè, ut solidum ex  $PV$  in  $PS$  quadratum. Datur autem hoc solidum, quum  $PV$  sit ipsa circuli diameter, &  $PS$

G g

ejus,

ejusdem radius, sive semidiameter. Quare dabitur quoque vis gravitatis in puncto P.

FIG.  
118.

Constans autem, & uniformis esse debet gravitas, quæ requiritur ad circuli circumferentiam describendam, quotiescumque vis ipsa gravitatis tendit ad centrum circuli. Verumtamen si centrum virium S utcumque datum fuerit, tunc vis gravitatis in quolibet circumferentiæ loco P erit, ut quadratum distantiae PS inversè, & cubus chordæ PV etiam inversè. Nam si AV sit circuli diameter, & C centrum ejus, quia angulus CPR, tamquam rectus, est æqualis duobus angulis A, & V simul sumptis, & angulus V est æqualis angulo CPV; erit angulus VPR æqualis angulo A: proindeque triangula rectangula APV, PYS similia erunt; eritque adeò ut AV ad PV, ita PS ad SY. Unde ob datam AV, erit SY, ut rectangulum ex PV in PS, & consequenter vis gravitatis in puncto P, quæ ob tertiam formulam est reciprocè, ut solidum ex PV in SY quadratum, erit reciprocè, ut plano-solidum ex cubo chordæ PV in quadratum distantiae PS.

Ex quo patet, quod si punctum datum S, ad quod tendit semper vis gravitatis, locetur in circumferentiâ hujus circuli puta in V, vis gravitatis in omni loco P sit reciprocè, ut quadrato-cubus distantiae PV.

Sed

Sed si punctum  $S$  fuerit adeò longinquum, ut lineæ omnes  $PS$ ,  $QS$  ad illud ductæ pro parallelis haberi possint, tunc quia  $PS$  velut infinita data est, fiet vis gravitatis in puncto  $P$  reciproce ut cubus chordæ  $PV$ , quæ designat directionem, secundum quam agit vis gravitatis.

Sit secundò curva  $APQ$  ellipsis, cujus centrum sit punctum  $C$ ,  $Aa$  axis major,  $Bb$  axis minor,  $PG$ ,  $DK$  diametri conjugatæ, &  $PF$ ,  $Qt$  perpendiculara ad diametros. Tendat autem vis gravitatis ad ipsum ellipseos centrum  $C$ , ita ut positâ  $QR$  ipsi  $PC$  parallelâ, vel etiam completo parallelogrammo  $PRQn$ , sit vis gravitatis in puncto  $P$  juxta primam formulam, ut  $QR$  directè,  $Qt$  quadratum inversè, &  $PC$  quadratum etiam inversè. Dico, vim gravitatis in puncto  $P$  esse directè proportionalem distantie  $PC$ .

Quoniam enim  $Qn$ , velut tangenti  $PR$  parallela, est ordinata diametri  $PG$ , erit ex conicis, ut  $Qn$  quadratum ad rectangulum  $PnG$ , ita  $DC$  quadratum ad  $PC$  quadratum. Sed, propter triangula similia  $Qnt$ ,  $PCF$ ,  $Qt$  quadratum est ad  $Qn$  quadratum, ut  $PF$  quadratum ad  $PC$  quadratum. Quare, multiplicando ordine simul terminos utriusque proportionis, erit  $Qn^2 \cdot Qt^2$  ad  $Qn^2 \cdot PnG$ , hoc est  $Qt$  quadratum ad rectangulum  $PnG$ , ita  $DC^2 \cdot PF^2$  ad  $PC^2$ .  $PC^2 = PC^4$ .

Constat autem ex conicis, parallelogramma circa ellipseos diametros qualvis conjugatas descripta inter se æqualia esse. Itaque, quum sit  $DC \cdot PF = AC \cdot BC$ , erit etiam  $DC^2 \cdot PF^2 = AC^2 \cdot BC^2$ ; adedque erit, ut  $Q$  quadratum ad rectangulum  $PuG$ , ita  $AC^2 \cdot BC^2$  ad  $PC^4$ .

Jam rectangulum  $PuG$  fit ex  $Pu$ , sive  $QR$  in  $uG$ . Sed, propter arcum  $PQ$  indefinitè parvum, nihil obstat, quominus scribatur  $PG$ , sive  $2PC$  pro  $uG$ . Itaque idem rectangulum  $PuG$  fiet ex  $QR$  in  $2PC$ : proindeque erit, ut  $Q$  quadratum ad rectangulum ex  $QR$  in  $2PC$ , ita  $AC^2 \cdot BC^2$  ad  $PC^4$ ; sive etiam ut  $Q$  quadratum ad  $QR$ , ita  $2 \cdot AC^2 \cdot BC^2$  ad  $PC^3$ . Unde, quum, ob datum  $2 \cdot AC^2 \cdot BC^2$ , cubus ex  $PC$  sit, ut  $QR$  directè, &  $Q$  quadratum inversè; erit vis gravitatis in puncto  $P$ , ut cubus ex  $PC$  directè, & quadratum ex eadem  $PC$  inversè; adedque directè proportionalis ipsi  $PC$ .

Si ellipseos umbilicis ad centrū accedentibus, vertatur ellipsis ipsa in circumferentiam circuli, corpus movebitur in perimetro hujus circuli, & vis ad centrum tendens, perinde ac paulò ante ostensum est, jam erit constans, & uniformis; quum distantia  $PC$ , velut semidiameter circuli prædicti, numquam mutetur. Sed si ellipseos centro in infinitum abeunte, vertatur ellipsis

lipsis

ipsis in parabolam, corpus movebitur in hac parabolâ, & vis tendens ad centrum infinitè distans, rursus fiet constans, & æquabilis; quum distantia  $PC$ , velut infinita, sit eadem ubique. Et denique, si conic sectio parabolica, inclinatione plani ad conum sectum mutatâ, vertatur in hyperbolam, movebitur corpus in hyperbolæ hujus perimetro; sed, quia centrum  $C$  abit ad partem alteram, vis centripeta gravitatis mutabitur in vim centrifugam, quæ adhuc distantia  $PC$  ubique proportionalis erit.

Mutari quoque potest ellipsis in lineam rectam, scilicet si ejus umbilici ad vertices accedant, quum hac ratione ellipsis latitudo eò usque minuatur, donec coincidat cum ipso axe majore  $Aa$ . Sed quorsum ista mutatio memoranda, quum jam cuique notum sit, descensum gravis rectilineum versus centrum fieri posse in quacumque gravitatis hypothese? Illud potius exinde colligi potest, quod si vis gravitatis sit directè proportionalis distantia locorum à centro virium  $C$ , & grave corpus rectâ descendat per altitudinem aliquam  $AM$ , tempus hujus descensus designari queat per arcum correspondentem  $AN$  circuli, qui describitur centro  $C$ , & intervallo  $CA$ , quemadmodum jam superius ex alijs principiis demonstravimus.

Nam, ob naturam circuli, & ellipsis, atea

FIG.  
120.

circularis  $ANM$  est ad aream ellipticam correspondentem  $APM$ , ut est  $MN$  ad  $MP$ . Sed in hac ratione est etiam triangulum  $MCN$  ad triangulum  $MCP$ . Quare componendo sector circularis  $ACN$  erit ad sectorem ellipticum  $ACP$ , ut est  $MN$  ad  $MP$ , hoc est in datâ ratione, quum  $MN$  sit ad  $MP$ , ut est  $AC$  ad  $BC$ . Jam verò, quum grave corpus describit circa centrum virium  $C$  arcum ellipsis  $AP$ , tempus designatur per sectorem ellipticum  $ACP$ . Itaque idem tempus per  $AP$  poterit etiam designari per sectorem circulare  $ACN$ , qui datam servat rationem cum sectore elliptico  $ACP$ , sive etiam per arcum  $AN$ , cui sector circularis  $ACN$  proportionem semper correspondet. Unde, quia diminutâ ellipsis latitudine in infinitum, coincidit illa cum axe  $AC$ , &  $AP$  fit  $AM$ ; erit tempus per  $AM$  similiter, ut arcus circuli correspondens  $AN$ .

Sed monitum hîc Lectorem velim, quod in hujusmodi demonstrationum speciebus, quæ fiunt per linearum transformationes, summâ opus sit solertiâ, & mentis acumine, quia fieri facillè potest, ut Nos in errores inducant. Exemplum hîc elegans dabimus, quod fortè nobis sese obtulit in eâ ipsâ materiâ, quam præ manibus habemus. Nimirum in hypothesi, quod ellipsis  $APQ$  describitur vi gravitatis tendente ad centrum  $C$ ,



**C**, ostensum est à nobis, tempus per arcum **AP** designari per sectorem circulem **ACN**, sive etiam per arcum **AN**. Jam verò, ubi centrum **C** abit in infinitum, ellipsis **APQ** vertitur in parabolam, & arcus **AN** mutatur in rectam, quæ ipsi **AC** perpendicularis est infinitæ longitudinis. Itaque, quum grave corpus in hypothese gravitatis constantis describit parabolam **APQ** tempus per quemlibet ejus arcum **AP** designabitur per rectam infinitam: unde consequens esse videtur, æqualia esse tempora per inæquales arcus parabolicos, quod equidem omnino à veritate est alienum.

Ab hac autem difficultate facillimè Nos expediemus, si considerabimus, centro **C** in infinitum abeunte, arcum **AN** non tam mutari in rectam lineam, quàm in parabolam aliam, cujus latus rectum est infinitum; adedque tempus per arcum parabolicum **AP** designari per arcum correspondentem alterius hujus parabolæ, sive etiam per ejus ordinatam, quæ, ob abscissam **AM** indefinitè parvam respectu ejus, ab arcu illo non differt. Hinc enim facillè intelligemus, quod etsi tempus per arcum **AP** designetur per rectam infinitam, non hinc tamen colligi debeat, tempus illud esse datum; quandoquidem ordinata alterius illius parabolæ est, ut ordinata parabolæ prioris **MP**, quæ utique

data non est ; quum notum sit , quod si circa eundem axem duæ quævis parabolæ describantur , ordinatæ unius datam servant rationem cum ordinatis correspondentibus alterius.

Et quidem , quod tempus per arcum parabolicum AP , quum describitur in hypothesis gravitatis constantis , sit ut ordinatæ ipsius parabolæ MP ; id colligi primò potest ex ipso theoremate Newtoniano , superiori capite à nobis ostenso , quod projecta circa centrum virium subinde motum suum attemperent , ut radiis ad illud actis areas percurrant continuè temporibus proportionales . Nam in casu nostro centrum , ad quod dirigitur vis gravitatis , infinitè distat . Quare area , quæ percurritur circa centrum virium , quum describitur arcus AP , est rectangulum , quod sit ex rectâ infinitâ in ordinatam MP : proindeque , quum hoc rectangulum proportionale sit ipsi MP ; & ipsa quoque area , sive tempus per AP eidem MP proportionem semper respondebit.

Secundò ostendi id etiam potest ratiocinio magis geometrico in hunc modum . Capiatur in parabolâ portio PO indefinitè parva , & demisso super ordinatâ MP perpendiculo OR , ductâque tangente PT , vocetur parameter parabolæ  $4a$  ; AP,  $x$  ; OR,

$dx$  ;

$dx$ ; & PR,  $dy$ . Jam tempus per PO est, ut PO directè, & velocitas, quæ describitur, inversè. Sed velocitas ista, ex superiùs ostensis, ea est, quæ acquiritur cadendo per  $a+x$ ; adeòque designari potest per radicem quadratam ipsius  $a+x$ . Itaque tempus per PO est, ut exponens rationis, quam habet PO ad  $\sqrt{a+x}$ . Jam verò PO ad  $\sqrt{a+x}$  rationem habet compositam ex PO ad PR, hoc est ex PT  $= \sqrt{4ax+x^2}$  ad PM  $= \sqrt{4ax}$ , & ex PR  $= dy$  ad  $\sqrt{a+x}$ , hoc est ex  $2dy\sqrt{x}$  ad  $\sqrt{4ax+x^2}$ : nimirum componendo has rationes, ut  $dy$  ad  $\sqrt{a}$ . Quare idem tempus per PO erit, ut exponens rationis, quam habet PR, sive  $dy$  ad  $\sqrt{a}$ ; adeòque proportionalis ipsi PR: Unde inferitur, tempus per totum arcum AP proportionale esse ipsi PM.

Itaque, ut ad id, unde discessimus, iterum revertamur, quum grave corpus fertur in perimetro ellipsis APQ, & vis gravitatis tendit ad centrum C, vis illa in omni loco P est directè proportionalis distantie PC. Et quoniam, centro C eodem in loco manente, ellipsis APQ non in aliam curvam verti potest, quàm in circumferentiam circuli; facile exinde concludi potest, quod in hypothesi gravitatis directè proportionalis distantie locorum à centro grave corpus pre-

projectum describere vicissim debeat circa centrum virium, vel ellipsim, vel etiam circumferentiam circuli, in quam utique ellipsis migrare potest.

FIG.  
121.

Neque verò difficile erit, casum distinguere, quum corpus describit ellipsim ab eo, quando circulum describere debet. Patet enim, circulum tunc tantum describi posse, quum linea jactus normalis est ad eam, quæ locum corporis, & centrum virium conjungit. Esto igitur  $C$  centrum virium, & exeat corpus de loco  $A$  secundum rectam ipsi  $AC$  normalem eâ cum velocitate, quæ acquiritur cadendo per  $AO$ , sitque  $AB$  ellipsis, quam grave corpus motu suo describit. Concipiatur circa rectam  $OC$  scala virium  $COM$ , quæ, ob gravitatem directæ proportionalem distantie locorum à centro, terminabitur rectâ  $CM$ . Tum centro  $C$ , & intervallo semiaxis conjugati  $CB$  describatur arcus  $BD$ ; & ductâ in scalâ virium ordinatâ  $DH$ , erit ut quadratum velocitatis in  $A$  ad quadratum velocitatis in  $B$ , ita trapezium  $AOMN$  ad trapezium  $DOMH$ .

Et quoniam  $CA$ ,  $CB$  normales sunt tangentibus in  $A$ , &  $B$ ; per ea, quæ superius ostensa sunt, erunt velocitates in  $A$ , &  $B$  in reciproca ratione ipsarum  $CA$ ,  $CB$ . Unde erit, ut  $CA^2$  ad  $CB^2$ , ita trapezium  $DOMH$

DOMH ad trapezium AOMN, hoc est ita  $CO^2 - CB^2$  ad  $CO^2 - CA^2$ ; atque adeò convertendo erit, ut  $CA^2 - CB^2$  ad  $CB^2$ , ita  $CA^2 - CB^2$  ad  $CO^2 - CA^2$ . Quocirca, quum sit  $CO^2 = CA^2 + CB^2$ ; perspicuum est, tunc demum à corpore circulum describi, quum altitudo AO, unde cadendo acquiritur velocitas, cum qua corpus projicitur, talis est, ut quadratum ex CO duplum sit quadrati ex CA.

Ex eo autem quod sit  $CO^2 = CA^2 + CB^2$  expedita etiam nobis suboritur methodus, ex datis altitudine AO, & semiaxe uno CA, determinandi semiaxem alterum, atque adeò definiendi ellipsim à corpore describendam: nimirum si centro C, & intervallo CO descripto arcu OF, erigatur ex loco corporis A perpendicularis AF, eum secans in F. Nam, quum sit  $CF^2$ , sive  $CO^2 = CA^2 + AF^2$ , erit AF semiaxis alter. Sed eadem determinatio obtinet etiam si corpus exeat de loco P; & linea jactus non sit perpendicularis ad PC. Nam si ipsius PC sit TC semidiameter conjugata, quam ad definiendam ellipsim oportet determinare, quia constat ex conicis, summam quadratorum duorum axium ellipseos æqualem esse summæ quadratorum, quæ fiunt ex duabus quibuslibet diametris conjugatis, erit  $CO^2$ , sive  $CF^2 = CP^2 + CT^2$ ; adeoque datis semi-

midiametro unâ  $CP$ , & altitudine  $PF$ , unde cadendo acquiritur velocitas projecto invenietur constructione non dissimili semidiameter altera  $GT$ , cujus positio determinabitur per lineam jactus, quum ei parallela esse debeat.

FIG.  
120.

In hac hypothefi gravitatis illud etiam notatu dignum occurrit, quod revolutionum in ellipsis universis circa idem centrum factarum æqualia sint tempora periodica, etiamsi ellipfes sint inæquales. Nam, quum grave corpus fertur in ellipsi  $APQ$  vi gravitatis tendente ad centrum  $C$ , tempus per quemlibet eius arcum  $AP$  est, ut arcus circularis correspondens  $AN$ . Quocirca si arcus  $AP$  dato tempore quam minimo describatur, multiplicando arcum circulařem  $AN$  per numerum partium totius temporis periodici, habebitur circuli circumferentia tota. Ex quo sequitur, quod totum tempus periodicum per perimetrum ellipsis sit conjunctim, ut tota circuli circumferentia directè, & arcus  $AN$  inversè; hoc est, ut exponens rationis, quam habet integra circuli circumferentia ad arcum  $AN$ . Data est autem ratio ista, quum arcus circularis  $AN$  correspondeat arcui elliptico  $AP$ , qui dato tempore quam minimo describitur. Quare dabitur quoque tempus periodicum per totam perimetrum ellipsis, & pro-

& propterea revolutionum in ellipsis universis circa idem centrum factarum æqualia erunt tempora periodica.

Ex quo rursus liquet veritas ejus, quod ex aliis principiis superius ostensum fuit: nimirum, quod si vis gravitatis sit directè proportionalis distantie locorum à centro virium  $C$ , & grave corpus rectè descendat ad centrum usque, æqualia sint tempora descensus per altitudines quasvis  $AC$ ,  $MC$ . Nam, quemadmodum æqualia sunt tempora periodica per integras ellipses, quæ describuntur circa centrum virium  $C$ , ita quoque æqualia erunt tempora per quadrantes earum ellipsium. Jam verò altitudines  $AC$ ,  $MC$  considerari possunt velut quadrantes duarum ellipsium, quarum umbilici ad vertices accesserint. Quare tempora descensus per altitudines  $AC$ ,  $MC$  etiam æqualia erunt.

Moveatur jam corpus in ellipsi  $APQ$ , sed vis gravitatis tendat, non quidem ad centrum  $C$ , sed ad unum ex umbilicis  $S$ , ita ut positâ  $QR$  ipsi  $PS$  parallelâ, ductâque  $QT$  eidem  $PS$  perpendiculari, sit vis illa in loco  $P$ , juxta primam formulam, ut  $QR$  directè,  $QT$  quadratum inversè, &  $PS$  quadratum etiam inversè. Est  $H$  ellipseos umbilicus alter, & junctâ  $PH$ , agatur  $HI$ , ipsi  $PR$ , sive  $DK$  parallela. Quia igitur ex con-

FIG.  
119.

nicis æquales sunt anguli, quos rectæ PH, PS constituunt cum tangente PR; erunt etiam æquales anguli PIH, PHI, qui sunt iis alterni; & consequenter æquales rectæ PI, PH. Sed propter æquales CS, CH æquales sunt quoque rectæ ES, EI. Itaque erit PE semisumma ipsarum PS, PH; adedque æqualis dimidio axis majoris AC.

Et quoniam, propter triangula similia FPE, TQx, PF est ad PE, ut QT ad Qx; erit etiam, ut PF ad AC, ita QT ad Qx. Sed PF est ad AC, ut CB ad CD; & Qx est ad Qu in ratione æqualitatis. Quare erit ex æquali, ut CB ad CD, ita QT ad Qu; adedque CB<sup>2</sup> erit ad CD<sup>2</sup>, ut QT<sup>2</sup> ad Qu<sup>2</sup>. Est autem ex conicis CD<sup>2</sup> ad PC<sup>2</sup>, ut Qu<sup>2</sup> ad Pu. uG, sive etiam, ut Qu<sup>2</sup> ad Pu. 2PC. Itaque erit ex æquali ordinando, ut CB<sup>2</sup> ad PC<sup>2</sup>, ita QT<sup>2</sup> ad Pu. 2PC. Jam verò, quum PC sit ad PE, sive AC, ut est Pu ad Px, sive QR; est etiam ut PC<sup>2</sup> ad PC. AC, ita Pu. 2PC ad QR. 2PC. Igitur ex æquo rursus ordinando erit, ut CB<sup>2</sup> ad PC. AC, ita QT<sup>2</sup> ad QR. 2PC: proindeque erit QT<sup>2</sup>. AC = CB<sup>2</sup>. 2QR; sive etiam QT<sup>2</sup>. Aa = Bb<sup>2</sup>. QR.

Porro ellipseos latere recto principali dicto L, erit L. Aa = Bb<sup>2</sup>. Unde, si in æquatione inventâ loco Bb<sup>2</sup> ponatur valor iste, erit QT<sup>2</sup>. Aa = L. Aa. QR, hoc est QT<sup>2</sup> = L.



$\equiv$  L. QR. Ex quo patet, quotientem, qui oritur, dividendo  $QT^2$  per QR, æqualem esse lateri recto principali L. Quocirca vis gravitatis in puncto P, quæ est, ut QR directè, QT quadratum inversè, & PS quadratum etiam inversè, erit reciproce ut solidum, quod fit ex L in PS quadratum; hoc est, quia data est quantitas ipsius L, reciproce, ut quadratum distantiae PS.

Itaque, quum corpus movetur in ellipsi APQ, & vis gravitatis tendit ad umbilicum S, lex ejus hæc erit, ut in quolibet loco P sit reciproce proportionalis quadrato distantiae PS. Sed hoc idem verum est etiam, quum corpus fertur in parabolâ, & hyperbolâ, vi ad umbilicum interiorem tendente. Nam, si manente umbilico S, abeat umbilicus alter H, vel in infinitum, vel etiam ad partem alteram respectu verticis  $\alpha$ , tunc ellipsis mutabitur, vel in parabolam, vel in hyperbolam, & vis gravitatis adhuc manebit reciproce proportionalis quadrato distantiae PS. Quod si autem, manente umbilico altero H, ipse umbilicus S, ad quem dirigitur vis gravitatis, vel recedat in infinitum, vel migret ad partem oppositam; tunc ellipsis mutabitur quidem, vel in parabolam, vel in hyperbolam; verum in parabolâ fiet vis gravitatis constans, & uniformis; in hyperbola verò manebit quidem re-

ci-

ciprocè proportionalis quadrato distantie PS, sed ex centripetâ evadet centrifuga.

FIG.  
117.

Notatu autem dignum existimamus, quod hac occasione ostensum est in ellipsi, atque aded in aliis conicis sectionibus, in quas utique ellipsis migrare potest: nimirum, quod si dividatur  $QT$  quadratum per  $QR$ , quotiens, qui ex hac divisione oritur, sit latus rectum principale conicæ sectionis. Hinc enim facillimè determinari poterit in omnibus conicis sectionibus diameter curvaturæ, sive etiam radius evolutæ, qui est semissis illius diametri. Nam, si  $PX$  sit diameter ista, &  $Qx$  recta tangenti  $PR$  parallela, quæ conveniat cum  $PS$  in puncto  $x$ , & cum  $PX$  in puncto  $u$ ; quemadmodum dividendo  $QT$  quadratum per  $QR$ , oritur latus rectum principale  $L$ , ita dividendo  $PQ$  quadratum per  $Pu$  nascitur diameter curvaturæ  $PX$ : proindeque  $PX$  ad  $L$  rationem habebit compositam ex  $PQ$  quadrato ad  $QT$  quadratum, & ex  $QR$ , sive  $Px$  ad  $Pu$ .

Jam, si super  $PS$  perpendicularis demittatur  $XV$ , & ducatur  $VZ$  perpendicularis ad  $PX$ , &  $ZW$  rursus perpendicularis ad  $PS$ , erunt triangula  $PQT$ ,  $Pxu$ ,  $PZW$ ,  $PVZ$ ,  $PXV$  similia inter se. Quare erit, ut  $PQ$  quadratum ad  $QT$  quadratum, ita  $PV$  ad  $PW$ , & ut  $Px$  ad  $Pu$ , ita  $PX$  ad  $PV$ : proindeque  
PX

PX ad L erit in ratione composita ex PV ad PW, & ex PX ad PV, hoc est in simplici illâ ratione, quam habet PX ad PW; eritque aded PW æqualis lateri recto principali L. Unde, si vicissim super PS capiatur portio PW æqualis L, & erectâ perpendiculari WZ, quæ conveniat cum PX, secante tangentem PR ad rectos angulos, in puncto Z, ducatur ZV parallela tangenti PR, & VX parallela ipsi WZ; determinabit punctum X longitudinem diametri curvaturæ PX, cujus aded semissis erit radius evolutæ correspondens puncto P.

Quod si punctum P fuerit vertex principalis conicæ sectionis, perpendicularis erit ad tangentem PR tam recta PS, quam recta PX, adedque coincident inter se duæ istæ rectæ lineæ PS, PX. Unde, quum etiam punctum X coincidat cum puncto W, fiet in hoc casu PW diameter curvaturæ. Ex quo patet, diametrum curvaturæ in vertice principali cujuscunque conicæ sectionis æqualem esse longitudini lateris recti, quod refertur ad verticem illum, & consequenter radium evolutæ in eodem illo vertice æqualem esse dimidio ejusdem lateris recti.

Ista porro generalis constructio pro determinandâ diametro curvaturæ contrahi eleganter potest in hunc modum. Tangenti PR erigatur perpendicularis PX, quæ con-

veniat cum axe  $AO$  in puncto  $c$ ; tum supra  $cZ$  ipsi  $Pc$  æquali, ducatur  $ZV$  perpendicularis ad  $PX$ , &  $VX$  perpendicularis ad  $PS$ ; eritque rursus  $PX$  diameter curvaturæ.

Quod quidem dependet ab hac pulcherrimâ sectionum conicarum proprietate: quod si ex puncto  $c$  super  $PS$  perpendicularis demittatur  $cm$  intercepta portio  $Pm$  æqualis sit dimidio lateris recti principalis.

Unde etiam facilius adhuc determinabimus radium evolutæ correspondentem puncto  $P$ , qui adæquat semissem ipsius  $PX$ : scilicet si ex puncto  $c$  erectâ super  $PX$  perpendiculari  $cd$ , quæ conveniat cum  $PS$  in puncto  $d$ , ducatur deinde  $d\pi$  perpendicularis super  $PS$ , conveniens cum  $PX$  in puncto  $\pi$ ; quandoquidem erit  $P\pi$  radius evolutæ quæsitus: id, quod exinde dependet, quia, quum sit, ut  $Pm$  ad  $Pd$ , ita  $PW$  ad  $PV$ , quemadmodum  $Pm$  est semissis ipsius  $PW$ , ita quoque  $Pd$  semissis est ipsius  $PV$ .

#### C A P. IV.

*De motu projectorum in hypothesis gravitatis, reciproce proportionalis quadrato distantia.*

**V**idimus huc usque, qua ratione determinandæ sint curvæ, quas descri-

scribunt projecta in quacumque gravitatis hypothesi; & quo pacto vicissim definiendæ sint leges virium, quæ requiruntur, ut projecta moveri possint in curvis lineis datis. Verum, etsi de motu projectorum actum sit in quacumque gravitatis hypothesi; attamen quemadmodum ea, quæ ad motum illum spectant, in hypothesi gravitatis constantis, visum est sigillatim, & paulò fusiùs ostendere, quia talis esse creditur gravitas post Galilæum in corporibus terrestribus; ita, quæ ad eundem motum pertinent, in hypothesi gravitatis, reciprocè proportionalis quadrato distantiae, seorsum, & paulò diligentius sunt prosequenda, quia in corporibus cœlestibus hujusmodi obtinet lex gravitatis.

Uc enim alibi dictum est, planetæ tum primarii circa solem, cum secundarii circa suos primarios subinde motus suos attemperant, ut describant totidem orbes ellipticos, umbilicos habentes in corporibus illis, & areas percurrant circa illa corpora continuè temporibus proportionales. Itaque, quia, ut superius demonstravimus, æquabilis arearum descriptio index est centri virium; dirigetur vis, qua quisque planeta detorqueatur de cursu suo rectilineo, quem ex naturâ suâ affectat, ad unum ex umbilicis orbis elliptici, quem describit; & propterea ipsa illa vis in planetis primariis erit reci-

procè proportionalis quadrato distantie à sole, in planetis verò secundariis reciprocè proportionalis quadrato distantie à suis primariis.

Quin & Celeberrimo Newtono, cui primum suborta sunt hujusmodi cogitata, illud etiam verissimum videtur, hanc legem gravitatis obtinere quoque in corporibus terrestribus, eâ nempe ratione, quia vis gravitatis, qua luna detinetur in orbe suo, videtur esse ejusdem naturæ cum vi gravitatis corporum terrestrium, in quantum duabus hisce viribus propè telluris superficiem æqualia spatia æqualibus temporibus describerentur. Unde in eam sententiam, meo quidem judicio non contemnendam, abiit, ut iisdem omnino legibus gravitent, tum corpora terrestria in terram, tum planetæ primarii in solem, tum denique planetæ secundarii in suos primarios.

Itaque, quum hypothesis gravitatis, reciprocè proportionalis quadrato distantie obtineat saltem in corporibus cœlestibus; videamus, quæ debeant esse projectorum accidentia in hac gravitatis hypothesis. Et primum quidem illud quæri potest, num positâ hac specie gravitatis, præter sectiones conicas, habentes umbilicum interiorem in centro virium, possint projecta curvas alias describere, Planè id videtur supposuisse

Ne-

Newtonus in primâ suorum principiorum editione . Verumtamen , etsi hoc verissimum sit , attamen si nullâ ratione fulciatur , semper poterit in dubium revocari . Nam corpus motum in spirali nauticâ , si-ve logarithmicâ , quæ scilicet radios secatur in dato angulo , ut facillè ostendi potest , urgeatur vi centripetâ , reciprocè proportionali cubo distantie à centro spiralis ; sed eodem notante Newtono non hæc sola spiralis , sed infinitæ aliæ possunt vi illâ describi .

Primus , quem sciam , Geometra Peritissimus Jacobus Hermannus id ostendere aggressus est in Diario Veneto , mediante calculo integrali ; sed , ut rectè observavit Johannes Bernoullius , methodo , cui instituit , scopum attingere nequaquam potuisset , nisi aliunde ei notum esset , solas conicas sectiones posse quæsito satisfacere . Hinc ipse Bernoullius aliam demonstrationem loco ejus substituit , deductam ex generali solutione problematis de determinandis curvis , quæ in quacumque gravitatis hypothesi à projectis describuntur . Verum , ut videre est in Monumentis Regiæ Scientiarum Academiæ Parisiensis anni 1710 , est aded perplexa , & implicata , tantasque exigit reductiones , & operationes satis molestas , ac laboriosas , ut eam hic Tyronibus nostris afferre nequaquam operæ pretium duxerim .

Clarissimus Gregorius in Elementis Astronomiæ Physicæ, & Geometricæ exinde collegit, solas conicas sectiones describi posse motu projectorum, quotiescumque vis gravitatis est reciprocè proportionalis quadrato distantie; quia ellipsis, quæ est una ex curvis tali virium lege describendis, per motum alterius umbilici, non in alias curvas, quàm in parabolam, & hyperbolam mutari potest: quæ ratio apud eos, qui probe norunt systema curvarum, omne momentum obtinebit. Sed tandem ipse Newtonus in alterâ suorum principiorum editione talem hujus rei demonstrationem indicavit, quæ facilis est, & expedita, nec ullum Tyronum animis scrupulum relinquit: nimirum, quod curvatura curvæ describendæ ex datis velocitate, vi centripetâ gravitatis, & positione tangentis detur; & datis umbilico, puncto contactus, & positione tangentis describi semper possit sectio conica, quæ curvaturam illam datam habeat; nec fieri ullo pacto queat, ut figuræ duæ curvilineæ se mutuo tangentes eadem vi centripetâ describantur.

Et primò quidem, quod figuræ duæ curvilineæ se mutuo contingentes eadem vi centripetâ describi nequeant, colligi id potest ex generali theoremate Newtoniano, quod arcus, quas corpora radiis ad centrum



virium actis describunt, sint continuè temporibus proportionales. Porro, quod ex datis velocitate, vi centripetâ, & positione tangentis detur curvatura curvæ describendæ, id etiam constat. Nam, si velocitas, qua cum corpus exit de loco  $P$  ea sit, qua lineola  $PR$  in minimâ aliquâ temporis particulâ describi possit, & vis centripeta potis sit eodem tempore corpus idem movere per spatium  $QR$ ; designabit angulus  $QPR$  curvaturam figuræ describendæ. Itaque tantum superest, ut ostendamus, ex datis umbilico, puncto contactus, & positione tangentis describi semper posse sectionem conicam, quæ curvaturam illam datam habeat.

FIG.  
117.

Id autem ostendemus in hunc modum. Sit  $S$  umbilicus datus,  $PR$  tangens,  $P$  punctum contactus, &  $Pn$  perpendicularis ad  $PR$  radius datæ curvaturæ. Ex  $n$  in  $PS$  demittatur perpendicularum  $nd$ , tum ex  $d$  in  $Pn$  perpendicularum  $dc$ , jungaturque  $Sc$ . Fiat porro anguli  $RPS$  complementum ad duos rectos angulus  $RPH$ . Et siquidem  $PH$  parallela sit ipsi  $Sc$ , figura erit parabola, quæ datis umbilico  $S$ , & puncto  $P$ , per quod transire debet, facile describetur, capiendo pro axe ejus rectam  $Sc$ . Quod si verò  $PH$  conveniat cum  $Sc$  in puncto aliquo  $H$ , tunc figura erit, vel hyperbola, vel ellipsis; hy-

perbola, si puncta  $S$ , &  $H$  cadant ad eandem partem puncti  $c$ ; ellipsis verò, si cadant ad partes contrarias: sed utraque describetur, assumendo punctum  $H$  velut umbilicum alterum.

Hujus determinationis ratio pendet ex methodo determinandi radium curvaturæ in sectionibus conicis, quam in calce capituli antecedentis attulimus. Nam, quod sectionem conicam tali pacto determinatam tangat in puncto  $P$  recta  $PR$ , id utique constat ex constructione, quum anguli  $RPS$  sit complementum ad duos rectos angulus  $RPH$ . Quare tantum restat, ut ostendamus ejusdem conicæ sectionis  $P$  esse radium curvaturæ in puncto  $P$ . Quod quidem abundè patebit, si memores ejus methodi determinandi radium curvaturæ, consideremus, quod quæcumque sit sectio conica, axis ejus sit recta  $Sc$ , &  $Pc$  perpendicularis sit ad tangentem  $PR$ .

Itaque, si de loco  $P$  exeat corpus secundum rectam  $PR$ , & urgeatur vi centripetâ reciprocè proportionali quadrato distantiae  $PS$ , movebitur hoc corpus in conicâ aliquâ sectione, cujus umbilicus erit centrum virium  $S$ . Sed, si velocitas, cum qua corpus exit de loco suo  $P$ , ea sit, qua lineola  $PR$  in minimâ aliquâ temporis particulâ describi possit, & vis centripeta potis sit eodem tem-

tempore corpus idem movere per spatium  $QR$  ; demisso super  $PS$  perpendicularo  $QT$ , erit latus rectum principale conicæ sectionis quotiens, qui oritur, dividendo  $QT$  quadratum per  $QR$  ; prout in calce capitis antecedentis adnotavimus.

Idem autem latus rectum principale conicæ sectionis est in duplicatâ ratione aræ  $PSQ$ , quæ dato tempore describitur . Nam, quum ejusmodi latus rectum oriatur, dividendo  $QT$  quadratum per  $QR$ , erit illud ut  $QT$  quadratum directè, &  $QR$  inversè. Sed lineola  $QR$ , velut dato tempore descripta, est, ut vis centripeta in loco  $P$ , hoc est per hypothesim, ut  $PS$  quadratum inversè. Itaque idem latus rectum erit, ut  $QT$  quadratum directè, &  $PS$  quadratum etiam directè ; adeoque in duplicatâ ratione aræ  $PSQ$ .

Atque hinc, si sectio conica sit ellipsis, erit tempus periodicum in sesquuplicatâ ratione axis majoris . Nam ellipseos area tota, eique proportionale rectangulum sub axibus est, ut area  $PSQ$ , quæ dato tempore describitur, ducta in tempus periodicum ; adeoque in subduplicatâ ratione lateris recti, & ratione temporis periodici . Unde, si axis major dicatur  $a$ , axis minor  $b$ , latus rectum  $l$ , & tempus periodicum  $t$  ; erit  $ab$ , ut  $t\sqrt{l}$ , & consequenter  $a^2b^2$ , ut  $t^2l$ . Est

an-

autem  $b^2 = a^2$ . Itaque factâ substitutione erit  $a^2 l$ , ut  $ssl$ ; hoc est  $a^3$ , ut  $ss$ . Unde quadratum temporis periodici erit, ut cubus axis majoris; adedque ipsum tempus periodicum in sesquuplicatâ ratione ejusdem axis.

Hinc obiter notetur hoc loco velim, tertiam illam legem, quam in motibus planetarum primariorum observavit Sagacissimus Keplerus, nempe quod subinde motus suos circa solem attemperent, ut quadrata temporum periodicorum sint, ut cubi mediarum à sole distantiarum, colligi quoque posse, absque ullâ observatione ratiocinio geometrico ex aliis duabus legibus à Keplero deprehensis; scilicet, quod describant ellipses totidem, in sole umbilicum unum habentes; & quod radiis ad solem actis areas percurrant temporibus proportionales. Nam ex duabus hisce legibus, ut superius vidimus, sequitur planetas primarios gravitare in solem, & cujusque vim gravitatis decrescere in duplicatâ ratione distantie. Unde legibus à Keplero observatis ultrò præstanda fides; quum non modò non opponantur, sed mirè consentiant inter se.

FIG. Sit jam ellipsis  $ABa$ , & ex vertice ejus  
121. principali  $A$  exeat grave corpus secundum  
122. tangentem  $AR$ , vi tendente ad umbilicum

$S$ ;

$S$  ; requiritur velocitas , quæ corpus illud projici debet , ut possit datam ellipsim describere . Referat  $AO$  altitudinem , unde cadendo acquiritur velocitas illa , sitque  $SOMN$  scala virium . Esto  $K$  ellipseos umbilicus alter ,  $C$  centrum ejus , &  $BC$  semiaxis minor . Denique centro  $S$  intervallo  $SB$  describatur arcus  $BD$  , ducaturque in scala virium ex puncto  $D$  ordinata  $DH$  .

Quoniam igitur  $SOMN$  est scala virium , designabit area  $AOMN$  quadratum velocitatis , quam corpus habet in  $A$  , & area  $DOMH$  quadratum velocitatis , quam idem corpus habet in  $B$  . Sed ex superius ostensis eædem velocitates sunt reciproce , ut perpendiculara , quæ ex centro virium  $S$  ducuntur in rectas , tangentes ellipsim in  $A$  , &  $B$  , hoc est in reciproca ratione rectarum  $AS$  ,  $BC$  . Quare erit ex æquali , ut area  $AOMN$  ad aream  $DOMH$  , ita  $BC$  quadratum , sive rectangulum  $ASa$  ad  $AS$  quadratum , hoc est ita  $Sa$  , sive  $AK$  ad  $AS$  .

Jam vires designatæ per ordinatas  $OM$  ,  $AN$  ,  $DH$  sunt reciproce , ut quadrata distantiarum  $OS$  ,  $AS$  ,  $DS$  . Quare terminabitur scala virium illa eadem hyperbolâ cubicâ , quæ nobis se obtulit in capite primo sectionis antecedentis : proindeque , per ea , quæ ibidem ostensa sunt , area  $AOMN$  ad aream  $DOMH$  habebit rationem compositam

tam ex AO ad DO, & ex DS ad AS. Unde erit rursus ex æquali, ut AK ad AS, ita rectangulum ex AO in DS ad rectangulum ex DO in AS. Est autem AK ad AS, ut rectangulum ex DO in AK ad rectangulum ex DO in AS. Quare erit rectangulum ex DO in AK æquale rectangulo ex AO in DS; eritque adeò, ut AO ad DO, ita AK ad DS, sive BS, vel AC.

Et quoniam AO est ad DO, ut AK ad AC; erit dividendo, ut AO ad AD, ita AK ad CK. Sed, propter æquales AC, DS, æquales sunt quoque rectæ AD, CS, sive etiam rectæ AD, CK. Itaque erit pariter AO æqualis AK. Ex quo patet, altitudinem AO, unde cadendo acquiritur corpori velocitas quæsita, æqualem esse distantiae alterius umbilici K ab ipso vertice principali A, unde corpus egredi debet.

Ponamus punctum S, ad quod tendit vis centripeta, esse ellipseos umbilicum inferiorem, & manente umbilico altero K, abeat ille in infinitum. Vertetur itaque ellipsis in parabolam, & corpus movebitur in hac parabolâ gravitate constanti, & uniformi, eritque altitudo AO æqualis quartæ parti lateris recti principalis, quum in parabolâ latus rectum principale sit quadruplum ipsius AK. Sed si centrum virium S sit ellipseos umbilicus superior, eoque manente, abeat

abeat alter  $K$  in infinitum, mutabitur quidem ellipsis in parabolam, sed corpus illam describet vi reciproce proportionali quadrato distantiae à centro virium  $S$ , & altitudo  $AO$ , velut æqualis  $AK$ , prodibit infinita.

Horum primum jam ex aliis principis ostensum fuit, quum egimus de motu projectorum in hypothese gravitatis constantis. Sed & alterum, velut prorsus memorabile, ostendi quoque potest in hunc modum. Sit  $AB$  parabola describenda, cujus  $A$  sit vertex principalis,  $S$  umbilicus, sive centrum virium,  $AO$  altitudo quaesita, &  $SOMN$  scala virium. Erigatur ad  $AS$  perpendiculum  $SB$ , & centro  $S$ , intervallo  $SB$  describatur arcus  $BD$ , ducaturque in scalâ virium ordinata  $DH$ . Designabit itaque area  $AOMN$  quadratum velocitatis, quam corpus habet in  $A$ , & area  $DOMH$  quadratum velocitatis, quam idem corpus habet in  $B$ .

Et quoniam propter æquales  $SB$ ,  $SD$ , recta  $BD$  tangit parabolam in  $B$ , demisso in  $BD$  perpendiculo  $SV$ , erunt eadem velocitates corporis in  $A$ , &  $B$  in reciproca ratione rectarum  $AS$ ,  $SV$ . Quare erit ex æquali, ut  $SV$  quadratum ad  $AS$  quadratum, ita area  $AOMN$  ad aream  $DOMH$ . Sed ratio harum arearum componitur ex  $AO$  ad  $DO$ , & ex  $DS$  ad  $AS$ ; adeoque est æqualis rationi, quam

FIG.  
123.

quam habet rectangulum ex AO in DS ad rectangulum ex DO in AS. Itaque erit rursus ex æquali, ut SV quadratum ad AS quadratum, ita rectangulum ex AO in DS ad rectangulum ex DO in AS.

Porro, quum ex conicis SB dupla sit ipsius AS, erit SB quadratum quadruplum quadrati ex AS. Sed, propter æquales SB, DS, & ob angulum rectum DSB, idem SB quadratum duplum est quadrati, quod fit ex perpendicularo SV. Itaque erit SV quadratum duplum AS quadrati. Ostensum est autem, SV quadratum esse ad AS quadratum, ut est rectangulum ex AO in DS ad rectangulum ex DO in AS. Quare erit etiam rectangulum ex AO in DS duplum rectanguli ex DO in AS, adeoque æquale rectangulo, quod fit ex DO in duplum ipsius AS.

Jam duplum ipsius AS est recta SB, sive DS. Itaque rectangulum ex AO in DS æquale est rectangulo ex DO in DS: proindeque æquales erunt rectæ lineæ AO, DO. Est igitur AO talis magnitudinis, ut non differat à se ipsâ, multatâ rectâ AD, sive AS. Quare AS, quæ est quarta pars lateris recti principalis, evanescit respectu ipsius AO: quod non aliter fieri posse perspicuum est, nisi AO sit infinita.

Itaque generaliter, tum in ellipsi, cum in hyperbolâ velocitas, qua corpus exire debet



bet ex vertice principali, ut vi tendente ad unum ex umbilicis eam describat, tanta esse debet, quanta acquiritur cadendo per altitudinem æqualem distantiae ejusdem verticis principalis ab umbilico altero. Sed hoc idem obtinet quoque, quum non ex principali, sed ex alio quolibet vertice corpus egreditur. Nam si centro  $S$ , & intervallo cujuslibet distantiae  $SP$  describatur arcus  $PQ$ , velocitas in  $P$  tanta erit, quanta acquiritur cadendo per  $OQ$ : & profectò, quum sit  $SO = Aa = SP + PK$ , erit  $OQ = PK$ . Unde, quum orbita est parabolica, ex quo, cumque loco corpus egrediatur, erit semper prædicta altitudo æqualis quartæ parti parametri, quæ ad locum illum refertur, quum vis tendit ad umbilicum infinitè distantem; & verò erit infinita, quum ad umbilicum alterum vis illa dirigatur.

Eadem determinatio obtinet etiam in hyperbolâ, in quam utique vertitur ellipsis, umbilico altero ad partem verticis oppositam abeunte, ut calculum ineunti facile constabit. Verum ex eo, quod in hyperbolâ umbilicus alter jaceat ad partem oppositam verticis respectu ejus, ad quem dirigatur vis centripeta; altitudo illa invenietur quidem ubique æqualis distantiae corporis ab umbilico altero, sed prodibit semper negativa; adedque collocanda erit ad partem

tem

tem contrariam, hoc est versus ipsum virium centrum. Unde consequens fit, ut sicuti ad describendam parabolam eâ opus sit velocitate, quæ acquiritur cadendo ex infinitâ distantia; ita ad describendam hyperbolam velocitas tanta esse debeat, quanta acquiritur cadendo ex distantia plusquam infinitâ.

Denique illud ostendendum nobis superest, qua ratione corporis in orbe elliptico moti, vi tendente ad unum ex umbilicis ejus, possit inveniri locus ad tempus assignatum. Res autem eò redit, ut abscindatur ex orbe elliptico, per rectam, ex centro virium ductam, area dato tempori proportionalis. Id fieret geometricè, si ex dato tempore prodiret area illa per æquationem finitam. Verum nec in ellipsi, nec in aliâ figurâ ovali, quæ non tangatur à figuris conjugatis in infinitum pergentibus, potest area, rectis pro lubitu abscissa, per finitas æquationes generaliter inveniri: cujus rei sequentem demonstrationem Newtonus excogitavit in Principiis suæ Philosophiæ Mathematicis.

Intra ovalem detur punctum quodvis, circa quod ceu polum revolvatur perpetuò linea recta, uniformi cum motu, & interea in rectâ illâ exeat punctum mobile de polo, pergatq; semper eâ cum velocitate, quæ sit.

fit, ut rectæ illius intra ovalem quadratum. Hoc motu punctum illud describet spirale gyris infinitis. Jam, si areæ ovalis à rectâ illâ abscissæ incrementum per finitam æquationem inveniri potest, invenietur etiam per eandem æquationem distantia puncti à polo, quæ huic areæ proportionalis est; adeoque omnia spiralis puncta per æquationem finitam inveniri poterunt. Quod utique falsum est; nam, quum spiralis in infinitis numero punctis à rectâ secetur, æquatio puncta ejus determinans, ut jam Geometris notum est, ad infinitas dimensiones ascendere debet.

Quod autem in hac spirali distantia cujusque puncti à polo proportionalis sit areæ ovalis correspondenti, ostendi potest in hunc modum. Dividatur tempus revolutionis in particulas quamminimas, & æquales. Et quoniam recta circa polum revolvitur motu uniformi, singulis temporis particulis, percurrent circa polum angulos æquales; adeoque areolæ abscissæ, velut totidem sectores similes, erunt ut quadrata rectarum, per quas abscinduntur. Jam verò quadratis istis proportionalia sunt spatiola, quæ iisdem temporum particulis percurrit punctum, quod de polo exit; quum ex hypothese eâ semper pergat velocitate, quæ sit, ut rectæ, super qua movetur, intra ovalem quadra-

tum . Itaque hæc eadem spatiola proportionalia erunt areolis illis ; & propterea componendo spatium totum , hoc est distantia puncti à polo ubique proportionalis erit correspondenti areæ ovalis .

Quum igitur area ellipsis , quæ describitur radio ab umbilico ad corpus mobile ducto , non prodeat ex dato tempore per æquationem finitam , fit hinc , ut nequeat inveniri geometricè locus mobilis ad tempus assignatum . Id novit in motibus planetarum ipse Keplerus Pater Astronomiæ Ellipticæ . Unde illi *ἀγεμετέων* objiciebant Astronomi alii , eumque , quasi causis physicis nimium indulgentem , à Geometriâ in diversum abiisse existimabant , Sed maluit Vir Sagacissimus in hoc negotio methodum indirectam adhibere , quàm aliam à naturali hypothesim usurpare , in qua istud facillimè , & directè fieri posset .

Usurpavit verò hypothesim aliam Celebratissimus Astronomus Sethus Wardus ; nam etsi planetæ orbitam cum Keplero statuerit ellipticam , in cujus umbilico altero sol esset , attamen planetæ motum subinde circa alterum umbilicum temperari voluit , ut temporibus æqualibus æquales illic angulos absolveret . Eandem Wardi hypothesim inscius supposuit etiam Ismael Bullialdus , nec id prius agnovit , quàm Wardus in Astro-

stronomiæ illius fundamenta inquireret . Sed dum suam Astronomiam Philolaicam adversus Wardum tuebatur , correctionem Wardianæ hypotheseos talem excogitavit , ut etsi hypotheseos ipsa à naturali sit aliena , calculus tamen non multum ab observatis ablueret .

Eandem Wardi hypotheseos serid etiam assumpsit Comes Paganus . Verum , quum in orbe elliptico æquabilis angulorum descriptio circa umbilicum superiorem destruat descriptionem æquabilem arearum circa solem , qui umbilicum occupat inferiorem ; id potiùs in Astronomiâ Keplerianâ mutandum censuit Clarissimus Astronomus Dominicus Cassinus , ut loco orbitæ ellipticæ orbis alius substituatur , in quo æquabilis esset , tum descriptio angulorum , facta circa punctum unum , tum descriptio arearum , quæ circa aliud punctum soli tribuendum peragitur .

Orbem istum Domino Cassino licuit invenire , eumque detexit oportere talis esse naturæ , ut constans esset non summa rectorum , quæ à quolibet orbis puncto ducuntur ad umbilicos , sed rectangulum ex iis . Verum omnes , quotquot sunt hodie , famiores Astronomi agnoscunt , quod licuti orbita circularis , pro explicandis motibus planetarum , circa medias longitudes est

nimis lata ; ita orbita Cassiniana peccet è contrario gracilitate nimia iisdem in locis. Unde , quod summo conatu detexit Cassinus , ipsis observationibus irritum evasit.

Hæc idcirco referre volui , ut constet , nec phænomenis cœlestibus , nec causis physicis satisfieri , si à Kepleriano systemate recedamus ; adedque omnino necessariam esse problematis hujus solutionem , de abscindenda per rectam ex umbilico ductam areâ ellipticâ , quæ sit dato tempore proportionalis. Id igitur , quum geometricè fieri nequeat , per cycloidem protractam , descriptam nempe per punctum , sumptum intra perimetrum rotæ revolvantis , quæ est curva mechanica , sive transcendens , præstitit Newtonus in Principiis suæ Philosophiæ Mathematicis , imitatus hac in re Clarissimum Wallisium . Verum , notante eodem Newtono , quum difficilis sit hujus curvæ descriptio , præstat solutionem verò proximam adhibere.

Et quidem problematis hujus , aded vulgati inter Peritiores Geometras , plures solutiones per approximationem , sive series infinitas excogitatae sunt ; sed inter omnes non aliam magis expeditam , & praxi commodam invenio , quàm allatam à sæpius laudato Newtono in Principiis suæ Philosophiæ Mathematicis , Pro ejus autem intelle-

ctu,

Actu ; ostendendum est priùs hoc theorema, quod si ellipseos APB sit AB axis major, O centrum, S umbilicus unus, & PR aliqua ad axim ordinatim applicata ; descriptoque centro O, & intervallo OA, sive OB circulo AQB, producat PR usque ad Q : quod inquam area elliptica ASP sit, ut differentia inter arcum AQ, & rectam SI, ab umbilico S in radium OQ perpendiculariter demissam.

FIG.  
124.

Nam area elliptica ARP est ad aream circulares correspondentem ARQ in datâ ratione, in eâ nempe, quam habet PR ad QR, sive axis minor ellipsis ad axem majorem. Sed in eâdem ratione est etiam triangulum PSR ad triangulum QSR. Itaque dividendo (vel componendo) habebit quoque area elliptica ASP datam rationem ad aream circulares ASQ. Jam verò area circularis ASQ est semper differentia inter sectorem AOQ, & triangulum OQS ; adedque æqualis ei, quod producit, multiplicando semissem radii OQ per differentiam inter arcum AQ, & rectam SI. Quare area ellipticâ ASP proportionalis erit huic producto ; atque aded, ob datum radium OQ, proportionalis differentiæ inter arcum AQ, & rectam SI.

Hoc ostenso theoremate, pergamus ad solutionem problematis Newtonianâ de ab-

scindendâ per rectam ex umbilico ductam  
 areâ ellipticâ dato tempore proportionali,  
 vel, quod idem est, de inveniendâ loco, in  
 quo corpus in ellipsi motum vi ad umbili-  
 cum tendente reperiri debet ad tempus assi-  
 gnatum. Per constructionem quamvis, vel  
 utcumque conjecturam faciendâ, cognosca-  
 tur corporis locus  $P$ , proximus verò ejus  
 loco  $p$ ; demissâque ad axem ellipseos ordina-  
 tim applicatâ  $PR$ , ex proportione axium  
 ellipseos, dabitur circuli circumscripti  $AQB$   
 ordinatim applicata  $QR$ , quæ quum sit si-  
 nus anguli  $AOQ$ , existente radio  $OA$ , sive  
 $OQ$ , dabitur etiam ipse angulus  $AOQ$ ;  
 sed in praxi sufficit, angulum istum rudi  
 calculo in numeris proximis invenire.

Cognoscatur etiam angulus tempore pro-  
 portionalis, idest qui sit ad quatuor rectos,  
 ut est tempus, quo corpus descripsit arcum  
 $Ap$ , ad tempus revolutionis unius in elli-  
 psi, sitque angulus iste  $N$ . Porro inveniatur  
 tum angulus quidam  $B$ , qui sit ad angu-  
 lum graduum  $57, 29578$ , quem arcus ra-  
 dio æqualis subtendit, ut est  $OS$  ad  $OA$ ;  
 tum etiam longitudo quædam  $L$ , quæ sit  
 ad radium in eadem ratione inversâ, hoc  
 est ut  $OA$  ad  $OS$ . Denique capiatur, & an-  
 gulus  $D$  ad angulum  $B$ , ut est sinus anguli  
 $AOQ$  ad radium; & angulus  $E$  ad angulum  
 $N - AOQ + D$ , ut est longitudo  $L$  ad lon-



gitudinem eandem  $L$ , cosinu anguli  $AOQ$  diminutam, ubi angulus iste recto minor est, auctam, ubi major. Dico, angulum  $AOq$ , qui determinat verum corporis locum  $p$ , æqualem esse angulo  $AOQ + E$ .

Neque verò difficile id erit ostendere. Nam si arcus  $At$  sit mensura anguli  $N$ , dato tempore proportionalis, erit area elliptica  $ASp$ , ut arcus  $At$ . Sed ex ostenso theoremate eadem area elliptica  $ASp$  est, ut differentia inter arcum  $Aq$ , & rectam  $Si$ . Itaque erit recta  $Si$  æqualis arcui  $tq$ . Eodem ratiocinio ostendetur, quod si arcus  $AT$  sit mensura anguli proportionalis tempore, quo corpus descripsit arcum  $AP$ , recta  $Si$  æqualis sit arcui  $TQ$ . Quare differentia inter rectas  $Si$ ,  $Si$  æqualis erit differentie inter arcus  $TQ$ ,  $tq$ , sive etiam inter arcus  $Tt$ ,  $Qq$ ; hoc est, posito, quod angulus  $AOQ$  sit recto minor, quemadmodum eum jam schema exhibet, erit  $Si - Si$ , id est  $li = Qq - Tt$ .

Et quoniam ex constructione habetur; tum angulus  $B$  ad angulum graduum  $57, 29578$ , quem arcus radio æqualis subten-  
dit, ut est  $OS$  ad  $OA$ ; tum angulus  $D$  ad  
angulum  $B$ , ut est sinus anguli  $AOQ$  ad ra-  
dium, hoc est ut  $QR$  ad  $OQ$ , sive etiam ut  
 $Si$  ad  $OS$ : assumpto in circumferentiâ cir-  
culi  $AQR$  arcu æquali radio  $OA$  pro men-  
surâ anguli graduum  $57, 29578$ ; erit ar-

cus ejusdem circumferentiæ æqualis rectæ OS mensura anguli B , & arcus ejusdem adhuc circumferentiæ æqualis rectæ SI mensura anguli D . Est autem in circumferentiâ AQB , TQ arcus æqualis rectæ SI . Itaque erit arcus TQ mensura anguli D ; & propterea mensura anguli N — AOQ † D erit arcus At — AQ † TQ , hoc est arcus Tt .

Fiat porro, ut OS ad OA , ita OA ad OG : adeo, ut existente OA radio, sit OG longitudo L , & RG eadem longitudo L , cosinu anguli AOQ diminuta , ubi angulus iste recto minor est , aucta , ubi major . Quia igitur OS est ad OA , ut OA ad OG , & OS est ad OA , sive OQ , ut OI , sive Ol ad OR ; erit ex æquali , ut Ol ad OR , ita OA , sive OQ ad OG ; atque aded permutando, ut Ol ad OQ , ita OR ad OG . Sed , propter sectores similes Oli , OQq , Ol est ad OQ , ut li , sive Qq — Tt ad Qq . Quare erit rursus ex æquali , ut OR ad OG , ita Qq — Tt ad Qq ; & propterea OG erit ad RG , ut Qq ad Tt .

Jam ex constructione angulus E est ad angulum N — AOQ † D , ut est longitudo L ad longitudinem eandem L diminutam ( vel auctam ) cosinu anguli AOQ , hoc est ut OG ad RG . Itaque erit ex æquali , ut angulus E ad angulum N — AOQ † D , ita Qq ad Tt . Ostensum est autem , arcum Tt men-

mensuram esse anguli  $N - AOQ + D$ . Quare erit arcus  $Qq$  mensura anguli  $E$ . Sed arcus  $Qq$  metitur quoque angulum  $QOq$ . Erit igitur angulus  $E$  æqualis angulo  $QOq$ ; & propterea totus angulus  $AOq$  æqualis erit angulo  $AOQ + E$ .

Verum notare hoc loco oportet, angulum  $E$  æqualem oriri angulo  $QOq$ , quum locus  $P$  est aded proximus vero corporis loco  $p$ , ut pro differentiâ rectarum  $SI$ ,  $Si$  sumi possit *li*, quemadmodum jam à nobis in demonstratione factum est. Sed siquidem non tanta sit proximitas eorum locorum, tunc angulus  $E$  minor semper orietur angulo  $QOq$ ; atque aded, ut anguli  $AOq$  verus valor inveniatur, instituenda erit iterum, atque iterum operatio, capiendo semper pro angulo  $AOQ$  ipsum angulum  $AOQ$  unâ cum illo, qui in antecedenti operatione lucratus est.

Nimirum, quemadmodum primâ vice accipitur, & angulus  $D$  ad angulum  $B$ , ut est sinus anguli  $AOQ$  ad radium, & angulus  $E$  ad angulum  $N - AOQ + D$ , ut est longitudo  $L$  ad longitudinem eandem  $L$  co-sinu anguli  $AOQ$  diminutam, ubi angulus iste recto minor est, auctam, ubi major. Ita secundâ vice capiendus erit, tum angulus  $F$  ad angulum  $B$ , ut est sinus anguli  $AOQ + E$  ad radium; tum angulus  $G$  ad angulum  $N - AOQ - E + F$ , ut est longitudo  $L$  ad

L ad longitudinem eandem L cosinu anguli  $AOQ + E$  diminutam, vel auctam, prout angulus iste recto minor est, vel major. Et tertiâ vice, tum angulus H ad angulum B, ut est sinus anguli  $AOQ + E + G$  ad radium; tum angulus I ad angulum N —  $AOQ — E — G + H$ , ut est longitudo L ad eandem longitudinem L cosinu anguli  $AOQ + E + G$  diminutam, ubi angulus iste recto minor est, auctam, ubi major. Atque ita in infinitum. Hac enim ratione fiet angulus  $AOq$  æqualis angulo  $AOQ + E + G + I + \&c.$

Præterea notare etiam hoc loco oportet, fieri quandoque posse, ut angulus N —  $AOQ + D$  sit negativus, nimirum, quum locus P est ultra verum corporis locum p, ita ut, & AP major sit, quàm Ap; & AQ major, quàm Aq. Id itaque quum accidit, angulus E non quidem addendus, sed demendus est ex angulo  $AOQ$ , hoc est signum positivum ipsius E ubique mutandum est in negativum, & signum negativum vicissim in positivum. Idem autem intelligi debet de signis angulorum G, & I, ubi anguli N —  $AOQ — E + F$ , & N —  $AOQ — E — G + H$  negativi prodeunt.

Denique notabimus hoc loco, quod si excentricitas ellipseos, in qua corpus revolvitur, augeatur in infinitum: ita, ut um-

bi-

bilico altero in infinitum abeunte, vertatur ellipsis ipsa in parabolam; tunc problema, de quo agimus, evadet geometricum, quandoquidem area parabolica, per rectam ex umbilico ductam abscindenda, ex dato tempore, cui proportionalis esse debet, prodit per æquationem finitam. Sit enim parabola AP, cujus vertex principalis punctum A, umbilicus punctum S; & ducenda sit recta SP, abscindens aream parabolicam ASP æqualem dato rectilineo.

FIG.

125.

Ex puncto P ad axim demittatur ordinatum applicata PO, ponaturque  $AS = a$ ,  $AR = x$ , &  $PO = y$ . Quia igitur spatium parabolicum APO, ex Archimedeâ parabolæ dimensione, duas tertias partes continet rectanguli circumscripti  $xy$ , erit sextuplum ejusdem spatii parabolici  $AP O = 4xy$ . Sed spatium istud parabolicum est summa, vel differentia areæ ASP, & trianguli PSO; summa inquam, quum punctum O cadit infra umbilicum S; differentia verò, quum cadit supra. Quare, si vocetur  $4am$  rectilineum, cui area parabolica ASP æqualis esse debet, quia duplum trianguli PSO in primo casu est  $xy - ay$ , in secundo casu est  $ay - xy$ ; erit in omni casu  $24am \mp 3xy - 3ay = 4xy$ , hoc est  $24am - 3ay = xy$ , sive etiam, multiplicatis terminis omnibus per  $4a$ ,  $96aam - 12aay = 4axy$ . Est autem, ob naturam

pa-

parabolæ,  $4ax \equiv yy$ . Itaque, factâ substitutione, erit  $96aam - 12aay = y^3$ , hoc est  $y^3 + 12aay - 96aam = 0$ .

Cubicam istam æquationem Cartesianâ methodo facile erit geometricè construere. Capiatur enim in axe parabolæ, tum portio AC æqualis dimidio lateris recti, tum portio CG retrò versus verticem æqualis ei, quod oritur, dividendo quantitatem cognitam tertii termini  $12aa$  per duplum ejusdem lateris recti. Porro ex puncto G erigatur perpendicularum GH æquale ei, quod producit, dividendo ultimum terminum  $96aam$  per duplum quadrati, quod fit ex eodem latere recto; & circulus, qui describitur centro H, intervallo HA, secabit parabolam in puncto quæsito P.

Hæc autem constructio coincidit cū illâ, quam affert Newtonus in Principiis Philosophiæ Mathematicis, & in qua punctū G bisecat AS, estque  $GH = 3m$ . Nam, quum latus rectum parabolæ sit  $4a$ , hoc est quadruplum ipsius AS, erit  $AC = 2a$ , adedque  $AS = SC$ . Quumque quotiens, qui oritur, divi-

dendo  $12aa$  per  $8a$  sit  $\frac{3}{2}a$ ; erit  $CG = \frac{3}{2}a$ ,

atque adeo punctū G bisecabit ipsam AS. Ecdenique, quia id, quod producit, dividendo  $96aam$  per  $32a^2$ , est  $3m$ ; erit GH

=

= 3m, prorsus ut in constructione Newtonianâ. Unde cui nota est Cartesiana æquationes construendi methodus, is in constructione Newtonianâ nullam difficultatem inveniet.

## C A P. V.

*De motu æquabili corporum in orbibus circularibus.*

**V**idimus superius, quod si corpus gyretur in circumferentiâ circuli, vi tendente ad ipsum circuli centrum, ita ut motus ejus, propter æquales sectores, quos æqualibus temporibus describit, sit æquabilis, ac uniformis; vis, qua illud urgetur, sit itidem constans, & æquabilis. Nec equidem res aliter esse potest, quia quotiescumque vis ad centrum circuli dirigitur, corpus in omni loco eandem habet distantiam à centro virium; nec proinde aliquid in causâ esse potest, ut majori vi urgeatur in uno loco, quàm in alio.

Verum etsi constans, & æquabilis sit vis, qua urgetur corpus, motum æquabiliter in circumferentiâ circuli, non hinc tamen putandum est, æquales inter se esse vires, quibus urgentur duo corpora, diversas circumferentias æquabili motu describentia. Possunt liquidem esse in aliquo casu

casu æquales ; sed nihil vetat , quin interdum servant inter se aliam rationem , quàm æqualitatis .

Id igitur ut plenius constet , ostendendum est Nobis hoc theorema , quod corporum , quæ diversos circulos æquabili motu describunt , vires centripetæ sint inter se , ut sunt arcuum simul descriptorum quadrata , applicata ad radios circulorum ; hoc est in ratione compositâ ex duplicatâ arcuum , quos simul describunt , directâ , & ex simplici radiorum , aut etiam diametrorum inversâ .

Neque verò difficile erit theorema istud ostendere . Sunt enim vires istæ , ut arcuum æqualibus temporibus quamminimis descriptorum sinus versi , utpote dimetientes translationes corporum de tangentibus rectilineis in orbes circulares ; addèque , ut quadrata arcuum eorundem , ad diametros circulorum applicata , quum ii arcus non differant à suis chordis . Jam verò , propter motus æquabilitatem , sunt iidem arcus ; ut arcus , temporibus quibuscvis æqualibus descripti , & diametri sunt , ut eorum radii . Quare eadem vires erunt inter se , ut arcuum quorumvis simul descriptorum quadrata , applicata ad radios circulorum .

Et quoniam in motu æquabili velocitates



ces mobilium sunt, ut spatia, quæ æqualibus temporibus describuntur; proinde arcus illi simul descripti erunt, ut velocitates corporum; Unde eorum vires centripetæ erunt etiam, ut velocitatum quadrata, applicata ad radios circuloꝝ; hoc est in ratione compositâ ex duplicatâ velocitatum directâ, & simplici radiorum inversâ.

Quin etiam, quia velocitates sunt, ut circumferentiæ, sive radii directè, & tempora periodica inversè; eadem vires corporum centripetæ, quæ sunt, ut quadrata velocitatum applicata ad radios circuloꝝ, erunt quoque reciprocè, ut quadrata temporum periodicorum, applicata ad eosdem radios; hoc est in ratione compositâ ex simplici radiorum directâ, & duplicatâ temporum periodicorum inversâ.

Hinc, si vires corporum centripetæ, sive gravitatis vocentur  $G$ , &  $g$ ; eorum velocitates  $V$ , &  $v$ ; tempora periodica  $T$ , &  $t$ ; ac denique radii circuloꝝ  $R$ , &  $r$ ; habe-

bitur, ut  $G$  ad  $g$ , ita  $\frac{VV}{r}$  ad  $\frac{vv}{r}$ , & ita  $\frac{R}{T}$  ad  $\frac{r}{t}$ .

Unde, quum sit etiam, ob legem motus æquabilis, ut  $V$  ad  $v$ , ita  $\frac{R}{T}$  ad  $\frac{r}{t}$ ;

facile nobis erit, tribus hisce analogiis defini-

nire relationem, quam habent inter se vires corporum, quæ diversos circulos æquabili motu describunt.

Nimirum primò, si tempora periodica  $T$ , &  $t$  æquantur: & propterea velocitates  $V$ , &  $v$  sint, ut radii  $R$ , &  $r$ ; erunt etiam vires centripetæ gravitatis  $G$ , &  $g$ , ut radii  $R$ , &  $r$ . Et contra, si vires  $G$ , &  $g$  sint in ratione radiorum  $R$ , &  $r$ ; tempora periodica  $T$ , &  $t$  æquabuntur inter se; atque aded velocitates  $V$ , &  $v$  erunt, ut radii  $R$ , &  $r$ .

Secundò, si tempora periodica  $T$ , &  $t$  sint in radiorum  $R$ , &  $r$  ratione subduplicatâ; ita, ut velocitates  $V$ , &  $v$  sint in eâdem radiorum subduplicatâ ratione; æquales erunt inter se vires centripetæ  $G$ , &  $g$ . Et vicissim, si vires  $G$ , &  $g$  sint æquales; erunt in subduplicatâ ratione radiorum  $R$ , &  $r$ , tum tempora periodica  $T$ , &  $t$ , tum velocitates  $V$ , &  $v$ .

Tertiò, si tempora periodica  $T$ , &  $t$  sint, ut radii  $R$ , &  $r$ : ita, ut æquales inter se sint velocitates  $V$ , &  $v$ ; vires centripetæ  $G$ , &  $g$  erunt reciprocæ, ut radii  $R$ , &  $r$ . Et è converso, si vires  $G$ , &  $g$  sint in reciprocatâ ratione radiorum  $R$ , &  $r$ ; tempora periodica  $T$ , &  $t$  erunt, ut ipsi radii  $R$ , &  $r$ ; velocitates autem  $V$ , &  $v$  æquales erunt inter se.

Quartò si tempora periodica  $T$ , &  $t$  sint  
in

in ratione sesquiplicatâ radiorum  $R$ , &  $r$ ,  
 (qui casus obtinet in corporibus cœlesti-  
 bus:) & propterea velocitates  $V$ , &  $v$  reci-  
 procè in ratione eorundem radiorum sub-  
 duplicatâ; erunt vires gravitatis  $G$ , &  $g$   
 reciprocè, ut quadrata radiorum  $R$ , &  $r$ .  
 Et vicissim, si vires  $G$ , &  $g$  servant inter se  
 duplicatam rationem radiorum  $R$ , &  $r$ ,  
 erunt in eorundem radiorum ratione ses-  
 quiplicatâ directâ tempora periodica  $T$ , &  
 $t$ ; & ratione subduplicatâ reciprocâ veloci-  
 tates  $V$ , &  $v$ .

Generaliter autem, si tempora periodica  
 $T$ , &  $t$  sint, ut radiorum potestates quæli-  
 bet  $R^n$ , &  $r^n$ : & propterea velocitates  $V$ ,  
 &  $v$  reciprocè, ut  $R^n - 1$ , &  $r^n - 1$ ; erunt  
 vires  $G$ , &  $g$  reciprocè, ut eorundem radio-  
 rum potestates  $R^{2n} - 1$ , &  $r^{2n} - 1$ . Et  
 contra, si vires sint, ut istæ radiorum potesta-  
 tes reciprocè; erunt in alia ratione, tam  
 tempora periodica, quàm velocitates.

Patet igitur corporum, diversos circulos  
 æquabili motu describentium, vires centri-  
 petas gravitatis tunc demum æquales esse  
 inter se, quum tempora periodica sunt in  
 ratione subduplicatâ radiorum, adeoque ve-  
 locitates, ut ipsa tempora. Verùm, si tempo-  
 ra periodica aliam inter se mutuo servant  
 rationem; tunc & ipsæ vires aliam inter se  
 rationem, quàm æqualitatis, obtinebunt.

FIG.  
126.

Sed circa motum æquabilem corporum in orbibus circularibus plura alia occurrunt observatu digna, quæ breviter hoc capite prosequemur. Itaque sit ABC circuli circumferentia, quam circa centrum virium S describit corpus motu æquabili. Cōtingat eam in puncto aliquo A recta AF, & sumpto arcu indefinitè parvo AB, ducatur BD ipsi AS parallela, sive etiam compleatur rectangulum ADBE; jamque spatium, quod describitur vi centripetâ, interea ac corpus fertur per arculum AB, est AE, sive DB.

Hinc autem facile erit ostendere elegans istud theorema, quod arcus, quem corpus in circulo, datâ vi centripetâ uniformiter revolvendo, tempore quovis describit, medius sit proportionalis inter diametrum circuli, & spatium, quod idem corpus eodem tempore datâ illâ vi, uniformiter applicatâ, cadendo percurrit. Dividatur etenim tempus datum, quod voco  $t$ , in plures particulas quammînimas, & æquales. Et siquidem AB sit arcus, qui in primâ istius temporis particulâ describitur, erit AE, sive DB spatium, quod urgente vi centripetâ eâdem temporis particulâ percurritur.

Jam, propter circulum, AC, AB, BD sunt continuè proportionales. Itaque, quum in continuâ analogiâ sint etiam  $t, t, tt$ ,  
erunt,

# ELEMENTA.

315

erunt, factâ mutuâ terminorum multiplicatione, continuè itidem proportionales  $AC$ ,  $tAB$ ,  $ttBD$ . Est autem  $tAB$  arcus, quem corpus motu æquabili describit in circulo tempore  $t$ ; &  $ttBD$  spatium, quod percurritur eodem tempore  $t$  datâ vi centripetâ uniformiter applicata: nam, sicuti in motu æquabili spatia sunt in ratione temporum simplici; ita in motu uniformiter accelerato eadem spatia sunt in ratione temporum duplicatâ. Quare arcus datâ vi centripetâ æquabiliter in circulo descriptus erit medius proportionalis inter diametrum circuli, & spatium, quod eodem tempore eâdem illâ vi uniformiter applicatâ percurritur.

Hujus theorematis beneficio facile modò erit, datâ vi centripetâ, invenire altitudinem  $AO$ , unde descendere debet grave corpus, quo vi illâ uniformiter agente talem in  $A$  acquirat velocitatem, ut possit eâ velocitate describere circumferentiam circuli  $ABC$ . Nam, quum motus in circulo sit æquabilis, & descensus per  $AO$  sit motus æquabiliter acceleratus; per ea, quæ superius ostensa sunt, liquet corpus æquali tempore in circulo latum describere arcum duplum ipsius  $AO$ . Est autem, per ostensum theorema, arcus iste medius proportionalis inter  $AC$ , &  $AO$ . Itaque erit ut  $AC$  ad

$Kk$  2

$2AO$ ,

2AO, ita 2AO ad AO; & propterea erit AO æqualis quartæ parti diametri AC.

Itaque velocitas, quæ requiritur ad describendam circuli circumferentiam æquali motu datâ vi centripetâ, tanta esse debet, quanta acquiritur, cadendo per altitudinem æqualem quartæ parti diametri, vi illâ centripetâ uniformiter in corpus agente. Quocirca, si vis gravitatis in corporibus terrestribus constans sit, & uniformis, quemadmodum jam à Galilæo suppositum fuit, & multiplici experienciâ comprobatum; describet grâve aliquod corpus circa telluris centrum propriâ suâ gravitate datam circuli circumferentiam, si utiq; in motu suo circulari tantam habuerit velocitatem, quantum sibi comparasset, siquidem descendisset proprio pondere per altitudinem, quæ adæquet semissem distantiam corporis à centro telluris, ad quod vis ejus gravitatis dirigitur.

Huic eidem theoremati innititur calculus, quo invenit Newtonus, lunam spatio unius minuti primi describere vi suâ pedes Parisienses quindecim cum unâ parte duodecimâ; atque aded vim ipsam, qua luna revolvitur circa terram, non differre à vi gravitatis corporum terrestriû. Nam, assumptâ lunæ à terrâ distantia semidiametrorum terrestrium sexaginta, quia lunaris periodus

re-

respectu fixarum perficitur spatio dierū viginti septem, horarum quinque, & quadraginta trium minutorum; terræque ambitus est pedum parisiensium 123249600, uti à Piccarto mensuratore Gallo est definitum; dabitur secundum hæc elementa arcus, quem luna in orbe suo, quem circularē assumimus, describit spatio unius minuti primi. Atqui inito calculo medius proportionalis inter arcum istum, & diametrum orbitæ lunaris, cui æquale esse debet spatium vi lunæ describendum eodem tempore minuti primi, invenietur pedum parisiensium quindecim cum unâ parte duodecimâ.

Præterea ex eo, quod effectus vis centripetæ in quolibet orbe sit translatio corporis de tangente in orbem, comparari potest vis centripeta, quam corpus habet in quolibet suo orbitæ loco, ad vim centripetam, quam haberet, si utique eodem in loco, eadem velocitate, æquabiliter in circulo æquicurvo revolveretur. Revolvatur etenim corpus aliquod in orbe APQ vi tendente ad centrum S, sitque in loco P recta P $\pi$  radius curvaturæ. Tangat porro in P orbem illum recta PR, ad quam ex centro virium S demittatur perpendiculum SY. Dico, quod si PS exponat vim centripetam corporis tendentem ad S, exponi debeat per SY vis centripeta tendens ad  $\pi$ , qua urgente idem cor-

FIG.  
117.

pus eâdem velocitate describet circulum æquicurvum orbi in loco P.

Capiatur namque in orbe APQ portio indefinitè parva PQ, quæ nempe communis sit tam orbi, quàm circulo æquicurvo. Et quoniam circulus iste æquicurvus describitur eâdem velocitate, quam corpus in orbe APQ motum habet in P; percurreretur propterea arcus ille PQ eodem tempore quam minimo, siue corpus gyretur in orbe APQ, siue etiam in circulo æquicurvo. Jam verò ducta recta Q $\pi$ u tangenti PR parallelâ, quæ conveniat cum PS in puncto  $\pi$ , & cum P $\pi$  in puncto  $\pi$ , est Px effectus vis centripetæ tendentis ad S, & P $\pi$  effectus vis centripetæ tendentis ad  $\pi$ . Itaque, quum effectus isti à suis causis in eodem tempore producantur, erit ut vis tendens ad S ad vim tendentem ad  $\pi$ , ita Px ad P $\pi$ . Est autem, propter triangula similia Px $\pi$ , PSY, ut Px ad P $\pi$ , ita PS ad SY. Quare erit ex æquali, ut vis tendens ad S ad vim tendentem ad  $\pi$ , ita PS ad SY; & propterea exponente PS vim, quæ tendit ad S, exponet SY vim, quæ tendit ad  $\pi$ .

Atque hinc modò haud difficile quoque erit, rationem determinare, quam habet velocitas corporis in quolibet suo orbitæ loco, ad velocitatem, quam utique haberet, si circa idem centrum virium, eâdem vi centri-



tripetâ , in eâdem distantîâ , circulariter moveretur . Moveatur etenim corpus aliquod in orbe  $APQ$  vi centripetâ tendente ad  $S$  , & velocitas ejus in loco  $P$  dicatur  $V$  . Vocetur porro  $u$  velocitas , qua corpus urgente eâdem vi centripetâ , in eâdem distantîâ  $PS$  , moveri potest æquabiliter in circulo . Et iisdem ut supra manentibus , dico fore , ut  $VV$  ad  $uu$  , ita rectangulum ex  $Pn$  in  $SY$  ad  $PS$  quadratum .

Constat namque ex ostenso theoremate , quod si  $PS$  exponat vim centripetam tendentem ad  $S$  , exponi debeat per  $SY$  vis centripeta tendens ad  $n$  , qua urgente describi potest eâdem velocitate  $V$  circulus , cujus radius sit recta  $Pn$  . Sed ex iis , quæ initio hujus capituli demonstrata sunt , notum est , corporum diversos circulos describentium vires centripetas esse in ratione compositâ ex duplicatâ velocitatum directâ , & ex simplici radiorum inversâ . Quare  $PS$  ad  $SY$  habebit rationem compositam ex  $uu$  ad  $VV$  , & ex  $Pn$  ad  $PS$  . Subducatur utrinque ratio , quam habet  $Pn$  ad  $PS$  ; & erit , ut  $PS$  quadratum ad rectangulum ex  $Pn$  in  $SY$  , ita  $uu$  ad  $VV$  ; hoc est invertendo , ut  $VV$  ad  $uu$  , ita rectangulum ex  $Pn$  in  $SY$  ad  $PS$  quadratum .

Ex eo autem , quod sit , ut  $VV$  ad  $uu$  , ita rectangulum ex  $Pn$  in  $SY$  ad  $PS$  quadratum ;

perspicuū est, quod si corpus aliquod exeat ē loco P secundum rectam PR datā velocitate V, idemque urgeatur vi centripetā tendente ad punctum S, cujus quantitas absoluta nota sit, semper determinari possit radius curvaturæ, quam orbita, à corpore describenda, cogente vi illā centripetā, habet in loco P. Nam datā quantitate absolutā vis centripetæ in loco P, & distantia à centro virium PS, dabitur etiam velocitas  $u$ ; quum per superiūs ostensa ea sit, quæ acquiritur cadendo per altitudinem æqualem dimidio ipsius PS, vi illā centripetā uniformiter in corpus agente. Unde, si fiat, ut  $u$  ad VV, ita quotiens, qui oritur, dividendo PS quadratum per SY, ad quartam, habebitur radius curvaturæ P $u$ .

Itaque velocitas corporis in quolibet suæ orbitæ loco P est ad velocitatem, qua circumrifer revolveretur in eadem à centro virium distantia PS, in subduplicatā ratione ejus, quam habet rectangulum ex P $u$  in SY ad PS quadratum. Ex quo patet, quod si punctum P fuerit orbitæ vertex principalis, ita ut coincidat PS cum SY, tunc eadem velocitates erunt inter se in subduplicatā ratione rectarum P $u$ , PS. Unde, si porro curva APQ sit una ex sectionibus conicis, fiet P $u$  æqualis dimidio lateris recti principalis; & propterea velocitas corporis in vertice principali

pali conicæ sectionis erit ad velocitatem corporis, in eâdem distantia circum describentis, in subduplicatâ ratione ejus, quam habet dimidium lateris recti principalis ad distantiam illam, sive etiam totum latus rectum ad eandem distantiam duplicatam.

Quoniam autem terminos rationis, quam habet velocitas corporis in quolibet suæ orbitæ loco  $P$  ad velocitatem corporis, circum describentis in eâdem distantia  $PS$ , ingreditur radius curvaturæ  $P\pi$ ; non abs re erit hoc loco formulam aliquam generalem afferre, qua inveniri possit radius curvaturæ in curvis radialibus, hoc est habentibus ordinatas ad commune aliquod punctum convergentes, velut ad  $S$ . Et quoniam in iisdem terminis illius rationis reperitur, tum ordinata convergens  $PS$ , tum perpendiculum ad tangentem demissum  $SY$ ; optandum esset, ut in istiusmodi formulâ valores ipsarum  $PS$ ,  $SY$ , earundemque elementa, sive differentiæ dumtaxat continerentur.

Neque verò difficile erit pro determinando radio curvaturæ talem formulam invenire. Nam, quum angulus  $P\pi Q$  æqualis sit angulo  $QPR$ , productâ  $PQ$ , usque donec conveniat cum perpendiculo  $SY$  in puncto  $y$ , similes erunt sectores  $\pi PQ$ ,  $PYy$ ; eritque aded, ut  $P\pi$  ad  $PQ$ , ita  $PY$  ad  $Yy$ . Est autem, ob similia triangula  $PQT$ ,  $PSY$ , ut

$PQ$

PQ ad PT, ita PS ad PY. Quare erit ex æquali perturbando, ut Pz ad PT, ita PS ad Yy: & propterea radius curvaturæ Pz invenietur, si factum ex ordinatâ convergente PS in suam differentiam PT dividatur per Yy, quæ est differentia perpendiculari SY; hoc est positis  $PS = r$ , &  $SY = p$ , si factum ex  $r$  in  $dr$  dividatur per  $dp$ .

Hoc igitur theoremate, sive formulâ generali determinari poterit radius curvaturæ in curvis radialibus. Ita, si curva APQ sit spiralis nautica, sive logarithmica, quæ secat ordinatas omnes convergentes in dato angulo; quia datur angulus SPY, dabitur ratio, quam habet PS ad SY. Quocirca, si ratio ista fuerit, ut  $a$  ad  $b$ , iisdem ut supra manentibus, erit ut  $r$  ad  $p$ , ita  $a$  ad  $b$ ; atque aded curvæ æquatio erit  $ap = br$ . Unde quum, sumptis differentiis, sit  $adp = bdr$ ; erit  $dp$

$$= \frac{bdr}{a} : \text{ \& propterea fiet radius curvaturæ}$$

$$Pz \left( = \frac{rdr}{dp} \right) = \frac{ardr}{bdr}, \text{ hoc est } = \frac{ar}{b} . \text{ Ex}$$

quo facile constabit, spiralis nauticæ evolutionem esse eandem spiralem in aliâ positione.

Sed nolim hic silentio præterire, ex hoc theoremate aliam nobis subnasci formulam generalem pro determinandâ vi centripetâ, quæ requiritur, ut corpus revolvî possit in

orbe dato . Est enim ob quartam earum formularum , quas attulimus capite tertio, vis centripeta in loco  $P$  , ut distantia  $PS$  directè , radius curvaturæ  $P\pi$  inversè , & cubus perpendiculi  $SY$  etiam inversè . Quocirca , quum radius curvaturæ  $P\pi$  prodeat, dividendo factum ex  $PS$  in  $PT$  per  $Yy$  ; eadem vis centripeta in loco  $P$  erit , ut  $Yy$  directè ,  $PT$  inversè , & cubus ex  $SY$  etiam inversè ; hoc est , iisdem ut supra symbolis manentibus , reciprocè ut quotiens , qui oritur , dividendo  $p^3 dr$  per  $dp$  .

Uti , si curva  $APQ$  sit ellipsis , cujus  $S$  umbilicus unus , &  $H$  umbilicus alter ; quia constat ex conicis , rectas  $PS$  ,  $PH$  æquales cum tangente  $PR$  angulos constitutere , itemque factum ex perpendiculis , quæ ex umbilicis  $S$  , &  $H$  ad eandem tangentem demittuntur , æquale esse quadrato semiaxis conjugati : propterea , si manente  $PS = r$  , &  $SY = p$  , vocetur  $a$  axis major ellipsis , &  $4c$  ejus latus rectum , fiet curvæ æquatio  $app - rpp = acr$  . Unde , quia divisâ utraq; parte æquationis per  $rpp$  , iisdemque differentiatis , & differentiis debite reductis , habetur  $2crrdp = p^3 dr$  ; erit  $2crr$  quotiens , qui oritur , dividendo  $p^3 dr$  per  $dp$  ; atque aded vis centripetâ in loco  $P$  erit reciprocè , ut  $2crr$  ; hoc est , neglectâ constante  $2c$  , reciprocè , ut  $rr$  , sive  $PS$  quadratum .

Si

Si manente umbilico  $S$ , migret umbilicus alter  $H$  ad partem oppositam respectu ipsius  $S$ ; ellipsis vertetur in hyperbolam, & curvæ æquatio erit  $app + rpp = acr$ . Sed, si alter ille umbilicus  $H$  abeat in infinitum, tunc ellipsis mutabitur in parabolam. Et, quia longitudo axis majoris  $a$  fit infinita, terminus  $rpp$  evanescit respectu alterius  $app$ ; eritque aded curvæ æquatio  $app = acr$ , hoc est  $pp = cr$ . Verùm in omni casu, non secus ac superius ostensum est, reperietur vis centripeta in puncto  $P$  reciproce proportionalis quadrato distantiae  $PS$ .

Nec reticebimus hoc loco id, quod nuper accepimus ex Acutissimo Mathematico  $P$ . Cœlestino Rollio; qui in Pisano Lyceo publicè Physicam proficitur; alterius hujus formulæ beneficio, nempe quod vis cētripeta sit reciproce, ut quotiens, qui oritur, dividendo  $p^3 dr$  per  $dp$ , nullo negotio ex datâ lege vis centripetæ determinari posse relationem, quam habet  $r$  ad  $p$ , hoc est  $PS$  ad  $SY$ ; ac proinde per methodum tangentium inversam exhiberi curvam, quæ datâ vi centripetâ describi possit. Ita, si ponamus vim centripetam esse reciproce, ut quadratum distantiae  $PS$ ; quotiens, qui oritur, dividendo  $p^3 dr$  per  $dp$  erit, ut  $rr$ . Unde, si quantitas  $ac$  talis sit, ut habeatur in aliquo casu  $p^3 dr = acrrdp$ , obtinebit æquatio ista in omni

casu, eritque semper  $p^3 dr = 2crr dp$ .

Jam, divisâ æquationis hujus utrâq; parte

per  $p^3 r^3$ , iisdemque integratis, erit  $\frac{I}{C} = \frac{I}{C} + \frac{r}{r}$

—, sive etiam  $\frac{I}{C} + \frac{r}{r} = \frac{I}{C} + \frac{r}{r}$ , addendo nem-

pe, ut moris est, integralibus quantitatem

constantem. Unde, quum curvæ æquatio

fiat  $app + rpp = acr$ , patet curvam esse el-

lipsum, quum quantitas illa constans est ne-

gativa; esse verò hyperbolam, quum ea-

dem quantitas constans est positiva; & deni-

que esse parabolam, si constans illa quanti-

tas evanescat: id quod accidit, quum valor

ipsius  $a$  fit infinitus.

Similiter, si vis centripeta fuerit, ut cu-

bis distantiae PS, quotiens, qui oritur, di-

videndo  $p^3 dr$  per  $dp$  erit, ut  $r^3$ . Unde, si

quantitates  $a$ , &  $c$  tales sint, ut aliquo ca-

su habeatur  $aap^3 dr = ccr^3 dp$ , obtinebit æ-

quatio ista in omni casu, eritque semper

$aap^3 dr = ccr^3 dp$  curvæ differentialis æqua-

tio. Quocirca, quia divisâ æquationis hu-

jus utrâque parte per  $p^3 r^3$ , iisdemque in-

tegratis cum additione alicujus constantis,

habetur  $\frac{aa}{pp} + \frac{m}{n} = \frac{cc}{xr}$ , hoc est  $aanrr + mpprr$

$= ccnpp$ ; patet, huic hypothefi gravitatis

tres

tres etiam curvas competere; unam nempe, quum quantitas illa constans est positiva; alteram, quum est negativa; & tertiã, quum evanescit: quo casu curva est spiralis nautica, quia ejus æquatio fit  $or = cp$ .

Sed ut ad id, unde discessimus, iterum revertamur, vidimus velocitatem corporis in quolibet suæ orbitæ loco P esse ad velocitatem, qua circulariter revolveretur in eadem distantia PS, in subduplicatâ ratione ejus, quam habet rectangulum ex Pn in SY ad PS quadratum. Itaque, quum radius curvaturæ Pn æqualis sit plano ex PS in PT, applicato ad Yy; erunt eadem velocitates inter se in subduplicatâ ratione ejus, quam habet rectangulum ex SY in PT ad rectangulum ex PS in Yy: proindeque manentibus semper iisdem symbolis, si velocitates illæ dicantur V, & u; erit, ut VV ad uu, ita pdr ad rdp: & propterea ex datâ relatione, quam habet r ad p, dabitur ratio inter V, & u.

Uti si ponamus, vim centripetam gravitatis esse reciprocè proportionalem quadrato distantie PS, quotiens, qui oritur, dividendo  $p^3 dr$  per  $dp$ , erit ut  $rr$ ; adeoque si quantitas  $2c$  talis sit, ut in aliquo casu habeatur  $p^3 dr = 2crrdp$ , obtinebit æquatio ista in omni casu, eritque semper  $p^3 dr = 2crrdp$  curvæ differentialis æquatio. Quo-

cir-



circa, quum sit, ut  $pdr$  ad  $rdp$ , ita  $2cr$  ad  $pp$ ; erit ex æquali, ut  $VV$  ad  $uu$ , ita  $2cr$  ad  $pp$ ; adedque integratâ curvæ æquatione, facile erit, determinare rationem, quam habet  $V$  ad  $u$ .

Nimirum, si æquatio illa integrata det  $pp = cr$ , ita ut curva ipsa sit parabola; erit  $2cr$  ad  $pp$ , ut  $2$  ad  $1$ : proindeque  $V$  ad  $u$  erit, ut  $\sqrt{2}$  ad  $1$ . Quod, si autem integrale ejus æquationis fuerit  $app - rpp = acr$ , ita ut curva ipsa sit ellipsis; erit  $2cr$  ad  $pp$ , ut  $2a - 2r$  ad  $a$ , hoc est in minori ratione, quàm  $2$  ad  $1$ : quare  $V$  ad  $u$  minorem quoque habebit rationem, quàm  $\sqrt{2}$  ad  $1$ . Et denique, si eadem illa æquatio integrata det  $app + rpp = acr$ , ita ut curva ipsa sit hyperbola; erit  $2cr$  ad  $pp$ , ut  $2a + 2r$  ad  $a$ , hoc est in majori ratione, quàm  $2$  ad  $1$ : & propterea  $V$  ad  $u$  majorem quoque habebit rationem, quàm  $\sqrt{2}$  ad  $1$ .

Ex his itaque consequitur, quod si corpus moveatur in sectione aliquâ conicâ  $APQ$  vi centripetâ tendente ad umbilicum  $S$ , velocitas ejus in quolibet orbitæ loco  $P$  sit ad velocitatem corporis, describentis circulum in eâdem à centro virium distantia  $PS$ , ut  $\sqrt{2}$  ad  $1$ , si sectio conica fuerit parabola; in minori ratione, quàm  $\sqrt{2}$  ad  $1$ , si sectio fuerit ellipsis; & in ratione majori, quàm  $\sqrt{2}$  ad  $1$ , si sectio fuerit hy-

hyperbola . Sed , iisdem vestigiis insistendo , invenietur , quod si corpus in spirali nauticâ deferatur , ejus velocitas in quolibet loco spiralis æqualis sit velocitati corporis in eâdem distantia circulum describentis .

Quoniam autem , quum vis centripeta est reciprocè preportionalis quadrato distantia , velocitates corporum , diversos circulos describentium sunt reciprocè in ratione subduplicatâ radiorum ; erit velocitas corporis , gyrantis circulariter in datâ qualibet distantia , ad velocitatem corporis gyrantis circulariter in distantia dimidiatâ , ut 1 . ad  $\sqrt{2}$  . Ex quo faciliè colligi potest , quod in parabolâ velocitas corporis ubique æqualis sit velocitati corporis revolventis in circulo ad dimidiam distantiam , in ellipsi minor , in hyperbolâ major .

Quæcumque verò sit sectio conica , ad quam refertur æquatio differentialis  $p^3 dr = 2crrdp$  , illud ex iis , quæ paulò ante dicta sunt , perspicuum est , quantitatem  $2c$  esse dimidium lateris recti principalis ipsius conicæ sectionis . Unde , quum sit , ut  $VV$  ad  $uu$  , ita  $2cr$  ad  $pp$  ; patet , velocitatem corporis , gyrantis in qualibet sectione conicâ , vi ad umbilicum tendente , esse ad velocitatem corporis , gyrantis in circulo in eâdem à centro virium distantia , ut est media proportionalis inter distantiam illam communem ,

nem, & semissem lateris recti principalis ad perpendicularum, quod ex centro virium in tangentem sectionis demittitur.

Patet, etiam, quod si velocitas corporis, gyrantis circulariter circa centrum virium  $S$  in distantia, quæ adæquet dimidium lateris recti principalis, hoc est  $2c$ , dicatur  $W$ ; sit, ut  $V$  ad  $W$ , ita  $2c$  ad  $p$ . Nam, ob vim centripetam, reciproçè proportionalem quadrato distantia, erit ut  $u$  ad  $W$ , ita  $\sqrt{2c}$  ad  $\sqrt{r}$ , sive etiam, ita  $2c$  ad  $\sqrt{2cr}$ . Est autem, ut  $V$  ad  $u$ , ita  $\sqrt{2cr}$  ad  $p$ . Quare erit ex æquo perturbando, ut  $V$  ad  $W$ , ita  $2c$  ad  $p$ ; hoc est, ut velocitas corporis, gyrantis in sectione conicâ, ad velocitatem corporis, gyrantis circulariter in distantia, quæ adæquet semissem lateris recti principalis, ut est distantia ista ad perpendicularum, ex umbilico in tangentem sectionis demissum.

Ex quo liquet ulterius, velocitatem corporis, quod movetur in sectione conicâ, vi ad umbilicum tendente, æstimari posse ubique per velocitatem corporis, gyrantis circulariter in distantia, semissem lateris recti principalis adæquante, ductam in exponentem rationis, quam habet ipsum latus rectum principale ad perpendicularum, ex umbilico in tangentem sectionis demissum. Unde, quia velocitas corporis, gyrantis in circulo, cujus radius semissem lateris recti principa-

lis adæquat, ob vim centripetam, reciprocè proportionalem quadrato distantiae, exponi potest reciprocè per radicem quadratam ejusdem lateris recti; fiet eadem velocitas corporis, in sectione conicâ moti, ut radix quadratâ lateris recti principalis directè, & perpendicularum ex umbilico in tangentem sectionis demissum inversè.

Sunt igitur velocitates corporum, quæ in sectionibus conicis vi ad umbilicum tendente revolvuntur, in ratione compositâ ex subduplicatâ laterum rectorum principalium directâ, & ex simplici perpendicularorum inversâ; aded, ut subductâ perpendicularorum ratione simplici, fient latera rectora principalia in ratione compositâ ex duplicatâ perpendicularorum, & duplicatâ velocitatum. Ex quo sequitur, velocitates corporum in maximis, & minimis ab umbilico communi distantibus esse in ratione compositâ ex subduplicatâ laterum rectorum principalium directâ, & ex simplici distantiarum inversâ; quandoquidem perpendiculara jam sunt ipsæ distantiae. Nec reticebimus, quod in eadem sectione conicâ, vel etiam in sectionibus conicis diversis, quarum latera principalia sunt æqualia, velocitas corporis ubique sit reciprocè, ut perpendicularum, demissum ab umbilico in tangentem sectionis.

Sed

Sed circa rationem, quæ est inter velocitatem corporis, gyrantis in sectione conicâ, vi ad umbilicum unum tendente, & velocitatem corporis, gyrantis circulariter in eâdem à centro virium distantia, illud etiam theorema præteriri non debet, quod ratio ista in ellipsi, & hyperbolâ æqualis sit rationi subduplicatæ, quam habet distantia corporis ab umbilico altero duplicata ad figuræ axem transversum. Ut enim superius vidimus, hæc ratio in ellipsi est, ut  $\sqrt{2a - 2r}$  ad  $\sqrt{a}$ ; in hyperbolâ verò, ut  $\sqrt{2a + 2r}$  ad  $\sqrt{a}$ : & profectò, sicuti tam in ellipsi, quàm in hyperbolâ  $a$  designat longitudinem axis transversi; ita, per vulgatam umbilicorum proprietatem, distantia corporis ab umbilico altero duplicata in ellipsi est  $2a - 2r$ , in hyperbolâ verò est  $2a + 2r$ .

Atque hoc theorema obtinet etiam in parabolâ, in quam utique ellipsis migrare potest, umbilico altero in infinitum abeunte. Nam, ob infinitam alterius umbilici distantiam, fit distantia corporis ab eo æqualis longitudini axis transversi, adeoque velocitas corporis, gyrantis in parabolâ, vi ad umbilicum tendente, erit ad velocitatem corporis, gyrantis circulariter in eâdem à centro virium distantia, ut radix numeri binarii ad unitatem, hoc est, ut  $\sqrt{2}$  ad 1;

L 1 2

quod

quod verum esse jam superius à Nobis ostensum fuit.

FIG.  
127.

Hujus autem theorematis beneficio, haud difficile modò erit in hypothefi gravitatis, reciprochè proportionalis quadrato distantiae, determinare rationem, quam habet velocitas corporis rectà descendantis ad velocitatem corporis, gyrantis circulariter in eadem à centro virium distantia. Descendat etenim corpus aliquod ad centrum virium S rectà per AS, urgente vi centripetâ, reciprochè proportionali quadrato distantiae. Dico, velocitatem corporis in loco quolibet C esse ad velocitatem corporis, gyrantis circulariter in eadem à centro virium distantia CS, in subduplicatâ ratione ejus, quam habet duplum ipsius AC ad AS, atque adè in minori ratione, quàm  $\sqrt{2}$  ad 1.

Nam, confiderando rectam ACS velut ellipsum, cujus umbilici accefferunt ad vertexes A, & S, per ostensum theorema erit velocitas corporis in quolibet loco C ad velocitatem corporis, gyrantis circulariter in distantia CS, in subduplicatâ ratione ejus, quam habet distantia corporis ab umbilico altero duplicata ad axem transversum ellipseos. Quocirca, quum axis transversus ellipseos sit ipsa AS, & distantia corporis ab umbilico altero duplicata sit duplum ipsius AC, liquet utique propositum.

Quod,

Quod, si punctum A abeat in infinitum, ita ut corpus descendat ex infinitâ distantia, æquales fient rectæ AC, AS; adeoque velocitas corporis in loco C erit ad velocitatem corporis gyrantis circulariter in eâdem distantia CS, ut est  $\sqrt{2}$  ad 1 id, quod exinde etiam liquere potest, quia puncto A in infinitum abeunte, recta ACS considerari debet, non tam velut ellipsis, quam velut parabola, cujus latus rectum evanuit, umbilicusque adeo ad verticem accessit.

At verò, si punctum A abeat ad partem oppositam respectu puncti S, ad quod tendit vis centripeta, nimirum in a, ita ut corpus descendat ex distantia plusquam infinitâ; tunc velocitas corporis in loco C erit ad velocitatem corporis, quod in circulo revolvitur in eâdem distantia CS, in duplicatâ ratione ejus, quam habet duplum ipsius aC ad aS, atque adeo in majori ratione, quam  $\sqrt{2}$  ad 1. Quod exinde itidem colligi potest, quia puncto A ad partem alteram abeunte, scilicet in a, recta aCS considerari debeat velut hyperbola, cujus umbilici accesserunt ad ipsos vertices S, &c.

Nec silentio præteribimus hoc loco, quod in eâdem hypothese gravitatis, corporis ex dato loco A rectâ cadentis versus centrum virium S tempus descensus comparari possit cum

tempore, quo revolveretur circulariter circa idem centrum virium  $S$ . Describatur etenim super  $AS$  semicirculus  $ADS$ , tpm sectâ eâdem  $AS$  bifariam in  $O$ , & descripto centro  $S$ , intervallo  $SO$  semicirculo alio  $OKH$ , constituatur sector  $OSK$  æqualis areæ  $ASDA$ . Dico, quod corpus cadendo describet spatium  $AC$  eodem tempore, quo uniformiter gyrando describet arcum  $OK$ .

Etenim in hac hypothefi gravitatis per ea, quæ superius ostensa sunt, tempora revolutionum in ellipsis sunt in sesquiplacatâ ratione axiû majorum; adebq; æqualia, quum ellipsium axes majores sunt æquales. Itaque, quia recta  $AS$  considerari potest velut semiellipsis, cujus umbilici ad vertices accesserunt, & semicirculus  $OKH$  tamquam semiellipsis, cujus umbilici accesserunt ad centrum; erit tempus descensus per  $AS$  æquale tempori revolutionis per semicirculum  $OKH$ .

Jam verò ex superius ostensis tempus descensus per  $AS$  est ad tempus descensus per  $AC$ , ut semicirculus  $ADS$  ad aream  $ASDA$ , itemque tempus revolutionis per  $OKH$  est ad tempus revolutionis per  $OK$ , ut semicirculus  $OKH$  ad sectorem  $OSK$ , hoc est ut semicirculus  $ADS$  ad aream  $ASDA$ . Quare erit ex æquali, ut tempus descensus per  $AS$  ad tempus descensus per  $AC$ , ita tempus revo-

lu-



lutionis per  $OKH$  ad tempus revolutionis per  $OK$  : & propterea, quemadmodum tempus descensus per  $AS$  æquale est tempori revolutionis per  $OKH$ , ita erit tempus descensus per  $AC$  æquale tempori revolutionis per  $OK$ .

Hinc autem sequitur vicissim, quod si corpus descendat per  $AC$  eodem tempore, quo aliud uniformiter revolveretur per  $OK$ , sector  $OSK$  æqualis sit areæ  $ASDA$ ; pariterque quod si idem corpus velocitate acquisitâ in  $C$  pergat moveri usque ad centrum virium  $S$  per rectam  $CS$ , interea ac aliud uniformi cum motu describeret arcum  $HK$ , sector  $HSK$  æqualis sit areæ  $DSE$ . Et quoniam id verum est, ubicumque caplatur punctum  $A$ , ex quo initium habet motus corporis; obtinebit etiam, quum punctum illud  $A$ , vel abit in infinitum, vel etiam ad partem oppositam in  $a$ .

Et quidem, quum punctum  $A$  abit ad partem oppositam in  $a$ , circulus  $ADS$  sic hyperbola æquilatera: ex quo patet, quod si corpus descendat ex  $a$ , hoc est ex distantia plusquam infinitâ, in loco  $C$  talem acquirat velocitatem, ut si velocitate illâ pergat moveri usque ad centrum virium  $S$ , area  $DSE$  illius hyperbolæ æquilateræ æqualis sit sectori, quem corpus radio, dimidium recti lateris  $Sa$  æquante, circa centrum  $S$

uniformiter gyrando, eodem tempore describere potest.

Quod si punctum illud  $A$  habeat in infinitum, circulus  $ADS$  fiet parabola, cujus latus rectum est infinitum. Unde liquet, quod si corpus descendat ex infinita distantia, in loco  $C$  talem nanciscatur velocitatem, ut si eam pergat moveri usque ad centrum virium  $S$ , area  $DSE$  illius parabolæ æqualis sit etiam sectori, quem corpus eodem tempore describere potest, gyrando uniformiter circa centrum virium  $S$  radio, æquante dimidium recti lateris illius parabolæ.

Jam, datâ  $CS$ , area  $DSE$  ejus parabolæ est, ut ordinata  $CD$ , hoc est in subduplicatâ ratione lateris recti; datoque tempore descriptionis, sector ille, cui æqualis est area  $DSE$ , est ut velocitas, quâ describitur directè, & radius sectoris inversè, adeoque etiam in subduplicatâ ratione lateris recti. Quocirca, si latus rectum illius parabolæ ed usque minuatur, donec finitum evadat; quia, tamen area  $DSE$ , quàm sector prædictus minuuntur in ratione illâ subduplicatâ, manebunt adhuc æquales inter se.

Ex quibus modò facile erit, corporis de loco dato sursum, vel deorsum projecti definire tempora ascensus, vel descensus, quum urgetur vi centripetâ reciprocè proportiona-

li quadrato distantiae. Exeat enim corpus de loco dato C secundum rectam ACS cum velocitate quacumque. In duplicata ratione hujus velocitatis ad uniformem illam, qua corpus revolveretur circulariter in distantia CS; cape duplum ipsius AC ad AS; jamque si ratio illa minor sit, quam 2 ad 1, punctum A reperietur supra punctum S in distantia finita; quod si verò ratio illa æqualis fuerit ei, quam habet 2 ad 1, abibit punctum A in infinitum; & denique, si eadem illa ratio major sit, quam 2 ad 1, reperietur punctum A infra centrum virium S, puta in a.

Priori casu describatur super AS semicirculus ADS; secundo casu vertice S, & axe SC describatur latere quovis recto parabola SED; & denique in tertio casu describenda est hyperbola æquilatera SED latere transverso Sa. Tum centro S, intervallo æquante dimidium lateris recti figuræ descriptæ describatur in omni casu circulus OKH. Et siquidem ad corporis ascendantis, vel descendantis loca duo quævis C, & G erigantur perpendiculara CD, GE, quæ secent descriptam figuram in D, & F; junctisque DS, FS, fiant arcus DSED, FSEF æquales sectores HSK, HSI; corpus projectum describet spatium CG eodem tempore, quo describere posset arcum KI.

Cæterum, priusquam huic capiti finem

imponamus, non abs re erit, paulisper contemplari conatum centrifugum, ex circulari corporum motu oriundum. Dictum est non unâ vice, vi centripetâ detorqueri corpus de tangente in orbem, atque aded cohiberi, ne conatu centrifugo abeat per tangentem. Itaque vis centripeta, & vis centrifuga, tum in circulo, cum in alio quovis orbe, non secus ac actio, & reactio, inter se æquales erunt, & contrariæ: proindeque quæcumque de vi centripetâ ostensa sunt, poterunt etiam ad vim centrifugam, siue conatum excussorium applicari.

Hinc quemadmodum in circulo vis centripeta est vel directè, ut quadratum velocitatis applicatum ad radium, vel reciprocè, ut quadratum temporis applicatum ad radium; itâ in eodem circulo vis centrifuga eandem rationem obtinebit. Quocirca, si vis centrifuga dicatur  $C$ , velocitas  $V$ , tempus  $T$ , & radius  $R$ , habebitur, &  $C = \frac{VV}{R}$ , &  $C = \frac{TT}{R}$ . Quibus equidem formulis si

hæc alia addatur  $V = \frac{R}{T}$ , quæ eruitur ex

motu æquabili; jam his mediantibus id omne poterit definiri, quod spectat ad conatum centrifugum, ex circulari corporum motu oriundum.

Quod

Quod si conatus iste centrifugus comparandus sit cum propriâ corporis gravitate, recordemur oportet ejus, quod superius ostensum est: nempe, quod si corpus æquabiliter in circulo motum dato tempore arcum aliquem describat, spatium, quod percurreret eodem tempore sola vi centripetâ, vel centrifugâ uniformiter agente, sit tertium proportionale circuli diametro, & arcui prædicto. Hinc enim sequitur, quod si iisdem ut supra manentibus dicatur  $A$  altitudo, ex qua cadendo gravitate  $G$ , quam non variabilem, sed uniformem in præsentiarum consideramus, acquiritur velocitas  $V$ ; sit ut  $C$  ad  $G$ , ita  $2A$  ad  $R$ .

Nam, ob motum æquabilem corporis in circulo, velocitate acquisitâ in descensu per altitudinem  $A$ , describetur æquali tempore arcus duplus ipsius  $A$ ; adeoque spatium, quod percurreret corpus eodem tempore, solâ vi centrifugâ, uniformiter agente, prodibit dividendo  $4AA$  per  $2R$ , sive etiam  $2AA$  per  $R$ . Unde, quum causæ proportionales sint effectibus, quos eodem tempore producant, erit ut quotiens hujus divisionis ad  $A$ , hoc est ut  $2AA$  ad  $AR$ , sive etiam ut  $2A$  ad  $R$ , ita  $C$  ad  $G$ . Est igitur conatus centrifugus ad gravitatem, ut duplum altitudinis  $A$  ad radium: Unde, si altitudo  $A$  aequet quartam partem diametri, conatus

tus

tus centrifugus æqualis erit gravitati.

FIG.  
328.

Moveri potest corpus circulariter circa conum aliquem, nimirum, quum suspenditur per filum, quod motu suo superficiem conicam describat. Sit itaq; filum  $AM$ , quod moveatur motu conico circa axem  $AD$  erectum horizonti, ita ut pondus  $M$ , quod extremitate suâ gerit, describat circumferentiam circuli  $MQR$ . Designet  $AC$  vim retinentem filum  $AM$  sub angulo  $DAM$ , jamque demisso ad axem  $AD$  perpendiculo  $CB$ , resolvatur vis illa in duas alias laterales  $AB, CB$ ; nec dubium esse potest, quin prior  $AB$  sit illa, quæ oritur ex gravitate corporis  $M$ ; & altera  $CB$  ea, quæ provenit à motu circulari circa punctum  $D$ . Quare, iisdem ut supra symbolis manentibus, erit  $AB = G$ , &  $CB = C$ . Est autem, ut  $AB$  ad  $CB$ , ita  $AD$  ad  $MD$ . Itaque positis  $AD = B$ , &  $MD = R$ ; erit ut  $C$  ad  $G$ , ita  $R$  ad  $B$ , hoc est, ut conatus centrifugus ad gravitatem, ita radius ad altitudinem coni.

Sed tempora circuitus in hoc motu conico possunt etiam inter se mutuo conferri. Nam, quum sit, ut  $C$  ad  $G$ , ita  $R$  ad  $B$ ; data gravitate  $G$ , erit coni altitudo, ut radius directè, & conatus centrifugus inversè. Est autem conatus centrifugus reciprocè, ut quadratum temporis applicatum ad radium; adeoque ratio directà radii, & in ver-

sa conatus centrifugi componunt rationem temporis duplicatam. Itaque erit ex aequali coni altitudo in duplicatâ temporis ratione, & propterea in motu conico tempora circuitus erunt in subduplicatâ ratione ejus, quam habent conorum altitudines. Hisce autem principiis insistendo, facile erit ostendere omnia Hugeniana theorematâ circa motum conicum pendulorum, & superfluum existimo, hisce diutiùs immorari.

## C A P . VI.

*De motu projectorum in orbibus mobilibus;  
ubi de motu Apfidum.*

**H**Uc usque consideravimus motum projectorum in orbibus immobilibus; sed fieri quoque potest, ut moveantur corpora projecta in orbibus, qui circa centrum virium revolvuntur. Id cernere licet in motibus planetarum secundariorum. Nam, quum ii urgeantur non modò viribus proprijs, ad suos primarios tendentibus, verùm etiam viribus illis, quibus & ipsi primarii urgentur versùs solem; fit hinc, ut cujusque motus, ob duplicem istam tendentiam, subinde perturbetur, ut loco ellipseos immotæ describat ellipsim, cujus axis angulari motu circa primarii centrum prorsum,

sum, vel retrorsum movetur.

FIG.  
129.

De motu itaque projectorum in orbibus mobilibus acturi, illud primò considerabimus, quod semel ac corpus describit orbem  $APQ$ , qui eodem tempore revolvitur circa centrum virium  $C$ , duplicem illud motum habeat, eum nempe, quo incedit in orbe suo, tum etiam motum ipsius orbis. Ex duplici autem hoc motu, liquet compositum iri motum secundum lineam curvam  $Apq$ ; proindeque perinde erit, si corpus in curvæ hujus perimetro immobili moveatur, quàm si incederet in orbe mobili  $APQ$ .

Neque verò difficile erit definire naturam alterius hujus curvæ  $Apq$ . Si enim fuerit  $Cp$  æqualis  $CP$ , describetur arcus  $Ap$  eodem tempore motu composito, quo describitur solo corporis motu arcus  $AP$ . Unde, quia ex theoremate Newtoniano, superius à Nobis ostenso, proportionalis est tempori, tam area  $ACP$ , quàm area  $ACp$ ; dabitur ratio, quàm habet area  $ACP$  ad aream  $ACp$ ; & propterea curvæ  $Apq$  accidens præcipuum hoc erit, ut si centro  $C$  describatur arcus  $Pp$ , secans tam curvam  $APQ$  in  $P$ , quàm curvam  $Apq$  in  $p$ , area  $ACP$  datam habeat rationem ad aream  $ACp$ .

Sed angulus  $ACP$  proportionalis etiam est angulo  $ACp$ . Nam si describatur alter arcus  $Qq$  priori  $Pp$  concentricus, & indefinitè

- pro-



proximus ; dabitur ratio inter areolas  $PCQ$ ,  $pCq$ . Sed ratio harum areolarum eadem est, quæ arcum  $QT$ ,  $qt$ , sive etiam angulorum  $PCQ$ ,  $pCq$ ; quum sint æquales rectæ  $CP$ ,  $Cp$ . Itaque data etiam erit ratio, quam habet angulus  $PCQ$  ad angulum  $pCq$ ; & propterea, componendo, dabitur quoque ratio inter angulum  $ACP$ , & angulum  $ACp$ .

Hinc siquidem efficiendum sit, ut corpus in orbe  $apb$  revolvente circa centrum virium  $C$  perinde moveri possit, ac corpus aliud in eodem orbe  $APB$  quiescente, ita nempe, ut dum istud in orbe quiescente  $APB$  describit arcum  $AP$ , illud percurrat arcum similem, & æqualem  $ap$  in orbe revolvente  $apb$ ; facile cum Celeberrimo Newtono solvetur problema, agendo semper per centrum  $C$  in plano orbis quiescentis rectam  $Cp$ , quæ ipsi  $CP$  æqualis, efficiat angulum  $ACp$  proportionalem angulo  $ACP$ ; ita, ut area, quam  $Cp$  motu angulari circa  $C$  sic lata describit, proportionalis sit areæ, quam describit  $CP$ .

Sit enim  $Apqr$  curva, quam punctum  $p$  modo jam exposito motum contingit. Et quoniam unâ cum  $P$  revolvitur corpus, quod urgetur à vi centripetâ, tendente ad centrum  $C$ ; per theorema Newtonianum erit area  $ACP$  tempori proportionalis. Quare, quum area  $ACp$  proportionalis sit areæ

$ACP$

ACP, area ACp etiam tempore proportionalis erit. Consistit autem hæc area in plano immoto, scilicet in eodem plano orbis quiescentis APB. Itaque poterit corpus, cogente justæ quantitatis vi centripetæ, revolvi unà cum puncto *p* in curvâ Apqr, quam punctum *p* describit.

Jam curva ista Apqr datur, utpote genita ex curvâ APB modo dato, & constanti. Quare per formulas superius traditas nihil prohibet, quominus inveniatur lex vis centripetæ, qua corpus revolvi possit in curvâ Apqr. Et quoniam, si fiat angulus ACa æqualis angulo PCp, rectæque Ca rectæ CA æqualis, figura, quæ describitur super Ca, similis, & æqualis ipsi ACP, terminatur ad rectam Cp subinde quidem, ut punctum *p* sit in perimetro ipsius figuræ, perspicuum est, quod describendo corpus, unà cum puncto *p*, curvam immotam Apqr, describat etiam perimetrum orbis apb, revolvētis, circa centrum C, eâ lege, ut eodem tempore, quo describitur in orbe quiescente APB arcus quilibet AP, describatur in orbe revolvente APB arcus similis, & æqualis ap.

Itaque solvetur propositum problema, si descriptâ curvâ Apqr modo illo dato, & constanti, quærat per formulas superius traditas lex vis centripetæ, qua corpus in  
cur-

curvâ illâ revolvi possit. Interim, cognitâ lege vis centripetæ, quæ requiritur ad describendum orbem quiescentem APB, facile erit, legem alterius illius vis determinare, ob pulcherrimum istud theorema, Newtono similiter ferendum acceptum, quod differentia virium, quibus corpus in orbe quiescente, & corpus aliud in eodem orbe revolvente æqualiter moveri possint, sit in triplicatâ ratione communis altitudinis inversæ.

Neque verò difficile erit ostendere præclarum istud theorema. Nam, si corporum, in locis P, & p existentium, resolvantur motus singuli in binos, quorum alii versus centrum, hoc est secundum lineas PC, pC determinentur, & alii prioribus transversi sint, & secundum lineas ipsas PC, pC perpendiculares directionem habeant; in hypothesis, quod corpora P, & p æqualibus viribus versus centrum urgeantur, motus versus centrum æquales erunt, & motus transversus corporis p erit ad motum transversum corporis P, ut motus angularis lineæ pC ad motum angularem lineæ PC, hoc est ut angulus ACp ad angulum ACP, sive etiam ut angulus pCq ad angulum PCQ.

Hinc siquidem constituatur angulus pCo æqualis angulo PCQ, & demissis super CP, Cp perpendiculis QR, or, producatu or, usque donec conveniat cum Cq in s; quia to, oq

M m

non

non differunt sensibilibiter ab  $or$ ,  $os$ , atq; aded  
 $rs$  est ad  $or$ , ut angulus  $pCq$  ad angulum  $PCQ$ ,  
 sive  $pCo$ ; erit ex æquali, ut motus transversus  
 corporis  $p$  ad motum transversum corporis  
 $P$ , ita  $rs$  ad  $or$ . Unde, designatis æqualibus  
 corporum motibus versus centrum per æ-  
 quales lineolas  $pr$ ,  $PR$ , si designet  $RQ$  mo-  
 tum transversum corporis  $P$ , designabit  $rs$   
 motum transversum corporis  $p$ : ex quo fiet,  
 ut eodem tempore, quo corpus  $P$  motu suo  
 utroque pervenit ad punctum  $Q$ , corpus  
 alterum  $p$  per compositionem utriusque sui  
 motus reperiatur in  $s$ .

Jam corpus  $p$  tempore illo reperitur in  $q$ .  
 Unde consequens est, ut falsa sit positio, quod  
 corpora  $P$ , &  $p$  æqualibus viribus versus cẽ-  
 trum urgentur. Urgentur itaq; corpora vi-  
 ribus inæqualibus, eritque differentia illa-  
 rum virium in dato tempore, ut lineola  
 $sq$ . Est autem, propter circulum, lineola  
 ista  $sq$  æqualis quotienti, qui oritur, divi-  
 dendo  $rs^2 - ro^2$  per compositam ex  $Cs$ ,  
 &  $Cq$ , hoc est æqualis quotienti, qui  
 nascitur, dividendo  $tq^2 - to^2$  per duplum  
 ipsius  $Cq$ . Itaque eadem virium differen-  
 tia in dato tempore erit, ut  $tq^2 - to^2$  di-  
 rectè, &  $Cq$ , sive  $Cp$  inversè.

Et quoniam, ob datum tempus, datur  
 tum area  $PCQ$ , cum area  $pCq$ ; fiet tam  $tq^2$ ,  
 quàm  $QT^2$ , sive  $to^2$  reciprocè proportionalis  
 ipsi

ipsi  $Cp^2$  ; unde eidem  $Cp^2$  reciprocè etiam proportionalis erit  $tq^2 - to^2$  ; adedque quantitas , quæ est , ut  $tq^2 - to^2$  directè , &  $Cp$  inversè , erit reciprocè , ut cubus ipsius  $Cp$  . Quare differentia virium , quibus corpus  $P$  in orbe quiescente  $APB$  , & corpus aliud  $p$  in eodem orbe revolvente  $apb$  æqualiter moveri possunt , erit in triplicatâ ratione communis altitudinis  $CP$  , sive  $Cp$  inversè .

Verùm , ut præclari hujus theorematis beneficio , ex datâ lege vis centripetæ , quæ requiritur ad describendum orbem quiescentem  $APB$  , inveniat lex vis centripetæ , requisita ad describendum orbem revolventem  $apb$  , sive perimetrum curvæ  $Apqr$  ; inquirendum est etiam , utra earum virium major est , ut sciatur , num præfata illa virium differentia , quæ est reciprocè ut cubus altitudinis  $CP$  , sive  $Cp$  , addi debeat , aut subtrahi ex vi corporis  $P$  , ut habeatur vis corporis  $p$  .

Etsi enim in schemate suppositum sit , corpus  $p$  majore vi urgeri versus centrum , quàm corpus alterum  $P$  , fieri tamen potest , ut urgeatur quandoque vi minore . Id indicat Newtonus in ipsâ sui theorematis demonstratione ; sed in Tyronum gratiam necesse est , ut paulò clariùs ostendatur . Itaque in hoc negotio duo casus sunt distin-

guendi. Primus erit, quum corpus à summâ apside ad imâ descendit. Alter vicissim, quum ab imâ ad summam ascendit.

In primo casu, ubi corpus à summâ apside ad imâ descendit, quum motus orbis revolventis fit in consequentiâ, hoc est in eandem plagam, versus quam dirigitur motus corporis, major semper erit vis corporis moti in orbe revolvente, quàm vis corporis moti in orbe quiescente. At verò, quum motus fit in antecedentiâ; tunc, vel regreditur velocitate maiore, quàm est dupla ejus, qua progreditur linea CP, & rursus majore vi urgetur corpus motum in orbe revolvente, quàm id, quod movetur in orbe quiescente; vel regreditur velocitate minore, & isto casu minor erit vis corporis moti in orbe revolvente, quàm ejus, quod movetur in orbe quiescente.

Omnia autem per contrarium contingent in casu secundo, ubi corpus ab imâ apside ad summam ascendit. Nam, quum orbis revolvitur in consequentiâ, minor semper erit vis corporis moti in orbe revolvente, quàm vis corporis moti in orbe quiescente. Quotiescumque verò orbis revolvitur in consequentiâ; tum, vel regreditur velocitate maiore, quàm est dupla ejus, qua progreditur linea CP, & rursus minore vi urgetur corpus motum in orbe revolvente, quàm

quàm id, quod movetur in orbe quiescente; vel regreditur velocitate minore, & isto casu major erit vis corporis moti in orbe revolvente, quàm ejus, quod movetur in orbe quiescente.

Hæc omnia sigillatim ostendere, superfluum duco. Tantum indicabo fontes, unde eorum demonstrationes sunt repetendæ. Nimirum primò erit major vis corporis, moti in orbe revolvente, quàm ejus, quod movetur in orbe quiescente; quotiescumque angulus  $ACp$  major est angulo  $ACP$ . Isto etenim casu, quoniam angulus  $pCq$  major etiam est angulo  $PCQ$ , fiet hinc, ut si constitutur angulus  $pCo$  æqualis angulo  $PCQ$ , & producat  $or$  usque donec conveniat cum  $Cq$  in  $f$ , reperiri debeat corpus motum in orbe revolvente in puncto  $f$  eodem tempore, quo corpus aliud motum in orbe quiescente pervenit ad  $Q$ , si utique æqualibus viribus versus centrum urgeretur. Unde, quum illud reperiatur in  $q$  eodem tempore, quo istud pervenit ad  $Q$ , atque adeo magis accedat ad centrum; consequens est, ut major vis centripeta in illo existat, quàm in isto.

Secundò erit minor vis corporis, moti in orbe revolvente, quàm ejus, quod movetur in orbe quiescente, quum vicissim angulus  $ACp$  minor est angulo  $ACP$ . Nam hoc alio

casu, quoniam angulus  $pCq$  minor est etiam angulo  $PCQ$ , constituto per contrarium ad rectam lineam  $CP$ , atque ad datum in eâ punctum  $C$  angulo, qui sit æqualis angulo  $pCq$ , peractisque in figurâ  $PCQ$ , quæ in priori casu fiebant in figurâ  $pCq$ ; invenietur eodem ratiocinio non posse corpus motum in orbe quiescente reperiri in puncto  $Q$  eodem tempore, quo corpus aliud, motum in orbe revolvente pervenit ad punctum  $q$ , nisi major ei vis centripeta insit.

Ex quibus sponte suâ sequitur tertio, vim corporis moti in orbe revolvente adæquare vim ejus, quod movetur in orbe quiescente, quum angulus  $ACP$  æqualis est angulo  $ACP$ , & consequenter angulus  $pCq$  æqualis angulo  $PCQ$ . Id autem fieri non potest, quum orbis revolvitur in consequentiâ, quia in isto casu angulus  $ACP$  major semper est angulo  $ACP$ ; sed tantum continget, quum orbis fertur in antecedentiâ, & regreditur eâ cum velocitate, quæ sit dupla ejus, qua progreditur recta  $CP$ . Nec mirum, quia in isto casu curva  $Apqr$  abit ad partem alteram respectu axis  $AB$ , sitque ipsi  $APB$  similis, & æqualis.

Itaque, si major sit vis corporis, moti in orbe revolvente, si major vis ejus, quod movetur in orbe quiescente, semper differ-

ren-



rentia earum virium erit reciproce, ut cubus communis altitudinis. Sed eadem illa virium differentia in locis  $P$ , &  $p$ , vel  $Q$ , &  $q$  poterit etiam conferri cum vi, qua corpus motu circulari revolvi possit à  $T$  ad  $Q$  eodem tempore, quo corpus  $P$  in orbe immobili describit arcum  $PQ$ . Nam, quemadmodum effectus differentie illarum virium est recta  $sq$ , hoc est quotiens, qui oritur, dividendo  $tq^2 - to^2$  per duplum recte  $Cq$ ; ita effectus, qui gignitur à vi, requisita ad prædictum motum circularem, est sinus versus arcus  $TQ$ , sive  $to$ ; hoc est quotiens, qui oritur, dividendo  $to$  quadratum per duplum ejusdem  $Cq$ . Unde differentia illa virium ad vim istam alteram erit, ut  $tq^2 - to^2$  ad  $to^2$ , hoc est ut  $gg - ff$  ad  $ff$ , si fuerit ut  $f$  ad  $g$ , ita angulus  $ACP$  ad angulum  $ACp$ .

Atque hinc modò, si orbis  $APB$  sit ellipsis, cujus  $C$  sit umbilicus unus, &  $2l$  latus rectum principale, ponaturque  $CP$ , sive  $Cp = a$ ; erit vis centripeta, qua corpus in ellipsi mobili  $apb$  revolvi potest, in omni loco  $p$ , ut  $aff + lgg - lff$  directe, &  $a^3$  inverse. Nam vis, qua corpus in ellipsi immobili  $APB$  revolvitur, in omni loco  $P$  est reciproce, ut quadratum distantie  $CP$ ; adedque est, ut  $ff$  directe, &  $aa$  inverse, inque apside  $A$ , ut  $ff$  directe, &  $AC^2$  inverse. Vis

autem, qua corpus in circulo ad distantiam AC eâ cum velocitate revolvi posset, quam corpus in ellipsi revolvens habet in A (ut ostensum est in capite antecedenti) est ad vim, quam corpus in ellipsi motum habet in A, ut dimidium lateris recti principalis 2<sup>a</sup> ad AC. Quare erit vis illa, ad prædictum motum circula rem requisita, ut  $lff$  directè, &  $AC^3$  inversè.

Et quoniam differentia virium in A, & a, ut mox ostensum est, est ad vim requisitam ad prædictum motum circula rem; ut  $gg - ff$  ad  $ff$ ; erit differentia illa virium in locis A, & a, ut  $lgg - lff$  directè, &  $AC^3$  inversè. Demonstravimus autem, differentiam virium in locis A, & a esse ad differentiam virium in locis P, & p, ut est  $CP^3$ , sive  $a^3$  ad  $AC^3$ . Itaque erit differentia virium in locis P, & p, ut  $lgg - lff$  directè, &  $a^3$  inversè. Quocirca, si ad vim, quæ est ut  $ff$  directè, &  $aa$  inversè, hoc est, ut  $aff$  directè, &  $a^3$  inversè, addatur vis, quæ est, ut  $lgg - lff$  directè, &  $a^3$  inversè; oriatur vis, quæ erit, ut  $aff + lgg - lff$  directè, &  $a^3$  inversè, eaque erit illa, qua corpus in ellipsi mobili  $apb$  habet in loco p.

Sed monitum Lectorem hoc loco velim, quod etsi determinatio concepta videatur in eo casu, ubi major est vis corporis moti in orbe revolvente  $apb$ , quàm ejus, quod mo-

ve-

vetur in orbe quiescente  $APB$ , eadem tamen locum habeat etiam in casu contrario; ut hinc generaliter verum sit, vim centripetam; qua corpus revolvitur in ellipsi mobili  $apb$ , esse in omni loco  $p$ , ut est  $aff \mp lgg - lff$  directè, &  $a^3$  inversè. Cujus rei ratio exinde repetenda est, quia quum per contrarium major est vis corporis moti in orbe quiescente, quàm ejus, quod movetur in orbe revolvente, angulus  $ACP$  minor est angulo  $ACP$ ; adedque  $lgg - lff$ , utpote quantitas negativa, non auget, sed minuit valorem ipsius  $aff$ .

Jam, si supponamus orbem ellipticum  $apb$  esse circulo valde finitimum, haud difficile modò erit ex datâ lege vis centripetæ determinare motum apsidum, hoc est rationem, quam habet  $f$  ad  $g$ , sive angulus  $ACP$  ad angulum  $ACP$ . Poterit namque problema resolvi, faciendo, ut orbis  $Apqr$ , quem corpus in ellipsi revolvente motum describit, accedat ad formam orbis, cujus apsidæ requiruntur, & inveniendò apsidæ orbis sic descripti. Quum enim orbés ad eandem accedant formam, quotiescumque vires centripetæ, quibus describuntur, in æqualibus à centro distantiiis proportionales sunt; determinabitur ratio inter  $f$ , &  $g$ , hoc est motus apsidum quæsitus, conferendo terminos, exprimentes datam legem vis centri-

tripetæ, cum iis, quibus eadem vis centripeta generaliter paulò ante determinata est.

Verum, ut hæc collatio appositè fiat, vocetur  $t$  maxima altitudo, sive distantia AC, &  $x$  differentia ipsarum AC, & CP: ita, ut  $a$ , quæ repræsentat distantiam indeterminatam CP, sit  $t - x$ ; & vis, quam in ellipsi mobili  $apb$  habet corpus in loco  $p$ , sit ut  $tff - xff + lgg - lff$  directè, &  $a^3$  inversè, hoc est ut fractio, quæ habet  $tff - xff + lgg - lff$  pro numeratore, &  $a^3$  pro denominatore. Sic enim satis erit, valorem datæ vis centripetæ reducere ad similem fractionem, hoc est ad talem, quæ habeat similiter  $a^3$  pro suo denominatore, & tantum conferre inter se mutuo terminos numeratorum, nempe datos cum datis, & ignotos cum ignotis.

Rem uno, aut altero exemplo illustremus. Ponamus, vim centripetam uniformem esse, adedque proportionalem quotienti, qui oritur, dividendo  $a^3$ , sive  $t^3 - 3tx + 3txx - x^3$  per  $a^3$ . Conferendi sunt igitur termini istius quantitatis  $t^3 - 3tx + 3txx - x^3$  cum terminis hujus  $tff - xff + lgg - lff$ , hoc est  $t^3$  cum  $tff + lgg - lff$ , &  $3tx - 3txx + x^3$  cum  $xff$ . Erit itaque, ut  $t^3$  ad  $tff + lgg - lff$ , ita  $3tt - 3tx + xx$  ad  $ff$ . Jam verò, ob orbem ellipticum circulo quammaximè finitimū, æquales sunt sèrè  $t$ , &  $l$ ,

&  $t$ , itemque  $x$  negligi potest. Quare erit, ut  $t$  ad  $l g g$ , ita  $3 t$  ad  $f f$ , hoc est ut  $t$  ad  $g g$ , ita  $3 t$  ad  $f f$ : unde fiet, ut  $f$  ad  $g$ , hoc est ut angulus  $ACP$  ad angulum  $ACp$ , ita  $\sqrt{3}$  ad  $1$ : proindeque corpus, quod cum vi centripetâ uniformi revolvitur in orbe propemodum circulari, inter apsidem summam, & apsidem imam conficiet angulum, qui erit ad duos rectos, ut  $1$  ad  $\sqrt{3}$ .

Ponamus secundò, vim centripetam esse reciprocè, ut  $a^2$ , adeòque proportionalem quotienti, qui oritur dividendo  $a$ , sive  $t - x$  per  $a^2$ . Conferendi sunt itaque termini istius quantitatis  $t - x$  cum terminis hujus  $t f f - x f f + l g g - l f f$ , hoc est  $t$  cum  $t f f + l g g - l f f$ , &  $x$  cum  $x f f$ . Erit itaque, ut  $t$  ad  $t f f + l g g - l f f$ , ita  $1$  ad  $f f$ ; hoc est, propter orbem ellipticum propemodum circularem, ut  $t$  ad  $l g g$ , ita  $1$  ad  $f f$ ; sive etiam, ut  $1$  ad  $g g$ , ita  $1$  ad  $f f$ . Unde fiet  $f$  ad  $g$ , hoc est angulus  $ACP$  ad angulum  $ACp$  in ratione æqualitatis: id, quod ostendit, non posse corpus urgeri vi centripetâ reciprocè proportionali quadrato distantie, nisi vel ipse orbis quiescat, vel etiam regrediatur cum velocitate duplâ ejus, qua progreditur recta corpus deferens.

Sed generaliter, si ponamus vim centripetam proportionalem esse  $a^n$ , hoc est potestati ipsius distantie  $a$ , cujus exponentis sit  
nu-

numerus  $n$ , five integer, five fractus, five positivus, five negativus; invenietur redu-  
cendo  $a^n$ , five  $r - x^n$  ad seriem infinitam,  
esse, ut  $f$  ad  $g$ , hoc est, ut angulus  $ACP$  ad  
angulum  $ACp$ , ita  $\sqrt[n]{n+3}$  ad 1: & propterea  
inter apsidem summam, & apsidem imam  
conficiet corpus angulum, qui sit ad duos  
rectos in subduplicatâ ratione ejus, quam  
habet 1 ad  $n+3$ . Unde si vis centripeta  
fuerit reciprocè proportionalis cubo distan-  
tiæ, quia  $n$  fit  $-3$ , atque adeò  $n+3$  idem  
est, ac zero; perficiet corpus revolutiones  
infinitas, donec ab apside summa perveniat  
ad apsidem imam.

Hinc vicissim ex dato motu apsidum col-  
ligere licet legem vis centripetæ. Sic motus  
lunaris apogei singulis revolutionibus est  
graduum trium, & minutorum trium in  
consequentia. Unde, calculo inito, inve-  
nietur, quod si distantia lunæ à centro ter-  
ræ sit ad semidiametrum telluris, ut  $d$  ad 1,  
vis, à qua motus talis oriatur, sit reciprocè

ut ea potestas ipsius  $d$ , cujus index est  $\frac{490}{243}$ ,

hoc est in ratione distantiae paulò majore,  
quàm duplicatâ inversè, sed quæ partibus

3  
59 — propiùs ad duplicatam, quàm tripli-  
ca-

catam accedit. Hinc ex ipso motu lunaris apogei colligi potest, vim, qua luna retinetur in orbe suo, esse reciprocè, ut quadratum distantiae locorum ab ipsius centro. Nam excessus ille supra duplicatam oritur ab actione solis; proindeque, neglectâ solis actione, vis reliqua, qua luna retinetur in orbe, erit reciprocè, ut  $d^2$ .

Hæc methodus determinandi motum apsidum, hoc est rationem, quam habet  $f$  ad  $g$ , sive angulus  $ACP$  ad angulum  $ACp$ , per comparationem terminorum, exprimentium datam legem vis centripetæ, cum viis, quibus eandem vim centripetam generaliter designavimus, debetur Viro summo, numquam satis laudando, Isaaco Newtono. Sed nolim hîc silentio præterire methodum alteram, excogitatam ab Egregio Mathematico Jacobo Hermannò, quæ hoc idem præstat canone generali, quæcumque fuerit lex vis centripetæ.

Nimirum, si generaliter vis centripeta in omni loco  $p$  ellipsis mobilis  $apb$  fuerit, ut quantitas aliqua  $p$  ex datis, & variabili  $a$  utcumque composita directè, &  $a^2$  inversè, quia eadem vis centripeta est etiam, ut  $aff + lgg - lff$  directè, &  $a^2$  inversè; erit  $p = aff + lgg - lff$ . Unde, si porro decrementum infinitesimum magnitudinis  $p$  dicatur  $qda$ , erit  $qda = ffa$ , hoc est  $q = ff$ . Jam

ve-

verò, propter orbem ellipticum propemodum circulem, æquales sunt ferè  $a$ , &  $b$ ; adedque pro æquatione  $p = aff + lgg - lff$ , usurpari potest hæc alia  $p = lgg$ . Itaque erit, ut  $p$  ad  $q$ , ita  $lgg$  ad  $ff$ , five etiam, ut  $p$  ad  $ql$ , ita  $gg$  ad  $ff$ . Unde eruitur canon Hermannii, nempe, quod  $g$  sit ad  $f$ , ut  $\sqrt{p}$  ad  $\sqrt{ql}$ , five etiam, ut  $\sqrt{p}$  ad  $\sqrt{qa}$ .

Ita, si vis centripeta sit constans, fiet  $p = a^3$ , &  $q = 3aa$ : unde erit, ut  $g$  ad  $f$ , ita  $\sqrt{a^3}$  ad  $\sqrt{3a^3}$ , hoc est ita  $\sqrt{1}$  ad  $\sqrt{3}$ . Similiter, si vis centripeta sit reciproce, ut  $a^3$ , fiet  $p = a$ , &  $q = 1$ : unde erit  $g$  ad  $f$ , ut  $\sqrt{a}$  ad  $\sqrt{1}$ , hoc est in ratione æqualitatis. Atque ita quoque, si vis centripeta sit, ut  $a^n$ , fiet  $p = a^{n-3}$ , &  $q = n - 3a^{n-4}$ . Quare erit, ut  $g$  ad  $f$ , ita  $\sqrt{a^{n-3}}$  ad  $\sqrt{n-3a^{n-3}}$ , hoc est ita  $\sqrt{1}$  ad  $\sqrt{n-3}$ . Quæ omnia probè conspirant cum determinationibus, quas in iisdem legibus vis centripetæ ex Newtonianâ methodo paulò ante eruiimus.

#### MONITIUM AD LECTOREM.

**V**Acuis paginis explendis, simulque Operis perfectioni consulens, duo hic monitum Lectorem volo.

Primum est, quod in doctrinâ de resistentiâ solidorum, horizontaliter suspensorum, quum simpliciter prisina nomino, non aliud intelligi debeat, quàm quod talem habet basem, ut centrum gravitatis istius basis bisecet



secet ejus altitudinem. Alioqui enim falsæ essent omnes istæ propositiones, ibidem generaliter assertæ. I, quod momentum resistentiæ in prismatico homogæneo æstimari possit per basim, ductam in prismatis altitudinem; & momentum ponderis per factum ex pondere in longitudinem prismatis. II, quod quum momentum resistentiæ adæquat momentum ponderis, resistentia sit ad pondus, ut longitudo ad altitudinem. III, quod maximum pondus sustinens prisma in suspensione verticali sit ad maximum pondus sustinens in suspensione horizontali, ut longitudo ad altitudinem. Et IV, quod maximum pondus sustinens prisma suspensum verticaliter sit ad maximum pondus, quod sustinet innixum duobus fulcimentis, ut est longitudo prismatis dimidiata ad ejus altitudinem.

Alterum, quod theorema illud circa spatia epicycloidalia; nempe, quod si recta FN secet epicycloidem ad rectos angulos in puncto N, portio spatii epicycloidalis interni ABFN sit ad portionem correspondentem spatii circularis ABE, ut est  $2OC + OB$  ad  $OB$ , ostendi quoque possit in hunc modum. Nimirum portiones epicycloidis AN, AR sunt ad chordas AE, AQ, ut est  $2OC$  ad  $OB$ . Itaque differentia illarum portionum NR erit ad differentiam chordarum EX similiter,

FIG.  
94.95.



ter, ut  $2OC$  ad  $OB$ ; atque aded componendo  $NR \dagger EX$  erit ad  $EX$ , ut  $2OC \dagger OB$  ad  $OB$ . Oſtenſum eſt autem ( pag. 354 )  $FS$  æqualem eſſe ipſi  $EX$ . Itaque erit etiam  $NR \dagger FS$  ad  $EX$ ; ita  $2OC \dagger OB$  ad  $OB$ . Jam verò ob æquales  $FN$ ,  $BE$ , trapetiolum  $NFGR$  eſt ad exiguum triangulum  $EBQ$ , ut  $NR \dagger FS$  ad  $EX$ . Quare erit ex æquali, ut trapetiolum  $NFGR$  ad exiguum triangulum  $EBQ$ , ita  $2OC \dagger OB$  ad  $OB$ ; & propterea componendo erit etiam in hac eadẽ ratione ſpatium totum epicycloidale internum  $ABFN$  ad correfpondens ſpatium circulare  $ABE$ .

Horum primum ut Lectorem monitum facerem, Auſtor fuit Vir Eximius Auguſtinus Arianus, qui pro ſua humanitate paginas hæſce, ut edebantur, perluftrabat. Sed & alterum adjiciendum duxit inſigne Mathematicum decus Hyacinthus Chriſtophorus, quem ab hac vitâ recens exemptum, maximo diſciplinæ omnium detrimento, nemo eſt in hac urbe, qui graviter non lugeat. Nempe exiſtimabat Vir tum rerum cognitione, cum inorum probitate omni laude major, demonſtrationem ejus theorematis in opere allatam non omnibus probatam iri; adedque aliam voluit, ut loco ejus ſubrogarem.

F I N I S.







043257







Tab. II.










on the left

University of Toronto














































N.º 33

Num.º d'ordine

39



Armadio



BIBLIOTECA PROVINCIALE

Palchetto

*[Handwritten signature]*

21486

FONDO PIZZOFALCONE



